













# শরতের পূর্ণচন্দ্র।

উপন্যাস।

শ্রীহরিপদ ঘোষ প্রণীত।

---

অন্য কে কথিত পুস্তক লিখিবেন না,  
বা, ছবি আঁকিবেন না।

শ্রীরবীন্দ্রমোহন ঘোষ

১২৪১ মণিকতলা ষ্ট্রট, কলিকাতা।



কলিকাতা

২ নং গোদাবাগান ষ্ট্রট,

ভিক্টোরিয়া প্রেসে,

শ্রীনগেন্দ্রনাথ কোঁড়ার দ্বারা মুদ্রিত।

---

১৩১২।

*All rights reserved.*

মূল্য ১ টাকা মাত্র।

কাপড়ে বাধান মূল্য ১।৬০ মাত্র।







# বঙ্গোদ্দেশে ।

—:—

শরৎ ও পূর্ণচন্দ্র;

আজ কত দিন হইল, তোমরা এই ক্ষুদ্র পঙ্কিল পৃথিবী পরিত্যাগ করিয়া, ঐ সুদূরবর্তী নক্ষত্রমণ্ডলীতে পারভ্রমণ করিতেছ। হয়ত তোমরা এ পাপ পৃথিবীর পাপ কথা ভুলিয়া গিয়াছ। এখন হয়ত তোমরা সেই স্বর্গস্থিতা পবিত্রা দেবী ভুবনেশ্বরীর কোমল ক্রোড়ে আশ্রয় গ্রহণ করিয়া, অসার সংসারের মায়াকে চিরদিনের জ্ঞাত বিস্মৃতির গর্ভে নিমগ্ন করিয়াছ। কিন্তু এ জড় হৃদয়ের স্মৃতিপটে, তীক্ষ্ণ গৌড়শলাকা দ্বারা তোমাদের প্রতিকৃতি, সে পূর্বকথা, সে সমুদায় কে যেন এ জন্মের মত অঙ্কিত করিয়া রাখিয়াছে। এত বৎসরের বর্ষাধারেও সে জলন্ত ছবি ধুইয়া গেল না। ধাতু রে স্মৃতি! তাকে সঙ্গে লইয়া কতরাত্রি নীলাকাশের দিকে চাহিয়া থাকিতাম। বড় বড় তুইটি নক্ষত্রের একত্র সমাবেশ দেখিলেই মনে হইত যেন, তোমরা বৃগলীকূপে উদ্ভিত হইয়া স্বর্গের শোভা বিকীর্ণ করিতেছ। তোমরা কি কখন আমার মনের ভাব জানিতে পারিয়াছ? স্মৃতির চিরস্বরূপ, তোমাদের নাম এই ক্ষুদ্র সামান্ত পুস্তকের শীর্ষে দিয়া, আজ যেন, হৃদয়ে কথঞ্চিৎ শাস্তি অনুভব করিলাম। ইতি—

চন্দননগর ও  
হাজারিবাগ,  
খৃষ্টাব্দ ১৯১২।

শ্রীহরিশন্দ্র শোষ।



## অশুদ্ধি-শোধন পত্র ।

পৃষ্ঠা	পংক্তি	অশুদ্ধ	শুদ্ধ
১৬	১	ওট তালিতে	ও ই তালিতে
১১	১০	যে	সে
৪১	৪	তনাম	তনাম
৭৩	১১	মাঠের	বনের
৯৩	৩	নঃ সন্তান	নিঃসন্তান
৯৭	৩	তাঁহা	তাঁহাকে
১০৩	২	অটালিকা	অট্টালিকাময়
ঐ	২৪	দেশের	দেশের
১০৯	৪	কার	প্রকার
১১৯	১৪	পেমের	প্রেমের
১২১	২	সোপানে	সোপানে
ঐ	৮	পরিমিত	পরিমিত
১২৮	১৬	বন্ধের	বিষয়ের
১৩১	৬	আবার এ সরাজে	এসরাজে
১৩৭	২৪	লাল	লাল
১৪৬	১৩	কার	কারা
১৬৩	১৩	চক্ষের	চক্ষের
১৬৭	২০	কোথায়	কোথা
১৭৬	১৯	দিল তখন	দিয়া
২৩৪	১	এ	ও
২৪৭	০	চতুস্ত্রিংশ পরিচ্ছেদ ত্রয়স্ত্রিংশ পরিচ্ছেদ *	
২৭১	২১	প্রণয়-বিপণি	প্রণয় বিপণি
৩২০	৮	রামনারায়ণ	ব্রজেশ্বরী, রামনারায়ণ

\* একটা পরিচ্ছেদের সংখ্যা ভুল হওয়াতে অবশিষ্ট সমুদয়গুলির সংখ্যা ভুল হইয়াছে, তাহাতে পাঠের কোন ব্যাঘাত হইবে না। আরও অনেক ক্ষুদ্র ভুল রহিয়া গেল, তাহা সংশোধন অনাবশ্যক মনে হইল।



## বিজ্ঞাপন ।

### শরতেষ পূর্ণচন্দ্র

ও

এই গ্রন্থকার প্রণীত 'কাদম্বিনী' উপাশাস (মূল্য ১০/০ আনা) আমার নিকট ও কলিকাতার প্রধান প্রধান পুস্তকবিক্রেতার দোকানে পাওয়া যাইবে।

কাদম্বিনী সম্বন্ধে তিন খানি পত্র।—

—আপনি বাঙ্গালা অতি উত্তম লেখেন, অনেক দিন হইতে জানি। এবারেও কাদম্বিনীতে যে, সেই ক্ষমতার পরিচয় পাইলাম, তাহা নূতন করিয়া না বলিলেও চলে।

শ্রীঅক্ষয়কুমার সরকার।

চুঁচুড়া।

I finished Kadambari just within an hour so interesting it was to me. It is really praiseworthy, and I am sure it will command a ready sale.

Sd. S. B. Dutt Rai Bahadur,  
Chief Engineer.

তোমার প্রণীত 'কাদম্বিনী' পাঠে বড় আনন্দ অনুভব করিয়াছি। প্রেমের আবেগ, পিতৃভক্তির আদর্শচরিত্র এবং বিশ্বাসঘাতক নর-পিশাচের পরিণাম অতি সুন্দররূপে ঘণিত হইয়াছে।

Sd. M. L. Basu,  
Chinsurah.

কার, তাহার বুদ্ধি অতিশয় প্রখর। সে স্থানীয় একটা বিদ্যালয়ে পড়িত। এই স্কুলমার বয়সে, বাঙ্গালা সংস্কৃত ও ইংরাজীতে অনেকগুলি পুস্তক শেখ করিয়াছিল। গ্রামের পুত্র, রতিল 'সমবয়স্ক'; কিন্তু মা 'সর-স্বতীর এমনই অল্পগ্রহ' দে, তাহার 'রামখড়ীর মুখ' দিয়া 'এ'র ছবি আর কিছুতেই বাহির হইল না। গ্রাম-পত্নীর এ ক্ষোভ রাখিবার স্থান ছিল না। রতিল রূপ গুণ দেখিয়া তাহার হৃদয়ে প্রবল স্নেহ ও ভ্রিংশ উপস্থিত হইল।

এক দিন রামনারায়ণের স্ত্রী পদ্মমুখী প্রাক্ষণে দাড়াইয়া আছেন, এমন সময় একজন পরিচারিকা সম্মুখে উপস্থিত হইল। পদ্মমুখী ব্যাৎ হইয়া বলিলেন,—“ক্ষান্ত, মা ভাল আছেন ত?”

ক্ষান্ত। তিনি ভাল আছেন, কিন্তু তোমাকে দেখিবার জন্য বড়ই ব্যাৎ হইয়াছেন, তাই তোমায় লইয়া যাউতে আমার পাঠাইয়া দিয়াছেন।

পদ্ম। অনেক দিন বাপের বাড়ী হইতে আসিয়াছি, মাকে দেখিতে বড়ই সাধ হইয়াছে। ক্ষান্ত, মায়ের জন্য আমার প্রাণ সর্বদাই কেমন করে, কিন্তু কি করিয়া সংসার কেলিয়া যাই? শত্রুর মুখে ছাউ দিয়া, ছেলেটা পড়িতেছে; আমি গেলে হয়ত তাহার পড়া বন্ধ হইবে। যাই হোক কৰ্ত্তা আমুন, জিজ্ঞাসা করি।

ক্ষান্ত। মার বড় ইচ্ছা তোমায় একবার দেখেন, আর বয়স অধিক হ'য়েচে কিনা, তাই বলেন—“কখন আছি, কখন নেই, যদি পদ্মর মুখ দেখিয়া মরিতে পারি, তা'হলে মরণে আমার স্মৃতি হয়।”

পদ্মমুখী কি বলিতে উদ্বৃত্ত হইয়াছেন,—এমন সময়, কাশিতে কাশিতে, কৰ্ত্তা বাটার ভিতর প্রবেশ করিলেন। ক্রান্তবধু প্রাক্ষণে দাড়াইয়াছিল, শব্দ শুনিবামাত্র গৃহমধ্যে দৌড়িয়া প্রবেশ করিল। 'পত্নী ঘোমটা টানিয়া বলিলেন,—

## শরতের পূর্ণচন্দ্র ।

“মা যে নিয়ে যেতে লোক পাঠাইয়াছেন ?”

“র্যা—কে এসেছে ?”

“এই যে, ক্ষান্ত ।”

“কেমন ক’রে যাওয়া হ’বে । এ সংসার দেখিবে কে ? আর তুমি গেলেই যে রত্নির পড়া বন্ধ হয় ।”—এই বলিতে বলিতে শয়ন-কক্ষে প্রবেশ করিলেন । পদ্মমুখীও সঙ্গে সঙ্গে গেলেন । অনেকক্ষণ কথা বার্তার পর, কৰ্ত্তা বলিলেন,—“যদি নিতান্তই যেতে হয়, ত যাও, তবে ছই সপ্তাহের মধ্যে ফিরিয়া আসিতে হইবে ।”

পদ্ম । তুমি যখনই লোক পাঠাইয়া দিবে, তখনই চলিয়া আসিব । বাড়ী ছাড়িয়া কি আমি নিশ্চিন্ত হইয়া থাকিতে পারিব ?

রাম । বেলা ত প্রায় ষাট, শীঘ্র তৈয়ারী হ’য়ে পড় ।

পদ্মমুখী স্নিত মুখে চুল বাধিয়া লইলেন । সাজ সজ্জারও ত্রুটি হইল না । পাল্‌কী চড়িয়া বাহকের স্বন্ধে ভর দিলেন । অগ্নি ‘হুজুর-হুজুর’ শব্দ করিতে করিতে শিবিকা চলিয়া গেল । যাইবার সময় পদ্মমুখী দেবর-পত্নীকে মিষ্ট সম্ভাষণ করিতে ভুলিয়া গেলেন না ।

সন্ধ্যার সময় রতিকান্ত বাটীতে প্রত্যাগমন করিয়া ‘মা-মা’ বলিয়া ডাকিতে লাগিল । পিতা আসিয়া পুত্রকে সম্মুখে আহারীয় দ্রব্য দিলেন এবং রত্নির প্রশ্নোত্তরে তাহার মাতা কোথায় গিয়াছেন তাহার সম্বাদ দিলেন । সহসা যেন রতিকান্ত ক্ষুব্ধ হইয়া পড়িল, কিন্তু পিতার স্নেহালিননে শীঘ্রই প্রফুল্লচিত্তে পাঠে মনোনিবেশ করিল ।

একদিন দুইদিন করিয়া এক সপ্তাহ চলিয়া গেল । একদিন রতিকান্ত বিজ্ঞানলয়ে চলিয়া গিয়াছে, রামনারায়ণ আহারের পর গৃহমধ্যে বসিয়া তাণ্ডুলের সহিত তাম্রকূট সেবন করিতেছেন, এমন সময় ক্ষান্তদাসী বিষমমুখে বাটী প্রবেশ করিল । কৰ্ত্তা হঁকা ত্যাগ করিয়া

বাস্তবতার সহিত জিজ্ঞাসিলেন,—“সংবাদ কি? সকলে ভাল আছে ত? ” দাসী সুদীর্ঘ নিশ্বাস পরিত্যাগ করিয়া বলিল,—“দিদিঠাকুরাণীর বড় ব্যারাম—স্বর বিকার—তোমাকে এখনই ঘাইতে হইবে?”

অকস্মাৎ যেন দ্যামের হৃদয়ে বজ্রপাত হইল। মুখ শুকাইয়া গেল, ভাবী অমঙ্গলে মন পূর্ণ হইল। সনিম্নাদে বলিলেন,—“বলিস্ কি—আজ কয় দিন হইল?”

কাস্ত। আজ তিন দিন।

রাম। তবে এতদিন সংবাদ দিস্ নাহি কেন?

কাস্ত। এতদিন ত বাড়াবাড়ি হয় নাহি, কাল রাত্রে স্বর ভারি শব্দ হইয়াছিল। দিদি একেবারে অজ্ঞান হইতে গেল। চোক কপালে উঠিয়া গেল। ভুল বকিতে লাগিলেন। তাই, মা—তোমার নিকটে পাঠাইয়া দিলেন।

রাম। মহামুস্কিল যে কাস্ত! দেখিতেছে কে?

কাস্ত। সেখানের এক বৈদ্য। তোমাদের গ্রামের কবিরাজকে সঙ্গে নিতে হবে।

কর্ত্তামহাশয় মহাব্যস্ত হইয়া বহুকালের একখোড়া পুরাতন নাগরী জুতা বাহির করিলেন। ধূলি-পটলে সমাচ্ছন্ন হইয়া থাকাত্বে, জুতার রং যে কিরূপ তাহা বুঝিবার সাধা নাহি। মনের এমন্ অবগে যে, জুতা ঝড়িতে হইবে, তাহা স্মৃতিপথে উদয় হইল না। একটী মাক্কাতা-আমলের জ্বাণ জামা গায়ে দিলেন। চাদর স্কন্ধ ফেলিয়া জুতা পায়ে দিলেন। ‘শ্রীহরি-শ্রীহরি’ নাম করিতে করিতে প্রাঙ্গণে নামিলেন। ভ্রাতৃবধু গৃহমধ্যে ছিল, এইজন্ত আকাশকে সম্বোধন করিয়া বলিলেন,—“রতি গৃহে রহিল, তাহার যেন কোন অযত্ন হয় না। আমি এখন চলিলাম, কাল সন্ধ্যায়

আগে নিশ্চয়ই ফিরিয়া আসিব।” এই বলিয়া গমনোন্মুখ হইয়াছেন, এমন সময় পশ্চাৎ হইতে এক গোধিকা “টিক্ টিক্” শব্দ করিয়া উঠিল। রাম আর কথা বার্তা না কহিয়া এক দীর্ঘ নিশ্বাস ফেলিয়া সজোরে দাওয়ার উপর বসিয়া পড়িলেন। ক্ষণেক পরে উঠিয়া পুনরায় দেবতার নাম স্মরণ করিলেন। বিষম্বাচিন্তে ক্ষান্তকে বলিলেন,— “কি জ্ঞানি—কপালে কি আছে।” অনতিবিলম্বে তিনি বাটার বাহির হইয়া গেলেন।

এদিকে রতিকান্ত বাটীতে প্রবেশ করিয়া পিতাকে না দেখিয়া পিতৃব্যাণীকে কহিলেন,—“কাকী মা, বাবা কোথায়?”

পিতৃ। তোমার মামার বাটী চলিয়া গিয়াছেন; তোমার না বোধ হয় এযাত্রা রক্ষা পাইবে না। ভারি ব্যারাম—অজ্ঞান অভিভূত—

রতি আর স্থির হইয়া শুনিতে পারিল না। জলে ঢুট চক্ষু ভাসিয়া গেল। পিতৃব্যাণী সময় পাইয়া ঈষৎ ব্যঙ্গ করিয়া বলিল— “এত কান্না কেন বাছা, আপনার মার ব্যারাম হ’লে, এ কলিকালে ত কেহ এমন ভাবে অস্থির হইয়া উঠে না।—তোমার বাছা সব অতিরিক্ত।” স্কুমার বালকের হৃদয়ে আর এই বাক্যগুলি নিদারুণ ব্যথা প্রদান করিল। মন অত্যন্ত চঞ্চল হইয়া উঠিল। সে অগ্রতর উঠিয়া গেল। আহ্ন যে এইকথা নূতন শুনিল তাহা নহে। অনেক দিন হইতে জানিত যে, সে রাষ্ট্রস্বায়ংস্বায়ের পালক পুত্র; কিন্তু তাঁহার ও তাঁহার পত্নীর যত্ন ও ভালবাসায় মুগ্ধ হইয়া এতদিন সে চিন্তা মনোমধ্যে কখনও উদয় হয় নাই। আজ অকস্মাৎ যেন প্রশান্ত নদীবক্ষে উদ্ভাল তরঙ্গমালা প্রচণ্ড বেগে উখিত হইয়া কূলে আঘাত করিতে লাগিল। তাহার ক্ষুদ্র হৃদয় আজ উদ্বেলিত

হইল। এমন কঠোর ভাবে, এমন পুরুষ বচনে এই কথাই কেহ তাহার মুখের উপর পূর্বে বলে নাই। বালক মনে মনে কেবলই ভাবিতে লাগিল,—এ সংসারে আমি কে ? আমার পিতা মাতা কে ? কেন তাঁহারা আমাকে বিসজ্জন দিয়াছেন ? আবার কি আমি তাঁহাদিগকে কখন দেখিব ?

নিশা প্রায় দ্বিপ্রহর। সমস্ত মেদিনী নিস্তব্ধ ; মধ্যে মধ্যে শিবাকুলের কলরব ও ঝিল্লীর ঝি ঝি শব্দ ভিন্ন, অল্প প্রাণীর শব্দ প্রতিগোচর হইতেনি না। সকলেই নিদ্রাদেবীর কোমল কোলে স্রব্ধ। কেবল রতিকান্তের চক্ষে নিদ্রা নাই। ক্ষুদ্র জদয়ে এমন চিস্তার স্রোত পূর্বে আর কখন উঠে নাই। ভাবিতে ভাবিতে মস্তক উষ্ণ হইয়া উঠিল। তখন শয্যা পরিত্যাগ করিয়া নৈশ-সমীর্ণ সেবন মানসে ঘরের বাহির হইয়া প্রাক্‌গে আসিল। এমন সময় এক অশ্রুট ধ্বনি তাহার কণে প্রবেশ করিল। কৌতূহল এত বৃদ্ধি হইল যে, লোভ সত্ত্বরণে অক্ষম হইয়া শ্রামনারায়ণের কক্ষের দ্বারদেশে কর্ণ সংযোগ করিল। তাহার পিতৃব্যাণী বলিতেছে,—“উত্তর দাও—তোমার যে বাক্‌ রোধ হইল !”

শ্রাম। তাই ত, এ যে বড় শব্দ কথা !

পত্নী। তবে বিয়ে করিলে কেন ?

শ্রাম। তাইত—তাইত—ভয়ানক—

পত্নী। তাইত, তাইতর, কন্ম নয়। তুমি না পার—আমি পারিব। তুমি পুরুষ নামের কলঙ্ক, কুসার পাড় নাই, রতি প্রাতে বসিয়া যখন কুসার নিকট মুখ ধুইবে, তখন তাকে ধাক্কা মারিয়া ভিতরে ফেলিয়া দিবে। এ আর কত বড় কন্ম যে তুমি ভাবিয়া আকুল ?

## শরতের পূর্ণচন্দ্র ।

শ্রাম । একেবারে প্রাণে মারিবে ?

পত্নী । আধমারা করিলে কি চলিতে পারে ? মারিতে হয়ত একেবারে মারাই ভাল । পাপ হয় সেই সৰ্বনাশীর হইলে—আমাদের পোড়াকপাল, তাই তোমার দাদা সেই ছেলে কুড়াইয়া আনিল ।  
একি কম চঃপের কথা !

শ্রাম । আহা ! ছেলে নয় যেন রাজপুত্র—তোমার নারা হয় না ?

পত্নী । আবার ঐ এককথা ।—রাগি প্রভাত হউক, তার পল আমি দেখিব । তুমি ছেলে গুলোকে লইয়া বাটীর পাড়ির হইয়া যাইও ।

প্রত্যুত্তর দিতে শ্রামনারায়ণের আর সাহস হইল না । দূরে পেচকের গম্ভীর ধ্বনি হইল । শিবাকুল তুণ্ড কোলাহল করিয়া উঠিল । ক্ষণকালের জন্ত নৈশগগন বিচলিত হইয়া উঠিল । বালক দ্বারের নিকট দাঁড়াইয়া ভয়ে কাঁপিতেছিল । সমস্ত বিশ্ব চরাচর তাহার নিকট আজ অকস্মাৎ অন্ধকারে পরিপূর্ণ হইল । তেমন সুগম্ভীর যেন চিরদিনের তরে অস্তমিত হইল । তাহার সুকোমল দেহ আজ স্পন্দহীন । কোথা হইতে একথণ্ড কালমেঘ আসিয়া নিঃসলিল জদয়াকাশে বিষাদের ছায়া বিস্তার করিল । কি ভাবিয়া এক স্রদৌর্ঘ্য তপ্ত নিশ্বাস ফেলিল, তাহা বালক ভিন্ন আর কেহই বুঝিতে পারিল না । ভাবনায় সে রাগে ঝুগ হইল না ।

---

# দ্বিতীয় পরিচ্ছেদ



ভাই ভাই ঠাই ঠাই ।

পরদিন অপরাহ্নে রামনারায়ণ বাটীতে প্রত্যাগমন করিয়া, রতিকান্তকে না দেখিয়া “কিছু বিচলিত হইলেন ; পরে তাঁহার ভ্রাতৃবধূকে উদ্দেশ্য করিয়া রতিকান্ত কোথায় জিজ্ঞাসা করিলেন । পার্শ্বস্থিত কক্ষ হইতে, ভ্রাতৃজায়া আপন কণ্ঠ্যকে সম্বোধন করিয়া বলিল,—  
“বল্ না—আজ রতি সকাল বেলা কোথায় চলিয়া গিয়াছে, তাহা আমরা কেহই জানি না ; আমাদের কাহাকেও কিছু বলিয়া যায় নাট ; তিনি সেই সকাল বেলায় খুঁজিতে বাহির হইয়াছেন, এখনও ফিরিয়া আসেন নাট ।”

রাম । তাহাকে নিশ্চয় দুর্ব্বাকা বলা হইয়াছিল, নতুবা তেমন যাতা ছেলে কি রাগ করিয়া বাইতে পারে ?

ভ্রা-ব । বল্ না—আমরা কিছুই জানি না—স্মার আমরা তাহাকে কেন দুর্ব্বাকা বলিব ?

রাম । এখন সে গেল কোথা ? সেত তার আমার বাড়ী যায় নাই । অবশ্য ইহার ভিতর কিছু রহস্য আছে ।

তিনি ভ্রাতৃবধূর স্বভাব চরিত্র বিলক্ষণ জানিতেন, এইজন্য তাঁহার মনে সন্দেহ স্থান পাইল, তিনি অণ্ড কোন কথা না বলিয়া পল্লীর মধ্যে সন্ধান লইতে বাহির হইলেন ।

ভূজঙ্গম চলিয়া গেলে, মণ্ডুক যেমন প্রথমে গর্তের উপরিভাগে মুখ বাহির করিয়া চতুর্দিক্ নিরীক্ষণ করে ও পশ্চাতে নিঃশব্দে পদ



সঞ্চালন করিয়া বহির্গত হয়, শ্রামনারায়ণও সেইরূপ স্তম্ভকপদাবক্ষেপে প্রকোষ্ঠ মধ্য হইতে বাহির হইল। তাঁয়ে মুখ শুষ্ক ও, বিকৃত। স্ত্রীর মুখের দিকে স্থিরনেত্রে চাহিয়া রহিল। পত্নীরও সেই দশা। অতি কষ্টে ভাব গোপন করিয়া বলিল,—“এখন উপায় কর—এখানে আর থাকা চলিবে না।”

শ্রাম। উপায়? নিরুপায়। চল এখন বনের মধ্যে গিয়া বাস করিগে। এত বলিলাম, তাত তুমি শুনিলে না? যা ধরিবে তা ছাড়িবে না? এখন ফল হাতে হাতে।

পত্নী। রাত তখন ছপুর, সে যে আড়ি পাতিয়া শুনিলে, তাকি কেউ হাত গুণিয়া বলিবে?

শ্রাম। এষে পাপ, ঈশ্বর কি নাই—পরের মন্দ করিলে আপনার মন্দ আগে হয়, তাকি জান না?

পত্নী। এখন জানিয়া আর কি করিব? তুমি এই বেলা ব্যবস্থা কর, বড় বউএর সঙ্গে আমি ঝগড়া করিয়া তাহার ভিটাতে থাকিতে পারিব না। ভুগিত আপনার অংশ আগেই বেচিয়া সাফ করিয়াছ!

শ্রাম। মাঝের পাড়ার গোবরা তেলী তাহার ঘর বেচিলে, চল এখন হাতের বালা বন্ধক দিয়া তাহাই খরিদ করিগে। কপালে যাহা আছে তাহা ত ফলিবে?

পত্নী। কপাল নাচিতেছে।—কুড়ানো ছেলে আর ঘরে ফিরিবে না। ও মিলে কতদিন—তার পর কাহার ছেলে পুলে তালুকমূলুক ভোগ করিবে?

শ্রাম। তুমি এখন তাই ভাবচ? দাড়া বাঘের মত ছুটিয়াছে, ফিরে এসে কি করিবে, আমি তাহাই ভাবিতেছি।

পত্নী । সে ভাবলে কি হ'বে ; সে যা হবার তা হ'বে । মাঝ-পান থেকে সুখের আশায় কেন দিরাশ কর ?

রাত্রি ক্রমে অধিক হইতে লাগিল, 'রাম আর ফিরিয়া আসিলেন না দেখিয়া, স্বামী ও স্ত্রী চোরের ত্রায় নিঃশব্দে গৃহমধ্যে প্রবেশ করিল । পরদিনও রামের প্রত্যাগমন হইল না । দশদিন পরে, রাম ও পদ্ম-মুখী গৃহে ফিরিয়া আসিলেন । শোকে ও হুঃখে পদ্মমুখী ত্রিয়মাণা । বাটী প্রবেশ করিয়াই পদ্মমুখী র্তার নাম ধরিয়া, উচ্চৈঃস্বরে কাদিয়া উঠিলেন । পঞ্চদশ বৎসরের পুত্রশোক আজ নূতন হইয়া উথলিয়া উঠিল । রাম উত্তপ্ত চক্ষুজল মুছিতে মুছিতে গৃহমধ্যে প্রবেশ করিলেন । দৃষ্টি চারিদিকে ঘুরিতে লাগিল । রত্নির কোন দ্রব্য দেখিতে পাইলেই মনে কেমন আনন্দ অনুভব করিতে লাগিলেন । কতক্ষণ দেখিতে দেখিতে একখণ্ড কাগজের উপর তাঁহার দৃষ্টি আকর্ষিত হইল । তিনি চকিত ও ভীত হইয়া বলিয়া উঠিলেন,—“এই যে রত্নির হাতের লেখা ।” সকলে মহাবাস্ত হইয়া সেই দিকে চক্ষু ফিরাইল । কর্তা কাগজ হাতে লইয়া পড়িতে লাগিলেন,—“পিতঃ আসন্নমৃত্যুর হস্ত হইতে রক্ষা পাইবার জন্ত আপনার ও মাতাঠাকুরাণীর নিকট হইতে বিদায় লইলাম । যদি বাচিয়া থাকি, তবে দেখা হইবে ।”

কর্তা ক্রোধ ভরে কৰ্কশস্বরে বলিলেন—“কে ইহার মৃত্যু কামনা করে ? পদ্মমুখী স্ত্রী একেবারে রাগে আত্মহারা হইলেন । যাতাকে অনর্থের মূল স্থির করিয়া মহা কলহ উপস্থিত করিলেন । শেষে শ্রাম নারায়ণ ও পত্নী বাটী ছাড়িয়া অগ্ন্য্র আশ্রয় লইল । ‘ভাই ভাই ঠাই ঠাই’ হইলে পর, প্রকাশ্যে বিবাদ মিটিয়া গেল । ইক্কন অভাবে অগ্নি নিস্তাভ হইল ।

## তৃতীয় পরিচ্ছেদ ।



### এ বালিকা কে ?

মনের আবেগে রতিকান্ত প্রশস্ত রাজপথ ধরিয়া কতদূর চলিয়া গেল। পরে পথ ছাড়িয়া কখন বামে কখন বা দক্ষিণে ঘাইতে লাগিল—বেলা প্রায় দুইটা। পথশ্রমে ও ক্ষুধায় কাতর। এখন বাটা ফিরিবার ইচ্ছা হইতে লাগিল। যাহাদের পিতা মাতা বলিয়াই জানিত এবং যাহারা পুত্র নির্বিশেষে তাহাকে প্রতিপালন করিয়া আসিয়াছে, এখন তাহাদের জ্ঞান বাকুল হইয়া উঠিল। এক ক্ষুদ্র দোকানে উপস্থিত হইয়া যৎকিঞ্চিৎ আহার করিয়া লইল। মনের সহিত শরীরের কেমন ঘনিষ্ঠ সম্বন্ধ। শরীরের বলের সহিত মনের তেজ ফিরিয়া আসিল। বালক তখন মনে মনে কত তর্ক বিতর্ক করিল, ভাবিল—আমি কাহার পুত্র ? কেন গর্ভধারিণী আমাকে জন্মের বনে পরিত্যাগ করিয়া গেলেন ? আমি কি আজীবন আমার পিতা মাতাকে জানিতে পারিব না ? কে—কেহুত এই পনর বৎসর আমার উদ্দেশ করে নাই ? আমি ত এখন বড় হইয়াছি ; একবার কি আমার পিতা মাতার উদ্দেশ করিলে ভাল হয় না ? হলেম্বরে ফিরিয়া গেলেও আমার সমূহ বিপদ। না, জানি কি উপায়ে আমার খুড়ী আমার প্রাণ নষ্ট করিবে ? মনে মনে এইরূপ চিন্তা করিয়া হলেম্বরে আর ফিরিব না, এই সিদ্ধান্তে উপস্থিত হইল ; কিয়ৎক্ষণ দোকানে বিশ্রাম করিয়া পুনরায় চলিতে লাগিল।

যাইবার কোন নির্দিষ্ট স্থান নাই। পথে থাকিবার মত সুবিধা কোথাও দেখিল না। অগত্যা এক গ্রাম ইঁহাতে অল্প গ্রামে যাঠিতে লাগিল। এই-রূপ পাঁচ দিন অনবরত ভ্রমণ করিয়া শেষে নারায়ণগড়ের জমিদার বাবু নরেন্দ্রলাল রায়ের অট্টালিকাতে উপস্থিত হইল। নরেন্দ্রলাল পঞ্চায়ৎসরে পদার্পণ করিয়াছিলেন। তিনি যেমন সজ্জন তেমনই পরোপকারী ছিলেন। লোকের হিত সাধনে তিনি সর্বদাই বাস্তব। পূর্বে তাঁহার পূর্ব পুরুষ শঙ্করনারায়ণ এই স্থানে একটা ক্ষুদ্র রাজ্য সংস্থাপন করেন। কালে সে রাজ্য মুসলমান সাম্রাজ্যভুক্ত হইয়া মেদনীপুর জেলার সহিত মিলিত হয়। ইংরেজদিগের অভ্যুদয় সময়ে তাঁহার পিতামহ, লর্ড কণ-ওয়ালিস ইঁহাতে তাঁহার রাজ্যের পরিবর্তে জমিদারী ফিরিয়া পাইলেন। সেই ইঁহাতে তাঁহার জমিদার হইলেন। যৌবন কালে নরেন্দ্রলাল ব্যবসা বাণিজ্যোপলক্ষে কলিকাতায় থাকিয়া প্রচুর অর্থোপার্জন করেন। তথায় তাঁহার রেশমের কারবার এখনও চলিতেছিল। জ্যেষ্ঠ পুত্র কেশবশঙ্কর কলিকাতায় থাকিয়া তাঁহার কাষ্যভার গ্রহণ করিয়াছিলেন। ইঁহার বয়ঃক্রম তখন প্রায় ছাব্বিশবৎসর হইবে। দ্বিতীয় পুত্র কৃষ্ণশঙ্কর অষ্টাদশবৎসরে পদার্পণ করিয়াছে। নারায়ণগড়ের বিদ্যালয়ে সে অধ্যয়ন করিতেছিল। পিতার যাবতীয় গুণ এই যুব বালক ক্রমে ক্রমে অধিকার করিয়াছিল। পিতা সেই জন্য এই যুবাকে প্রাণাপেক্ষা ভাল বাসিতেন। এই দুই পুত্র ভিন্ন, তাঁহার আর কোন সন্তান ছিল না।

নরেন্দ্রলালবাবু রতির চমৎকার গঠন শ্রী, সরলতা পূর্ণ নলিন মুখখানি দেখিয়া একেবারে গলিয়া গেলেন। স্নেহে বলিলেন, “তুমি কে ?—এখানে কেন আসিয়াছ ? আমি ত তোমাকে কখনও দেখি নাই।” নিরুত্তর দেখিয়া বলিলেন,—“ভয় নাই, তুমি নিঃশব্দে আমাকে তোমার দুঃখ বল।” এই সাক্ষাৎ বাক্য শুনিয়া রতির হৃদয় গলিয়া

গেল। বালক কাদিতে কাদিতে জীবনের কাহিনী বলিল। তিনি তাঁহাকে অভয় দিয়া কহিলেন, “ভয় নাই—তুমি নিরুদ্বেগে আমার বাটীতে বাস কর। আমি আজ হইতে তোমার প্রতিপালনের ভার লইলাম। তদবধি রতিকান্ত নারায়ণগড়ে বাস করিতে লাগিল।

রতিকান্তের স্বভাব অতি মনোহর। কিছু দিনের মধ্যে সে সকলের প্রিয় হইয়া উঠিল। কৃষ্ণশঙ্করের সহিত অল্প সময়ের মধ্যে চমৎকার ভ্রাতৃত্ব জন্মিল। উভয়ের বয়ঃক্রম প্রায় এক, বিদ্যা এক, স্বভাব দুজনেরই মধুর। কৃষ্ণশঙ্কর বড় তেজস্বী ছিলেন। তাঁহার সম্মুখে অজ্ঞায় কথা কহিতে কাহারও সাহস হইত না। রতিকান্তের একপা প্রাথমা একেবারেই ছিল না। অল্প ও কটু তাহার স্বভাবের কোন স্থান অধিকার করিতে পারে নাই। মিষ্ট কথায় সহজে ও স্তম্ভাক্রমে তর্কবীরকেও রতিকান্ত বশীভূত করিতে পারিত। কৃষ্ণশঙ্করের প্রভা যেন সূর্য্যের মত প্রখর, অধশ্যচারী ব্যক্তি তাঁহার দিকে তাকাইতে ভয় করিত। রতিকান্ত যেন পূর্ণিমার চাঁদ, যতই তাহাকে দেখিবে, ততই তাহাকে প্রাণ ভরিয়া দেখিবার জ্ঞান আকাজ্ঞা জন্মিবে। এ হেন বালককে অল্পদিনের মধ্যেই নুবেন্দ্রলাল পুত্ররূপে গ্রহণ করিলেন। তাঁহার পত্নী শঙ্করী কৃষ্ণশঙ্করকে ও রতিকে সমান স্নেহ চক্ষে দেখিতে লাগিলেন। বাটীর পরিজনেরা সকলেই রতির উপর অমুরক্ত হইয়া পড়িল। সকল নিয়মের নাকি ব্যতিক্রম আছে, এই জ্ঞান বুঝি রতিকান্ত কেশবশঙ্করের দ্বীর চক্ষের শূল হইল।

বাটীর পরিজন ভিন্ন প্রভাবতী নাম্নী এক স্নেহময়ী কন্যা বাস করিত। ইহার বয়ঃক্রম প্রায় দ্বাদশ বৎসর। প্রভাবতী কাহার কথা, কোথা হইতে, কি জ্ঞান এই বাটীতে আসিল, তাহা কেহই জানিত না। আজ আট বৎসর হইল, দিপ্রহর রতনীতে ভূত কানাই নিজের শরনক্ষে

বসিয়া রামায়ণ পাঠ করিতেছিল, এমন সময় বাটীর বহির্দিশে অশ্রুট শব্দ শুনিতে পাইয়া জানালার নিকট উপস্থিত হইল। সে রাত্রি অকাশে মেঘ উঠিয়া চারিদিক্ ঘেরিয়া ফেলিয়াছিল। একটা নক্ষত্রও গগনে মিট মিট করিতেছিল না। দাররক্ষক প্রহরীর দল নিদ্রায় অভিভূত। কানাই কান খাড়া করিয়া এক মাস্ত শুনিতে লাগিল এবং ভাবিতে লাগিল “ব্যাপার খানা কি ?” এক জন বলিতেছে—“ঐখানে—ঐ বারান্দার উপর রাখিয়া দাও ভাই !”

দি। না—না—তাকি হয় ?

প্র। ভয় কি ? এ সময় কে আসিবে, কেহ জানিতেও পারিবে না।

দি। তবেই সর্বনাশ ! জানিতে না পারিলে কি হবে ?

প্র। তবে জানাও আমি চল্লুম, তুমি বড় দয়াল হয়েচ !

দি। ( অপেক্ষাকৃত উচ্চৈঃস্বরে ) উপযুক্ত বন্দোবস্ত কর, নইলে আমি যাইব না। আমি সব পারি—অনর্থক নিন্দোদ্বীকে খুন করিতে পারিব না, বড় বৃষ্টিতে হয়ত এখনই মরিয়া যাইবে।

এই সময় তৃতীয় ব্যক্তি আসিয়া কহিল,—“ঐ ব্যাড়াওয়ান রাখিয়া দে, হয় এই রাত্রে, না হয় কাল সকাল বেলা দ্বারবানদের দৃষ্টিতে পড়িবে।

দি। না প্রভু, বালিকাকে কুকুরে মুখে করিয়া লইয়া যাইবে। তাহা হইলে অকারণে প্রাণী বধ করিলাম ; আর উদ্দেশ্যও সিদ্ধ হইল না।

তু। তোমার কথা জ্ঞাতশিক সত্য, কিন্তু তা বলিয়া কি তুমি সকল সময় তর্ক করিবে ? সময় যে নাই, এই রাত্রির মধ্যে বিশ ক্রোশ অতিক্রম করিতে হইবে। ইচ্ছা হয়—আকাশভেদী হাঁক দাও, বাটীর লোকেরা ব্যস্ত হইয়া বাহির হইবে ; এই অবসরে আমরা চলিয়া যাইব।

ছি। ঠাক দিলে সুবিধা না হইয়া অনর্থ হইতে পারে ;—  
আপনার আজ্ঞা শিরোধার্য্য করিলাম ।

ক্রমে ভগৎ নিস্তর হইল। বাহারা আসিয়াছিল, তাহারা যেন চলিয়া যাইতে লাগিল। অদ্ভুত শব্দ ও তাহাদের সঙ্গে সঙ্গে মিলিয়া গেল। কানাই দ্বারবানের ঘন ভাঙ্গাইতে গেল। আজ বেহুঁস হইয়া রক্তপূত বীর রামসিং নিদ্রা যাইতেছিল। ঠাকা হাঁকি ডাকা ডাকিতে রামসিং কেবল পার্শ্ব পরিবর্তন করিল। তখন কানাই তাহার উপর চড়িয়া নাসিকা টিপিয়া ধরিল। নাসিকার সংহর্জুন থামিয়া গেল। বীর চক্ষু মুছিতে মুছিতে উঠিয়া বসিল। কানাইএর কথা শুনিয়া বলিল,—“আমি একা ডাকাত ধরিব নাকি ? লচমন সিংকে উঠাও, লাঠি বন্দুক তরওয়ার লইয়া প্রস্তুত হউক। অগ্রাগ্র সর্দারদের সংবাদ দাও, তাহারাও কোমর বাধিয়া আসুক। সদর দরজা খুলে বাহির হওয়া ও মাথা দেওয়া কি সোজা কথা ?” কানাই হাসিয়া বলিল—“ও সিংহ মহাশয় ! শীকার পালাইয়াছে, ভয় নাই, তোমার নাসিকার গর্জনেই তাহারা অস্থির—এখন উঠ—সদর দ্বার খোল ; আমি এই উঠিলাম ।”

এই বলিয়া কানাই উঠিয়া পড়িল। রামসিং, লচমন সিং, অর্জুন সিং, অগত্যা তাহার পশ্চাতে লাঠি ও তরওয়ার লইয়া যাইতে লাগিল। দ্বার খুলিয়া কানাই লণ্ঠন দিয়া চারিদিক্ দেখিতে লাগিল। এক চারি বৎসরের ক্ষুদ্র বালিকা তপ্তকাঞ্চন প্রভায় দশদিক্ আলোকিত করিয়া, এক খণ্ড ছিন্ন বস্ত্রের উপর অকাতরে নিদ্রা বাইতেছে। বাটার পরিজনেরা আসিয়া উপস্থিত হইলেন। সকলেই অবাক্ হইয়া সেই বালিকার দিকে দৃষ্টি নিক্ষেপ করিয়া রহিলেন। সকলেই ভাবিলেন, “এ নিশীথে কে—কাহার অভাগিনী তনয়াকে পরিত্যাগ করিয়া গেল ? কাহার হৃদয় এতদূর কঠিন !” °

বালিকার নিদ্রাভঙ্গ হইলে, সে সকলের মুখের দিকে চাহিয়া যখন একটাও পরিচিত মুখ দেখিতে পাইল না, তখন কাঁদিয়া উঠিল। যখন কিছুতেই তাহার সাহুনা হইল না, তখন নরেন্দ্রলালবাবু তাহাকে কোলে উঠাইয়া পল্লীকে সম্বোধন করিয়া বলিলেন,—“তোমার কন্ডার বড় সাধ ছিল, আজ সেই সাধ জগদীশ্বর মিটাইয়া দিলেন ; তুমি ইহাকে কন্ডা মনে করিয়া লালন পালন কর।”

নরেন্দ্রলালবাবু বালিকাকে বলিলেন,—“তোমার নাম কি ?” অশ্রুটস্বরে বালিকা বলিল ‘প্রভা’। সকলে মনে করিল, তাহার নাম প্রভাবতী। সেই অবধি বালিকা সেই গৃহে কন্ডার আয় সময়ে লালিতা পালিতা হইতে লাগিল। তাহার নাম ভিন্ন সে আর কিছুই বলিতে পারে নাই।



# চতুর্থ পরিচ্ছেদ ।

## ভালবাসার পরিণাম

কিছুদিনের মধ্যে প্রভাবতার সহিত রতিকাশ্বরের প্রণয় জন্মিল, সেই প্রণয় দিন দিন জল সেচনে পরিবর্দ্ধিত হইয়া, উভয়ের হৃদয় ক্ষেত্র মূল বিস্তার করিল। অতি অল্প সময়ের বিচ্ছেদও দারুণ কষ্টের কারণ হইল। ক্লেশশঙ্করও প্রভাকে প্রাণাপেক্ষা ভাল বাসিত। তাহারা তিন জনে একত্রে পাঠ করিত, গল্প করিত, উদ্যানে নানারূপ ব্যায়াম ও ক্রীড়া কৌতুক করিয়া বেড়াইত। বাস্তবিক বলিতে কি, প্রভা তাহাদিগের উভয়ের বড় আদরের সামগ্রী হইয়া উঠিল। শিক্ষা ও স্বভাব গুণে বাল্য গুণবতী ও যৌবনসমাগমে পরম রূপলাবণ্যসম্পন্ন যুবতী হইয়া উঠিল। স্ত্রের সময় শীঘ্র যায় ; দেখিতে দেখিতে চারি বৎসর চলিয়া গেল।

প্রভা ও রতিকাশ্বরের জীবনে অনেক সাদৃশ্য ছিল। দুই জনেই পিতৃমাতৃহীন, সংসারে কোথা হইতে, কেমন করিয়া আসিল, তাহা দুই জনেই অনভিজ্ঞ। উভয়ের স্বভাবে কেমন মধুরতা, কেমন কোমলতা ছিল যে, একজন অপরে শীঘ্রই আকৃষ্ট হইয়া পড়িল। প্রভা, দাদা বলিয়া রতিকে আহ্বান করিত এবং সহোদরা যেমন জ্যেষ্ঠ সহোদরকে ব্যবহার করে, সে ঠিক সেইরূপ কৃত্রিম।

রতিকে দেখিলে প্রভার মুখ-মণ্ডল প্রফুল্লিত গোলাপের স্তায়

কটিয়া উঠিত। অধরে হাসি ধরিত না। কন্দদন্তুপাতি দিয়া হাসির লহরী উলিয়া পড়িত। উভয়ে একত্রে বসিয়া অসঙ্কচিত চিত্রে পরস্পরের স্তম্ভ ভাঙের কথা কহিত।

ক্রমে প্রভার ভাবান্তর উপস্থিত হইল। কুমারকে দেখিলে তাহার সম্মিত মুখখানি আপনা হইতে নত হইয়া পড়িত। গাওদেশ লোভিত হইয়া উঠিত। মুখ তুলিয়া কথা কহিতে বড় লজ্জা বোধ হইত। অথচ তাহাকে অনেকক্ষণ না দেখিলে চিত্ত বিকল হইত। প্রভার এই আকস্মিক পরিবর্তনে কুমারের মনে বিস্মিত ও সংকুচিত হইল। সে আর বড় একটা তাহার নিকট যাইত না, বা যাইতে সাহস পাইত না।

কখন কি হয় কে বলিতে পারে? কালের উপর কাহারও ক্ষমতা নাই। সকলেই কালের বশ। এই নিয়মাবলী হইয়া রতিকান্ত জন্মে আক্রান্ত হইল; ক্রমে রোগ অত্যন্ত প্রবল হইয়া উঠিল। সকলেই চিন্তাবদ্ধ, সকলেরই মুখ ম্লান। তাহার জীবনের আশা ক্রমেই কম হইয়া আসিতে লাগিল। প্রথমে সামান্য একজন চিকিৎসক দেখিতেছিল, এখন তাহা দ্বারা বিশেষ ফল পাওয়া অসম্ভব; এইজন্য আশুতোষ ডাক্তারের জ্ঞান লোক ছুটিল। যে সময়ের কথা লিখিতেছি, তখন দেশে ডাক্তার ভই একস্থানে পাওয়া যাইত। মেডিকেল কলেজ তখন প্রতিষ্ঠিত হয় নাই। কোন কোন সদাশয় ইংরেজ ডাক্তার অতি কষ্ট স্বীকার করিয়া ও যত্ন সহকারে ভই চারি জন উৎসাহী যুবককে শিক্ষা দিতেন মাত্র। আশুতোষ বাবু পিতার সহিত কলিকাতায় থাকিতেন। তিনি এই সুযোগে ইংরাজী চিকিৎসা শাস্ত্রে ব্যুৎপত্তি লাভ করিয়াছিলেন। ডাক্তারের হাত যশ যথেষ্ট ছিল। তবে চিকিৎসকেরা ডাক্তারকে ক্লান্ত করিবার জন্য নানা কথা প্রচার করিয়া বেড়াইত। আশু বাবু আসিতেছেন শুনিয়া, বাটীর

## শরতের পূর্ণচন্দ্র ।

লোকেরা, এমন কি রোগী বুঝিতে পারিল যে, পোড়া খুব শক্ত হইয়া উঠিয়াছে, এমন কি জীবন লগিয়া সংগ্রাম চলিতেছে ।

রতি শয্যাগত হইলেই, প্রভা দিন রাত্রি অলেন্দে তাহার শুশ্রূষা করিতে আরম্ভ করিল। গতরাত্রি সে রোগীকে অনবরত ব্যঞ্জন করিয়াছিল ; প্রাতে তাহার আলস্য বোধ হইল। শয্যায় শয়ন করিল, কিন্তু নিদ্রা হইল না। শয্যায় কণ্টক কুটে লাগিল। উঠিয়া আবার রতির পাশে গিয়া বসিল। রতির বণ নলিন হইয়াছে, চক্ষের জ্যোতিঃ হ্রাস হইয়াছে, কলম্বর ক্ষীণ। নাড়ী কখন আছে, কখন নাই। বক্ষঃস্থল ঘন ঘন নড়িতেছে। শ্বাস খুব প্রবল। মনে হয় যেন প্রাণবায়ু বহির্গত হইতে আর বিলম্ব নাই।

প্রভা পদপ্রান্তে বসিয়া একদৃষ্টে রতির শুষ্ক মুখের দিকে চাহিয়া ছিল। অনর্গল নয়নবারি বিগলিত হইয়া তাহার পদদেশ আদ্র করিতেছিল। এক একবার আকুল বচনে উদ্ধৃ মুখে ঈশ্বরের নিকট রতির জীবন ভিক্ষা করিতেছিল। রতির সংজ্ঞা ক্ষণেক লোপ পাইতেছিল। তৈলহীন প্রদীপের শিখার ত্যায় একবার নির্বাণ প্রায়—আবার সমুজ্জ্বল হইতেছিল। প্রভার চক্ষে জল দেখিয়া রতি কহিল,—  
“কাঁদচ কেন ?”

প্র। না, কাঁদিনি।

র। তোমার মুখ লাল, চক্ষে জল।

প্র। ( অধোবদনে ) না—আমিত কাঁদিনি

র। আমার কি হ'য়েচে ?

এবার প্রভা উত্তর দিতে পারিল না। এবার ছনয়নের বারি আর থামাইয়া রাখিতে পারিল না। কাঁদিয়া বুক ভাসাইল। কণকাল নত বদনে থাকিয়া সে রোগীর মুখ দেখিয়া ভীত হইয়া চীৎকার করিয়া

উঠিল। সকলে দৌড়িয়া আসিল। স্বীলোকেরা ভাব দেখিয়া কাঁদিবার বেশ উত্থোগ করিল। নরেন্দ্রলাল বাবু অবস্থা দৃষ্টে অতি কষ্টে চক্ষের জল সংবরণ করিয়া কানাইকে বলিলেন,—“দেরি নাই, প্রস্তুত হওগে।” এই গোলযোগের সময় কৃষ্ণশঙ্কর আশুবাবুকে লইয়া রোগীর গৃহে প্রবেশ করিল। রোগীকে দেখিয়া ডাক্তার বলিলেন,—“মৃত্যুর বিলম্ব আছে—এই জ্বর কমিয়া গেলে, আর একটা জ্বর আসিবে, সেই জ্বরের অবসানে নাড়ী ছাড়িয়া ষাটতৈ পাবে।” কৃষ্ণশঙ্কর ব্যস্ত হইয়া বলিল, “মহাশয়, উপায় কি কিছু আছে?”

ডা। আছে বৈ কি! নাড়ীকে সবেল করিবার ঔষধ দিব, আর সে জ্বর আসিবে তাহাকে দীর্ঘকাল স্থগী করিতে হইবে, ইহার মধ্যে শরীরের পরিবর্তন আপনা হইতেই হইবে। -

ডাক্তারের সহিত রাম সিং চলিয়া গেল। দুই শিশি ঔষধ শীঘ্র লইয়া আসিল। ঘণ্টায় ঘণ্টায় প্রভা ঔষধ সেবন করাইতে লাগিল। অচেতন দেহ প্রায় সচেতন হইয়া উঠিল। এক সপ্তাহ পরে রতিকান্ত শয্যা পরিত্যাগ করিল। কৃষ্ণশঙ্করের আনন্দের সীমা রহিল না। প্রভার মুখে আবার হাসি দেখা দিল।

এই হাসি কিন্তু প্রভার সর্বনাশ করিল। এত দিনের পর সাক্ষাৎ সরলতার প্রতিমায় যেন কলঙ্কের চিহ্ন প্রকাশ পাইল। এতদিনের পর নির্মল সরসী জলে কলুষ ভাসিয়া উঠিল। নরেন্দ্রলাল বাবুর পত্নীর ছই চক্ষু লাল হইয়া উঠিল। বাটীর দাসী বামা কত ভাবে কত কি বলিতে লাগিল। কেশবশঙ্করের স্ত্রী, রত্নির নামে কত কবিতা পড়িয়া শুনাইল। নারীপুরে রতিকান্তের প্রবেশ নিষিদ্ধ হইল, অধিকন্তু সে স্থান পরিত্যাগের আজ্ঞা প্রচার হইল।

রতিকান্ত বহির্বাটীতে একাকী বসিয়া আছে। বাটীর ভিতর কি যে

হাণ্ডন জলিতেছিল, তাহা সে বুঝিতে পারে নাই। তবে ভিতরে যে একটা গোলযোগ হইতেছিল, তাহা একরূপ বুঝিতে পারিল। ব্যাপার কি, সন্ধান লইবার জন্ত উঠিতেছে, এমন সময় বামা ভাতের হাড়ীর মত মূগ্ধ ভাব করিয়া গৃহ মধ্যে প্রবেশ করিল। মুখে যাহা আসিল তাহা শুনাটিল, অবশেষে গৃহিণীর আদেশ প্রচার করিয়া গেল। রতি এক বিষম সমস্যায় পড়িল। নরেন্দ্রলালবাবু ও কৃষ্ণশঙ্কর রেশমের কারবার দেখিবার জন্ত উভয়ে কলিকাতায় চলিয়া গিয়াছেন। বাটীতে অভিভাবক পুরুষ কেহই ছিল না যে, তাহার সহিত পরামর্শ করিবে। অথচ তাহার অপরাধ যে কি, তাহা বামা পরিষ্কার করিয়া কিছু বলিয়া গেল না। এ স্থলে কি কন্তবা তাহাই স্থির করিতে অসমর্থ হইয়া, প্রভাকে দেখিবার জন্ত তাহার প্রকোষ্ঠের দিকে দৃষ্টিক্ষেপ করিল। তাহার স্থির বিশ্বাস ছিল, প্রভা উপস্থিত হইয়া সকল বিষয় তাহাকে বুঝাইয়া দিবে। অনেকক্ষণ প্রভার আগমন অপেক্ষা করিয়া রহিল; কিন্তু এ ছুঃখের দিনে সে বালিকার আর কোনই উদ্দেশ্য নাই দেখিয়া, রতিকান্ত প্রভার প্রকোষ্ঠের দিকে সতৃষ্ণ নয়নে পুনঃ পুনঃ দৃষ্টিপাত করিল। কতক্ষণ পরে দেখিল, মুক্ত বাতায়নের নিকট সে নতমুখে বসিয়া আছে। মুখে হাস্য নাই, নয়ন-নীলোৎপলে সে জ্যোতিঃ নাই। কবরী আলু থালু, বসন শিথিল। কপোলে হস্ত বিন্যস্ত করিয়া মুহূর্ত্তঃ দীর্ঘ নিশ্বাস পরিত্যাগ করিতেছে। এ কি ভাব! রতির আর স্থিরতা রহিল না। অনিমেস লোচনে সেই দিকে চাহিয়া রহিল।

কতক্ষণ পরে অভাগিনী, “শেষে এই ছিল” বলিয়া আকাশে দৃষ্টিক্ষেপ করিল। অমনি রতিকান্তের সহিত চারি চক্ষের মিলন হইল। রতি ভাবিয়াছিল, প্রভা এইবার তাহাকে সম্বোধন করিয়া অন্ততঃ কিছু বলিবে। কিন্তু বালিকা মুখখানি গাঢ় বিষাদভরে মাটির দিকে ফিরাইল।

রতি অধৈর্য হইয়া অনেকক্ষণ অপেক্ষা করিয়া রহিল ; কিন্তু সে শুধু কমল আর উপরে উঠিল না। এ ভঃপের ক্ষি সীমা আছে ? ঘন ঘন দাঁঘ নিশ্বাস ও চক্ষের জল ফেলিতে ফেলিতে নিজের কক্ষে উপবেশন করিল। • যে প্রভা তাহার জন্য সমুদায় অস্তিত্ব, যে অকাতরে তাহার জন্ম সকল ক্লেশ সহ্য করিতে পারে, এমন কি প্রাণ পণ্যান্ত উৎসর্গ করিতে পারে, আজ কিনা সে নয়ন নিঃক্ষেপ করিতে ও কষ্ট জ্ঞান করিবে ? নিম্ন প্রদাচ উপস্থিত হইয়া : তাহার অন্তরে ভয়ানক মশ্মপীড়া দিতে লাগিল। মন একান্ত অধীর হইয়া উঠিল। জীবনের জন্য আর তিল শঃয়া রহিল না। নিম্ন মনে, উদাস প্রদয়ে নরেকলালের বাটা হইতে চলিয়া গেল। মনে হইতে লাগিল কেহ যেন শঃয়ই তাহাকে ফিরাইয়া লইয়া যাইবে, অপরাধত তাহার কিছুই নাই। এ আশা যে চলনা মাত্র, তাহা পথে বাহির হইয়াই স্থিরিত পারিল।

প্রভা সেই বাতায়ন পথে, সেই অধোবদনে বসিয়া আছে। নয়ন-জলে বুক ভাসিয়া গিয়াছে। এক একবার মৃথ মুছিয়া ফেলিতেছে। সেই সময়ে বামা অলিন্দে উপস্থিত হইয়া, প্রভা শুনিতে পায়—এইরূপ উচ্চৈঃস্বরে যেন আপনাপনি বলিতে লাগিল, “কি বিষম ব্যাপার !— এমন কঃ্ম কি করিতে হয় ? তাই কাহাকে ও কিছু না বলিয়া, চুপি চুপি কঃ্তা কলিকাতা হইতে ফিরিয়া আসিবার পূর্বেই বাটা হইতে পলাইয়া গেল।” কথা শুনিয়া প্রভা আর চক্ষু দেগিতে পাইল না, কর্ণে শুনিতে পাইল না, সহস্র বহু যেন মস্তকে ভাঙ্গিয়া পড়িল। অনগল অঃ্ম বিসর্জন করিতে কন্মিতে বলিল,—“রতিকান্ত গিয়াছে, তবে কি আর আসিবে না, জন্মের মত চলিয়া গেল ? কে আর মধুর বাক্য শঃ্মনা করিবে ? প্রভা বলিয়া কে আনায় প্রিয় সম্ভাষণ করিবে ? হত-ভাগিনী কাহার কাছে যাইয়া মনের জালা নিবারণ করিবে ? কে

আর বাথার বাগী হইবে ? তা রতি ! আমি কেমন করিয়া জীবন পারণ করিব ?”

ক্রমে চিন্তা প্রবল হইতে লাগিল । অদয়াকাশ অন্ধকারে পূর্ণ হইল । বাসগৃহ আশান সম বোপ হইল । সকলকে শত্রুবৎ মনে হইল । কতক্ষণ শযায় মুখ লুকাইয়া রহিল । শেষে করুণ স্বরে বলিল, “কে আমার সর্বনাশ করিতে চায় ? কাহার চরণে আমি এত অপরাধ করিয়াছি ?”

## পঞ্চম পরিচ্ছেদ ।



### বিনোদিনী ।

নরেন্দ্রলালের ছোট্ট পুত্র কেশবশঙ্করের স্ত্রীর নাম বিনোদিনী । তাহার একমাত্র পুত্র, বয়ঃক্রম সাত্ৰ তিন বৎসর । কেশব যেমন গণ্যপায়ী তেমনি চরিত্রবিহীন । স্ত্রী স্বভাব ও সুলভ্য, কিন্তু তাহার চক্ষু সে সৌন্দর্য্য দেখিয়া পরিতৃপ্ত হইত না, সে স্তম্ভুর স্বর শুনিয়া শ্রবণেন্দ্রিয় চরিতার্থ হইত না । তাহার দুই চক্ষু আকাশের চাঁদ হইতে অন্ধকার রাত্রির ক্ষুদ্র খণ্ডোতের দিকেও ধাবিত হইত । কোন স্থানে তাহার স্থির দৃষ্টি ছিল না । তাহার জন্ম অকালে কত অঙ্গনা বিপদা হইয়াছে, কত অবলা পুত্র হইতে বঞ্চিত হইয়াছে, কত সুলভ্য স্বামী বা পিত্রালয় ছাড়িয়া বার-বিলাসিনী হইয়াছে । এই সকল কুকর্ম্মের ধারাবাহিক ইতিহাস লিখিতে গেলে একখানি বৃহৎ গ্রন্থ হইয়া পড়ে । সদাশয়, উদারহৃদয়, কর্তব্য ও ধর্ম্মপরায়ণ নরেন্দ্রলাল কেমন করিয়া, কোন্ পাপের ফলে এমন কুলঙ্গার পুত্র লাভ করিয়াছিলেন, তাহা বুঝিতে এখনও বৈজ্ঞানিক-দিগের বিলম্ব আছে । নরেন্দ্রলালবাবু ও রাখানগরবাসী গোরমোহন দস্তের পিতা উভয়ে মিলিত হইয়া কলিকাতায় রেশমের এক কারখানা খুলিয়াছিলেন । যে সময়ের কল্ম বলিতেছি, তখন ভারতের রেশম



প্রভূত পরিমাণে মরোপে রপ্তানি হইত, এবং ইংলণ্ড, ফ্রান্স, জার্মানী ও ইতালীতে অধিক মূল্যে বিক্রয় হইত। মুরসিদাবাদ ও মেদিনীপুরের স্থানে স্থানে মাহেবদিগের রেশমের কুঠী ছিল। রেশম ভরিয় বড় বড় জাহাজ কলিকাতা বন্দর হইতে উত্তমাশা অন্তরীপ পরিবেষ্টন করিয়া ঈংলণ্ডে উপনীত হইত। তখন লণ্ডন ও কলিকাতা ছয়মাস রাস্তার ব্যবধানে ছিল। যে দিন হইতে কৃত্রিম রেশমের আবিষ্কার হইয়াছে, সেই দিন হইতে ভারতের রেশমের কুঠাগুলি প্রায় উঠিয়া গিয়াছে। নরেন্দ্র ও গোরনোহনবাবর পক্ষে কেশব কলিকাতার উপস্থিত থাকিয়া এই ব্যবসা চালাইত।

বিনোদিনী আপন শয়ন মন্দিরে বসিয়া আছে। মন কেমন অপ্রসন্ন, মনে তেমন শান্তি বা সুখ ছিল না। পুত্র শ্রীমান্ ভবশঙ্কর একখানি কাগজে হিজিবিজি লিপিতেছে। বিনোদিনী কতক্ষণ একমনে বসিয়া ভাবিল, পরে অধীরা হইয়া বলিল,—“ভব—ও আমার অঁধারের মাণিক ভব—বলত বাপ, তোর সে কবে খাড়া আসবে?”

ভব। তোর সে—আমার কে?

বি। সেই যে তোর সে—তাকে কি ব'লে ডাকিস?

ভ। তুই বল—আমি কি বলিয়া ডাকি? সে কে মা?—কার কথা বোল্‌চ?

বি। ওরে! সেই যে সে—যে আমার মনোচোর, তোর জন্ত যে বাঁশী আনিবে।

ভ। বাঁশী আনবে যে, সে যে আমার বাবা—তোর কে মা?

বি। আমার আবার কে হবে সে?

ভ। এই যে বল্লি আমার চোর—হাঁ মা—বাবা তোর কি চুরি ক'রেচে? বাবা কি চোর?

## বিনোদিনী ।

বি। মাণিক—তোর সে কবে বাড়ী আসবে ?

ভ। আজ ।

বি। কোন আঙ্গুলটা ধরবি ? বড়টা না ছোটটা ?

ভব বড় আঙ্গুল ধরিল । বিনোদিনীর মুখ প্রসন্ন হইয়া উঠিল । অনেক দিন হইল কেশব বাটা আসে নাই । কলিকাতা হইতে নারায়ণগড় আসিতে তখন দুইদিন লাগিত । নৌকা উল্কাবড়িয়া অবধি আসিত । সে স্থান হইতে ঘোটকে, গোলকটে, পাকীতে বা পদব্রজে আসিতে হইত । কেশবের পাকী বেহারাই উপস্থিত থাকিত । কিন্তু এত কষ্ট করিয়া কেশবের মত লোক বৎসরে করবার বাটা আসিতে পারিত বা ইচ্ছা করিত । এইবার নরেন্দ্রলালবাবু কলিকাতা গিয়াছেন, তিনি দুই একমাস তথায় থাকিবেন । কাজেই কেশব বাটা আসিবার অবসর পাইবে । এদিকে বিনোদিনীর অন্তরে আশা ও নিরাশার স্রোত পর্ষদ্বারা ক্রমে বহিতেছে । আজ ভব বড় আঙ্গুলটা ধরিয়াছে, বিনোদিনীর হৃদয়ে যেন জোয়ার ছুটিয়াছে । সময় যায় না, স্তব্রাং বিনোদিনী ভবের সঙ্গে নানা কথা জুড়িয়া দিল । কিন্তু ভবের লেখাপড়ায় এমন দারুণ মনোযোগ উপস্থিত হইল যে, সে আর তাহার মায়ের কথার উত্তর দিতে সাবকাশ পাইল না । অধীরা যুবতী তখন বালকের কাগজ কাড়িয়া লইল এবং ছিন্ন করিয়া ফেলাইয়া দিল । বালকের রাগ এমন প্রচণ্ড হইয়া উঠিল যে, একটা টানের বাক্স দেবাজের উপর হইতে ছুড়িয়া ফেলিয়া দিল । কাঁচের দ্রব্যে বাক্স পূর্ণ ছিল, তাহার অধিকাংশ ভাঙ্গিয়া গেল । বিনোদিনী চক্ষু রক্তবর্ণ করিয়া ‘পোড়ার মুখে’ বলিয়া এক মুষ্টিঘাত তাহার পৃষ্ঠে দিল । বালক গলা ছাড়িয়া কান্না জুড়িয়া দিল । বামা দৌড়িয়া আসিয়া ভবকে ক্রোড়ে তুলিয়া লইল, এবং বহির্দিকে চলিয়া গেল । কতকণ পরে নিদ্রিত বালককে শয্যায় শয়ন করাইল,

এবং যুবতীর পার্শ্বে আসিয়া বসিল। ছই জনের বড় সম্ভাব, কারণ ছ'জনেই কুটিলা।

বিনোদিনীর পিতা অতিশয় দরিদ্র ছিল। একটা মাত্র ছহিতা রাখিয়া ইহসংসার ত্যাগ করে। হতভাগিনীর মাতা নরেন্দ্রবাবুর নিকট দ্রবস্তা প্রকাশ করিয়া কন্তার সহিত কেশবশঙ্করের বিবাহ দিবার প্রস্তাব করিল। তিনি বংশমর্যাদা ও রূপের পক্ষপাতী হইয়া বিনোদিনীকে মহাসমারোহে বাটীতে আনিয়া পুত্রের বিবাহ দিলেন। দরিদ্রের কন্তা রাজপুত্রবধূ হইল। অবস্থার সহিত স্বভাবও ক্রমে পরিবর্তিত হইল। চিংসা ও গর্ব জন্মের যোল আনা অধিকার করিল।

বিনোদিনী বামাকে কহিল,—“দেখ—এই বেলা প্রভার একটা বিলি ব্যবস্থা কর, তাহা না হইলে শেষে কি অনর্থ হইবে, তা' বলা যার না।”

বামা। হাঁ দিদি, প্রভা কোথা থেকে এল, ওর বাপ কে ?

বি। ওরে ! সে বড় পুরাণ কথা, আমার বিবাহের অনেক আগে সে, আমাদের বাটীতে আসিয়াছে। সে যে কে, তাহার এখনও কোন সন্ধান হয় নি।

ঝা। সে বড় মানুষ্যের মেয়ে, তার যেমন রূপ তেমনই তেজ, যৌবনও তেমনই ভরা, তার স্নমুখে আমার কথা কহিতে ভয় হয়। হাঁ দিদি, অমন আইবুড়া মেয়ে নিয়ে তোমার স্বপ্ন কি করিবেন ?

বা। ভয় আমার তাই। পাছে আমার তার হৃদয় অধিকার করিয়া ব'সে সেই ভয়ে আমি বড়ই ব্যস্ত। একটা কৌশল ক'রে ওকে বাড়া হইতে অল্প স্থানে পাঠাইতে হবেই হবে। তা না হ'লে আমার মাথাটা কোন্ দিন খাবে। রতিকান্ত থাকিলে প্রভাকে বাহির করা বড় শক্ত হইত ; সেইজন্য কেমন কৌশলে তাহাকে বাহির করিয়া দিয়াছি।

একটা ঘড়ঘরের চেঁচা আরম্ভ হইল, কিন্তু শেষ না হইতে হইতেই কেশবশঙ্কর প্রকোষ্ঠে প্রবেশ করিল। চক্রেদয়ে বিনোদিনীর জদয়-সমুদ্র তরঙ্গোচ্ছ্বাসে উদ্বেলিত হইয়া উঠিল। কিন্তু চতুরা সে ভাব গোপন করিয়া মানে ঝাপ দিল। কেশব স্ত্রীকে জন্দ করিবার জ্ঞান বন্ধ তাগ করিয়া নিস্তক্ষে আলবোলায় তামকুট সেবন করিতে লাগিল। বিনোদিনী অত্যন্ত অস্থিরা হইয়া বলিল—“এতদিনের পর মনে পড়িল—হা আমার অদৃষ্ট!”

কে। বাড়ীতে এলে যে স্তম্ভ হইব, তাহার উপায় নাই। নিকেশ দিতে দিতে প্রাণটা গেল। আমি হাকিমও নই, কেরাণীও নই—আর তুমিও আমার সাহেব মনিব নও, যে কথায় কথায় কৈফিয়ৎ তলব করিবে? এত হিসাব নিকাশ দিতে গেলে আর বাড়ী আসা চলবে না। তবুও বলিয়া রাখি যে, কার্ণা কন্ঠের ভয়ানক ভিড়, অঙ্গিতে পারি নাই।

বি। ঐ এক কথা, কখনও ত ভাল বাসিলে না, কাজেই বলিবে কাজ কন্ঠের ভিড়। তোমার ত মন ঘরের দিকে নাই—কোথা যে যায়, আর কোথায় যে থাকে, তা ভগবানই জানেন।

কে। বেঁচে আছি, তাই মর্যাদা বুঝিতে পারিলে না? দাঁত থাকিতে দাঁত না থাকার কষ্ট কি কেউ বুঝিতে পারে? আজ যদি আমি মরি, কাল তোমার পোষাক পরিচ্ছদ, আহার বিহার, সব শুচিয়া যাইবে। তখন বুঝিতে পারিবে স্বামী জিনিসটা কি?

বি। গেয়েছিলে পুরুষ শাস্ত্রক্যুর—তাই আপনাদের দিকে সব সুবিধা করিয়া লিখাইয়া লইয়াছ? যা ইচ্ছা থাকিবে, পরিস্কার যতবার ইচ্ছা বিয়ে করিবে,—যেখানে ইচ্ছা বেড়াইবে,—তাহাতে ইহকাল ও পরকাল নষ্ট হইবে না। আর আমাদের যদি পান থেকে চুণ খসিল,

অগ্নি সে দোঘের আর ক্ষমা নাই । অগ্নি স্বী পরিত্যাগ ও দ্বিতীয় বার  
বিবাহের ঘট পড়িয়া গেল ।

কে । আজ কাল কলিকাতাতে বক্তৃতার ছড়াছড়ি, পাদরী সাহেব  
ও মেম সাহেবদিগের বক্তৃতা ত গলি গলি চলিতেছে, তার উপর  
ব্রাহ্মসনাজের বক্তৃতা আরম্ভ হইয়াছে । আবার অন্তঃপুরেও বক্তৃতার শ্রোত  
টুকিল দেখি । এখন পৈতৃক প্রাণটা কোণায় ছুড়াই তাই ভাবি ।

বি । কেন, ব্রাহ্মধর্মের বক্তৃতা কি মন্দ নাকি ?

কে । পণ্ডিত মহাশয়, থাম, আর হাড় জলিও না । আমি  
এখনই কলিকাতায় চলিলাম, আমার অদৃষ্ট মন্দ—তাই তোমার মত  
বিদুষী স্বী এখনও আমার কাঁধে চড়িয়া আছে ।

এই বলিয়া কেশব উঠিল ; বিনোদিনী একটু বাস্ত ও একটু ভীত  
হইয়া পড়িল, ভাবিল—হারানিধি বুঝি আবার চলিয়া যায় । সেও উঠিয়া  
সম্মুখে পথ আগলাইয়া দাঁড়াইল । তখন ছোট খাট একটা যুদ্ধ  
উপস্থিত হইল । একি প্রকৃত, না কৃত্রিম যুদ্ধ, তাহা ঠিক বুঝা গেল না ।  
কেশব যেন রাগ করিয়া বলিল—“আমি চলিলাম ।” বিনোদিনী যেন  
কাতর কণ্ঠে বলিল,—“এই আমি রক্ষা বন্ধ করিয়া দাঁড়াইলাম ।”  
কথা হইতে হাতাহাতি যুদ্ধ উপস্থিত হইল । চীৎকারে ভবশঙ্করের  
ঘুম ভাঙ্গিয়া গেল, কাঁদিতে কাঁদিতে চক্ষুঃস্নান করিল । কেশবকে  
দেখিয়া মহোল্লাসে বলিল,—“বাবা, বাঁশী দাও ।”

পিতা সন্নেহে ভবকে কোলে তুলিয়া লইল । যুদ্ধের কথা একে-  
বারে ভুলিয়া গেল । ব্যাগ হইতে একে একে চারিটা বাঁশী বাহির  
করিয়া পুত্রের হাতে দিল । আহ্লাদের সীমা নাই । বাঁশীতে  
ফুঁ আর নাচ । বালকের এই আনন্দটুকু যেন কেশব বাস্তবিকই  
অভূত করিল । কণেকের জন্ত স্বর্গীয় প্রেম তাহার হৃদয় উদ্ভাসিত

করিল। বিনোদিনী পুত্রকে ধরিয়। বলিল—“সই গানটা গাও ত নাগিক ?”

“কোন্টা”

বিনোদিনী কাণে কাণে বলিয়া দিল—

‘বাবা গো তোমার ঘরে      মা আমার প্রাণে মরে  
তুমি না দেখিলে বাবা      কে দেখিবে বল না  
বাবা তুমি ঘরে এস না ।’

বালক গান গাবে, না বাশীতে ক’ দিবে ? সে গান না গাইয়া অন-  
বরত বাশী বাজাইতে লাগিল। মার এত ঈর্ষাত, এত ক্রুদ্ধা, এত  
অনুরোধ, সব বুথা হইল। তখন বিনোদিনী রাগ করিয়া বালকের  
গাল টিপিয়া দিল। সে একটু বাথা পাঠিয়া, চীৎকার করিয়া উঠিল।  
পিতার নিকট গিয়া বলিল,—“জা বাবা, মা কেন আমাকে মারে ? আমি  
গান গাব না।” বাপের আদরে ভব শাস্ত হইল। বিনোদিনী যেন  
কোন স্থানেই সুখ পাউল না। একটু থানি নিশ্চকে বসিয়া কক্ষান্তরে  
উঠিয়া গেল।

## ষষ্ঠ পরিচ্ছেদ

—):!:( -

কে বলে কামিনী কোমলা ?

নরেন্দ্র বাবু কলিকাতায় কিছুদিন থাকিবেন স্থির করিয়া, কেশব ও কৃষ্ণকে বাটীতে পাঠাইয়া দিলেন। দুই ভাই একত্রে বাটী ফিরিয়া আসিল। কেশব আমোদ অগ্লান্দে দিন কাটাতে লাগিল। কলিকাতা হইতে বিলাতী মদ্য সঙ্গে আনিয়াছিল। গ্রাম্য লোক তখন বিলাতী মদ্য সেবন করিতে বড় শিক্ষা পায় না, কিন্তু মদ্যপায়ীদিগের লোভ যথেষ্ট ছিল। ক্রমে ক্রমে স্থানীয় বন্ধগণ মহোল্লাসে একে একে কেশবের বৈঠকখানায় আসিয়া উপস্থিত হইল। সন্ধ্যার সময় বাহিবাটীর এক প্রকোষ্ঠে, কখনওবা পুষ্করগীর চাতালে আমোদের স্রোত প্রবাহিত হইল। কৃষ্ণশঙ্কর দাদার এই যুগিত ও পৈশাচিক ব্যবহার দেখিয়া তাহার মাতুলানীর বাটী চলিয়া গেল, কিন্তু স্থানেও অধিক দিন থাকিতে পারিল না, পুনরায় বাটী ফিরিয়া আসিল।

রাত্রি প্রায় দশটা বাজিয়াছে। মদ্যপানে বন্ধগণ উন্মত্ত প্রায় হইয়াছে। আজ আকাশে মেঘ উঠিয়াছে, বায়ু স্বন্ স্বন্ শব্দে প্রবাহিত হইতেছে। নীলব্রহ্ম ঝড় বৃষ্টি আসিবে, এই আশঙ্কা করিয়া, বন্ধগণ একে একে চলিয়া যাইতে লাগিল। নিরুপায় কেশব অগত্যা ধীর পদ বিক্লেপে বাহিবাটী হইতে অন্তঃপুরে প্রবেশ করিল।

আহারাদি করিয়া বৃষ্টির পূর্বেই, প্রভা আপনার শয়নপ্রকোষ্ঠে শয্যা বিস্তৃত করিল। কৃষ্ণশঙ্কর কলিকাতা হইতে অনেক প্রকারের পুস্তক আনিয়াছিল, প্রভাবতী সেই পুস্তক হইতে মহাভারত নিব্বাচন করিয়া লইয়াছিল এবং মনোযোগের সহিত তাহা পাঠ আরম্ভ করিয়াছিল। শস্যার উপর অন্ধ উপবেশন, অন্ধ শয়ন করিয়া, উপাধানে মস্তক রাখিয়া কাঁচকবচ পক্ষাধায় পড়িতে লাগিল। কোন কোন পণ্ডিত বলেন,— পুস্তকের সহিত মস্তিষ্কের এমন সূক্ষ্ম সম্বন্ধ আছে যে, পুস্তক তাতে লটলেই, চক্ষু আপনা হইতে বুজিয়া আঁটসে, এবং কোন প্রকার পূজা-ভাস না দিয়া নিদ্রাদেবী পাঠকের চেতনা বিলপ্ত করিয়া লয়। এষ্ট স্থানেও সেই রূপ এক অভিনয় উপস্থিত হইল। প্রভার চক্ষু নিম্নলিখিত হইয়া আসিল। স্বাস গভীর হইতে গভীরতর হইল। মস্তকের কেশ-রাশি চারিদিকে ছড়াইয়া পড়িল। প্রদীপের আভাষ দেহের লাবণ্য উদ্ভাসিত হইল। মুখমণ্ডলের আলৌকিক রূপরাশি নিফলক চন্দ্রের জাগর আর আলোকিত করিল। অকাতরে প্রভা নিদ্রা নাইতে লাগিল। ক্রমে ক্রমে তাহার বোধ হইল, যেন কাঁচক তাহার সম্মুখে উপস্থিত হইয়া মধুর বচনে তাহার প্রণয় যাক্কা করিতেছে ; যেন হস্তমুগল একত্র করিয়া কাতরে বিনয়ে বলিতেছে, এমন অপকৃপ রূপরাশি লইয়া কেন তুমি বিরাট-কঙ্কার দাসী হইবে ? তুমি আমার প্রতি বিন্দুমাত্র রূপাদৃষ্টি করিলে, আমি তোমাকে রাজ্যরাণী করিব। প্রভা রোষকষায়িত লোচনে তীব্র ভৎসনা করিতে উত্তত, এমন সময় কাঁচক তাহাকে সবলে আকর্ষণ করিল। বিস্ময়ে ও ভয়ে চক্ষুরশ্মীলন করিয়া আশাবিত্তা হইয়া বলিল,—“বড় দাদা—তুমি এখানে—আমি প্রভা।”

বাহিরে প্রবল বেগে ঝড় হইতেছিল। আকাশ মেঘে আচ্ছন্ন। বিজলার প্রভা ঘন অন্ধকার ভেদ করিয়া এক একবার জগজ্জ্বালিত।



করিতেছিল । হু হু শব্দে বৃষ্টি পড়িয়া ধরণী ভাসিয়া যাউতেছিল । কেশব-  
শঙ্কর এই কক্ষে স্বেচ্ছায়, কি দ্বমে উপস্থিত হইয়াছিল, তাহা বলা বড়  
সম্ভব নহে । নদা পানে চিত্ত বিচ্ছিন্ন হইয়াছিল । অকস্মাৎ প্রকোষ্ঠে  
প্রবেশ করিয়া অসামান্য রূপরাশি দেখিয়া একেবারে উন্মত্ত হইয়া পড়িল ।  
এমন রূপ সে যেন আত্মজীবনে কখনও দেখে নাই । কোথায় আসিয়াছে  
ও কি করিতে উদ্যত হইয়াছে, তাহা ভুলিয়া গেল । দুই হাতে প্রভাকে  
আকর্ষণ করিল । প্রভার চৈতন্য হইলে শর বাতাসে প্রদীপ নিবিয়া  
গেল । তখন সেই ঘন অন্ধকারে অনাথিনীর ত্রায় বালিকা তর্কত  
তঙ্গরের পদতলে পড়িয়া গেল ।

কেশবশঙ্করকে দেখিয়া প্রভার প্রথমে সাহস ও পরে আশারও  
সম্ভার হইয়াছিল । কিন্তু একটু পরে, প্রদীপের আলোর সহিত,  
আশার আলোও নিবিয়া গেল । কেশবের যে বাহ্য জ্ঞান ছিল,  
তাহা প্রভা কিছুতেই বিনিতে পারিল না । তাহার চক্ষু দুইটী প্রায়  
নির্মূলিত, মুখে খুব জগন্ধ এবং ব্যঙ্গিক পুরুতি দেখিয়া জ্ঞানের কোন  
লক্ষণই দেখিতে পাইল না । অগত্যা ভীত হরিণীর ন্যায় চঞ্চল  
হইয়া, কক্ষ হইতে পলাইবার চেষ্টা পাইল । কিন্তু সে প্রয়াসও বাথ  
হইল । কেশব বহুমুষ্টিতে প্রভার উভয় হস্ত ধরিয়া ফেলিল ।  
ঘন অন্ধকারে সে প্রাণপণে হস্ত ছাড়াইয়া লইতে চেষ্টা পাইল । বল  
প্রয়োগের পর যখন দেখিল ও বুঝিল, ধর্ম্মের সহিত তাহার জীবন আজ  
চলিয়া যাউতেছে, তখন ক্রোধ উত্তরোত্তর বর্দ্ধিত হইতে লাগিল ।  
দলিত ফণিনীর ন্যায় গজ্জন করিয়া উঠিল । সবলে হস্ত মুক্ত করিয়া  
লটল এবং বেগে কক্ষ হইতে নিষ্কাশ্ত হইবার চেষ্টা পাইল ।

চৈতন্য বিলুপ্ত হউক বা না হউক, কেশবশঙ্করও স্বরিত পদে দ্বারের  
নিকট দণ্ডায়মান হইল । হরিণীকে ধৃত করিবার অভিলাষে দুই

হাত বাড়াইয়া রহিল। চপলার আলোকে প্রভা তাহার অবস্থা বুঝিতে পারিল। বাণাক্ত বাস্ত্রীর ন্যায় গর্জিয়া উঠিল। অপরিমিত বলের সহিত কেশবের বক্ষে এক পদাঘাত করিল। কে বলে কামিনী পেলব অশোক হইতেও কোমলা ? সেট কোমলাঙ্গীর কোমল পদাঘাতে বহুসম দৃঢ় পুরুষদেহ কাঁপিয়া উঠিল। কেশব ভ্রমে পড়িয়া গেল। গৃহ হইতে বেগে প্রভা অন্তর্ধান করিল।

বিনোদিনী স্বামীর আশায় বসিয়া আছে। মনে করিয়াছে, স্বামী বন্দি বাতাসের গতিকের বাহির বাটী হইতে ভিতরে আসিতে পারেন নাট। কিন্তু প্রভার চীৎকার ও দ্বারের ধনবান শব্দ শুনিয়া ব্যস্ত হইয়া কহিল,—“বাবা, লণ্ঠন লইয়া শীঘ্র আমার সঙ্গে আস।” এই বলিয়া দ্রুতগতিতে প্রভার কক্ষে উপস্থিত হইয়া দেখে, কেশবশব্দর সাক্ষাৎ কালান্তকের ছায় দ্বারের পাশে দাঁড়াইয়া আছে। স্বীকে দেখিয়া মূগধ্যানি হেঁট করিল। বিনোদিনী স্বামীকে তদবস্থার প্রভার কক্ষে দেখিয়া, রাগে ও হঃখে কপালে করাবাত করিতে করিতে কাঁদিতে লাগিল। পিতা মাতার বিরোগহঃখ আজ উথলিয়া উঠিল। কাঁদিতে কাঁদিতে বলিল,—“আমি বা ভাবিয়াছি তাহাট কি ঠিক হইল ?—হায় মা ! আমাকে কেন সমুদ্রে ফেলিয়া দিয়া পলাইয়া গেলে ?—আমার গতি কি করিলে ?—এত ভদ্রশা যে আমার অদৃষ্টে রহিয়াছে, তাহা তুমি কিছুই জানিতে পারিলে না ?” এই বলিতে বলিতে রোমে ও হঃখে স্বামীর হাত ধরিল। বীরশ্রেষ্ঠ কেশব আজ স্বীর নিকট চোর হইল। সে গর্ব বর্জ হইয়া গেল,—সে তেজঃ নষ্ট হইল,—সে জ্যোতিঃ নিশ্চল হইল। বিনোদিনী স্বামীর হাত দৃঢ় করিয়া ধরিল এবং সঙ্গে লইয়া নিজ কক্ষাভিমুখে চলিল। বাবাকে বলিল,—“দেখত প্রভা কোথায় গিয়াছে—সে সর্বনাশী, সে কুলকলঙ্কিনী, সে রাক্ষসী এ বাটীতে

পাকিলে আর আমি প্রাণ রাখিতে পারিব না।” বামা বলিল,—“ও দিদি-ঠাকুরাণী, প্রভা বাহির বাটীতে ছুটিয়া গিয়াছে, আমি দেখিয়াছি, বোধ করি আমাদের সাড়া পাইয়া ছুটিয়া পলাইয়াছে।” বিনোদিনী আবার দুঃখের ও রাগের কান্না জুড়িয়া দিল।

প্রভা বহিরাটীর এক প্রকোষ্ঠের সম্মুখে উপস্থিত হইয়া দ্বারে আঘাত করিল। গ্রীষ্মের পর হঠাৎ ঝড় বৃষ্টি হওয়াতে বায়ু শীতল হইয়াছিল। কৃষ্ণশঙ্কর এমন শীতল রজসীতে শয্যায় শয়ন করিয়া অকাতরে নিদ্রা বাইতেছিল। আঘাতের উপর আঘাত হওয়াতে নিদ্রা ভাঙ্গিয়া গেল। কোতুলকী হইয়া বলিল,—“এ নিশীথে তুমি কে?”

“আমি প্রভা—দারুণে খোঁজ।”

“এ কি! এ ~~সন্ধ্যা~~ তুমি কি উন্মাদিনী!”

“আমি একেবারে উন্মাদিনী—আমার মৃত্যু সন্নিবিষ্ট হইয়াছে।”

দ্বার মুক্ত করিয়া প্রভার আলুলায়িত কেশ ও রুদ্রমুষ্টি দেখিয়া সভয়ে কৃষ্ণশঙ্কর অন্তরে দাড়াইল; বিস্মিত হইয়া বলিল,—“একি! হাতে দর দর রক্ত পড়িতেছে—স্থানে স্থানে শরীর ক্ষত বিক্ষত—চুল আলু থালু—মুখে রক্ত কুটিয়া পড়িতেছে—জলে চক্ষু ভরিয়া রহিয়াছে—একি প্রভা! কি হইয়াছে?”

তাহার হৃদয়সমুদ্র উথলিয়া উঠিল। চক্ষু হইতে অনর্গল জল পড়িতে লাগিল। ভয়কণ্ঠে বলিল—“তোমার দাদা, আমার সর্বনাশ করিতে উঠিয়াছিল।”

কৃষ্ণশঙ্কর গর্জন করিয়া বলিয়া উঠিল—“দাদা—দাদা—!” রাগে নয়নমণ্ডল লোহিত হইল। মুখে এমন ঘৃণা ও রোষের লক্ষণ প্রকাশ পাইল যে, প্রভা তাহা বিলক্ষণ উপলব্ধি করিতে পারিল। কতক্ষণ যুবা কথা কহিতে পারিল না; শরীর থরথর কম্পিত হইতে লাগিল;

চক্ষু হইতে অশ্রুফুলঙ্গ বাহির হইতে লাগিল। ক্রোধ এত বদ্ধিত হইয়া উঠিল যে, দ্বারের উপর সরোষে প্রচণ্ড মূর্ছাঘাত করিল। কি বলিতে উঠিয়াছিল, কিন্তু কোন কথা মুখ হইতে বাহির হইল না। কতক্ষণ নীরবে থাকিয়া দীর্ঘ নিশ্বাস ফেলিয়া বলিল—“দাদা,—অবধা শত্রু—সকলই নীরবে, অবনত মস্তকে সহ্য করিতে হইবে।”

কতক্ষণ পরে ক্লমশঙ্কর অতি করুণ স্বরে বলিল—“এখন কি হইবে প্রভা ?”

প্র। তুমি বালাকালের স্মৃদ্ধ—তোমাকে আমি কি উপদেশ দিব ?—আমি কিন্তু আর এক দণ্ড এ বাটাতে থাকিব না। আমার জীবনে বড় ঘণা হইয়াছে। যে জীবনের, মূল্য নাট, এমন জীবন থাকিলেই বা কি, আর গেলেই বা কি ? আমার জ্ঞান তুমি কিছুমাত্র বিচলিত হইও না,—আমি সকল কষ্ট, সফল বিপদ অকাতরে সহ্য করিতে পারি ;—আমি চলিলাম।” এই বলিয়া সেই ঝড়ে, সেই বৃষ্টিতে বহির্কটীর দ্বার খুলিয়া প্রভাবতী তীব্র বেগে বাহির হইল। ক্লমশঙ্করও মহা ব্যস্ত হইয়া পশ্চাৎ পশ্চাৎ দৌড়িয়া গেল। দুই জনেই রজনীর গাড়ি তিমিরে মিশিয়া গেল।

---



# দ্বিতীয় অঙ্ক

মধ্যজীবন ।

সপ্তম পরিচ্ছেদ ।

নবকুমার দে ।

রামনগর অতি প্রাচীন গ্রাম ।\* কথিত আছে যে, রামচন্দ্র বন-  
বাস গমন সময়ে এই স্থানে কিয়দিন বিশ্রাম করেন । সে সময় চারিদিক  
ঘন বনে পরিপূর্ণ ছিল । তিনি চলিয়া গেলে, নানা দিক হইতে  
লোক সমাগত হইয়া এই নগর নিৰ্ম্মাণ করিল এবং তাঁহার নামে স্থানের  
নামকরণ করিল । রামনগরে অনেক ভদ্র ও গণ্যমান্য লোকের বাস ।  
গ্রামের মধ্যে প্রশস্ত পথ । তাহারই উভয় পার্শ্বে ধনীদিগের অট্টালিকা ।  
সে সময়ের কথা বলিতেছি সে সময়ে, গ্রামের একপার্শ্বে এক ক্ষুদ্র  
অথচ নীতিবৃহৎ দ্বিতল অট্টালিকা ছিল । গৃহ-স্বামী নবকুমার দে  
পূৰ্বে সিংভূম জেলার রাজধানী রঘুনাথগড়ে বাস করিত । কোন  
গুঢ় কারণ বশতঃ, সেটুকু স্থান পরিত্যাগ করিয়া রামনগরে আশ্রয়  
গ্রহণ করে । এই দে বংশের সহিত অভাগা রতিকাশ্বরের বিশেষ  
সম্বন্ধ আছে, সুতরাং তাহারদের কথঞ্চিৎ পরিচয় দিলে ক্ষতি নাই ।

নবকুমার একজন সামান্য লোকের সন্তান । শৈশবে পিতৃহীন হইলে তাহার পরিজনেরা দাস্ত্রবৃত্তি ফলদ্বনে তাহাকে পালন করে । তাহার ভগিনী উৎকল্লময়ী রঘুনাতগড়ে এমন একটি জঘন্ত কার্য্য করে যে, প্রাণভয়ে তথা হইতে সপরিবারে পলায়ন করিয়া রাম-নগরে উঠিয়া আইসে । একখানি পর্ণকুটির প্রস্তুত করিয়া, কোন প্রকারে এই দরিদ্র পরিবার দিনপাত করিতে লাগিল । মহাদেবকে লোকে পাগল বলে ; কিন্তু একা মহাদেব নন, সকল দেবদেবীই পাগল । তাঁহাদের কার্য্যের শৃঙ্খলা বা নিয়ম নাই । তাঁহারা পাগল না হইলে, এত স্থান থাকিতে পদ্মিনী কেন পঙ্কিল সরোবরে জন্মগ্রহণ করিবে ? মুক্তাই বা কেন অতল সমুদ্রজলের নিম্নে শুক্লির গর্ভে থাকিবে ? চন্দ্রকান্ত মণিই বা কেন চোরের ত্রায় অন্ধকারে লুকাইয়া থাকিবে ? এদিকে আবার সুরমা হস্তা নধো, দুঃখকেননিভ শয্যার ভিতরে, খট্টামল কেন রক্তপানের জন্ত অপেক্ষা করিবে ? ক্ষুদ্র ক্ষুদ্র কীট কেন প্রচ্ছন্ন মহা সুখে সিন্দূকের মধ্যে কাশ্মীরজাত শাল কর্তন করিবে ? কেনই বা দুঃদাস্ত টাইমুর লক্ষ লক্ষ মনুষ্যজীবন অকারণে হত্যা করিয়া, অসংখ্য গ্রাম উৎসন্ন করিয়া মরুভূমির সৃষ্টি করতঃ, বীর বলিয়া জগতে পূজিত ও সম্মানিত হইল ? কেন তাহার পূজার জন্ত পৃথিবীর উপাদেয় বস্তু ধরে ধরে পুঞ্জীকৃত হইল ? আর কেহ বা নির্বিরোধী, শান্তিপ্রিয়, ঘেঁষাংসাপরিশূন্য একজন কৃষকের ঘরের চালে খড় নাই ; অজন্মা হেতু গোলাতে একমুষ্টি ধাতু নাই ; বহু সন্তান সন্ততি লইয়া কষ্টের শেষ নাই । এই সকল শৃঙ্খলাহীন কার্য্য দেখিয়া কোন কোন কবি দেবতাদিগকে পাগল বলিয়া গিয়াছেন ।

আমাদের লক্ষ্মীর কার্য্যও মহাদেবের মত । বড় বড় ভদ্র পরিবার, পুরাতন মহৎ বংশ পরিত্যাগ করিয়া ধীরে ধীরে, নবকুমারের কুটীরদ্বারে

উপস্থিত হইলেন । লক্ষ্মী সমাগমে নবকুমারের সেই ভগ্ন কুটীরের উপর দ্বিতল অট্টালিকা উঠিল । সামক্য চাকুরী করিতে করিতে সে বিলক্ষণ সঙ্গতিপন্ন হইয়া উঠিল । এখন অবস্থার সমুহ পরিবর্তন । নবকুমারের সে ভূনািম, সে বংশধীনতা নাই ;—সে এখন দশজনের একজন হইল । নিকটবর্তী এক সম্ভ্রান্ত জমিদার-কল্লার সহিত একমাত্র পুত্র সারদাপ্রসাদের বিবাহ নিষ্পন্ন হইল । জগতে এক চন্দ্র বলিয়া, চন্দ্রের এত আদর । একপুত্র বলিয়া সারদাবু অন্দের ও নত্বের সীমা ছিল না । অষ্টাদশ বর্ষ বয়সে যুবা পুত্র আহাৰ করিতে বসিলে, তাহার মাতা কাঞ্চনমালা মংগুর কাটা বাছিয়া দিত । এই আদরে সারদার শেষে সর্বনাশ উপস্থিত হইয়াছিল । তাহার পত্নী বরদা রূপে ও গুণে লক্ষ্মী-স্বরূপিণী ছিল । এমন গুণবতী, এমন সুন্দরী স্ত্রী সচরাচর দেখা গাইত না । কিন্তু সারদার হাতে পাড়িয়া বরদার রূপ গুণের আদর হইল না । কাননে কুমুম প্রফুল্লিত হইয়া সৌরভে দিক আমোদিত করিল, কিন্তু কেহই মোহিত হইল না । অনাধিনী গিরিতরঙ্গিনীর জায় বালুভূমে ণাতল শ্রোত শুকাইয়া গেল ।

নবকুমারের স্বভাব চরিত্রও ভাল ছিল না । সে কলিকাতায় কাণ্যোপলক্ষে থাকিত । বাটীতে প্রায় আসিত না । তাহার ভগ্নী উৎকল-নরসিংহের কথার কাণে করিত । উৎকলনরী তাহার নাম, কিন্তু উৎকল কাহাকে বলে, তাহা সে জানিত না । বর্ণ শ্রাম, দেহ অতিশয় ক্ষীণ, মস্তক কেশশূণ্য । হঠাৎ দেখিলে পুরুষ বলিয়া ভ্রম হইত । বয়ঃক্রম আত্মনানিক পঞ্চাশ বৎসর । তাহার স্বর কৰ্কশ, চক্ষু ক্ষুদ্র ও বক্র । যৌবন কালে সে কি করিয়াছে তাহা সেই জানিত, এখন বৃদ্ধা হইয়া তপস্বিনী-প্রায় হইয়াছিল । তাহার বাহ্যিক আকার যেমন কুৎসিত, অন্তরও সেইরূপ । হৃদয় পাবাণে নিম্বিত, স্বেভাব সর্পের জায় গল । পরোপকার



কাহাকে বলে, তাহা সে জানিত না। লাভ থাকুক বা নাই থাকুক, পরের মন্দ হইয়াছে শুনিলে বা অপকার করিতে পারিলে, তাহার আনন্দ উপস্থিত হইত। এই এক আনন্দ ভিন্ন, তাহার অল্প কোন প্রকার আনন্দ ছিল না।

এইস্থলে লক্ষ্মীকে পুনরায় তিরস্কার করিতে হইল। লক্ষ্মী এক, না দুই, তাহা আমি স্থির করিয়া উঠিতে পারি নাই। পাপ ও পুণ্যের সংসারে কি সেই এক লক্ষ্মী সমান ভাবে বিরাজ করেন? উৎকল্লের জঘন্য কার্যা স্বচক্ষে দেখিয়া ও, কমলা এখন অবধি স্থির রহিয়াছেন। দেবি! যথার্থই কি তুমি কমলাসনা? না ঘেঁটু ফুলই তোমার বসবার স্থান?

গিরীশ রামচন্দ্র মিত্রের একমাত্র পুত্র। তাহার ভগিনীর সহিত সারদার বিবাহের পর, সে রামনগর বিদ্যালয়ে পাঠ করিবার জন্ত নবকুমারের বাটীতে আগমন করিল। দুইজনে এক সঙ্গে পাঠ করিতে লাগিল। রামচন্দ্রের অতুল বিভব। এক পুত্র। এই পুত্র তিরোহিত হইলেই, সমস্ত জমিদারী দে-বংশের আয়ত্তাধীন হয়। উৎকল্লময়ী ও কাঞ্চনমালা দিব্যরাত্রি পরামর্শ করিয়া রজনীযোগে এক ভয়ানক কাণ্ড সমাধা করিল। হলাহল-মিশ্রিত দ্রব পান করিয়া, এক মাত্র ধন গিরীশ অকালে, হায়! নৃশংসীর হস্তে মৃত্যুগ্রাসে পতিত হইল। ওলাউঠার প্রাচণ্ড্য তখন বিলক্ষণ। কে কাহার তত্ত্ব লয়? উৎকল্লময়ী ও কাঞ্চনমালার ক্রন্দনে সকলেই মোহিত হইয়া তাহাদের কথা বিশ্বাস করিল। রামচন্দ্র পুত্রশোকে একান্ত কাতর হইয়া পড়িল। একে একে তাহার তিন পুত্র তাহার চক্ষের সমক্ষে, কোন অজ্ঞানিত ধার দিয়া সংসার হইতে চলিয়া গেল। গিরীশের মৃত্যু শুনিয়া, রামচন্দ্র নিরন্তর নয়ননীর বিসর্জন করিতে করিতে, শেষে অন্ধ হইল। অবশেষে অনাথের ছায়া অতুল সম্পত্তি বরদার হস্তে প্রদান করিয়া

মানবলীলা সাক্ষ করিল। যদি উৎকল্লময়ী বাল্যকালে মরিত, অথবা  
মাতৃগর্ভ কলঙ্কিত না করিত, তাহা হইলে অকালে, অন্ধের যষ্টি, পৃণিমার  
শশী গিরীশ পিতামাতাকে গভীর দুঃখমাগরে ভাসাইত না।

যে দিন বরদা পিতার বিভবের অধিকারিণী হইলেন, সেই দিন  
সারদাপ্রসাদ বিদ্যালয় ত্যাগ করিয়া বহির্বাটীর দ্বারোদ্বাটন করিল।  
নগরের সমবয়স্কেরা একে একে ছুটিতে লাগিল। পাকওয়াড় ও  
তবলের বিমম স্বরে পাড়া কাম্পিত হইল। তানপুরার বেসুর  
ঘেং ঘেং শব্দে বনের ভূঁত অবধি কাঁপিয়া উঠিল। মগ্পানে সারদা  
বাবুর দুই চক্ষু অবিরত জবা ফুলের গ্রায় লাল হইয়া রহিল। সুরা-  
সহচরী কালকূটহৃদয়া বারবিলাসিনী যাতায়াত আরম্ভ করিল। গাড়ী  
ঘোড়ার ঘর্ ঘর্ শব্দে, মগ্পায়ী মাতালদিগের বমনে, বহুচারিণী-  
গণের কিঙ্কণীর রোলে ও পাকওয়াড়ের বিমম স্বরে সমুদয় নগর উচ্ছলিত  
হইয়া উঠিল। অকস্মাৎ তারকাস্ত্রের গ্রায় সারদাপ্রসাদ দে রাম-  
নগরে সমুপস্থিত হইল।

## অষ্টম পরিচ্ছেদ



উৎফুল্লময়ী ।

সন্ধ্যা উদ্ভীর্ণ হইয়াছে । বন অন্ধকারে দিগ্ সমাচ্ছন্ন করিয়া রজনী উপস্থিত । বহির্দিকে আলোর নাম নাই ; স্ততরাং বৈটকখানার উজ্জ্বল আলোক ঝড় ঝড় করিয়া রজনীর গর্ভে থরু থরু করিতেছিল । গৃহভিত্তিতে বড় বড় ছবি, ঝুলিতেছিল । তাহাতে ঈশ্বরোপীয় কামিনীগণের নানা মূর্তি নানা ভঙ্গিতে বিরাজ করিতেছিল । চারিদিকে জল দেওয়া ঘোড়া কানসের দেওয়ালগিরি সমশ্রেণীতে ছবির উপরিভাগে ছিল । মেঝের উপর করাস বিছানা পাতা ছিল । তাহার উপরে তাকিয়া ঠেস দিয়া বাবু সারদাপ্রসাদ দে আড় হইয়া পড়িয়াছিল । তাহার শরীর প্রকাণ্ড, মস্তক অপেক্ষাকৃত ক্ষুদ্র ; ভাঁড়ির সহিত কেহ কেহ হস্তীর উদরের তুলনা করিত । এই প্রকাণ্ড দেহে বুদ্ধি কোন্স্থানে লুকাইয়া থাকিত তাহা পণ্ডিতদিগের সমস্তার বিষয় ছিল । পারিষদবর্গ লইয়া সারদাপ্রসাদ বেহুয়ে, বেতালার নিধু বাবুর শ্রদ্ধ করিতেছিল । একজন সুরাদেবীর মাস অনবরত প্রদান করিয়া, সকলকে পর্যায়ক্রমে উল্লাসিত করিতেছিল ।

কত নগর, কত বন, কত স্থান পরিভ্রমণ করিয়া আজ অভাগা অসহায় রতিকান্ত ক্ষুধা তৃষ্ণায় নিতান্ত কাতর হইয়া, দীন হীন বেশে সারদা বাবুর বৈটকখানায় প্রবেশ করিল । “ উজ্জ্বল আলোক তাহার

স্নেহ স্বচ্ছ কান্তিতে পতিত হইবা মাত্র, প্রতিফলিত হইয়া সকলের মনোবোগ আকর্ষণ করিল : কিছুক্ষণের ভ্রম সকলে নীরবে তাহাকে দেখিতে লাগিল । সারদা সে সময় বাড় বন্ধ করিয়া ছিল । দৃষ্টি পরিবার উপর ছিল না । কথাগুলি সাফাৎ অগ্নিকণা বা অঙ্কুরের ন্যায় । তাঁর বচনে কহিল,—“কে তুমি, কি চাও ?” রতি বিনীত বচনে কহিল,—“মশায়, অত্যন্ত কষ্টে পড়িয়াছি, কাগ্য কন্সমের চেয়েই এই মশায়ের আসিয়াছি । আজ ক্ষেপাও আশ্রয় পাই নাই ।”

বাবু গভীর নিশ্বাস পরিত্যাগ করিয়া কহিল,—“হাম্বাণ্ড, ও কথা শুনিতে চাই না—অত কিছু বল ।”

রতি । আমি কি বাবুর জমিদারীতে কোন সরকারের কাগ্য পাইতে পারি ? আমার ইংরাজীতে সামান্য জ্ঞান আছে ।

সার । কে তোমায় জানে ?

রতি নিরুত্তর রহিল । কোন কথা বলিতে পারিল না । তাহাকে দেখিয়া সারদা বাবুর কেমন একটু স্নেহ জন্মিল,—বলিল,—“আচ্ছা—এই চিঠি লইয়া বাজারে যাও, শীঘ্র সব্বত্রে আমার দ্রব্যগুলি লইয়া আইস—তাহা হইলে বুঝিব তুমি কেমন চতুর ও বিপাশী ।”

রতি পত্র হস্তে চলিয়া গেল । বাইবার সময় বুঝিতে পারে নাই যে, তাহাকে মামার বাড়ী পাঠান হইয়াছিল ।

রতি চলিয়া গেলে পর, একজন বাবুকে সম্বোধন করিয়া বলিল,—“বাবু, বেটার চোক ছোটো ভাঁটার মত ঠিক্রে প’ড়ছে ।” দ্বিতীয় কহিল,—“বঁটা কি ফেকাসে, একটু ওমাধুর্গা নাই ।” তৃতীয় কহিল,—“চুল গুলো সেন হুর্গাঠাকুরের অস্থরের ত্রায় কোঁকড়ান ।” চতুর্থ কহিল,—“দাঁত দেখেছেন, কি ছোট ছোট, বেটা পাঠার হাড় কেমন করিয়া চিবায় ?” পঞ্চম ব্যক্তি এতক্ষণ নিঃশব্দে ভাবিতেছিল, যখন সকলকার মন্তব্য শেষ

হইল, তখন সে বলিল,—“বাবু, অতীদানে যক্ষবধ, অতি গর্বে হত রাম, অতি বিবাহে ভীষ্ম বধ ; অতি শকট মন্দ । বেটার সৌন্দর্য্য তেমনই অতি শব্দে নষ্ট হইয়া গিয়াছে । তার একের নম্বর চক্ষু, দ্বিতীয় নম্বর নাক, তৃতীয় নম্বর চুল, চতুর্থ নম্বর দাঁত, এই সকল তরকারীর উপাদানে ফেকাসে বর্ণ হয়েছে । লবণাধিকা, স্নতরাং সব তরকারী ‘হোলসেল বরবাদ’ হয়েছে ।”

তাহার কথা শুনিয়া সকলে অপরিমিত হাস্য আরম্ভ করিল । সঙ্গে সঙ্গে মৃদঙ্গের ঘা । তুমুল কোলাহলে ক্ষুদ্র শিশু ভয়ে মাতৃকোড়ে আশ্রয় গ্রহণ করিল । এই সময় রতিকান্ত মণ্ডবিক্রেতার দোকান হইতে প্রত্যাগমন করিলে, সকলে উল্লাসিত হইয়া স্মরণাপন করত গন্তব্য পথ অন্বেষণ করিল ।

রাত্রি প্রায় দশটা । সারদা বাবু অন্তঃপুরে গমন করিল । রতিকান্ত মোমবাতি হস্তে পশ্চাৎ পশ্চাৎ চলিতে লাগিল । তাহার দালানে উপস্থিত হইলে, উৎফুল্লময়ী চঞ্চল ও তীব্র নয়নে রতিকান্তের মুখদর্শন করিয়া, যেন এক অভাবনীয় চিন্তায় নিমগ্ন হইল । চিন্তার স্থির বিষয় কিছুই ছিল না, অথচ কত অলীক শ্রেণীহীন চিন্তা এক সময়ে উঠিতে লাগিল । আত্ম ভাব দমন করিয়া, কর্কশস্বরে কহিল,—“সারদা, এ কে ?”

“আমার সরকার—হিসাব পত্র নিজে রাখিতে পারি না, ও ইংরাজী জানে—কাজের সুবিধা হইবে ।”

“ও কে ? ওর বাড়ী কোথায় ? কে তাহাকে জানে ?”

“আমি জানি, তোমরা মেয়ে মানুষ, আবার আমার উপর হাত নাড়া দিতে এলে ?”

রতিকান্ত ও সারদা আহালাদি করিয়া বখাযোগ্য স্থানে শয়ন করিতে চলিয়া গেল । উৎফুল্লময়ী স্বীয় শয্যায় শয়ন করিয়া, গভীর

চিন্তায় নিমগ্ন হইল। রজনী আগত হইলে, যেমন কোন গৃহ হইতে অন্ধকার উপস্থিত হয়, তাহা কোন কাঁব আর পর্যাণ্ড স্থির করিতে পারেন নাই, সেইরূপ এই অপরিচিতকে দর্শন করিয়া উৎকলময়ার অন্তরের কোন গৃহ কক্ষ হইতে, কঠোর করুনা আসিয়া তাহার হৃদয় আচ্ছন্ন করিল, তাহা কে বলিবে? গত জীবন তাহার পাপমানে উদয় হইল। তখন তাহার মুখ ক্ষণকাল ভার হু বিনম্র হইল, কিন্তু তৎক্ষণাৎ সেই কোমল ভাব বিদরিত হইল। পাবাগীর কঠিন অন্তরে প্রতিহিংসা ধু ধু করিয়া জ্বলিয়া উঠিল। আপন মনে বলিতে লাগিল,—“একি সেই? সে কি বাচাবে? সে অবস্থায় কি বাচিতে পারে? কে বাচাইবে? সে বনে কে বাচাবে? সে কখনই নয়। কিন্তু গঠন ত এক—যেন এক ছাঁচে ঢেই মুখ তুলিয়াছে হস—টিক্ টিক্—বেশ মনে পড়িয়াছে—তাহার বাহু হস্তে ছয়টি আঙ্গুল, বাহু পাশে জড়ুলের বৃহৎ কাল চিহ্ন ছিল। এর কি আছে?”

উৎকল শব্দ হইতে উঠিল। প্রদীপ হস্তে অন্তঃপুর হইতে বাহির হইয়া বহির্বাটীর মধ্যে উপস্থিত হইল। রতিকান্তের শয়ন-কক্ষে প্রবেশ করিয়া দেখে, সে গাঢ় নিদ্রায় অভিভূত। পরিপূর্ণ বসন শিথিল হইয়া পড়িয়াছে। উৎকল তাব নয়নে, নাসিকা বৃত্ত করিয়া রতিকান্তকে পরীক্ষা করিতে করিতে কহিল,—“আ সর্বনাশ! তবে কি সকল কন্ম পণ্ড হইল? এত বহু, এত পরিশ্রম কি শেষে ভয়ে ঘি ঢালার মত হইল? বার জন্ম এত অপমান সহ করিলাম, ঘর বাড়ী ত্যাগ করিলাম, রামনগরে কুড়ে বাসিয়া ভিক্ষা করিয়া দিন কাটাইলাম, এখন দেখিতেছি সকলই অকারণে সহ করিলাম। ধিক্ ধিক্! আমাকে ধিক্! উৎকল নামে ধিক্! যে উৎকল বনের বাঘকে নাচাইতে পারে, তার বাঘকে স্বী পুরুষ

ভুলিয়া যায়, যার অসাধ্য কিছুই নাই, তার অদৃষ্টে কি শেষে এই ছিল ?  
হায় ! তার মঙ্গলকে ধিক্ ! হায় ! তার জীবনে ধিক্ !”

উৎকল্ল করুণস্বরে যখন এই প্রকার প্রলাপ বকিতেছিল, তখন রতিকান্ত স্বপ্নাবেশে অশ্রুটস্বরে কি করিয়া, পাশ্ব পরিবর্তন করিল। সে আশ্রয়লাভ করিয়া, তৎক্ষণাৎ প্রলাপ নিকাণ করিয়া ফেলিল। অন্ধকারে কতক্ষণ সেইস্থানে দাড়াইয়া রহিল। ক্রকটী করিয়া মুখের শ্রী অন্ধকারে মিশাইতে লাগিল। অশ্রুটস্বরে কত মন্ত্র পাঠ করিয়া, স্বশয্যায় আগমনপূর্বক শয়ন করিল। ভাটিল মঙ্গল করিতে করিতে সে রাত্রি নিদ্রা আসিল না।

যে দিন অভাগা রামচন্দ্রের পুত্র গিরীশের মৃত্যু হইল, সেই দিন হইতে কাঞ্চনমালা উৎকল্লময়ীর বন্ধু হইল। অন্তরের নিগূঢ়তাব উভয়ে প্রকাশ করিত। কোন কার্য করিতে হইলে কাঞ্চন পরামর্শ দিত। পনের দিবস হইল, রতিকান্ত দে-বাবুর বাটীতে আসিয়াছিল। কাঞ্চন ও উৎকল্ল উভয়ে পুজাতুপুজা অনুসন্ধানের দ্বারা তাহাদের সন্দেহ দূর করিবার চেষ্টা করিতেছিল। তাহারা রাত্রি এক প্রহরের সময় উভয়ে বসিয়া কথোপকথন করিতেছিল। সারদা নিমন্ত্রণ উপলক্ষে গ্রামান্তর হইয়াছিল। উপরের প্রকোষ্ঠে বরদা সারদার আসিবার আশায়, চাত-কিনীর ভায় অপেক্ষা করিতে করিতে নিদ্রাগত হইয়াছিল। বহিষ্কৃতির এক কক্ষে রতিকান্ত শয়ন করিয়া স্বপ্নে প্রভাবতীর চক্ষুজল মুছিয়া দিতেছিল, এমন সময় ভীমা বামা উপস্থিত হইয়া কি বলিতে উত্তত হইল। তাহাকে দেখিয়াই রতিকান্ত এমন ব্যস্ত হইল যে, তাহার ঘুম ভাঙ্গিয়া গেল। তখন বর্তমান অবস্থা স্বরণ করিয়া নির্মম অশ্রু বিসর্জন করিতে করিতে পুনরায় নিদ্রাগত হইল। ইতিপূর্বে রতিকান্ত রামনারায়ণের পুত্র, ইহাই উৎকল্ল ভুলিয়াছিল। আজ কাঞ্চন তাহার বথার্থ পরিচয়

অবগত হইয়াছে, কিন্তু বিশ্বাস করিয়া সঙ্গিনীকে একথা প্রকাশ করিতে পারিতেছে না ।

কাঞ্চনের স্বভাব উৎকলময়ী অপেক্ষা অনেক ভাল । তাহার অন্তর আছে । স্বীলোকের কোমলতা শুনই স্বাভাবিক । কাঞ্চনের সম্পূর্ণ না থাকিলেও আংশিক আছে । পরনিন্দা, পরমানি, পরের অপকার করা যেমন কেশশূন্য বিধবা নারীর জীবনের ব্রত ছিল, কাঞ্চনের সেরূপ ছিল না । তবে মঙ্গলদায়ী, স্বাস্থ্যলভ সকল শুনই হাস হইয়াছিল । গিরীশের হত্যাত্তে কাঞ্চন লিপ্ত ছিল সন্দেহ নাই, কিন্তু সে সময় তাকে ইচ্ছার বিরুদ্ধে অনেক কার্য্য করিতে হইয়াছিল । রত্নিকান্তের পিতার জন্ম দে-দেশ কত অপমান ও তিরস্কার সহ্য করিয়াছিল, তাহা কাঞ্চনের মনে সকলই গাথা আছে কিন্তু তাহার যথার্থ পরিচয় দিলে পাছে পিষাচা এক অভিনব হত্যাকাণ্ডে লিপ্ত হয়, এই ভয়ে কতক্ষণ কাঞ্চন মনে মনে ইতিকট্টবাতা স্থির করিল । স্বীলোকের মনে কখন গোপনীয় কথা থাকে না ; এইজন্য পূর্ব্বতন ঋমিগণ কহিয়া গিয়াছেন যে, স্বাদিগকে এমন কি পাটেশ্বরীকেও কোন গোপনীয় কথা কখন প্রকাশ করিবে না । বঙ্গের স্বী এই প্রকৃতির, সন্দেহ নাই । অত্যাচার দেশের, বিশেষতঃ ইংলণ্ড ফ্রান্স আমেরিকা প্রভৃতি দেশের স্বীলোকেরা রাজা শাসনের অনেক ভার গ্রহণ করিয়া থাকে । সে সকল নীরাজনাদিগের সতিত কাঞ্চনের তুলনা অবশ্য কোন মতে হইতে পারে না । অনেকক্ষণ ভাবিয়া চিন্তিয়া কাঞ্চন ক্ষুটনোন্মুখ কোরকের দ্বার অন্ধবিকসিত মুখে কহিল,—“ঠাক্কণ ! এক কথা শুনিয়াছ ?”

উৎ । কি কথা—চূপ ক’রে রহিলি যে—বলনা শুনি ।

কা । এমন কিছু নয়, তবে কথাটা শক্ত ।

উৎ । কি—কি—আবার শক্ত হ’ল ।



উৎফুল্ল এক নিমিষে ভূত, বর্তমান ও ভবিষ্যৎ আশঙ্কা পর্যালোচনা করিয়া কহিল,—“শত্রু কথা আবার কি হ’ল ?”

কাঞ্চনের অন্তর্দাহ উপস্থিত হইল । ক্ষণকাল কোন কথা নিঃসৃত হইল না । কিন্তু উৎফুল্লের পুনঃপুনঃ তাড়নাতে বলিতে হইল যে, রত্নিকান্ত রামনারায়ণের পালক পুত্র । সে জলেশ্বরের অরণ্য হইতে তাহাকে গুড়াইয়া পাইয়াছিল এবং সময়ে পুত্রবৎ পালন করিয়া আসিয়াছে । উৎফুল্লময়ীর মুখ এক নিমিষে বিকট হইয়া উঠিল । যতই চিন্তা করিতে লাগিল ততই বিষ উঠিতে লাগিল । মনে করিল—শত্রুকে কি একেবারে নির্বংশ করিব ? কেহ কি জানিতে পারিবে ? আমার কোন কার্য কে কখন জানিতে পারিয়াছে ? একটা সামান্য কাণ্ড কি লুকাইয়া রাখিতে পারিব না ? উৎফুল্লময়ী মনে করিলে কি দুই চারিটা নরবলি দিতে পারে না ? তবু কি জানি কি করিতে কি হয় ? তবে এখন কি করিব ? আচ্ছা—মানুষের কাষ কি ঈশ্বর দেখেন ? এত কাল করিলাম, কে দেখিল ? ধর্ম্মাধর্ম্ম পরকালে । শত্রুবধে পাপ কি ? শত্রুবধ করিয়া নিজের সম্মান রাখিবে—সংসারের নীতিই এই । এই নীতি কে না দেখে ? রামচন্দ্র বালিকে মারিলেন ; লঙ্কার রাবণকে সবংশে উচ্ছন্ন করিলেন, সেও ত আপনার সুখ ও মানের জন্ত । দেবতা ও মানুষ সকলেই এক নিয়মে কাষ করে । তবে শত্রুবধে পাপ কি ? কিন্তু এ আমার কি করিয়াছে ? শত্রুর পুত্র ও শত্রু । যদি একটু পাপ হয়, গঙ্গান্নানে মুক্ত হইব । হরিনাম করিলে মহাপাপী মুক্ত হয় । আমার কি হরিনামের বয়স এর মধ্যেই হ’ল । এ বয়সে কত লোক কত রঙ্গ করিতেছে । আমার বয়স কি ? এখনই হরিনামের মালা লইলে লোকে কি বলিবে ? দুঃ হউক ও সব কথা । এখন কি করি ? প্রতিহিংসা কি এখনও হয় নাই ? নাই কেমন করিয়া বলি ? তেমন সংসারকে লগ্ন ভগ্ন

করিয়ছি ; শোকে ভংগে—মরিয় গেল,—এখন উন্মাদিনী প্রায় ;  
বাকি কি আছে ? ইচ্ছাকে মারা না মারা হইই সমান । শত্রুবংশ  
কখনই থাকিবে না । এ কখনই সে বংশে আর উপস্থিত হইতে পারিবে  
না । এতদিন পরে মাগী কে দিবে ?

উৎকল মুখকে কুটিল করিয়া উঠিয়া দাড়াইল । কাঞ্চন এতক্ষণ স্থির  
হইয়া তাহার মুখভঙ্গি দেখিতেছিল, এখন উঠিতে দেখিয়া বাস্ত  
হইয়া কহিল,—“ঠাকুরাণ, কোথা যাইবে ?”

উৎ । পেছু না ডাকিলে কি চলে না ? কোথা যাব ? ক্রমে বয়স  
বাড়িতে না কমে ? এত দেখে শুনেও ত ছান জন্মাল না ।

কাঞ্চনমালা একেবারে চুপ,—কোন কথা কহিল না । উৎকল  
নষ্টি ও প্রদীপ হস্তে রতির শয়নকক্ষে প্রবেশ করিল । শুকপক্ষীর  
হ্রাস নাসিকা বক্র করিয়া, শিশিনী অ্যপেক্ষা ককশস্বরে কহিল—“ওঠ,  
ওঠ—ঘুম দেখ—আ সর্বনাশ !—যাব কোথা—এই বয়সে এত বিছা—  
নাও বাড়ির হও—আমার বাটী হইতে এখনই দূর হও—নতুবা পুলিশ  
ডাকিতে হয় ডাকিব ।”

রতিকাঃ বাস্ত হইয়া চক্ষু সম্মার্জনা করিতে করিতে, শস্য উঠিয়া  
বসিল, জিজ্ঞাসা করিল—“মা, কি হইয়াছে ?”

উৎ । কি হ’য়েছে, যেন কিছু জানেন না—এই বয়সে এত গুণ,  
গুণের মধ্যে সব নিগুণ, কেবল চামড়া কটা । এখনই ওঠ—মরত এই  
রাত্রে মহা বিপদ উপস্থিত হইবে ।

এই বলিয়া রতিকে ভয়ানক পিড়াপিড়ি করিতে আরম্ভ করিল ।  
রতি বিস্মিত, ভীত ও হতবুদ্ধিপ্রায় হইল । ভঙ্গস্বরে বলিল “আমি  
চলিয়া যাইতেছি, কিন্তু মা আমার অপরাধ কি ?”

বিকট স্বরে ও দন্ত চৰ্চণ করিতে করিতে বলিল,—“কথার শ্রী

দেখেছ ? ওকে সব কথার হিসাব দাও—ওঠ ওঠ আমার সময় নাই—  
বাতির হও—সদর দপছা বন্ধ করি ।”

উপায়হীন রতি অগত্যা বাটার বাতির হইল । উৎকল চক্ষু  
ক্লান্ত ও দগ্ধ নিষ্পেষিত করিয়া অশ্রুটস্বরে কি বলিতে বলিতে দ্বার  
বন্ধ করিল । দ্বিপ্রহর রজনীতে সে একাকী রাস্তায় দাঁড়াইয়া  
রহিল ।

ঠিক এই সময়, একজন সবল কৃষ্ণ ও দীর্ঘকায় পুরুষ রূপাণহস্তে  
শীরে ধীরে রতিকান্তের সম্মুখ দিয়া চলিয়া গেল । একে আকাশে চকুনা  
ছিলনা, তাহাতে মেঘজালে দিগ্‌মণ্ডল আবৃত হওয়াতে, বাগিনী বিভীষিকা  
মুষ্টি ধারণ করিয়াছিল । রতিকান্ত সেই সময় রাস্তার পার্শ্বস্থিত একটা ক্ষুদ্র  
শুল্কের সহিত মিশিয়া গিয়াছিল ; স্তত্রাং কৃষ্ণ পুরুষ তাহাকে লক্ষ্য  
করিতে পারিল না । সে সবিস্ময়ে ও সভয়ে পশ্চাতে চাহিয়া দেখে,  
অনতিদূরে একব্যক্তি ডইটী ঘোটকের বগ্না ধারণ করিয়া, সাবধানের  
সহিত মন্দ মন্দ পদসঞ্চারে পথমের অনুসরণ করিতেছে । রতি  
বুঝিতে পারিল, কৃষ্ণ পুরুষ নিঃশব্দে যাইবার মানসে ঘোটকের পৃষ্ঠ  
হইতে ভূতলে নামিয়াছে । তাহার কোতূহল বৃদ্ধি হইল । সেও তাহাদের  
অনুগমন করিল । অপরিচিত পুরুষ, নবকুমার দের বহির্কাটা পার  
হইয়া, এক গুপ্তদ্বারের নিকট উপস্থিত হইল । অশূলিদ্বারা দ্বারোপরি  
মুহু মুহু তিনবার আঘাত করিল । অনতিবিলম্বে দ্বারোদঘাটিত হইল ।  
ক্ষুদ্র দীপালোক অপরিচিতের মুখে পড়িল । সেই আলোকে রতিকান্ত  
দেখিল যে, সে একজন অপরিমিত বলশালী ব্যক্তি । তাহার বিশাল  
শস্ত্র বক্ষে ঝুলিয়া পড়িয়াছে । বয়ঃক্রম প্রায় পঁয়তাল্লিশ । চক্ষু আকর্ণ,  
নাসিকা উচ্চ, কপাল প্রশস্ত, মস্তকে বৃহৎ উষ্ণীষ । পরিধেয় বসন  
সৈনিক পুরুষের মত । তাহার বাম পার্শ্বে ফলক ও কাটিদেশে তরবারি

ঝলিতেছে । উৎকলময়ীকে সম্মুখে দাঁড়িয়া, কক্ষ পুরুষ শুষ্কমুখে বাকুল-  
ভাবে কহিল,—“সর্বনাশ হইয়াছে,—প্রভাবতীর উদ্দেশ পাঠিতেছি না ।”

উৎকলময়ী চঞ্চল লোচনে বর্জ্যদিকে দৃষ্টিক্ষেপ করিয়া কহিল,—  
“চুপ—চুপ—রজনীর ও চক্ষু কণ আছে—কতদিন প্রভার উদ্দেশ নাট ?”

পুরুষ । আজ একমাস নরেন্দ্রলাল বাবুর 'বাটা' হইতে কোথায়  
চলিয়া গিয়াছে ।

উৎকল । বল কি—ভিত্তিরে আইস, ভয় নাই—অনেক কথা আছে ।  
পরে মনে মনে কহিল—“আর একদণ্ড অগ্রে আসিলে শত্রুর বংশ  
সম্মলে নিম্নল হইত ।” বাটার দ্বার বন্ধ হইল । দোটক ধারণ করিয়া  
সে পুরুষ আসিতেছিল, তাহাকে আর দাঁড়াতে পাওয়া গেল না ।

# নবম পরিচ্ছেদ ।



ঐশ্বরদাস ।

নিরাশ্রয় রতিকাণ্ড রাস্তার উপর দিয়া যথেষ্ট চলিতেছে, আর ভাবিতেছে :—ইহারা কে ? ইহাদের কার্যের অর্থ কি ? ইহারা কি মনুষ্য না রাক্ষস ও রাক্ষসী ? উৎকল্লময়ীকে দেখিয়াই আমার চিত্ত কেমন অস্থির হইয়াছিল, যেন তাহার সহিত আমার জীবনের নিগূঢ় সম্বন্ধ আছে । প্রভাবতীর সহিত ইহাদের সম্বন্ধ কি ? সে এখন কোথায় ? সে কেন পলাইয়া গেল ? তাহার জন্ত ইহারা কেন চিন্তাবিত ? প্রথম রাত্রি উৎকল্লময়ী আমার শয়নাগারে আসিয়া বিজ্, বিজ্, করিয়া কত মন্ত্ৰ পাঠ করিল । আমার কথা লইয়া কেন ইহারা বার বার আন্দোলন করে ? আমার পরিচয় জানিবার জন্ত কেন ইহারা এত ব্যস্ত ? আজ আমার পরিচয় পাইয়া কেন নিরপরাধে বাটী হইতে দূর করিয়া দিল ? আমি কি কাহারও কিছু করিয়াছি ? আমার মা—মা কি আমার সত্য সত্য একজন ছিলেন ? তিনি কি এখনও জীবিত আছেন ? সেই মা কি ইহাদের অনিষ্ট সাধন করিয়া ছিলেন ? হা বিধাতঃ—এই সংসার তোমার খেলিবার স্থান । তুমি আশ্রয়হীন হতভাগ্য বালকের চক্ষে কাপড় ঝুঁধিয়া তামাসা করিতেছ ? আমি পুরুষ, সহিতে পারি, কিন্তু 'অবলা' ক্ষীণা প্রভা তোমার কি

করিয়াছে ? সেই সরলতার স্বর্ণপ্রতিমা কি কখন কাহারও অপকার করিতে পারে ? অনিষ্টচিন্তা কি সেই পবিত্র সরল মনে কখন স্থান পায় ? তবে কোন্ পাপে, কাহার কৰ্মফলে, নিরপরাধিনী প্রভা বস্তুচ্যুতা ভূপতিতা মল্লিকার শ্রায় অনাথিনী ? ঈশ্বর ! আমাদের মত কি হতভাগা এ সংসারে আর আছে ? যে দেশে যাই, সেই দেশে দেখি—দীনতঃখীরও থাকিবার পর্ণকুটীর আছে, পিতা বা মাতা বা ছুই এক জন আত্মীয় বন্ধু আছে । কিন্তু আমাদের আমাদের জগতে কেহ নাই । যেখানে যাই সেখানে সকলে শত্রু হইয়া পড়ে—দূর দূর করিয়া সকলে তাড়াইয়া দেয় । কেন—আমাদের অপরাধ কি ? হায় ! এ কথা যদি উত্তর পাইব, তবে আমাদের এ হৃদিশা কেন ?

ভাবিতে ভাবিতে রতিকান্ত গ্রামের ষষ্ঠির্দিকে আসিয়া পড়িল । পশ্চাতে যুগ্ম ঘোটকের পদশব্দে চমকিয়া উঠিল । দুইজন ঘোটকা-রোহী পুরুষ নক্ষত্রবেগে চলিয়া গেল । মনে মনে ভাবিল,—“ইহারাই আমাদের বিধাতা পুরুষ, কি ভাঙ্গিয়া কি গড়িতেছে, তাহা ইহারাই জানে ।” এইরূপ চিন্তা করিতে করিতে নগর মধ্যে পুনঃ প্রবেশ করিল । ঈশ্বরদাস বাবুর দ্বিতল বাটীর সম্মুখে উপস্থিত হইল ।

ঈশ্বরদাস একজন ব্রাহ্ম ও পরম সাধু বলিয়া পরিচিত ছিলেন । পরোপকার তাঁহার ব্রত ছিল । কেহ যাক্কা করুক বা নাই করুক, দুঃখী দেখিলেই তিনি আপনা হইতে সাহায্য করিতেন । রামনগরের সমুদয় লোক তাঁহার প্রশংসা করিয়া শেষ করিতে পারিত না । তাঁহার সহিত রতিকান্তের ঘটনাচক্রে একদিন মাত্র দেখা হয় । রতির সমুদয় অবস্থা শুনিয়া এক সুদীর্ঘ নিশ্বাস ফেলিলেন । তাহা দেখিয়া সে তাঁহার শুণের একান্ত পক্ষপাতী হইয়া পড়িল । সে তাঁহার বাটীর দ্বারের নিকট উপস্থিত হইয়া ধীরে ধীরে কহিল—“পাড়েজি ?”

পাঁড়েজি প্রদীপ জালিয়া গৃহমধ্যে কি করিতেছিল, কথা শুনিয়া নীরব রহিল। রতি পুনরায় করুণ ধরে কহিল—“পাঁড়েজি ও পাঁড়েজি, ফটক একবার খোল না?”

পাঁড়ে। এত রাত্রিতে কে গোলমাল করে?

রতি। তোমার মুনীব কোথা?

পাঁড়ে। মুনীব! রাত্রিতে মুনীব? কি চাও?

রতি। একবার দেখা করিতে চাই।

পাঁড়েজি থিল্ থিল্ করিয়া হাসিয়া কেলিল,—বলিল,—“বাবু, কাল প্রাতে আসিও, রাত্রে বাবুর সহিত দেখা হইতে পারে না। বাবু কি একবার নিদ্রা যাবে না?”

রতিকান্ত ভাবিয়াছিল ঈশ্বরদাস বাবুর বাটীতে দিন রাত সদাব্রত চলিতেছে—রাত্রি দ্বিপ্রহরেও তাহার আসিবার বাধা থাকিবে না। এখন ভয়মনোরথ হইয়া আকাশে দৃষ্টিপাত করিয়া এক সুগভীর নিশ্বাস পরিত্যাগ করিল।

এক সময় ব্রাহ্মজীবন সকলকার আদর্শস্থল হইয়াছিল, সুতরাং সে সম্বন্ধে, দুই এক কথা বলা বোধ করি অপ্রাসঙ্গিক হইবে না। রামনগরে একটা ব্রাহ্মমন্দির ছিল। শিবনাথ তাহার উপাচার্য। তাঁহার সৌম্য মূর্তি, বিশাল চক্ষু ও গভীর ভাব দেখিলে স্বতঃ ভক্তির উদয় হইত। ইনি দরিদ্রের পিতা, সাধুর বন্ধু ও অসাধুর শত্রুস্বরূপ ছিলেন। এই মন্দিরে ঈশ্বরদাস ধর্মপুস্তক হস্তে সর্বদা ভ্রমণ করিতেন। তিনি শিবনাথ বাবুর হস্তস্বরূপ ছিলেন। পৌত্তলিক ধর্ম্মে কিছুমাত্র বিশ্বাস ছিল না। তিনি প্রকৃত ‘দুর্গা’ নাম ত্যাগ করিয়া তৎপরিবর্তে ‘ঈশ্বর’ পরিগ্রহ করিয়া ব্রাহ্মধর্ম্মের পরাকাষ্ঠা লাভ করিয়া ছিলেন। স্বাধীনতা ভিন্ন, ঈশ্বরদাসের স্বাধীন সমুদায় গুণ লাভ

করিয়াছিলেন। ঐশ্বরদাসের নিতান্ত ইচ্ছা যে, য়ুরোপীয় কামিনীগণের  
 আশ্রয় তাঁহার স্বাধীনতা লাভ করিয়া, মনের সাধে জুতা পায়ে দিয়া  
 চারিদিকে ভ্রমণ করিয়া বেড়ান; কিন্তু সামাজিক অবস্থা দৃষ্টে বিজ্ঞ  
 উপাচার্য্য তাহা হইতে তাঁহাকে নিবারণ করিয়াছিলেন। বাস্তবিক বলিতে  
 কি, স্বাধীনতার স্বাধীনতা দিবস সময় বঙ্গে এখনও স্বেচ্ছাসিদ্ধ হয় নাই। যে  
 দেশে একটা স্বাধীন একাকিনী পথে বাহির হইলে, সকল শ্রেণীর  
 লোক দেখিবার জন্ত ব্যস্ত হয়; যে দেশে স্বাধীনকে সম্মান করিতে  
 শিক্ষা পায় নাই, যে দেশের সমাজ স্বাধীনতার সহিত কোন  
 সম্বন্ধ রাখে না এবং কোন কার্য্যে কেহ স্বাধীনতার অভিপ্রায়  
 গ্রহণ করে না বা করিবার আবশ্যকতা আছে বলিয়া মনে  
 করে না, যে দেশে স্বাধীন স্বাধীনকে আকর্ষণক বিপদ হইতে রক্ষা  
 করিবার ক্ষমতা রাখে না; সে হতভাগ্য দেশে স্বাধীনতা দিবস  
 এখনও বিলম্ব আছে। পূর্বে রাজেশ্বরী সিংহাসনে রাজার বামে  
 বসিয়া, তঁহাকে শাসন-উপদেশ প্রদান করিতেন; তখন বীরস্বাধীন-  
 গণ তরবারি ধারণ করিয়া ঘোটকপৃষ্ঠে সংগ্রামক্ষেত্রে অবতীর্ণ  
 হইতেন। কিন্তু ভারতের সে দিন গিয়াছে। সে অবস্থার এতদূর সমূহ  
 পরিবর্তন। সুন্দর অবয়বের এখন কঙ্কাল অবশিষ্ট। স্বাধীন ও পুরুষ  
 উভয়ের কি অধঃপতনই হইয়াছে? বঙ্গের জীর্ণ শীর্ণ পতনশীল  
 সমাজ স্বাধীনতার দিকে দৃষ্টি করে না। আধুনিক শিক্ষিত সম্প্রদায়  
 দ্বারা বঙ্গসমাজের ঈদৃশ দুরীভূত হইবে তাহার আশা আছে, কিন্তু  
 সে আশা কখন ফলবতী হইবে তাহা বলা বড় দুঃস্বপ্ন। শতকরা দশজন  
 লোকও মুশিক্ষা প্রাপ্ত হয় নাই। শিক্ষিত স্বাধীনতার সংখ্যা বড়ই  
 কম। শিক্ষা না বাড়িলে কি কখন সমাজের উন্নতি হইতে পারে?  
 বর্তমান সময়ে স্বাধীনতা দান করা বিড়ম্বনা মাত্র। আমি শিবনাথের



কার্য্যকে প্রশংসা করি। অনুরদর্শী যুবাদিগের ছায়, জীবনাবীনতা লইয়া শিবনাথ বৃথা সময়ের অপব্যয় করিতেন না।

একটা কথা বলিয়া ঈশ্বরদাসের পরিচয় শেষ করিব। ইহার ঘনস্থান মৌলিকগ্রাম। ইনি রামনগরে বিবাহ করিয়া, স্বশুরালায়ে বাস করিতেছেন। তাঁহার জ্যৈষ্ঠ পিতার একমাত্র কন্যা, স্ত্রীত্যাগ তাঁহার মরণের পর ঈশ্বরদাস তদীয় সম্পত্তির অধিকারী হইয়াছিলেন।

একই সময়ে, কেহ উমাকে তিরস্কার করে, কেহ বা আদর করে। সময় কি বহুরূপী? অথবা মনুষ্যের অবস্থা-ভেদই তাহার কারণ? উমাকে আসিতে দেখিয়া, রোমিও বৃক্ষের উপর হইতে কতই তিরস্কার করিতেছে, জুলিয়েট মুখভঙ্গী করিয়া কত গজ্ঞনা দিতেছে। আবার কৈকেয়ী উমাকে আলিঙ্গন করিয়া কাণে কাণে কহিতেছে,—“উষে! তোমার প্রভাতে আজ আমি রাজমাতা হইব।” সময় কিন্তু একভাবে এক নিয়মে চলিয়া বাইতেছে। তাহার অনন্ত অঙ্গ পর্য্যায়ক্রমে কৃষ্ণ ও শ্বেতবর্ণে রঞ্জিত। কৃষ্ণ ভাগকে রাত্রি, শ্বেত ভাগকে দিবা কহে। সময়ের এই কৃষ্ণ অংশ কাহাকেও স্তম্ভী, কাহাকেও ভ্রমী করিয়া চলিয়া গেল। গর্বিণী উমা আরক্তিম মুখে পূর্বদ্বার উদঘাটন করিল। নবোদিত সূর্য্য সময়ের শ্বেত অঙ্গ প্রকাশিত করিল। ঈশ্বর বাবুর বহির্দ্বার, দ্বারবান মুক্ত করিয়া দেখিল,—বারাণ্ডায় একব্যক্তি শয়ন করিয়া আছে। “তুমি কে?” বলিতে বলিতে দ্বারবান নিদ্রাস্থিত ব্যক্তির গায়ে স্পর্শ করিল। রতিকান্তের নিদ্রাভঙ্গ হইল। চক্ষুমার্জনা করিয়া বলিল,—“বাবু কি উঠিয়াছেন?”

“না—উপরের হলে যাইয়া বইস।”

রতি উপরের প্রকোষ্ঠে গমন করিল। গৃহ পরিষ্কার ও পরিচ্ছন্ন। সম্মুখেই রাজা রামমোহন রায়ের বৃহৎ আলেখ্য দোহুদ্যমান।

অপরদিকে কোথাও স্থির সমুদ্রের দৃশ্য, কোথাও বাটিকা-বিবর্ণিত সমুদ্র মধ্যে অর্ণবপাত, কোথাও বা উইগুসর দুর্গ, কোথাও বা বকিংহাম রাজপ্রাসাদ, ইত্যাদির চিত্র রহিয়াছে। মধ্যে এক মেজ—তাহার উপর ব্রাহ্মধর্মের পুস্তকাবলি, হিউমের ট্রিটিজ অব হিউমান নচার প্রভৃতি গ্রন্থ সকল বিশৃঙ্খল ভাবে পড়িয়া আছে। রতি প্রকোষ্ঠে প্রবেশ করিয়া চারিদিকে দৃষ্টি সঞ্চালন করিল। মেঝিয়ার একদিকে দেশী কাগজে লিখিত একখানি অন্ধাঙ্কিত পত্র পড়িয়া রহিয়াছে। কৌতুহলী হইয়া রতিকান্ত তুলিয়া লইল; বড় বড় অক্ষরে কে যেন কাহাকে পত্র লিখিয়াছে। ছুই ছত্র পড়িয়া কৌতুহল এমন বৃদ্ধি হইল যে, তাহা পাঠ না করিয়া কেলিয়া দিতে পারিল না। এই সময় বাহিরে পদব্দ হইতে লাগিল, বোপ হইল কে যেন তথায় আসিতেছে। সময় নাই দেখিয়া অগত্যা পত্রকে বস্ত্রের মধ্যে রাখিয়া দিল। এমন সময় ঈশ্বরদাস বাব আসিয়া পড়িলেন।

আমি নিশ্চয় कहিতে পারি, রামনগরের কোন ব্যক্তি কখন ঈশ্বরদাসের বিষয় মুখ পূর্বে দেগে নাই। শূন্য হৃদয়ের উচ্চ হাসি, তাঁহার সরলতার পরিচয়, দিন রাত্রি দিত। কিন্তু আজ প্রকৃতি পল্লববর্তিত। নন্দার সরোজের তায় মুখ স্নান। বন্ধিম চক্ষের হাসি হাসি ভাব নাই। হলে প্রবেশ করিয়াই একবার সকল স্থানে তীক্ষ্ণ দৃষ্টিপাত করিলেন, সেই স্বরিত লোচনের ভাব দেখিলে ভাবুক বুঝিবে যে, বাবুর কোন দ্রব্য হারাইয়াছে। বাহা হউক প্রকৃতিকে সংযত করিয়া कहিলেন,—“রতিকান্ত, এত প্রাতে কেমন আসিয়াছ?”

“আজ্ঞা—দে বাবুর বাটীতে আমার স্থান হইল না।”

“কেন? কেন?”

অকপটে রতি সমুদ্র বলিয়া গেল।

“বটে—বটে—সে স্থান তোমার উপযুক্ত নয়—আমি পূর্বেই বুঝিয়াছিলাম তোমার মত স্ত্রীবোধ সচ্চরিত্র সরল বালকের স্থান অত্র কোন উৎকৃষ্ট বাটীতে ।—এখন কি চাও ?”

“মহাশয়ের শরণ লইলাম—আমাকে কোথাও থাকিবার স্থান করিয়া দিন ।”

ঈশ্বরদাস কতক্ষণ নিস্তব্ধ থাকিয়া বলিলেন—“তুমি এক কায কর, রাধানগরের গৌরমোহন বাবুর নিকট যাও—তঁার একজন ইংরাজী শিক্ষিত ভাল লোকের প্রয়োজন আছে, তিনি এবিষয় আমার নিকট একবার প্রসঙ্গ করিয়াছিলেন ।” এই বলিয়া তিনি একখানি ক্ষুদ্র লিপি তাহার হস্তে দিলেন । পত্র পাঠিয়া রতি বিদায় লইল । বাবু দীর্ঘ নিশ্বাস ফেলিয়া বলিলেন,—“গেল কোথা—তন্ন তন্ন করিয়া সকল ঘর যে দেখিলাম”—এই বলিয়া অন্তঃপুরে প্রবিষ্ট হইলেন ।

## দশম পরিচ্ছেদ ।

### জমিদারী বিচার ।

যে দিন সিংভূম জেলার মহারাজ প্রতাপচন্দ্র রাও বাহাদুর শুনিলেন যে, মীরজাফরের মন্ত্রণায় পলাশীর যুদ্ধে, বীর মোহনলাল হস্তের অসি পরিত্যাগ করিয়া সমর-প্রাঙ্গণ হইতে চলিয়া আসিয়াছেন, এবং লর্ড ক্লাইব ভারত-লক্ষ্মীকে বাম্পায় পোতে উঠাইয়া মরসিদাবাদ হইতে কলিকাতায় আনিয়া ফোর্ট উইলিয়মে স্থাপিত করিয়াছেন, সেই দিন তিনি ঝিলেন যে, ইংরেজ বঙ্গের অজের বিধাতা পুরুষ হইলেন । তাঁহাদের সহিত যুদ্ধ করা কেবল অর্থ ও লোক ক্ষয় মাত্র । তিনি যুদ্ধে বিরত হইলেন । হস্তের অসি ভারতের শাসনকর্ত্তা ওয়ারেন হেস্টিংসকে প্রেরণ করিলেন এবং পত্র দ্বারা তাঁহার বশ্বতা স্বীকার করিয়া পাঠাইলেন । অকস্মাৎ দুর্দমনীর শত্রু বশীভূত হইল দেপিয়া ক্লাইব ও ও হেস্টিংস মহা সন্তুষ্ট হইলেন । তাঁহার মেদিনীপুরে আসিয়া মহারাজের সহিত সন্ধি বন্ধন করিলেন । ইহার দ্বারা মহারাজ সিংভূম জেলার কিয়দংশ করদ রাজ্য স্বরূপ প্রাপ্ত হইলেন । তথায় তাঁহার ক্ষমতা সম্পূর্ণ রূপে অক্ষত রহিল । ইহা ভিন্ন মেদিনীপুরের মধ্যে কতিপয় স্থানে জমিদারী স্বত্ব লাভ করিলেন ।

সেই হইতে মহারাজ প্রতাপচন্দ্র ও তাঁহার বংশধরেরা করদ রাজ্য বলিয়া পরিগণিত হইলেন । তিনি তাঁহার জমিদারীর অধিকাংশ পত্তনী

বিলি করিলেন। তন্মধ্যে রাধানগরের নিধিরাম বাবু তাঁহার প্রধান পত্তনীদার হইলেন। তাঁহার নামডাক বিলক্ষণ। ছল এবং ক্ষমতাও অধিক ছিল। রাজ সরকারে অনেক দিন হইতে চাকরী করিয়া তিনি নির্লক্ষণ অর্থ ও বল সঞ্চয় করিয়াছিলেন। অল্প সময়ের মধ্যে তাঁহার জমিদারী সুশাসিত করিলেন। বর্তমান ভূমালিকারা গোরমোহন বাবু নিধিরামের প্রপৌত্র।

গোরমোহন বাবুর প্রকাণ্ড বাড়ী। সম্মুখে নহবত খানা। উত্তর পাশ্বে দেবালয়। বাড়ী,—তিন মহল। প্রথম মহলে,—দ্বারবান ও ভৃত্য-বর্গ বাস করিত; গো, অশ্ব, শকট, খাত্তাদি প্রভৃতি কৃষিজাত দ্রব্যাদির থাকিবারও স্থান ছিল। দ্বিতীয় মহলে বাবুর কাছারী হইত। জমিদারী সেরেস্তা ও বৈঠকখানা সেই মহলে নির্দিষ্ট ছিল। শেষ ভাগে তাঁহার অন্তঃপুর। বাটীর চারিদিকে উচ্চ প্রাচীর এবং তৎপাশ্বে প্রশস্ত পরিখা, গড়ের উপর একটি পরিষ্কার সেতু। তাহারই সম্মুখ ভাগে প্রকাণ্ড ফটক, লৌহনির্মিত দ্বারে সুরক্ষিত। চোর তক্ষর ও বর্গীর হাঙ্গামা হইতে ধন ও মান রক্ষা করিবার জন্ত, এই সকল কার্য নিধিরাম বাবু করিয়া গিয়াছিলেন।

অট্টালিকার ভিতর বাহির দেখিলে, মনে হইত, এই অট্টালিকা অতি প্রাচীন কালে নির্মিত হইয়াছিল। বাতায়ন ক্ষুদ্র, প্রকোষ্ঠগুলি অপেক্ষাকৃত অল্পপরিসরের, গৃহভিত্তি প্রায় দুই হস্তের অধিক প্রশস্ত। প্রত্যেক সিঁড়ির উপর লোহ দ্বার নির্মিত। সমুদয় অট্টালিকার মধ্যে বাবুর বিহার গৃহ পৰ্শুগীজদিগের ছাঁচে প্রস্তুত হইয়াছিল। সুখসেবা নানা বস্তুতে ঘরগুলি সাজান ছিল। বিলাসের দ্রব্যের সংখ্যা ছিল না।

প্রথম মহলে দশজন দ্বারবান নিয়ত পর্যায় ক্রমে দ্বার রক্ষা করিত। বাটীর ভিতর প্রায় পঞ্চাশৎ দাস দাসী নিযুক্ত ছিল। এতদ্ভিন্ন গোমস্তা, নায়েব, ভহসীলদার, মুহুরী, পদাতিক ও হরকরা

অনেক ছিল। প্রাতঃকালে বেলা ৮টা হইতে বেলা দ্বিপ্রহর পর্য্যন্ত কক্ষারী বাড়ী লোকে পরিপূর্ণ হইয়া থাকিত। চুরি, ডাকাতি, দাঙ্গা হাঙ্গামা প্রভৃতি ক্ষৌজদারী মোকদ্দমার বিচার করিতে করিতে, কোন দিন তিন প্রহর হইয়া যাইত। গোরমোহন বাবুর বিচার করিবার কোন ক্ষমতা ছিল না। তবে ইংরেজদের অর্জুদয়ে দেশে যাহাতে অশান্তি, চুরি বা ডাকাতি না হয় তাহার জন্য জমিদারগণ বাধ্য ছিলেন। এই উপলক্ষে বঙ্গের জমিদার প্রজার উপর আধিপত্য করিতে সুযোগ পাইয়াছিলেন, এবং দুর্দান্ত ভূম্যধিকারীগণ নানা অত্যাচারে প্রজাকে ভয়ঙ্করীভূত করিয়া অশ্রীষ্ট সিদ্ধ করিতেন। গোরমোহনবাবুর বৈঠক খানায় দশ পনের জন চাটুকার নিয়ত বসিয়া, কেহ বাবুর অবয়বের সহিত নিফলক্ক শশধরের তুলনা করিত, কেহ বা কহিত—লক্ষ্মী বৈকুণ্ঠ ধাম পরিত্যাগ করিয়া রাধানগরে অবস্থান করিয়াছেন ইত্যাদি। একদিকে শিখা-সমন্বিত মুণ্ডিত মুণ্ড নাড়িয়া, ব্রাহ্মণেরা স্বতিশাস্ত্রানুযায়ী বাবু দিতেন। অপর দিকে গণগ্রন্থ, পিতৃমাতৃদায়গ্রন্থ ব্যক্তিগণ কাতরে বাবুর সাধনা করিত। ঠাঁহার একদণ্ড অবসর ছিল না।\*

ঈশ্বরদাস বাবুর পত্র হস্তে করিয়া, রতিকাঙ্ক ভ্রাতা উদ্ভিগ মনে ছেক্‌ড়াগাড়ীর পরিশ্রান্ত পক্ষীরাজের ন্যায় ধীরে ধীরে রামনগর হইতে রাধানগরে উপস্থিত হইল। বাবধান প্রায় তিন কোশ, সুতরাং তখন বেলা দশটা বাজিয়া গিয়াছে। দ্বাররক্ষককে প্রথমে জিজ্ঞাসা করিল—“বাবু কোথায় ?” সে চক্ষু রক্তবর্ণ করিয়া কহিল—“বাবু কোথায়, হামি কি জানি, ওকান হামারা নেই—তোমার ডেরা কোথা আছে ?” বাস্তবিকই এতবড় বাবু ভিতরে কোথায় কি করিতেছেন, দ্বারবান দ্বারে বসিয়া কেমন করিয়া সংবাদ রাখিতে পারে ? এ কথা যে বুঝা জানে না তাহাতে তাহার ভরানক অপরাধ, সেই জন্য দ্বারবানজি

ভাঙ্গা ভাঙ্গা বাঙ্গালাতে বলিতেছেন,—“তুমি এমন আহাম্মুক, তোমার বাড়ী কোথায়?” আর দ্বিরুক্তি না করিয়া রতিকান্ত দ্বিতীয় মূহলে প্রবেশ করিল, দেখিল কাছারী গৃহে জনতা হইয়া গিয়াছে । একজন মূল তেজস্বী বাবু গোস্বামীর মোটাতাড়ি লইয়া বেত্ৰাসনে বসিয়া আছেন । বয়স্ক্রম প্রায় চল্লিশ । সম্মুখে একজন শৃঙ্খলাবদ্ধ যুব ব্যক্তি ভূমিতে শয়ন করিয়া আছে । তাহার বর্ণ শ্রামল, দেহে বেশ তেজ আছে । মুখেও সৌন্দর্য্য আছে । তাহাকে ছোট জাতি বলিয়া বোধ হয় না, তবে সে জাতিতে কৈবর্ত । দুইজন পুরুষ বংশ হস্তে তাহার পার্শ্বে দণ্ডায়মান । অপর পার্শ্বে চারি পাঁচ জন ব্যক্তি তাহার বিপক্ষে সাক্ষী দিতে আসিয়াছে । একজন পদাতিক কড়বোড়ে কহিল,—“হুজুর, এই সেই কালাচাঁদ সদ্ধার । ইহার প্রতাপে নারায়ণগড়, রামগড়, রাধানগর প্রভৃতি স্থানে বাস করা কঠিন হইয়া উঠিয়াছে । এমন বলবান দম্ভ্য প্রায় দেখা যায় না । ইহার অনেক সঙ্গী আছে, কিন্তু তাহারা যে কোথায় থাকে, তাহা কেহ বলিতে পারে না । আজ এই ব্যক্তি যখন সাধুর ত্রায় ক্ষেত্রে হৃলকর্ষণ করিতেছিল, সেই সময় আমি ইহাকে ধৃত করিয়াছি । ইহার ভয়ে গ্রামের লোক স্ত্রী ও কন্যা লইয়া বাস করিতে পারে না । চারি পাঁচ জন ব্যক্তি উচ্চকণ্ঠে এই বাণীর সত্যতা সম্বন্ধে পোষকতা করিতে লাগিল । কালাচাঁদ ঘোড়হস্তে বিনীত নয় বচনে বলিল,—“জমিদার প্রজার পিতার স্বরূপ, এই সকল ব্যক্তিকে আমি চিনি না— কেন যে মিথ্যা সাক্ষী দিতেছে, তাহা বলিতে পারি না । আমি হুজুরের পঞ্চাশ বিঘা জমি চাষ করি ও আনন্দে এতদিন বাস করিয়া আসিতেছিলাম । আপনার তহসীলদার অত্র প্রজার নিকট, টাকার লোভে বিলি করিবে বলিয়া, আমার জমি আমা হইতে কাড়িয়া লইতে যায় ।” এই সময় একজন লোক চীৎকার করিতে করিতে উদ্ধ্বাসে দৌড়িয়া আসিয়া

কহিল—“দোহাই ধন্যবতার, এই কালাচাঁদ গ্রামের লোকদিগকে লইয়া জমিদারের বিরুদ্ধে বিরূপে দাড়াইবে, বিরূপে বুদ্ধি খাজনা না দিতে হয়, বকেয়া হইতে অব্যাহতি পায়, তাহারই পরামর্শ করিতেছিল, আমি ইংখা দেওয়াতে সে সবলে বংশখণ্ড আমার মস্তকে মারিল। মাথা ফাটিয়া রক্ত বাহির হইল। আমার চেতনা শূন্য হইল, আমি পড়িয়া গেলাম।” এই বলিয়া মাথার পাগড়ী খুলিয়া ফেলিল, সকলেই দেখিল এক দারুণ আঘাতের চিহ্ন বিদ্যমান রহিয়াছে। কালাচাঁদ পুনরায় ঘোড়াহাতে বিনীত বচনে কহিল,—“ধন্যবতার, আমি গোল-গোগ শুনিয়া আমার বাড়ীতে দৌড়িয়া আসিলাম, দেখিলাম এই ব্যক্তি ভিতর বাটার মধ্যে প্রবেশ করিয়াছে, তাহার সঙ্গীয় একজন স্ত্রীলোক অগ্রসর হইয়া আমার স্ত্রীর নিকট বাটয়া, সে সকল কথার প্রস্তাব করিয়াছিল তাহা আমি মুখে উচ্চারণ করিলে—ধন্যবতারের ও অশ্রু কোন সম্ভ্রান্ত ব্যক্তির সম্মানের হানি হইবে। সেই জন্য আমি স্ত্রীলোককে পদাঘাত করি এবং এই দৃষ্টান্তকেও শাস্তি দিবার অভিপ্রায়ে বংশখণ্ড লইয়া পশ্চাৎ পশ্চাৎ দৌড়িয়াছিলাম। সে পা পিছুলাইয়া কাঠের গুঁড়ির উপর পড়িয়া যায়, তাহাতেই তাহার মাথায় আঘাত লাগিয়াছিল। আমার মা আমার সাক্ষী।” এই সময় এক বৃদ্ধা কাঁদিতে কাঁদিতে বাবুর পদদেশে মাথা লুটাইয়া কালাচাঁদের নির্দোষতা প্রমাণ করিবার ব্রথা চেষ্টা পাইল। বাবু পদাঘাতে বৃদ্ধাকে দূরীভূত করিলেন। কালাচাঁদ নিজের দোষ স্বীকার করিলে সর্বাপেক্ষা ভাল হয়, ও শাস্তির জন্য ইংরেজ আদালতে প্রার্থিত হইতে পারেন; এই জন্য পূর্ব প্রণামসারে তাহার বক্ষের উপর এক বিশাল বংশখণ্ড স্থাপিত করিয়া দুইদিকে দুইজন চাপিয়া ধরিল। এই সময় বাবু উঠিয়া অগ্ন্যক্কে চলিয়া গেলেন। পুরুষের বংশের দুই দিকে উঠিয়া দাঁড়াইল। তখন বক্ষে এমন চাপ পড়িল যে,



হতভাগ্য কালচাঁদের মুখ হইতে জিহ্বা বাহির হইয়া পড়িল, চক্ষু জ্বা-  
গুপ্তের মত হইয়া মুখের ভাব ভয়ানক করিল। ক্রমে কালচাঁদের মুখ  
হইতে শোণিত নির্গত হইতে লাগিল। মুখের ভাব অধিকতর ভীতিঙ্কর  
হইয়া উঠিল। সে দৃশ্য দেখিতে না পারিয়া অনেকে চলিয়া যাইতে লাগিল।  
কালার মা অশান্ত হইয়া চীৎকার করিয়া উঠিল। রতিকান্ত দৈর্ঘ্য  
ধরিয়া এতক্ষণ সেই পৈশাচিক দৃশ্য দেখিতেছিল। কালচাঁদ যাতনায়  
অস্থির হইয়া গেজাইয়া কহিল—“প্রাণ যায়, প্রাণ যায়—আর  
যাতনা সহিতে পারি না—কেশবশঙ্কর বাবু আর ধম্মাবতার তোমাদের মনে  
কি এই ছিল—ঈশ্বর অধীনের সকল অপরাধ মার্জনা কর।”

রতিকান্ত প্রায় সংজ্ঞাশূন্য হইয়াছিল, অকস্মাৎ কেশববাবুর  
নাম শুনিয়া শিহরিয়া উঠিল, মনে মনে বলিল, একি নরেন্দ্রলাল বাবুর  
পুত্র ? সে কি এই অভিনয়ের নায়ক ? এই সময় কালার রক্তবমন  
করিল। সমুদয় মুখ রঞ্জিত হইল। রক্তমাখা পিঙ্গল চক্ষু দুইটা বিকট  
ভাব প্রকাশ করিল। কালার ক্রমে ক্রমে দুর্বল হইয়া পড়িল। মৃত্যুর  
পূর্বলক্ষণ প্রকাশ পাইতে লাগিল। রতিকান্ত আর দেখিতে পারিল  
না। ভয়ে ছুঃখে ও যন্ত্রণায় কিয়দূর সরিয়া গেল। এই সময়ে কালার অফুট-  
স্বর তাহার কর্ণে প্রবেশ করিল। সে বলিল—“মা,—সুন্দরী ঘরে  
রইল—তার কেউ নাই—ধর্ম, তুমি তাহাকে রক্ষা কর—মা—দুর্গা—অধম  
সন্তানকে অস্ত্রে দর্শন দাও।”—রতি কিঞ্চিৎ অগ্রসর হইয়া দেখে,  
দর্শকেরা চলিয়া যাইতেছে, সকলের মুখ ভার, কেহই সন্তুষ্ট নহে।  
একজন অর্ধোচ্চারিত স্বরে কহিল—“যে দিন মহারাজার মৃত্যু হইয়াছে,  
সেই দিন হইতে এই রাজ্যের লক্ষ্মী গিয়াছেন, আর এ রাজ্যে বাস  
করা শ্রেয়ঃ নহে।”

যতনাস্থলে রতিকান্ত পুনঃ উপস্থিত হইয়া দেখে, কালচাঁদের দেহ

স্থানান্তরিত ও কিঙ্করগণ অন্তর্হিত। কেবল অনাথিনী কালার জননী জ্ঞানশূন্য হইয়া ভূমে পড়িয়া আছে। রতিকান্ত ধীরে ধীরে বাজন কারঙে লাগিল। ক্রমে চৈতন্য ফিরিয়া আসিল। পুত্রকে না দেখিয়া চাৎকার করিয়া কহিল—“কে কাল! আমার কোথায়? তা’কে যে দেখতে পাচ্ছি না—সে কই—হ্যাঁগা, তুমি জান, আমার কাল কোথায়? সে কি আছে? প্রাণে বেঁচে আছে ত? দেখতে পাব ত?”

রতি। কেঁদনা—বাড়ীর ভিতর গেছে—ভয় কি? এখনই দেখতে পাবে?

বুদ্ধ। বাবা, তুমি কে? সে যে আমার এক ছেলে—বংশধর, অন্ধের নড়ি, বাবা সে চোর নয়, তবে কেন তাকে চোরের মত মারিতেছে?

এই কথা বলিতে বলিতে বুদ্ধার চক্ষু কালার নিগন্ত শোণিতের উপর পড়িল। অমনি ভয়বিহ্বলা হইয়া উচ্চকণ্ঠে চাৎকার করিয়া উঠিল। শেষে পুনরায় হতচেতন হইয়া ভূমে পড়িয়া গেল। একজন দ্বারবান সেই গৃহে প্রবেশ করিয়া বুদ্ধাকে তুলিয়া লইয়া গেল। রতিকান্ত বিষন্ন মনে বাটী পরিত্যাগ করিল। ক্ষুধা তৃষ্ণা একেবারে দূরে গেল। আপনার বর্তমান অবস্থা ভুলিয়া গেল। মনের স্থিরতা রহিল না। যে দিকে পথ দেখিল, পা সেই দিকে ধাবিত হইল। গোরমোহনের নির্দয়তা স্মরণ করিলে, তাহার আশ্রয় লইতে মনের প্রবৃত্তি হয় না। ক্ষুধা, তৃষ্ণা, গতরাত্রের অনিদ্রা, পথশ্রান্তি, তাহার উপর মনোকষ্ট তাহাকে অস্থির করিয়া ফেলিল। নিকটবর্তী এক পুষ্করিণীতে মুখ প্রক্ষালন করিয়া শীতলজল পান করিল। আশ্রয় রক্ষের ছায়ার বাঁধাঘাটের উপর শয়ন করিল। অমনি বিরামদায়িনী নিদ্রা অভাগাকে ক্রোড়ে তুলিয়া লইল।

# একাদশ পরিচ্ছেদ

—:~:—

## বিবাহে চ বাতিক্রম ।

নরেন্দ্রলাল বাবুর বাটী আজ লোকে লোকারণ্য । কত লোক ঘাইতেছে, কত লোক আসিতেছে, তাহার সংখ্যা নাই । গ্রামের ও নিকটস্থ প্রদেশের সমুদয় ভদ্রলোক একত্র হইয়াছেন । দেবমন্দির দরিদ্র লোকে পূর্ণ । “ভাত আন, মাছ আন, মিষ্ট আন,” এইরূপ শব্দ অনবরত হইতেছে । সকলেই বলিতেছে, কৃষ্ণশঙ্করের বিবাহে বড় ঘট । কেশবশঙ্কর কতুভার গ্রহণ করিয়াছে । বিনোদিনী আজ নানা অলঙ্কারে ও বেশ ভূষায় বিভূষিতা হইয়া দাস দাসীর উপর মনোমুখে ক্ষমতা প্রকাশ করিতেছে । গৃহিণী নরেন্দ্রলাল বাবুর সহিত সর্বদা পরামর্শ করিতেছেন । কুটীলা বামা তসর কাপড় পরিয়া, গলদেশে স্বর্ণমালা দোলাইয়া ঘুরিয়া বেড়াইতেছে, কখনও বা ভবশঙ্করকে ক্রোড়ে লইয়া বলিতেছে,—“রাজা বউ আমবে—তোমার খুড়ীমা হইবে—তোমায় কোলে করিবে ?” মৃদু মৃদু হাসিয়া ভব বলিতেছে,—“গুটীমা-খুইমা আমায় ভালবাসিবে ?”

কৃষ্ণশঙ্করের বিবাহে দশ সহস্র মুদ্রা নিদ্ধারিত হইয়াছে । আলোক, নিমন্ত্রিত ব্যক্তিগণকে আহ্বান ও ভোজনের জন্তও এইরূপ অগ্ন্যাগ্নি কর্ম্মে তিন সহস্র মুদ্রা ব্যয় করিবার বন্দোবস্ত হইয়াছে, আর দরিদ্রগণকে অন্ন বস্ত্র, অনাথিনী বিধবা, পিতৃহীন বালক বালিকার ভরণ পোষণ, বিদ্যাদান, চতুষ্পাঠী ও নিকটস্থ তাবৎ বিদ্যালয় ও এইরূপ

হারা সংকল্পের জন্ত সপ্ত সহস্র মুদ্রা রাখা হইয়াছে। আধুনিক ধনীদিগের  
 আশ্রয় অলাক আমোদে, নৃত্যগীতে, তিনি অথ বার করিতে জানিতেন না।  
 পরলোকে তাঁহার দৃঢ় বিশ্বাস ছিল, পরজন্মে দেখিলেই তাঁহার মন  
 বিগলিত হইত। তিনি বলিতেন, —“পৃথিবী ঈশ্বরের রক্তভূমি। আমরা  
 অভিনেতৃগণের আশ্রয় রক্তভূমে থেলা করিতেছি। থেলা কুরাইলে, দাড়া-  
 পরিচ্ছদ, রাজসুখ অথবা ভিখারীর বেশ পরিত্যাগ করিয়া স্বস্থানে গমন  
 করিতে হইবে। তবে কেন ক্ষণস্থায়ী সুখ ত্বংয়ের জন্ত মনুষ্য এত  
 চিন্তা করিবে? অকিঞ্চিংকর অর্থ হইলেই অভিনয়ে অজ্ঞান হইবে?  
 দৈত্য দশায় পতিত হইলেই ত্বংয়ে বিহবল হইবে?”

রজনী তিন প্রহর অতীত। কৃষ্ণশঙ্কর আপন শয্যায় বাঁসিয়া  
 আছেন। সম্মুখে সামাদানে বর্তিকা জ্বলিতেছে। বহিষ্কৃতির দ্বার বন্ধ।  
 প্রভাত অপেক্ষা করিয়া পরিচনের নিদ্রাগত হইয়াছে। এই রঙ-  
 নার অবসানে, কৃষ্ণশঙ্করের বিবাহ হইবে। ভানী স্ত্রী অতি সুন্দরী ও  
 গুণবতী। কৃষ্ণশঙ্করের বয়ঃক্রম এখন পূর্ণ দ্বাবিংশতি বৎসর। গোবন  
 সনাগমে অঙ্গ প্রত্যঙ্গ পূর্ণবিকাশিত হইয়াছে। দেহ বলিষ্ঠ, বক্ষঃস্থল  
 আয়ত, বাহুযুগল লোহ অর্গলের আশ্রয় দৃঢ়। তাঁহার নয়ন যুগল যেন  
 সতত তেজঃ, সাহস ও মহিম্বৃত্ত প্রকাশ করে। বাস্তবিক তাঁহাকে  
 দেখিলেই যেন দর্শকের অন্তর নাচিয়া উঠে। তাঁহার স্বর যেমন মধুর,  
 স্বভাব সেইরূপ নম্র। তিনি ধর্ম্মের নিকট সতত অবনত মস্তকে  
 অবস্থান করেন, কিন্তু অধর্ম্মের নিকট ব্যগ্র বিশেষ। অধর্ম্মকে জয়  
 করিতে তাঁহার সাহস, পরাক্রম, দৈব প্রভাঁত কিছুনই অভাব হইত না।  
 রতিকান্ত বাটী হইতে চলিয়া গিয়াছেন শুনিয়া, তাঁহার ত্বংয়ের  
 ও ক্রোধের সীমা ছিল না। কিন্তু কি কারণে তিনি তাঁহাকে সংবাদ  
 না দিয়া চলিয়া গেলেন, তাহার কিছুনা কারণ অবগত হইতে পারেন।

নাই। বাটীর পরিজন—এমন কি তাঁহার জননীও তাঁহাকে কিছুই বলেন নাই। প্রভাবতীও নিগূঢ় কারণ জানিতে পারিয়াছিল বলিয়া মনে হয় না। মাহা বুঝিয়াছিল—তাহা লজ্জায় বা অন্য কারণে কিছুমাত্র কৃষ্ণশব্দকে বলে নাই। অগত্যা অনন্তোপায় হইয়া তিনি মনের বেগ সংযত করিয়া রাখিয়াছিলেন।

এই সুগভীর রজনীতে আজ্জ তিনি শয্যায় উপবেশন করিয়া কপোলে দক্ষিণ হস্ত প্রদান করত অপার চিন্তায় নিমগ্ন রহিয়াছেন। বর্ষিকার উজ্জ্বল জ্যোতিঃ তাঁহার হেমবর্ণে পড়িয়া প্রতিফলিত হইতেছিল। বানহস্তের উপর ভর করিয়া, না শয়ন, না উপবেশন করিয়া কতক্ষণ একাগ্রমনে কি চিন্তা করিলেন। তাঁহার বসিবার ভঙ্গিটা অতি চমৎকার! যেন মহারাষ্ট্রীয় বীর শিবাজী যখন কাঁরাগারে আবদ্ধ হইয়া গভীর নিশীথে পলায়নের উপায় অন্বেষণ করিতেছেন।

তিনি উঠিলেন, বাতায়ন মুক্ত করিয়া দেখিলেন, আকাশের সুর-বালারা নিশ্চিন্ত হইয়া আসিতেছে। পূর্বদিকে শুকতারা উঠিয়া রজনীর ভালে যেন কহিছুর বা কোস্তভমগিরি শ্রায় চিক্ চিক্ করিতেছে; তিনি দ্বার রুদ্ধ করিয়া কক্ষে ফিরিয়া আসিলেন। সৈনিক পুরুষের শ্রায় অঙ্গে লোহ বর্ম ধারণ করিলেন, মস্তকে বৃহৎ উষ্ণীয় পরিলেন। কটাদেশে করকাল ও একখানি কিরীচ বুলাইলেন। কিরীচ খানি বিলাতী। যেমন কার্য্যকর, তেমনই সুন্দর। ধরিবার নিকট ‘রিবলবার’ সংযোজিত ছিল। তিনি তাহার ছয় মুখ “কারটিঙ্গে” পূর্ণ করিলেন। একটা মণিবেগ ও একখানি চিঠি গ্রহণ করিয়া বহিরাগাতে নিঃশব্দে নামিয়া আসিলেন। অগ্নিশালা হইতে তাঁহার প্রিয় এক সুদৃঢ়া ঘোটকী আনয়ন করিয়া, একলক্ষে তাহার পৃষ্ঠে আরোহণ করিলেন। ঋতু পূর্ণ করিতে করিতে ঘোটকী রজনীর অন্ধকারে মিশিয়া গেল।

ক্রমে পূর্বদিক্ লোহিত হইল উঠিল । তাহা দেখিয়া কোন কবি ভাবে গদ গদ হইয়া বলিলেন,—‘তপনের আগমন সংবাদ পাইয়া লজ্জায় উবাসুন্দরীর গণ্ডদেশ আরক্তিম হইয়া উঠিয়াছে ।’ দ্বিতীয় প্রতিবাদ করিয়া কহিলেন,—‘উষার সহিত দিনমণির বিবাহ সম্বন্ধ স্থির হইয়াছে,—প্রাতঃকালে লগ্নস্থির, কাদম্বিনী বরণ করিবার জন্ত লাল শাড়ী পরিয়া অপেক্ষা করিতেছে ।’ তৃতীয় কহিলেন,—‘না হে তাহা নয়, আজ সূর্য্যদেব রজনীর বস্ত্রহরণ করিবেন বলিয়া কর প্রসারণ করিয়াছেন, দেখিতেছ না লজ্জায় রজনী ধূসরবর্ণা ও বিবস্ত্রা হইয়া পর্কতের আড়ালে পলাইতেছে ?’ একজন শ্রায়বাগীশ বাহির হইয়া কহিলেন,—‘কবির কল্পনা মিথ্যা—শ্রায় শাস্ত্রে বলিতেছে, কার্য্য দেখিয়া কারণ স্থির করিবে, অথবা কারণ দেখিয়া কার্য্য স্থির করিবে । এখানে অগ্নিবর্ণ আভা কার্য্য—পূর্বদিকে গৃহদাহ হইতেছে—সেই কারণ অগ্নির এই আভা কার্য্য ।’ এই সময় পাঁজি হাতে করিয়া এক গণক-ঠাকুর উপস্থিত । তিনি বলিলেন,—‘এখানে কবি বা শ্রায়ের কিছুই আবশ্যক নাই,—এক জ্যোতিষই এই বিবাদের মূলোচ্ছেদ করিতে পারিবে । আজ অমাবস্তা, ভরণী নক্ষত্র, মেঘ রাশি—সুতরাং রাহু আসিয়াছেন সূর্য্যকে গ্রাস করিতে । সূর্য্য ক্রোধে মহালাল হইয়াছেন, হইবারই কথা, তিনি গ্রহের রাজা । রাহুকে দেখিয়া ঐ মেঘরাশি মেঘের পাখ দিয়া পলাইতেছেন ।’

যখন উবাকে দেখিয়া গঙ্গার সৈকত বেদীতে, কবি, নৈমায়িক ও গণক গোলযোগ করিতেছিল, তখন কৃষ্ণশঙ্কর এক ক্ষুদ্র কুটারের দ্বারে দাঁড়াইয়া দ্বার ঠেলিতেছিলেন । একজন প্রৌঢ় স্ত্রীলোক দ্বার খুলিয়া দিল । তিনি গৃহ মধ্যে প্রবেশ না করিয়া, তাহাকে এক থানা চিঠি দিলেন ও মুখে ছই চারি কথা বলিয়া দিলেন । শেষে

তাহাকে সাবধান করিয়া দিলেন যেন, এই কথা লইয়া সে পাড়ায় গোলমাল ও পত্র দিতে দেরি না করে। উত্তরের অপেক্ষা না করিয়া তুরঙ্গী পৃষ্ঠে কশাঘাত করিলেন।

বেলা তিন প্রহর। বাটী হইতে দ্বাদশ ক্রোশ আসিয়াছেন। কত প্রাস্তর, সরোবর নদী, নগর পার হইতে হইয়াছিল, তাহার নির্ণয় ছিল না। কোন স্থানে বালকেরা ঘোটকের পশ্চাক্রাবমান হইয়া ‘সাহেব সাহেব’ করিয়া চাঁৎকার করিয়াছিল; কোন সরোবরে কুল্ল কমলিনী সদৃশা কামিনীদল উৎকল্ল নয়নে অশ্বারোহীর দিকে একদৃষ্টে চাহিয়াছিল, নিমেষে তিনি দৃষ্টিপথের বহির্ভূত হইলেন; দাখ নিশ্বাস ত্যাগ করিয়া কামিনীগণ স্বকার্যে মনোনিবেশ করিল। ক্রমে তিনি নগরের বহির্ভূত হইলেন। পূর্বগিরির পার্শ্ব দিয়া এক ক্ষুদ্র সঙ্কীর্ণ সরল পথে গমন করিলে, পর দিনই রাজধানীতে পৌঁছিতে পারিবে, এই স্থির করিয়া তিনি অরণ্যে প্রবেশ করিলেন। যতই যাইতে লাগিলেন, ততই অরণ্য গভীরতর হইতে লাগিল। এই বনভূমি প্রায়ে প্রায় দশ ক্রোশ, পশ্চিমে পূর্বগিরির সহিত সম্মিলিত হইয়াছে, স্তত্রাং সে দিকে সীমা নির্দ্ধারিত করা দুঃসাধ্য।

তিনি প্রায় দুই ক্রোশ আসিয়াছেন, পথ সঙ্কীর্ণ হইলেও ঋজু। ঘোটকী নক্ষত্র বেগে ছুটিতেছে। দুই পার্শ্বে শালবৃক্ষ নিস্তর্রে তাঁহার অশ্ববেগ দেখিতেছে। মধ্যে মধ্যে বায়ু আদূরে বালকের শ্রায় গাছের পাতা নাড়িতেছে। এই সময় এক ক্ষুদ্র কুটীরে একজন কর্মকার লৌহ পিটিতেছিল। অশ্বারোহীকে দৃষ্টি করিয় উঠিয়া দাঁড়াইল। ক্রি বলিতে উত্তত হইয়াছিল, কিন্তু ঘোটকীর বেগ সংযত হইল না দেখিয়া দীর্ঘ নিশ্বাস ফেলিয়া কহিল, - ‘অদৃষ্টের লিখন কে খণ্ডাইবে? প্রবল জ্যোতের গতি কে রোধ করিবে? পরের ভাল করা সকলের ধর্মে সহে না।’

কন্সকার পত্নী স্বামীর কথা শুনিয়া গৃহান্তর হইতে নির্গত হইয়া কহিল,—“একাকী কি বকিতেছ?”

“বক্চি ভাল? সন্ন্যাসীর কথা শুনিয়া পরলোকের কাষ করিতে উঠিয়াছিলাম। সাধু বলিয়াছিলেন, পরের বিপদ যদি তুমি দেখিতে পাও, তবে তাহাকে সাবধান করিবে। তার কপালের লেখা কে ঘুচাইবে? আর পরের ভাল করা আমার ধম্মে সবে না।”

“ঘোড়া ক’রে গেল কে?”

“জানি না—বোধ করি রাজার কোন সিপাহী হইবে, ঘোড়ার এমন তেজঃ কখন দেখি নাই;—সিপাহীর শরীরেও অসাপারণ ক্ষমতা, আমাদের সেনাপতি কোথায় লাগে;—আজ একটা ভয়ানক কাণ্ড উপস্থিত হইবে, আমার বামচক্ষু নাচিতেছে।”

পত্নী বাক্ষস্বরে কহিল,—“একজনে কি করিবে?”

“হাঁ—তা বটে—তবে আশ্বিন হইলে একটুতে যথেষ্ট।”

“আজ এ ভাব কোথা হইতে এল?”

“ঐ ঘোড়সওয়ারকে দেখে—সে দেখিবার জিনিস বটে।”

পত্নী গৃহান্তরে চলিয়া গেল। কন্সকার আপন কন্সে উপবিষ্ট হইল। সে লৌহের ব্যবসা ভিন্ন, পথশ্রান্ত পথিকদিগের জন্ত চিড়া, গুড়, কলা প্রভৃতি খাদ্য দ্রব্য প্রস্তুত করিয়া রাখিত। যে কেন হউক না, অরণ্য পার হইবার পূর্বে একবার কন্সকারের দোকানে প্রবেশ করিয়া তামাক খাইতে বসিবে; দুর্গম পথের কথা জিজ্ঞাসা করিবে, ব্যাব্ভর কি প্রকার, দস্যু চোর আছে কি না, ~~সমস্যা~~ <sup>বন্দোবস্ত</sup> মধ্যে পথ কি প্রকার, হুই চারিদিনের মধ্যে কোন দস্যুতা কি নরহত্যা হইয়াছে কি না,—এই প্রকার এক শত এক প্রশ্ন পথিকেরা হঁকা হাতে জিজ্ঞাসা করিবে। আর কন্সকার লৌহ পিটিতে পিটিতে ভয়ানক ভয়ানক গল্প বুড়িয়া দিবে।



কখন বা পথিকদিগকে উপদেশ দিবে, ভীত দেখিলে সাহস দিবে, সাহসীকে ভয় দেখাইবে। কৰ্ম্মকারের বয়ঃক্রম প্রায় ষষ্টি বৎসর। সময়ের ভারে কটাদেশ যেন ভাঙ্গিয়া গিয়াছে, শরীয় রুগ্ন ; কিন্তু চক্ষু সতেজ, পথিকের অন্তরে প্রবেশ করিয়া মনের কথা টানিয়া আনিতে পারিত। তাহাকে সকলে রামধন কৰ্ম্মকার বলিয়া ডাকিত। সে ভিন্ন নিবিড় বনে রাস্তার ধারে আর কাহাকেও বাস করিতে দেখা যাইত না।



## দ্বাদশ পরিচ্ছেদ ।



### বিজ্ঞান বিপিনে ।

অঝারোহী এখন গজন বনে প্রবেশ করিয়াছেন । ছই চারি ক্রোশের মধ্যে জনপ্রাণী নাই । তিনি কর্ম্মকারের দোকান হইতে এক ক্রোশ আসিয়া সম্মুখে ছইটী বক্স দেগিলেন । যে পথ ডাইন দিকে গিয়াছে, তাহা অতিশয় বক্র ও অপ্ৰশংসনীয় পদচিহ্ন নাই । দ্বিতীয় বক্স অপেক্ষাকৃত প্রশস্ত ও পরিষ্কার ও সরল ভাবে অনেক দূর গমন করিয়াছে । গো ও মনুষ্যের পদচিহ্ন ও অস্পষ্ট দেখা যাইতেছে । তিনি সন্দিহান হইলেন । মনে মনে অনেক তর্ক বিতর্ক করিলেন । দক্ষিণে রঘুনাথগড়, বামে পূর্ববাট । তাঁহার গন্তব্য পথ রঘুনাথগড়ে । সমুদ্র তীরস্থ প্রদেশ হইতে সর্বদাই লোকজন নানা প্রকার কাজ কর্ম্মের উপলক্ষে রঘুনাথগড় রাজধানীতে যাইত । অথচ দক্ষিণের পথ বক্র ও এমন অপরিষ্কার যে, দেখিলে বোধ হয়, কোন কালে কেহ সে পথে গমন করে নাই । অবশেষে এই স্থির করিলেন যে, বামের পথ পশ্চিমোত্তর দিকে কতকদূর যাইয়া, পরে রঘুনাথগড়ের দিকে ধাবিত হইয়াছে । এই বিবেচনা করিয়া তিনি বাম পথে প্রবেশ করিবার উপক্রম করিলেন, কিন্তু ঘোটকী কিছুতেই সে পথে যাইবে না । অঝারোহী ঘোটকীর অবাধ্যতা দেখিয়া মনে মনে বড় বিরক্ত হইলেন । পৃষ্ঠে কশাঘাতের ভয় দেখাইয়া বাম বক্স টানিয়া ধরিলেন, তত্রাচঃ

ঘোটকী শুনিল না। সে ডাইনের পথে গমন করিবে। কৃষ্ণশঙ্কর তাহার সম্মুখ ভাগ খাবড়াইয়া 'কহিলেন,—“উর্কশা! বা দিকের রাস্তাই ঠিক—তুমি আমার অপেক্ষা কি ভাল বুঝিবে? ছি ছুটামি করিও না।” উর্কশা নাথা নাড়িল। বুদ্ধিমান সেই মস্তক নাড়া দেখিলে বুঝিতেন যে, সে ইঙ্গিত করিয়া কহিতেছে—‘আমি বুঝিয়াছি—ও পথে আমি যাউব না—ও পথ বিপথ।’” কৃষ্ণশঙ্কর তাহার ইঙ্গিতে অগত্যা দক্ষিণ দিকে ফিরিলেন। উর্কশা আত্মলাভে লক্ষ্য প্রদান করিয়া বন্ধ রাস্তায় প্রবেশ করিল। অল্পদূর গমন করিয়া রাস্তার অবস্থা, সম্মুখে ক্ষুদ্র নদীর কদম ও বালু দেখিয়া তাঁহার হির প্রতীতি জন্মিল যে, ইহা প্রকৃত রাস্তা নহে। তখন ফিরিলেন। উর্কশা নিতান্ত অনিচ্ছায় বাম দিকের পথে চলিতে লাগিল। এই সময় ক্রুরগ্রহ রাহু প্রকল্লচিতে কৃষ্ণশঙ্করের মস্তকবন্ধে প্রবেশ করিল।

তিনি দ্রুত চলিতে লাগিলেন, কিন্তু অকস্মাৎ মন উদ্ভিগ্ন হইল। বামচক্ষু স্পন্দিত হইতে লাগিল। বাম হস্ত হইতে লাগাম পড়িয়া গেল। ঘোটকী চীৎকার করিয়া উঠিল। এই সকল ছিন্নমিগ্ন দর্শন করিয়াও তিনি সাহসে নির্ভর ও তরবারি চুষন করিয়া সংযত হৃদয়ে অগ্রসর হইতে লাগিলেন।

এই স্থানে একটা কথা স্মরণ হইল। অথারোহী ঘোটকের অবাধ্যতা দর্শন করিলে অতিশয় বিরক্ত হন। তিনি মনে করেন, ঘোটকের মতে কার্য্য করিলে, তাঁহার শিক্ষা-চাতুর্য্যের হ্রাস হইবে। এই আত্মগরিমা সময়ে সময়ে সর্বনাশের কারণ হয়। এইজন্ত সিম্ভা পর্ব্বতের এক শৃঙ্গ হইতে অপর শৃঙ্গে লাফাইয়া পড়িবার সময় ককরেল সাহেব চিরদিনের জ্ঞাত অসুস্থিত হইয়াছেন। ফিলিপ বিউফোর্ট \*

অভাগিনী, কাপারিণকে কলঙ্কিনী পরিভাগ করিয়া অনন্তকালে মিশাইলেন । অশ্বের অবাধাতার কারণ অনেক সময় স্থির চিত্তে দেখিলে বঝিতে পারা যায় । , একবার কোন মুসলমান ভূম্যধিকারী তাহার জমিদারীতে নূতন বাজার বসাইতে ঘাইবার জন্য ঘোটকপুষ্ঠে আরোহণ করিলেন । ঘোটক কিছুতেই চলিবে না । তিনিও ছাড়িবার পাত্র ছিলেন না । অনবরত কণাঘাত করিতে লাগিলেন । কতক দূর ঘোটক গমন করিয়া একেবারে হুটয় পড়িল, আর উঠিল না । তখন তিনি অনেক বিবেচনা করিয়া বাটী পত্যাগমন করিলেন । পরদিন স্থানিলেন যে, নূতন বাজার বসাইতে গিয়া উভয় জমিদারের লোকেরা দাঙ্গা করিয়াছে এবং অপর পক্ষে একজন হত হইয়াছে । তখন তিনি ঈশ্বরকে পত্নবাদ দিলেন এণ প্রকল্পচিত্তে ঘোটকের মুখচুম্বন করিলেন । আমি একবার পর্বতের মধ্যে পথ হারাষ্টয়া বিষম বিপদে পড়িয়াছিলাম । কিছুতেই যখন পথ স্থির করিতে পারিলাম না, তখন বন্ধা ছাড়িয়া দিয়া অশ্বের উপর ভার দিলাম । ঘোটক অনায়াসে সন্নিহিত গ্রামে উপস্থিত হইল । একবার সে পথে অশ্ব গমন করে, তাহা সে কখন ভুলে না । তাহার উপর পশ্বাদির স্বাভাবিক জ্ঞান আছে, সেই জ্ঞানের বলে তাহার আপনাদিগকে সহজে রক্ষা করিতে পারে ।

অর্দ্ধক্ৰোশ গমন করিয়া, ক্রমশঃ এক অপ্রশস্ত পরিষ্কৃত স্থানে উপস্থিত হইলেন । সেই ক্ষুদ্র ময়দানের সন্নির্গ রাস্তা নানা দিকে চলিয়া গিয়াছে । সম্মুখস্থ এক অশোক বৃক্ষমূলে এক বৃদ্ধা স্ত্রী বসি হস্তে বসিয়া গুণগুণ স্বরে বিলাপ করিতেছে । তাহার বস্ত্র ছিন্ন, মস্তকের পক্ষ কেশ বিশৃঙ্খল ভাবে উড়িতেছে, বর্ণ মলিন । তাহাকে দেখিয়া তিনি চকিত, ভীত ও দয়াদ্র হইলেন । বৃদ্ধার নিকটে আসিয়া কহিলেন,—“তুমি বলিতে পার রঘুনাথগড়ের পথ কোন্ দিকে ?” বৃদ্ধা

নিরুত্তরা থাকিয়া আরও অধিকতর বিলাপ করিতে লাগিল। তিনি পুনরপি কহিলেন,—‘বৃদ্ধা, তুমি কিজন্তু কাদিতেছ ? অর্থ চাও ?’

এইবার বৃদ্ধা মুখ তুলিল। অশ্রু সম্বরণ করিয়া কহিল,—‘বাবা, এই পথে আমার পুত্র জন্মের মত গিয়াছে, আমি অভাগিনী, আমার মত হতভাগা কি জগতে আর আছে ? আমি তাকে অন্বেষণ করিতে আসিয়াছি।’ বৃদ্ধার জদর তুঃখে উথলিয়া উঠিল। মুহূৰ্ত্তঃ চক্ষে জল পড়িতে লাগিল। ক্লেশশঙ্কর দয়াদ্র হইয়া কহিলেন,—‘তুমি এখন কি চাও ? এখানে বসিয়া থাকিলে কি হইবে ?’

‘আমার ঘর নাই বাবা, ঝড়ে পড়িয়া গিয়াছে।’

‘আমি তোমায় সাহায্য করিতে পারি।’

‘তৌমার মঙ্গল হউক বাবা—আমার কেহ নাই—আমার অমূল্য ধন নষ্ট হইয়াছে, টাকাতে কি হইবে ? যে পথে আমার পুত্র গিয়াছে, সেই পথে আমি যাইব।’

ক্লেশশঙ্কর আকাশে দৃষ্টিক্ষেপ করিলেন। সূর্য্য নামিয়া গিয়াছে। বনের মধ্যে তাহার কিছুমাত্র কিরণ নাই। বৃথা বাক্যব্যয় করিবার অবসর নাই দেখিয়া, তিনি কহিলেন,—‘রাজধানীর কোন্ পথ ?’

সে অঙ্গুলি নির্দেশ করিয়া দেখাইয় দিল। তাঁহার কেমন সন্দেহ জন্মিল। অথচ কোন্ পথে যাইবেন, তাহা স্বয়ং স্থির করিতে অসমর্থ হইয়া প্রদর্শিত পথে ধাবমান হইলেন। ক্লেশশঙ্কর চলিয়া গেলে, বৃদ্ধা উঠিয়া দাঁড়াইল। চকু মুছিয়া কহিল,—‘সমস্ত দিনের পর মা কালীর কৃপা হইল।’ এই বলিয়া স্মিতমুখে বনের মধ্যে অদৃশ্য হইল।

অন্নদূর গমন করিয়া ক্লেশশঙ্কর অদূরে দেবমন্দির দর্শন করিয়া বিস্মিত হইলেন। এ অরণ্যে কে, কি উদ্দেশে এই ক্ষুদ্র মন্দির প্রস্তুত করিয়াছে ? সম্মুখে উপস্থিত হইয়া দেখিলেন, এক বৃহৎ উগ্রচণ্ডীর মূর্ত্তি বিকট

মুখ ব্যাদান করিয়া আছে । লোল জিহ্বা হইতে ফোঁটা ফোঁটা রক্ত পড়িতেছে ; দক্ষিণ হস্তের খড়্গ রক্তে রঞ্জিত । সম্মুখে রক্তের ছড়া দেখিয়া বোধ হইল, কোন প্রাণী অনতি পূর্বে নিহত হইয়াছে । এই স্থানে কৃষ্ণশঙ্কর একাকী অশ্বপৃষ্ঠে ভাবিতেছেন ; এদিকে সন্ধ্যা হইয়াছে — কোথায় আসিয়াছেন তাহার গুরতা নাই ।

এই সময় প্রায় বিংশতি পুরুষ রূপাণ হস্তে তাহার সম্মুখে উপস্থিত হইল । তিনি ক্ষণকাল আশ্চর্যবশত হইলেন, বুঝিলেন দস্যুদলের মধ্যে পতিত হইয়াছেন । একাকী কি প্রকারে বিংশতি জন হইতে আত্মরক্ষা করিবেন, তাহাই ভাবিলেন । অশ্বক্রীড়া দ্বারা প্রাণরক্ষা করা দুষ্কর । অথচ বিনীত হইয়া প্রাণ ভিক্ষা করা কাপুরুষের কার্য্য এবং করিলেও রক্তকাণ্ডের সম্ভাবনা অল্প । এ সময় তবে 'কি কর্তব্য ?' বিচালিতা যেমন এক নিমিষে আকাশের এক সীমা হইতে অল্প সীমা গমন করে, সেইরূপ একমুহূর্ত্তে চিন্তার লহরী উঠিয়া হৃদয় কাপাইয়া তুলিল । সময়ের উপর নির্ভর করিয়া, তিনি এক বিশাল রসালকে পশ্চাৎ করিয়া অল্পান বদনে অশ্বপৃষ্ঠে বসিয়া রহিলেন ।

একজন দস্যু বিকট চাঁৎকার করিয়া কহিল,—“তুই কে ?” তিনি নিরুত্তর । আর একজন কহিল,—“তুই কে ? কোন্ সাহসে উগ্রচণ্ডীর দিকে পশ্চাৎ করিয়া আছিস্—নামিয়া প্রণাম কর ।”

তিনি প্রশান্ত ভাবে বলিলেন,—“তোমরা কে ? কি অভিপ্রায়ে এখানে আসিয়াছ ? আমার নিকট কোন আবশ্যক আছে ?”

তৃতীয় এক ব্যক্তি মৃদুস্বরে হাত নাড়িয়া কহিল,—“তোমার মুণ্ড আমাদের প্রার্থনীয় ।”

কৃষ্ণ । কেন ?

## শরতের পূর্ণচন্দ্র ।

প্রথম দৃশ্য । কেন ? কেনর আবার অর্থ কি ? যন কি উত্তর দিয়া লোকের মুণ্ডপাত করে ?

কৃষ্ণ । তোমরা মনুয়া—মনুষ্যের সকল কার্যের কারণ আছে—কারণ বল ?

দ্বিতীয় । কারণ আমাদের নিকট নাট । কারণ থাকিলে সেনাপতির নিকট । আমরা হকুমের দাস । যদি কারণ চাও, অথ হইতে নাম, গলবস্ত্র দেবাকে প্রণাম কর, আমাদের সঙ্গে ভ্রম্ভে চল ।

কৃষ্ণশঙ্কর সেনাপতি ও ভ্রম্ভে শুনিয়া বিস্মিত হইলেন । স্থির ভাবে কহিলেন,—“আমি সকল শুনিতে পারি, কিন্তু ভট্টাট বিমর করিতে পারিব না । প্রথম,—অথ হইতে নামিতে পারিব না, দ্বিতীয়,—কালীকে প্রণাম করিব না ।” এইরূপ উত্তর দিবার পূর্বে বোধ হয়, তাঁহার বিক্রমাদিত্য, বেতাগ ও সন্ন্যাসীর কথা স্মরণ হইয়াছিল ।

এই সময় একজন ক্ষুদ্র কিন্তু সবলকার পুরুষ উপস্থিত হইয়া কহিল,—“এ # মুণ্ডের জ্ঞাত এত তরু—কত মুণ্ড নিপাত করিলাম, অসির বণবণা ভিন্ন ত মুণ্ডের শব্দ শুনি নাই ; আজ কি কালের গতি কিরিয়া গেল না কি ? পশ্চাতে দশজন যাও ।

দস্যুদলেরা তাঁহাকে মণ্ডলাকারে ঘিরিয়া দাঁড়াইল । কৃষ্ণশঙ্কর যেন জীবনকে তুচ্ছ করিয়া ঈষদাস্ত করিলেন । সেই ক্ষুদ্র পুরুষকে সম্ভাষণ করিয়া কহিলেন,—“দস্যু তোমাকে আমি ঘৃণা করি—তুমি একের সহিত অস্ত্রায় যুদ্ধ করিবার জ্ঞাত বিশজন একত্র করিয়াছ ।”

তরবারি সঞ্চালনই তাহার উত্তর । দস্যুদলের মুখে আর কোন কথা নাই । তখন তিনি আশ্চর্য্যের প্রবৃত্ত হইলেন । সম্মুখে ও পশ্চাতে যখন একই সময়ে তীব্র তরবারি উঠিতে লাগিল, তখন উর্বশী যেন বুলিতে পারি—স্বাই সম্মুখের হইপা উঠাইয়া পশ্চাতের পদদ্বয়ে দণ্ডায়মান রহিল । এই

অবসরে কৃষ্ণশঙ্কর পশ্চাতে দিৱিয়া শত্রুর তীক্ষ্ণবাত স্বীয় করবালে গ্রহণ করিতে লাগিলেন? কিন্তু এই প্রকারে ঘোটকী কতক্ষণ রূপাণের গাঁকগাং সহ্য করিতে পারে? তিনি একজনের দর্পচূর্ণ না করিতেই উল্লসিত বিজ্ঞ হইল। কৃষ্ণের শ্রোত চারিদিকে বহিল। তিনি নতাস্ত বিবল হইলেন। ভূপ হইতে ক্রোধ ক্রমে সমুপিত হইতে লাগিল। সেন বন ধুম ভেদ করিয়া ধারে ধারে অগ্নি জ্বলিয়া উঠিল। যতই ক্রোধগ্নি বাড়িতে লাগিল, ততই বিক্রম, সাহস ও মৈর্য্য বৃদ্ধি পাইতে লাগিল। তখন একলক্ষ্যে ভূমে পতিত হইয়া অতর্কিতে একজনের মৃণপাত করিলেন। ছিন্নমণ্ড ভূমে গড়াইয়া গেল। আত্মস্বতি লাভ করিয়া দক্ষাদল তাঁহাকে চারিদিক হইতে আক্রমণ করিল। আসন্নকাল সমুপস্থিত হইয়া, তিনি দীর্ঘ নিশ্বাস ত্যাগ করিলেন। কীরীচ বাহির করিয়া রবলবারের কল টুপিলেন। অমনি বজ্র-নির্নাদে বন প্রতিধ্বনিত হইল। দ্রুম্ দ্রুম্ শব্দের সহিত একে একে কতকগুলি দেহ ভূমে পতিত হইল। সন্ধ্যার গৈরিক বর্ণের সহিত ধূম মিশিয়া গিয়াছে। কেহ কাহাকে দেখিতে পাইতেছ না। কৃষ্ণশঙ্কর এই অন্ধকারে পুনরায় রিবলবারে কারটিজ দিতেছেন।

এ ছেন সময়ে অজ্ঞাতসারে তাঁহার হস্তের উপর রানবাতের বিষম আঘাত পড়িল। বন্ বন্ শব্দে হাতের অস্ত্র ভূমে পড়িয়া গেল। বহুবাক্তি মিলিত হইয়া তাঁহার উপর লক্ষ দিয়া পড়িল। তিনি আত্মস্বতি লাভ না করিতেই দম্মাহস্তে বন্দি হইলেন। দম্মাগণ মহোল্লাসে “হল্লা” করিয়া উঠিল। দৃঢ়রূপে বন্ধন করিয়া তাঁহাকে দুর্গমধ্যে লইয়া চলিল।



দ্বাররক্ষক দণ্ডায়মান । তাহার পার্শ্বে বিশাল রূপাণ প্রদীপের আভায় ঝক্‌ঝক্‌ করিতেছে । একজন অনুচর ঘোড় করে সন্ধ্যাকালীন ঘটনা বর্ণনা করিতেছে । এই সময় দস্যুদল কৃষ্ণশঙ্করকে সঙ্গে করিয়া, ভীমসিংহের সম্মুখে উপস্থিত হইল । সেনাপতি তীর ও চঞ্চল চক্ষুদ্বয়কে তাহার দিকে ফিরাইয়া কতকক্ষণ একভাবে রহিল । অকস্মাৎ এক অভিনব চিন্তা উপস্থিত হইল । মনে মনে কহিল—“বাঃ অনেকদিনের পর এক সন্মোগ উপস্থিত । নরেন্দ্রলাল বাবুর পুত্র,—বড়লোক ও ধনী, সাহস ও পরাক্রমও যথেষ্ট আছে, মনে করিলে কিনা করিতে পারে ।” ভীমসিংহ স্বভাব ও স্বরকে অস্বাভাবিক গম্ভীর করিয়া কহিল “তুমি কে ?”

কৃষ্ণ । কে জিজ্ঞাসিতেছে ?

ভীম । আমি—সেনাপতি—স্বাধীন নগরের রাজা ।

কৃষ্ণশঙ্কর ঈষৎ হাসিয়া কহিলেন—“স্বাধীন রাজা ! ইংরাজ ভিন্ন ভারতে স্বাধীন কে ? যে স্বাধীন, সে দস্যু—আমি দস্যুকে ঘৃণা করি ।”

ভীম । বিবেচনা করিয়া কথা কহিও—এই বলিয়া সে রূপাণে হস্ত দিল ।

পুনরায় কহিল “তুমি এখন এ রাজ্যের বন্দি—আমি যাহা ইচ্ছা তাহা করিতে পারি : আমার আজ্ঞা কে অমান্য করিতে পারে ? আজ তোমার বিচার ।

কৃষ্ণ । বিচার ! দস্যুর নিকট কিসের বিচার ?

আরক্ত নয়নে ও গর্বিত বচনে ভীমসিংহ কহিল—“তুই—তুই অপর্য্য বুদ্ধে ও অতর্কিত ভাবে পাঁচজন সেনাকে পিস্তলে মারিয়া ছিদ্—তোমার সাহসকে ধন্বাদ দি, কিন্তু তোমার কাঁধকে নিন্দা করি ।

কৃষ্ণ । অপর্য্য বুদ্ধ ! একি বুদ্ধ ! না আশ্চর্য্য ? বিশজন

লোক কোন্ বিবেচনায়, কি উদ্দেশ্যে এক জনকে আক্রমণ করিল ?—

ভীম বাধা দিয়া কহিল—“তুই অল্পমতি না লইয়া এ রাজ্যে প্রবেশ করিয়াছিলি, আমার সেনা তোকে ধৃত করিয়াছিল ; অস্ত্র পরিত্যাগ করিয়া আমার নিকট আসা তোরে উচিত ছিল ।

কৃষ্ণ । কখনই নয়—দস্যুর আবার রাজ্য কি ?—অধমুই তাহার বল, পরিত্যক্ত ভাঙার প্রাসাদ, অপহরণই তাহার কর ।

ভীম । আমি অল্প সময়ে তোমায় সকল কথা কহিতে ইচ্ছা করি । তোমার জীবন ও মরণ আমার হাতে । আমার কথা শুন,—আমি তোমার সাহস দেখিয়া স্তম্ভী হইয়াছি, তোমার সকল দোম মার্জনা করিব, কিন্তু তিনটি প্রাণের ঠিক ঠিক উত্তর দিতে হইবে ।

কৃষ্ণ । উচিত বোধ হইলে দিব ।

এই সময়ে ভীমসিংহ সজ্জিত করিলে ক্ষুদ্রকার দস্যু ভিন্ন সকলে কক্ষ হইতে বহির্গত হইল । সেনাপতি কহিল—“প্রভাবতা কোথায় ?”

কৃষ্ণ । “কেন ?”

ভীম । “প্রশ্ন”

কৃষ্ণ । কারণ না বলিলে আমি বলিব না ।

ভীম । তুমি তাহাকে বিবাহ করিতে সম্মত আছ ?

কৃষ্ণ । এ কথা জানিবার তোমার আবশ্যক কি ?

ভীম । আছে—উত্তর দাও ।

কৃষ্ণ । এ কথার উত্তর দিতে (চিন্তা করিয়া) সম্প্রতি আমি অক্ষম ।

ভীম । আমি তোমাকে ধর্ম্মত রাজ্যেশ্বর করিতে পারি ; কিন্তু আমি স্বীকার কর, রাজ্য হইলে তুমি আমার ভাঙারে দশলক্ষ মুদ্রা দিবে, এবং চিরকাল আমার অভিসন্ধি ও কার্যের সাহায্য করিবে ?

কুমার । কি—দস্যুর বলে রাজা হউন, এবং রাজা হইয়া দস্যুকে অধিন্যে ও কুকর্মে সাহায্য করিব ? কখনই নয় ।

ভীম । যুবা, চিন্তা কর—স্বাধীনতা আমার উদ্দেশ্য ; হিন্দু গৌরব রক্ষা করাট আমার ব্রত ! অদম্য অদম্য কারিয়া উন্নত হইও না । এখনও তোমার উন্নত রক্ত, এই ক্ষণ এই সময়ে বুঝিবে না । ইংরাজ কে ? তাহারা কোথা হইতে আসিয়া কি কারণে ভারত অধিকার করিল ? বারাণসীর চৈতন্যসিংহকে অগ্নায় বুদ্ধি দেশ হইতে তাড়াইয়া দিল : বোকা মিরজাকরকে উপলক্ষ করিয়া বঙ্গদেশ সেরাজের মুখ হইতে কাড়িয়া লইল ।—এই সকল কি ত্রায় ক্ষত ? এই কি কর্ম ? এই কি ধর্ম ? যুবা, বিজ্ঞের ত্রায় কথা কহিও । বঙ্গদেশে আমি স্বাধীনতার পতাকা উড়ান করিব—তুমি যোগ দাও । আমি তোমাকে সর্বসমক্ষে রাজ্যোন্মত্ত করিব । হাসিও না । সত্য কহিতেছি, তোমার কপালে রাজ্যদণ্ড আছে, আমি নিশ্চয় কহিতেছি তুমি একদিন রাজা হইবে । এই সকল তোমার নিকট রহস্য বোধ হইতেছে । একদিকে মহানদী, অপর দিকে গঙ্গা উত্তরে সিংভূম, দক্ষিণে সমুদ্র ; এই বিস্তৃত রাজ্য আমি মনে করিলে, 'যাহাকে তাহাকে দিতে পারি । তুমি বুদ্ধিমান, স্বদেশ প্রিয়, স্বাধীন যুবকের ত্রায় তিন প্রশ্নের উত্তর দাও ।

কুমারশঙ্কর এতক্ষণ থির ছিলেন । এখন তিনি গর্জিত বচনে কহিলেন —“দস্যু ! স্বাধীনতার পতাকা হস্তে ধরিলেই কি স্বাধীন হওয়া যায়,—তুমি কি কারণে বিগোহী হইয়া দেশে অশান্তি উৎপাদন করিবে ? শত শত লোকের সর্বনাশ করিয়া দেশ ভস্মীভূত করিবে ? তোমার আশা দুরাশা । ইংরাজের সহিত তোমার তুলনা হয় ? সিংহের সহিত পৃথালীর তুলনা ? তাহারা বাহ ও বুদ্ধিবলে তর্দাস্ত সেরাজের হস্ত হইতে বন্ধকে রক্ষা করিয়াছেন । সেরাজ অধিন্যের অবতারণা ও তুচ্ছকর্মের

সাক্ষীস্বরূপ । তাহাকে দূর করিয়া ইংরাজেরা ধর্ম্মের মূখ উজ্জ্বল করিয়াছেন । বঙ্গদেশ অত্যাচার শ্রোতে ভাসিয়া ঘাইতেছিল, ঈশ্বর রক্ষা করিলে জগৎ ক্লাইবকে ভারতে প্রেরণ করিয়াছিলেন । রাজনীতি কাহাকে কহে তাহা কোন্ হিন্দু জানে ? পরের জগৎ, দেশের জগৎ, ধর্ম্মের জগৎ নিঃস্বার্থভাবে ধন ও প্রাণ উৎসর্গ করিতে হয়, তাহা কোন্ হিন্দু বুঝিতে পারে ? আমি দস্যুর সঙ্গিত আলাপ করিতে ঘণা বোধ করি ; আমাকে শীঘ্র মুক্ত কর, নতুবা তোমার ত্রাণ নাই ।”

ভীমসিংহ মুখ আরক্তিম করিয়া কহিল, “মূবক স্ত্রির হও—বাগাড়-ধরে প্রয়োজন নাই । তুমি এখন আমার হস্তে বন্দি । যদি সম্মত হও ভাল, নচেৎ উচিত ফল পাইবে । আমি আর একবার জিজ্ঞাসা করিতেছি, তুমি প্রশ্নের সরল উত্তর দাও এবং আমার প্রস্তাবে সম্মত হও ।

কৃষ্ণ । কখনই নয় ।

ভীম । রঘুবীর, যতদিন এই ব্যক্তি আমার প্রশ্নের উত্তর না দিবে ততদিন ইহাকে কুম্ভাগারে আবদ্ধ রাখিবে ।

কৃষ্ণ । দস্যু, ধর্ম্মের হস্তে প্রাণ সঁপিলাম—দেখিব ঈশ্বরের রাজ্যে বিচার আছে কি না ?”

সেই ক্ষত্রকায় পুরুষ, কৃষ্ণশকরের শৃঙ্খল ধারণ করিয়া দুর্গের গুপ্ত-দ্বার দিয়া পাতাল পুরে প্রবেশ করিল ।

## চতুর্দশ পরিচ্ছেদ ।

—):\*:(—

### প্রবন্ধ প্রকাশ ।

একটি ক্ষুদ্র পল্লীর পূর্বধারে আশ্রয় কাঠালের বৃহৎ উদ্যান । পল্লীতে পূর্বে অনেক লোকের বাস ছিল ; একবার মারীভয় উপস্থিত হইয়া অধিকাংশ লোককে গ্রাস করিয়া ফেলে ; ভয়ে অনেক লোক গ্রামান্তরও হয় । এখন পূর্বের শ্রী নাই । এখানে একখানি ঘর, আবার চারি বিঘা দূরে আর একখানি, মধ্যে বিল বা বন পড়িয়া আছে । দিনের বেলায় শৃগালপাল অকুতোভয়ে বিচরণ করিতেছে; কাহাকে ভয় করিবে ? লোক নাই । সেই আশ্রয় কাঠালের মধ্যে এক বৃহৎ অট্টালিকা ভগ্নাবস্থায় পতিত আছে । বহির্কাটীর সমুদয় গৃহগুলি সমভূমি হইয়াছে কোথাও কড়ি, কোথাও বরগা, দ্বার, জানালা, ইষ্টকরাশি স্থানে স্থানে পুঞ্জীকৃত হইয়া আছে । অন্তঃপুরের শ্রী নাই । দুই তিনটি কুঠারী ব্যতীত সমুদায় অংশ ভূমিসাৎ হইয়াছে । বহির্ভাগ দেখিলে বোধ হয় যেন কেহ এখানে বাস করে । বাটীর কর্তার নাম লোপ পাইয়াছে । কাহার বাটী তাহা কেহ জানে না ; কেবল দাওয়ানের বাড়ী, এই এক শব্দ রহিয়া গিয়াছে ।

বেলা দশটা । সূর্য্যের প্রথর কর ক্ষুদ্রগবাক্ষ পথে প্রবেশ করিয়া, গৃহ আলোকিত করিয়াছে । সেই ফকে গৃহস্থের যে সকল তৈজস পত্র

আবশ্যক হয়, তাহার কিছুই অভাব নাই। এক খানি খট্টায় শয্যা বিস্তারিত আছে। তাহার উপর এক সুন্দরী যুবতী ঘাড় হেঁটে করিয়া একভাবে বসিয়া আছে। একাবন্দুও শরীর নড়িতেছে না। দেখিলে বোধ হয় যেন, কে লক্ষ্মীর প্রতিমা রাখিয়া দিয়াছে। কামিনীর নয়ঃক্রম প্রায় মোড়শ বৎসর। যুগলচক্ষু আকণ বিশ্রান্ত, যুগ্মদ্রু অতি সুন্দর, যেন চিত্রকর শলাকা দ্বারা চিত্র করিয়াছে, নাসিকা ও কণ্ঠ মনোহর, ললাট পঞ্চমার চন্দের ত্রায় অপ্রশস্ত ও পরিষ্কার। মুক্ত বেণী শিথিল হইয়া উড়িতেছে। শরীরে কোথাও একখানি অলঙ্কার নাই, যেন বনদেবী নিজ্জনে আপনার রূপে মুগ্ধ হইয়া বসিয়া আছেন। রমণীর মুখ দেখিলে যথেষ্ট সাহস ও সাহসুতার পরিচয় পাওয়া যায়।

এ কামিনী কে? জাবন আছে অথচ নড়িতেছে না, কারণ কি? কামিনী গভীর চিন্তা সাগরে নিমগ্না রহিয়াছে। আপনার ভাবে আপনি বিহ্বলা। কতক্ষণ স্থির রহিল, কতক্ষণ পরে দীর্ঘ নিশ্বাস ফেলিয়া কহিল,—“একি! আমার কি জ্ঞান নাই? একি সত্য,—আমি জাগরিত—না নিদ্রিত? আমার জীবনে প্রয়োজন কি? কাহার জন্ত এই অপদার্থ শরীর? এ পৃথিবী কাহার? অর্ঘ্য কাহার? হা ঈশ্বর! অভাগিনী করিয়াই কি আমাকে সৃজন করিয়াছিলে? এই ললাটে দুঃখ ভিন্ন কি সুখ লেখ নাই? না তুমি কোথায়? কেন আমাকে গর্ভে ধারণ করিয়া রাক্ষসীর ত্রায় ত্যাগ করিলে? আজ আমার জীবনের শেষ দিন,—আজ আশা নিশ্চলিত হইবে, আজ স্বপ্নের শেষ হইবে, আজ প্রভা নাম পৃথিবী হইতে লোপ পাইবে? রক্ষসকর, এই কি পুরুষের প্রতিজ্ঞা? এই কি তোমার ধর্ম? আমি কখনও তোমাকে কপট দেখি নাই, তবে এ কাপটা আজ কেন দেখাইলে? আমি কখন তোমার দোষ পাইনি, তবে কেন

আজ গুরুতর দোষে দোষী হইলে ? চিরবিবাসী হইয়া অবিবাসের কার্য্য করিলে ? প্রিয় হইয়া আজ অপ্রিয় সাধন করিলে ? আশা দিয়া আজ কেন সমুদ্র জলে ডুবাইলে ? আগিত তোমার ছায়া,—আজ ছায়া ফেলিয়া কায়া কোথায় গেল ? তোমার নাম কৃষ্ণশঙ্কর, কিন্তু আমার নিকট তুমি কৃষ্ণজীবন,—কৃষ্ণ ভিন্ন এ জীবন যে একদণ্ড থাকিতে পারে না । হায় ! অভাগিনীর কি দোষ দেখিলে ? কি দোষ দেখিয়া হতভাগিনীকে জন্মের মত পরিতাগ করিয়া বিবাহ করিতে চলিলে ? বিবাহ—শব্দ শুনিলে মন চমকিয়া উঠে । এই বিবাহ কপাল গুণে কোথাও অমৃত ও কোথাও বিষের আধার—সুখ দুঃখের কারণ । তুমি বিবাহ করিবে এ আমার কল্পনার অগোচর । বিবাহ হইলে কি প্রণয় ভুলিবে ? তুমি ভুলিলে আগিত ভুলিব না । এ আগুণ কেমন করিয়া মনে মনে শীতল করিব ? এই আগুণে আমি পুড়িয়া মরিব । প্রিয় স্নহদ ! তুমি আমার হৃদয়েশ্বর হইয়া কেমন করিয়া আর একজনকে প্রণয় সম্ভাবণ করিবে ? কেমন করিয়া এ প্রণয়ের ছবি মুছিয়া ফেলিবে ?—আমার কৃষ্ণজীবন কি এত নিদ্রা, এত অবিবাসী হইতে পারে ? কখনই নয় । যে কৃষ্ণজীবনের সুখের ভাব দেখিলে আমার মনের কথা আপনাপনি বাহির হইয়া পড়ে, মনের বেগে হৃদয় উচ্ছাসিত হয়, যাহার সরল আলাপে আমার চিত্ত চকোর মুগ্ধ হয়, সেই জীবনকৃষ্ণ কি আমার অকারণে এমনই ভাবে তাগ করিতে পারে ? কখনই নয় । ‘মন, একি কখন বিশ্বাস হয় ? কিন্তু—পিতার অনুরোধে, মাতার আজ্ঞায়, সমাজের ভয়ে, অভাগিনীর গ্রহদোষে যদি কৃষ্ণ জন্মের মত পর হয়, তাহা হইলে কি প্রভা আর পৃথিবীতে মুখ দেখাইবে ? বিধাতা অনাধুঃখিনীকে আর দুঃখিনী করিতে পারিবেন ? কখনই নয় । এই প্রভা তখন পাশাণে বুক বাধিয়া

পাশাণী হইবে। তখন কি আর পৃথিবীর স্বপ্ন ভুগ তাহাকে মোহিত করিতে পারিবে? প্রভা তখন সন্ধ্যামিনী হইয়া কঠোর যোগে মগ্ন হইবে; বিধাতার রাজ্য ছাড়িয়া স্বর্গরাজ্যে প্রবেশ করিবে! আজ আমার পরীক্ষার দিন—”

প্রভাবতী আপনার ভাবে কখন বিহ্বলা, কখন আশাব্যিতা, কখন বা প্ৰবোধিতা হইতেছিল। শারদীয় গগনের আয় একদিকে মৌদামিনী, মধো কাদম্বিনী, অত্রদিকে মহশ্বেদালী উদয় হইয়া স্বভাবের বিচিত্র ভাব প্রকাশ করিতেছিল। প্রভা কাঁদিবে না ভাবিবে, না স্তির হইয়া সময় প্রতীক্ষা করিবে, কিছুই যখন নির্দ্বারিত করিতে পারিতেছিল না, তখন দ্বারাঘাত হইল। প্রভা, কম্পিতস্বরে কহিল

“কে?”

“দ্বার খোল”

দ্বারোদঘাটিত হইবা মাত্র, এক প্রৌঢ় স্ত্রীলোক, হস্তে পত্র প্রদান করিয়া কহিল,—“ঠাকুরালী! আমার বসিবার সাবকাশ নাই—আমার ঘরে কেহ নাই, আমি চলিলাম।” সে চলিয়া গেল।

হস্তাক্ষর দেখিয়া প্রভার অন্তর নাচিয়া উঠিল। \* পত্র চুম্বন করিয়া পাঠ করিতে লাগিল। প্রণয় কম্পিতহস্তে কৃষ্ণশঙ্কর লিখিয়াছিলেন—

“প্রভা!

প্রণয় কি পদার্থ তাহা প্রণয়ী ভিন্ন আর কেহ বুঝিবে না। প্রথম যে দিন তুমি আমাকে দেখিয়া মুখ ভূমে নামাইলে, চক্ষু তুলিয়া আমাকে দেখিতে পারিলে না, অথচ দেখিবার জন্ত অস্থির হইয়াছিলে; কথা কহিবার ইচ্ছা হইয়াছিল, অথচ স্বর ভঙ্গ হইল বলিয়া কতকগুলি কথা বাহির হইল না, পরে একটি একটি কথা বিব্রিত করিয়া মুক্তার স্ত্রাব বাহির হইতে লাগিল, সেই সময় আমারও কেমন ভাবান্তর হইল।



যেমন অন্ধের চক্ষু প্রফুটিত হইলে, সে প্রকৃতির সৌন্দর্য্য দর্শনে মুগ্ধ হয়; আমারও ঠিক সেইরূপ হইল। ননে হইল যেন এক অভিনব বিচিত্র জগতে নূতন প্রবেশ করিলাম। এতদিন তোমার সৌন্দর্য্যের, তোমার স্বভাবের, তোমার সরলতার, তোমার ভালবাসার গৌরব বুঝিতে পারি নাই। সেই দিন পূর্ণ মাত্রায় বুঝিতে পারিলাম। প্রভা! সেই দিন স্বপ্নের দ্বার খুলিয়া গেল। সেই দিন কমল কলি প্রফুটিত হইল। সেই দিন প্রথম সৌরভ বাহির হইল। সেই দিন কমলিনীর সৌন্দর্য্যে আমি বিমোহিত হইলাম। কমলকলি ও হৃদয়কলি এক। কেমন ধারে ধীরে, কেমন অল্পে অল্পে, একটু একটু করিয়া কলি ফুটিয়া সৌগন্ধ বাহির হয়। প্রভা! সে কথা কি কখনও আমি ভুলিতে পারি? আজ পরিণয়ের দিন স্থির, কিন্তু এই পত্র তোমার হস্তে পৌছবার পূর্বে আমি বাটী হইতে অনেক দূরে থাকিব। আমি তোমার পিতা মাতার অন্বেষণে বাহির হইলাম। তোমার মাতা রত্ন প্রসবিনী। আমি তাঁহার রত্ন। তাঁহার অঙ্কে স্থাপন করিয়া, পরে তোমায় বিবাহ করিব। প্রভা! আমাদের দেশের সমাজ কি জঘন্ট! সমাজ সরলতা, সৌন্দর্য্য, সঙ্গুগ কিছুই দেখে না; কেবল কুল, শীল, বংশ মর্যাদা দেখে। এই জঘন্ট কুলীনের কুলান্ধার সমাজের অলঙ্কার। ধিক্ বঙ্গ সমাজে! ধিক্ বাঙ্গালীর জীবনে!

প্রতি সপ্তাহে তোমায় পত্র লিখিব তজ্জগৎ চিন্তা করিও না।

তোমার কৃষ্ণজীবন।’’

শরতের আকাশে যে একটু মেঘ ছিল, তাহা এই পত্র পাঠে অপসারিত হইল। যুবতী বার বার পত্র পাঠ করিতে লাগিল, তত্রাচ তৃপ্ত হইল না, যেন অমৃত পানে উন্মাদিনী হইয়া উঠিল।

কোথা হইতে প্রভা কাহার এই ভগ্ন অট্টালিকাতে আসিয়া

উপস্থিত হইল ? নরেন্দ্রলাল বাবু এই বাটীতে বিবাহ করেন । বিবাহের অনেক দিন পূর্বে তাঁহার শিশুরের মৃত্যু হয় । তাঁহার এক পুত্র ছিল, সেও নিঃসন্তান হইয়া অনেক দিন গত হইয়াছে । এখন একবন্ধা বিধবা আছেন । তিনি কৃষ্ণশঙ্করের মাতুলানী । নরেন্দ্রলাল বন্ধাকে আপন বাটীতে আনিবার জন্য বিশেষ চেষ্টা পাঠিয়াছিলেন, কিন্তু রূতকারী হইতে পারেন নাই । বন্ধা স্বামীর ভদ্রাসন ত্যাগ করিয়া কাশী বাটীতেও সম্মতা ছিলেন না । অগত্যা নরেন্দ্রবাবু তাঁহাকে মাসিক ব্যয় পাঠাইয়া দিতেন । কেশবের অত্যাচার দেখিয়া কৃষ্ণশঙ্কর প্রভাকে এই জনশ্রুত স্থানে রাখিয়াছিলেন এবং পিতাকে বলিয়া মাতুলানীর আয় বৃদ্ধি করিয়া দিলেন । তদবধি প্রভা ভগ্নগৃহে লক্ষ্মীর আয় উদ্ভিতা হইল ।

কৃষ্ণশঙ্করের বিবাহ উপলক্ষে, মাতুলানী নারায়ণগড়ে গমন করিয়াছেন ; সুতরাং প্রভা একাকিনী আছে । রাত্রিকালে একজন পরিচারিকা তাহার নিকট শ্রুতান্তে আসিত । এক দিন দুই দিন করিয়া এক সপ্তাহ অতীত হইল, কিন্তু মাতুলানী প্রত্যাগমন করিলেন না । প্রভা উদ্বিগ্ন হইল । যে স্বীলোক রাত্রিতে শয়ন করিত, সে তখন গৃহকর্তার বিলম্ব দেখিয়া আর আসিত না । এইরূপ জনশ্রুত পল্লীর একপার্শ্বে, ভগ্ন গৃহে, একাকিনী বাস করা, প্রভার পক্ষে ভয়ানক কষ্টদায়ক হইয়া উঠিল । রাত্রিতে নিদ্রা হইত না । বৃক্ষশাখার সংঘর্ষ শব্দ শুনিলেও মন বিচলিত হইয়া উঠিত ; অভাবনীয় ভয়ে ভীতা হইত ।

পঞ্চদশ দিন গত হইল : মাতুলানী এখনও কিরিলেন না । নারায়ণগড়ের কোন সম্বাদ নাই । কৃষ্ণজীবনেরও কোন উদ্দেশ্য নাই । একদিন রাত্রে প্রভা একাকিনী শয্যায় শয়ন করিয়া, নানা প্রকার চিন্তা করিতেছে ; বাতায়নের নিম্নে একটা প্রদীপ মিট মিট করিয়া

অলিতেছে । বহির্দিকে ভয়ানক অন্ধকার । আকাশে নক্ষত্রমালা মেঘের কোলে নিদ্রিত । এই সময় মুক্তগবাক্ষপথে মনুষ্যদেহ দেখিয়া প্রভা চমকিয়া উঠিল । সাহসে ভর করিয়া উঠিয়া বসিল, চৌক্যের কারিয়া বলিল,—“তুমি কে ? কি মনে করিয়া এখানে আসিয়াছ ?” উত্তর কেহই দিল না । মনুষ্যদেহ ধীরে ধীরে অন্ধকারে মিশাইয়া গেল । সে তখন শব্দ হইতে উঠিয়া দার পরীক্ষা করিয়া দেখিল, লৌহ অর্গল হিমাচলের আয় স্থির রাখিয়াছে । গবাক্ষ বন্ধ করিয়া মনে মনে কহিল,—“একে ? কিজন্তু এখানে আসিয়াছে ? একি চোর ? চোর হইলে গবাক্ষের নিকট আলোর সম্মুখে কেন আসিবে ? জাগরিত মনুষ্যের নিকট কি চোর আসিতে পারে ? এ চোর কখনই নয় । এ কি ছায়া ? না ভ্রম ? ভ্রম কখনই হইতে পারে না ।

কিন্তু নিকট—অথচ আমার নিকট কেনন একটু মধুর বোধ হইল ; যেন তাহার অন্তরে দয়া আছে । আমার হৃৎ দেখিয়া কি এ আসিয়াছে ? আমার হৃৎই বা কি ? কৃষ্ণজীবন আমার,—আমি তাহার, তবে আমার হৃৎ কি ? কিন্তু এ কে ? ইহাকে কি কোথাও দেখিয়াছি ? মনে ত পড়ে না ।”

এই প্রকার চিন্তায় রজনী অতিবাহিত হইল । পরদিন বেলা দশটার সময় মাতুলানী একজন চাকর ও একজন পরিচারিকা সঙ্গে করিয়া আপন বাটীতে উপস্থিত হইলেন । প্রভা হস্তমুখে বাহির হইয়া আসিল । তাহাকে দেখিয়া মাতুলানীর চক্ষুজলে বুক ভাসিয়া গেল । মুখে কথা নাই—একপ্রকার সংজ্ঞাশূন্য । পরিচারিকা হস্ত ধরিয়া গৃহমধ্যে লইয়া আসিল । প্রভা চকিত হইল । যেন গুরু আঘাতে হৃদয় নির্লিপ্ত হইত হইল । ডিম্বমনে জিজ্ঞাসিল,—“মামা, এ কে ?”

সকলো ভেদাচেন ত ?”

মাতুলানী গগনভেদী চীৎকার করিয়া কাদিতে কাদিতে বলিলেন,—  
 “কৃষ্ণ—বাবা, তুমি কোথায় রহিলে ? আজ পনের দিন তোমার সন্বাদ  
 নাই—শেষে কি বাবা স্নানাপের জায় ডাকাতের হাতে প্রাণ হারাইলে ?”  
 প্রভা অবাক ; কিন্তু পৈর্যা ধারণ করিয়া মামীকে প্রশ্নের উপর প্রশ্ন  
 জিজ্ঞাসা করিতে লাগিল । তিনি নিজেই ভাবে বিভোর হইয়াছেন,  
 শোক উথলিয়া উঠিয়াছে, স্মৃতরাং প্রশ্নের উত্তর কে দিবে ? পরিচারিকা  
 চক্ষের জল ফেলিতে ফেলিতে কহিল—“ছোট বাবুকে ডাকতে  
 নারিয়াছে ।”

প্রভা ব্যগ্র হইয়া কহিল,—“কোথায় ? কোন্ সময় ? কে  
 দেখিয়াছে ?”

“এক বনে তাঁহার মরা ঘোড়া পাওয়া গিয়াছে—তাঁহার মাথার  
 পাগড়ীতে রক্তের ঢেউ খেলিতেছে—মরা শরীর পাওয়া গিয়াছে, কিন্তু  
 মাথা নাই ।”

এক মুহূর্তে প্রণয় উপস্থিত হইল । একেবারে প্রভার ধৈর্য্যচ্যুতি  
 হইল । হৃদয়ে এমন স্থান নাই যে, প্রবল ঝটিকার বেগ সঙ্করণ করিতে  
 পারে । “নাথ, মিলন না হইতেই অনাগিনী হইলাম”—মুখের কথা  
 মুখে মিলাইয়া গেল । জ্ঞানশূন্য হইয়া বাতাসত কদলীর জায় ‘সানের’  
 মেজিয়াতে পড়িয়া গেল । গৃহভিত্তিতে মস্তক লাগিবানাত্র, প্রবলবেগে  
 শোণিত বহির্গত হইল । সকলে মহা ব্যস্ত হইয়া ‘হায় ! হায় !’ করিয়া  
 উঠিল । ধরাধরি করিয়া তাহাকে শয্যায় শয়ন করাইল । মস্তকে  
 এমন কঠিন আঘাত লাগিয়াছে যে, মাতুলানী অনবরত জল সেচন  
 করিলেন, বস্ত্রখণ্ড ক্ষতস্থানে গুঁজিয়া দিলেন, তথাচ রক্তশ্রোত বন্ধ  
 হইল না । অনতিবিলম্বে প্রভার মুখমণ্ডল বিবর্ণ হইল, সেই রক্তাভ  
 প্রফুটিত গোলাপ পাংশুবর্ণ হইল । চক্ষুপুস্তলী উপরে উঠিয়া গেল ।

‘ মাতুলানী কাদিতে কাদিতে কহিলেন,—“কি সর্বনাশ, একি বিপদ—  
 শ্বাস যে নাই—কিঙ্কর—ভট্টাচার্য্য মহাশয়কে শীঘ্র সংবাদ দাও—তিনি  
 ব্যবস্থা করুন।”

কিঙ্কর উক্স্বাসে দৌড়িয়া গেল ।



নষ্ট না করিয়া পত্রোন্মোচন করিয়া অনেক পাড়িতে লাগিল । পত্রে  
এতরূপ লেখা ছিল :—

“বৎস !

জননারীন্দ্রদয় স্নেহে পরিপূর্ণ । আমার হৃদয়ে অপভ্রামেহ কতদূর  
প্রবল তাহা যদি জানিতে, পুত্রমণ্ড দশন না করিলে হৃদয় কতদূর  
ব্যথিত হয় তাহা যদি বুঝিতে, বৎস, তাহা হইলে তুমি নিশ্চিন্ত হইয়া  
থাকিতে না । পুত্র অতি সাধনের পন । আমি অভাগিনী ; অল্প  
বয়সে বৈধবা হইয়াছি, পন সম্পত্তি তুমি ; হায় ! সে পনে বঞ্চিত  
হইয়াছি । আজ আট বৎসর হইল, তোমার মুখচন্দ্র দেখি নাই ।  
আর কি দেখিতে পাউব না ? হা হতবশে ! এই কি তোমার মনে  
ছিল ? পতি মথন মৃত্যুগে, তখন আমি চাঁৎকার করিয়া কাদিয়া  
উঠিলাম : হর্গাদাস, তুমি আমার বন্ধু ছিলে । পতি ক্রন্দন শুনিয়া  
বলিলেন,—“অভাগিনী ! কাদ্‌চ কেন ?—মল্লুগ্য দেহ এই আছে এই নাই,  
মৃত্যু সকলেরই আছে, নন্দারের সার বস্তু আত্ম মস্তকের পন পুত্র রাখিয়া  
চলিলাম, তোমার ভাবনা কি ?” হা বিধে ! সে পনে হারাইয়াছি ;—  
হর্গাদাস, তুমি ভুলিয়া গিয়াছ । বৎস, তোমাকে ক্রোড়ে করিয়া  
মাছুষ করিয়াছি । তোমার কষ্ট দেখিয়া তোমাকে বক্ষে ধারণ করিয়া  
সমস্ত দিন বা রজনী অতিবাহিত করিয়াছি । একটু অশ্রু দেখিলে  
দিবরাত্রি ভগবানের নিকট চক্ষের জল ফেলিয়াছি । কতদিন আমি  
অনাহারে কাটাইয়াছি, কিন্তু তুমি চিরদিন পরিতোষ পূর্বক আহা  
করিয়াছ । পাছে তোমা, কষ্ট হয়, পাছে তুমি অভাগিনীকে  
চিরহুঃখিনী কর, এইজন্ত তোমাকে ক্রোড়ে লইয়া শয়ন করিতাম ।  
আমি ভিক্ষা করিতাম, তুমি হুখে থাইতে । তখন আমার মলিন বসন,  
মলিন বদন দেখিয়া কতই হুঃখ করিতে ? সর্বদা বলিতে, আমি বড়

হইয়া তোমাকে রাজমাতা করিব। তু পুত্র ! এখন তুমি কোথায় ? সে মধুর সুখের কোমল স্বর কোথায় গেল ? তখন আমি আশার মোহিনী মায়ায় মুগ্ধ থাকিয়া সমুদায় ক্লেশ ভুলিয়া বাইতাম। এখন সুখের আশা নৈরাশ্রে পূর্ণ। এখন পরুতই আমি অনাথিনী, অভাগিনী, ভিখারিণী মাত্র। আজ তিন দিন জ্বর হইয়াছে, তিন দিন অনাহারে আছি, ঔষধ নাই, পথ্য নাই। নিদ্রাবশে উৎকট স্বপ্ন দেখিতে থাকি। দেখি, তুমি ধনবান হইয়াছ, আমি এষ্ট মগ্নিন বেশে তোমার দ্বারে উপস্থিত হইয়া দারবানের নিকট বাটীতে প্রবেশ করিবার জন্ত মিনতি করিতেছি, সে তর্জ্জন গর্জ্জন করিয়া আমাকে দূর করিয়া দিতেছে। ভাংখিনীর ছায় কাঁদিতে লাগিলাম, বলিলাম আমার পুত্র এই স্থানে আছে, এই বাড়ীর কর্তা। সে অম্মাকে উদ্গাদিনী জ্ঞান করিয়া বল প্রকাশ করিতে উদ্বৃত। এমন সময়, বৎস, তুমি সেইখানে আসিলে। আমার সাহস হইল, হৃদয় কলিয়া উঠিল। দারবানকে বলিলাম,—“এইবার কি হয় ? এই আমার সংসারের সারবস্তু অতি যত্নের ধন পুত্র।” দ্বাররক্ষক একথায়ও কর্ণপাত করিল না ; তুমি দেখিয়াও দেখিলে না, শুনিয়াও শুনিলে না ; হৃদাস্ত রক্ষক আমার অঙ্গে বেত্রাঘাত করিয়া বহিষ্কৃত করিয়া দিল। তুমি স্নানার সহিত মুখ ফিরাইয়া চলিয়া গেলে। হৃদয় ভাঙ্গিয়া গেল, আশা দূর হইল। নিদ্রাভঙ্গ হইলে দেখি, সেই ভয় কুটীরে ছিন্ন শয্যায় মৃত্তিকার উপর পড়িয়া আছি। জর্গাদাস, আজীবন হৃৎখের কি অন্ত নাই ? আর কি লিখিব ? আমি অর্থের কান্ধা-লিনী নহি, আমি তোমাধনের মুখশশী দেখিবার আকাঙ্ক্ষিনী। ইতি—”

পত্র পাঠ করিয়া চক্ষুজলে রতিকান্তের বক্ষঃস্থল ভাসিয়া গেল। মনে মনে কহিল, কি আশ্চর্য্য, কেহ জননী পাইয়া দূর করিয়া দিতেছে, কেহ অন্বেষণ করিয়াও পাইতেছে না। ইনি কি ঈশ্বরদাসের মাতা ?

ঈশ্বরদাস কি মাতার মুখ দেখেন না ? তাঁহার ঐশ্বর্যের সামান্য নাই, আর মাতা অনাথিনীর জায় মুত্যাশয়ান শরন করিয়া, তা পুত্র—হা পুত্র, করিয়া প্রাণ বিসজ্জন দিতেছেন ? এ সংসার কয় দিনের ভণ্ড ? এখানে এতই কাপটা, এতই অপম্ম ? মাতার স্নেহের জন্ত পুত্রের কি না করা কতব্য ? আত্মসুখ ত অতি তুচ্ছকথা, পুণিবা তাঁহার তুলনায় সামান্য— ধনও অকিঞ্চৎকর । মাতা পৃথিবাতে সাক্ষাৎ দেবী । তিনি ঈশ্বরের প্রেমময়ী মূর্তি । হা ঈশ্বরদাস ! সম্মুখে প্রজ্জ্বলিত অলস্ত ছবি ফেলিয়া বৃথা সন্মাজে, পুস্তকে, বক্তৃতাতে এক্ষাণ্ণেবণ কর । তোমাকে ধিক্, তোমার সাধুতা, সরলতা, তোমার ঐশ্বর্য, তোমার জীবন, তোমার সকল ব্যবসে ধিক্ !

রতকান্ত কোধে পত্র ছিঁড়িয়া ফেলিলু । একে একে পঙক্তির বায়ুতে উড়াইয়া দিল, শেষে বলিল,—ঈশ্বরদাসের আশ্রয় গ্রহণ করবা কৃকম্ম করিয়াছি ।”

\* গ্রন্থকারের অনেক আশ্রয় দীক্ষিত ব্রাহ্মবন্ধু তাঁহার বাটীতে আসিয়াছিলেন, চলিয়া বাইবার সময় তিনি “হুর্গা হুর্গা” বলিয়া বাজা করিয়াছেন । আমি বলিলাম,— “হুর্গানাম কেন ?” তিনি বলিলেন,—“এ বাতু ঈশ্বর্য এ—আজ্ঞা অলঙ্কার । যিনি হুর্গতি দূর করেন তিনিই হুর্গা ; ব্রহ্ম : হুও কি নেই নামে নির্দেশ করিতে পারি না ?” আমি তখন বলিলাম, ধন্য এঃ, কেবল আবরণ ভেদ ।”



## ষোড়শ পরিচ্ছেদ ।



### কলিকাতা ।

দিন চলিতে লাগিল । হাবড়া হইতে বোম্বাই অবধি শকটের চক্র কতবার ঘুরিয়া গেল, কেহই গণিল না । আরোহী সকল ঠিকানায় পৌঁছবার জন্য কেবল ব্যস্ত । পথিক, তুমি কালচক্রে ঘুরিতেছ ; দশবৎসর পূর্বে তুমি শৈশবে ছিলে, এখন যৌবনে আসিয়াছ, কিছুদিন পরে বৃদ্ধ হইবে, শেষে একেবারে স্বস্থানে প্রস্থান করিবে । এই গাড়ীর চাকা ও সময়ের চাকা এক । পথিক, ঠিকানায় পৌঁছিতে তবে কেন এত ব্যস্ত ? চক্র ত অবিশ্রান্ত ঘুরিতেছে, কিন্তু তোমার কার্য্য কতদূর হইল তাহার হিসাব কি করিয়াছ ?

কালের চক্র ত্রিশবার ঘুরিয়া গেল । রতিকান্ত একমাস গৌর-ক্লান্তন বাবুর বাটীতে আসিয়াছে । একদিন দ্বিপ্রহরে উপবেশন করিয়া, প্রভা কোথায়, কেন পলাইয়া গেল, ক্লেশঙ্কর কোথায়, কেমন আছে, এই অসীম পৃথিবীর অগণিত মনুষ্য মধ্যে আমার আরাধ্য পিতা মাতাকে কেমন করিয়া অনুসন্ধান করিব, তাঁহারা কি এখনও জীবিত ? কত কাল এই ভাবে দিন কাটাইব, ঐ ক্লেশ পুরুষ ও উৎকল্লময়ী কে? তাহাদের সাহিত আমার সঙ্কল্প কি,—এই সকল চিন্তায় ব্যস্ত, এমন সময় ভূজা আসিয়া বাবুর আজ্ঞা জানাইয়া গেল । সে ব্যস্ত হইয়া তাঁহার কাছাকাছি প্রবেশ করিল । বাবু তাহাকে দেখিয়া বলিলেন,—“তোমার নিকট

গঙ্গামণ্ডল জমিদারীর সমুদায় কাগজ পত্র, মোকদ্দমার রায়, সাক্ষীর জবান-বন্দী প্রভৃতি ঠিক আছে ত ?” রতি ঈশ্বর মস্তক নাড়িয়া বলিল,—“সমুদায় কাগজ একত্র করিয়া পৃথক ভাবে সিন্দকে রাখা হইয়াছে ।” তিনি বলিলেন,—“সদর দেওয়ানী আদালতে আপোল দায়ের করিবার জন্য সেই সমুদায় কাগজ লইয়া তুমি ও নায়েব মহাশয় আগীর সহিত কলিকাতা যাউন, এখনই প্রস্তুত হইয়া আইস ।” যে আজ্ঞা বলিয়া রতিকান্ত চলিয়া আসিল ।

দ্বাদশ ঘণ্টা কাৰ্য্য করিয়া অবসন্ন তপন গৃহাভিমুখে চলিয়াছেন, এমন সময় একখানি পরিষ্কার বিবিধ বর্ণে রঞ্জিত তরলী ( ভাউলিয়া ) কলিকাতার পারঘাটে পৌঁছিল । গোরমোহন বাবু রতিকান্ত ও নায়েবকে পশ্চাতে করিয়া তাঁরে অবতীর্ণ হইলেন । সুন্দর হস্তা, অসংখ্য জলযান, অৰ্ণবপোত, সহস্র সহস্র গম্বুযা, বোটকবুদ্, শকটশ্রেণী একস্থানে দেখিয়া, রতির কোতুহল উদ্দীপ্ত হইল । চতুর্দিকে প্রশস্ত রাজপথ দীপমালায় সমজ্জল,—যেন কলিকাতার গলদেশে কে মুক্তার ভার দোলাইয়া দিয়াছে । এমন সুন্দর নগরের অস্তিত্ব সে কখন চিন্তাতে ও স্থান দিতে পারে নাই । আপন মনে বলিতে লাগিল,—‘এখানে এত লোক বাস করে,—অসংখ্য অৰ্ণবপোত গঙ্গার বক্ষে ’ দেশ হইতে কত পণ্য দ্রব্য যাউতেছে, আবার অপর দেশের কত দ্রব্যই আসিতেছে, ইহার কি হিসাব আছে ? ইংরেজরা কি প্রভাশালী, কেমন করিয়া এত বড় বড় জাহাজ অসীম সমুদ্রে দিগ্‌দর্শনের দ্বারা চালিত করে ? আমাদের কি উর্ভাগ্য, একখানি জাহাজ ও আমাদের নাই । ’ এখানে বৃক্ষ প্রায় নাই, সকলই অট্টালিকা-গম্বু, দোকানের রাশি, বড় দোকান গুলি সকলই সাহেবদের, দেশীয় দোকান গুলি তেমন পরিষ্কার পরিচ্ছন্ন নয় কেন ? কত সাহেব বিবি কেমন সাজ সজ্জা করিয়া বেড়াইতেছে, আমাদের দেশের লোক ঐক্লপ

পরিস্কার থাকিতে জানেনা,—না পারেনা ? একি ডাক্তারখানা—কত বড়,—কত কাচের নীল ও লোহিত শিশি,—আলোর ঘটা কি ? আগু বাবুর ডাক্তারখানা একখানি খড়ের ঘরে ;—সাহেবরা কি সকলেই অংশালী, না—এ সকল যৌথ কারবারের ফল ? আমরা ইংরেজ রাজত্বে এতদিন বাস করিয়া কই তাহাদের ত কোন গুণ অধিকার করিতে পারি নাই,—তাহাদের অদমা তেজ, উৎসাহ, দৈহিক ও মানসিক বল, চিত্তের প্রফুল্লতা আমাদের দেশের লোক ত লাভ করিতে পারিল না ? নূতন দর্শকের নবীন কল্পনা এইরূপ শকটের সঙ্গে সঙ্গে দৌড়িতেছিল। কিয়ৎক্ষণ পরে শকট এক সুরমা বাটীতে উপস্থিত হইল। ভ্রাতারা দ্রুত আসিয়া স্বারোদঘাটন করিল। কেহ আলো দিতে, কেহ বা রক্তনের জন্ত, কেহ বা দ্রব্যাদি লইয়া যাইবার জন্ত ব্যগ্র হইল। রতিকান্ত কাগজের সিন্দুকটী লইয়া উপরের এক কক্ষে রাখিয়া দ্বারে তালা বন্ধ করিল। সে রাত্রি চলিয়া গেল।

পরদিন গৌরমোহন বাবু, রতিকান্ত ও বুদ্ধ নারেনকে সঙ্গে করিয়া তাঁহার পূর্বপরিচিত এক কাউন্সলী সাহেবের বাটীতে উপস্থিত হইলেন। সাহেব, তাঁহার সহিত করমর্দন করিয়া এক সুসজ্জিত কক্ষে বসিতে বলিয়া চেয়ার টানিয়া দিলেন। তথায় মোকদ্দমার কাগজ পত্র ভাল করিয়া তাঁহার কেরাণী ও এটর্নিকে বুঝান হইতে লাগিল। তিনি নিজেও হাকিমের হুকুম দেখিতে ও ব্রিফ লইতে লাগিলেন। একটু হাস্ত করিয়া বলিলেন,—আপীলের অবস্থা ভাল হইতে পারে। এই মোকদ্দমাতে গৌরমোহন বাবুর এক বৃহৎ জমিদারী নিলামে উত্তীর্ণ হইয়াছে। অনবরত তিনচারি দিন যাতায়াত করিয়া গৌরমোহন বাবুর মোকদ্দমা সদর দেওয়ানী আদালতে উপস্থিত হইল। কত কালের পরে যে শেষ আদেশ হইবে, তাহা কেহই বলিতে পারেনা :

তবে নিলাম স্থগিত কেন হইবে না তাহার এক ‘রুল ইস্যু’ হইল। গৌরমোহন বাবু নিজের কার্য্যে এত বাস্তব ছিলেন যে, তিনি একবারও রেশমের কারবার দর্শন করিতে পারেন নাই। তবে একদিন রাত্রে কেশবশঙ্কর বাবুর সহিত দর্শন ও আহারাদি করিতে মাত্র সময় পাইয়াছিলেন। রুল ইস্যু হইবা মাত্র তিনি রতিকান্তকে কাগজ পত্র গুছাইয়া লইয়া রাধানগর ফিরিয়া যাউতে বলিয়া নিজে ক্ষণবিলম্ব না করিয়া মেদিনীপুর জজ আদালতে চলিয়া গেলেন।

রাত্রি দ্বিপ্রহর অর্ধাৎ। সকলে নিদ্রিত। বহুমতী স্থির। বাঙ্গালী পাড়ার দাপন্তস্তগুলি কিছু দূরে দূরে। রাস্তার তেমন আলো নাই। এমন সময় এক তুমুল কোলাহল উপস্থিত হইল। ধর ধর—মার—বাধ—ভারি ঢুট—পুরাতন বদমাস—এইরূপ কলরব উঠিতে হইল। রতি নিম্নতলায় রাস্তার ধারের এক কুঠারীতে নিদ্রিত ছিল। কোলাহলে নিদ্রাভঙ্গ হইল। শুনিল—একজন যেন ককণ স্বরে বলিতেছে—“তুমি কি আমাকে জান না? কত টাকার আবশ্যক বল, আমি এখনই দিতেছি—ওকি মার কেন—সার্জন সাহেবেরই বা কি দরকার হইল—এত কোলাহল কেন?” সার্জনের নাম চাৎকার করিয়া কেহ কেহ ডাকিতে লাগিল। অনতিবিলম্বে তিন চারিজন কনেষ্টবলসহ স্বয়ং সার্জন সাহেব উপস্থিত হইলেন। গৌরমোহন বাবুর বাটী হইতে এখন এই সকল লোক অনেক দূর অগ্রসর হইয়াছিল।

সার্জন উপস্থিত হইবামাত্র, একব্যক্তি দৌড়িয়া গিয়া তাহার নিকট উপস্থিত হইল এবং ইংরাজীতে ক্ষণকাল কথোপকথন করিল। সার্জন হাসিয়া বলিলেন, “আমি সকল কাৰ্য্য করিতে পারি—বটু” বলিয়া তর্জনী দেখাইল এবং বলিল—“স্যাণ্ড থি মোর সাইফাস।” বাঙ্গালী বাবু একটু হাসিয়া সম্মতি প্রকাশ করিলেন। মনে মনে ভাবিলেন, এই জুই

লোককে সহস্র মুদ্রা ব্যয়ে ও দমন না করিলে আমার বাটীতে বাস করা অসম্ভব হইবে ।

সার্জন নিকটে আসিয়া কহিল,—“টুনি চুড়ি করিয়াছ ঘড়ি, ঘড়ির চেইন, অঙ্গুষ্ঠী, লাঠি ও পোষাক ; টুনি চুড়ি কড়িতে আসিয়া বাবু সার্জিয়াছ, এ কোণল মণ্ড হয় নাই, কিন্তু পুলাশের মূণ হইতে পালান ডুকড় চল টানামে চল ।” ছইজন কনষ্টেবল হাত বাধিয়া লইয়া চলিল । দর্শকের মধ্যে অনেকে স্ব স্ব ধামে দিগিয়া গেল, কেবল অভিযোক্তাদিগের সহিত রতিকান্ত ও চলিল । রতিকান্ত বেন ভদ্রকে চিনিতে পারিয়াছিল । বতক্ষণ রাস্তার মধ্যে দিয়া যাউতেছিল, ততক্ষণ ক্ষীণালোকে রতি তাহাকে পরিষ্কার রূপে দেখিতে পারে নাই । কিন্তু ঐক চৌরাস্তার উপর আসিলে, দীপস্তম্ভের স্তম্ভালোক তাহার নুখে পতিত হইল । রতিকান্ত সবিস্ময়ে বলিয়া উঠিল—“কেশবশঙ্কর বাবু ! আমি রতিকান্ত আপনার কি করিতে হইবে আগাকে বলুন আমি প্রস্তুত আছি ।”

লজ্জায় কেশবের দৃষ্টি নিম্নে গমন করিল । কিন্তু এসময় লজ্জা করিলে কি চলিতে পারে ? তাই মুখ তুলিয়া ব্যগ্র ভাবে বলিল—“রতি, আমার বাসা অমুক রাস্তার অমুক নম্বরে, তুমি যাউয়া সংবাদ দিলেই সব গোলযোগ চলিয়া যাউবে ।”

দরস্ত সার্জন অপরিচিত ব্যক্তির সহিত কথোপকথন করিতে দেখিয়া, রোষভরে হস্ত নাড়িয়া কহিল—“ড্যামড ইউ ডেবিল !” বাদানুবাদ করা বুঝা বিবেচনা করিয়া, রতি সেই স্থানে দাঁড়াইয়া দেখিল যে, সে রাত্রির জন্ত কেশবশঙ্কর থানায় নীত হইল । সে অনন্তোপায় হইয়া বাসাতে প্রত্যাগমন করিল । শব্দনক্ষ্রে প্রবেশ করিয়া দেখে, তাহার শব্দ্য মশারি প্রভৃতি কে অপহরণ করিয়া লইয়া গিয়াছে । বাহির হইবার সময়ে

দ্বার বন্ধ করিতে মনে ছিল না । সে রাত্রি উপবেশনেই অতিবাহিত হইল ।  
প্রাতঃকালে কেশবের বাটী অশ্বেষণে বহির্গত হইল । এত চিন্তা করিয়াও  
কিছুতেই ‘ওপেন সিসেম’ মনে পড়িল না । তখন নিরুপায় হইয়া নারায়ণগড়ে পলায়ন করা যুক্তিবৃত্ত বিবেচনা করিয়া গঙ্গাতটে গমন করিল ।  
নিকটে পুষ্করিণী থাকিতে চাতক যেমন মেঘের নিকট জল যাক্তা করে,  
সেইরূপ রতি গৌরমোহন বাবুর ভৃত্যদিগকে কেশবের বিপদবর্তার উল্লেখ  
না করিয়া, নারায়ণগড়ে গমনাভিলাষ করিল । পুষ্করিণীতে স্মৃষ্টি  
জল আছে, চাতক যদি জানিতে পারিত, তাহা হইলে কি কাদম্বিনীর  
নিকট জল ভিক্ষা করিত ?

গঙ্গার তটে উপস্থিত হইয়া সে নোকায় উঠিবার উদ্যোগ করিতেছে,  
এমন সময় কে তাহার পৃষ্ঠে অঙ্গুলির আঘাত করিল । পশ্চাতে  
ফিরিয়া দেখে,—ডাক্তার বাবু আশুতোষ । তিনি কহিলেন,—“রতি,  
এখানে ?”

বর্তমান অবস্থার পরিচয় প্রদান করিয়া, কেশবের বিপদবর্তা সংক্ষেপে  
বিবৃত করিল ; পরে বলিল,—“আমি সেই জন্ত নরেন্দ্রলাল বাবুর নিকট  
যাইতেছি ।” আশুবাবু বলিলেন,—“তোমার যাইবাবু কিছুমাত্র আবশ্যক  
নাই, আমি নারায়ণগড়ে ঘোটকারোহণে যাইতেছি, কলাই নরেন্দ্র বাবুকে  
সম্বাদ দিব । তুমি ফিরিয়া যাও ।” রতি বলিল,—“কেশব বাবুর সমূহ  
বিপদ—না জানি কি কষ্ট তাঁহার হইতেছে !”

আশু । তুমি কিছুমাত্র চিন্তা করিও না । আইন আদালত সকলই  
টাকার বাধ্য । টাকায় যতদূর হইতে পারে তাহা হইবে ।

রতি । আপনি কি নারায়ণগড়ের কোন সংবাদ দিতে পারেন ?

আশু । না—আমি অনেকদিন হইল সে স্থান হইতে কলিকাতা  
আগিয়াছি ।

এই বলিয়া তিনি নৌকায় উঠিলেন, নৌকা ক্রমে অদৃশ্য হইল । রতি বাসায় ফিরিয়া আসিয়া দেখিল, রাধানগর যাত্রা করিবারজন্ত শকট প্রস্তুত । আহারাদি করিয়া দলিলের সিন্দুক ও দুইজন দ্বারবান লইয়া শকটে আরোহণ করিল । বড় আশা ছিল, অনেকদিন পরে আবার নরেন্দ্রলাল বাবু ও কৃষ্ণশঙ্করের সহিত সাক্ষাৎ হইবে, প্রভার কথা শুনিতে পাইবে, কিন্তু বিধাতা সে আশা পূর্ণ হইতে দিলেন না ।



## সপ্তদশ পারচ্ছেদ

### রতিকান্তের পরিচয়।

রতিকান্ত কলিকাতা হইতে প্রত্যাগত হইয়া, কেশবশঙ্করের অবস্থা অবগত হইবার জন্ত নিতান্ত উদ্বিগ্ন হইল। কন্সে মনোমোগ নাহি। মন সদাই অস্থির। একদিন সন্ধ্যার সময় আপন প্রকোষ্ঠে বসিয়া নানা শ্রীকার চিন্তা করিতেছে, এমন সময় পার্শ্বের গৃহে বামাস্বরে কে যেন তাহার নাম করিল। রতি ব্যগ্র হইয়া জানালার নিকটে উঠিয়া গেল। সে দিক্ দিয়া পার্শ্বের গৃহে যাইবার কোন পথ ছিল না। স্ততরাং বাতায়নের নিকট অপেক্ষা করিতে লাগিল, কিন্তু সে স্বর আর শুনিতে পাষ্টল না। দুই বিষয়ের জন্ত মন কোতৃহলে পূর্ণ হইল। প্রথম, এ স্বীলোক কে, এবং কি জন্ত তাহার নাম করিতেছে? দ্বিতীয় স্বর যেন পরিচিত। বিস্ময়াপন্ন হইয়া রতি বাটী হইতে বহির্গত হইল। গড়ের উপর সেতুর নিকট দণ্ডায়মান রহিল। মনে করিল, এ সেতু ভিন্ন বাটী প্রবেশ করিবার বা বহির্গত হইবার দ্বিতীয় বন্দ্য নাহি। সে যে হউক না কেন, এ পথে নিশ্চয়ই বাহির হইবে। অনেকক্ষণ অপেক্ষা করিয়া রহিল, ক্রমে তাহার ধৈর্য্যচ্যুতি হইল। এদিকে নক্ষত্রমালা রজনীর অন্ধকারময় কবরীতে একে একে স্তম্ভ কুমুমের স্তায় ফুটিয়া উঠিল; রজনীর কক্ষ অঞ্চল একপ্রান্ত হইতে অপর প্রান্ত পর্য্যন্ত বিস্তারিত হইল, তত্রাচ কেহই বাটী হইতে বহির্গত.



হটল না। প্রত্যাগমনের উপক্রম করিতেছে, এমন সময় একজন কৃশা দাঘকারা ব্রালোক নদীতীরে বসনে আচ্ছাদিতা হইয়া, সেতুর উপর দিয়া চলিয়া গেল। রতিকান্ত দেখিয়াই স্বগত বলিয়া উঠিল, একি উৎকল্লমরা? কতকদূর পশ্চাৎ পশ্চাৎ চলিল, কিন্তু সে মুখ কিরিয়া ও চাহিল না, অগত্যা ঈর্ষাকে পারিত্যাগ করিয়া শয়নমন্দিরে প্রবিষ্ট হইল।

পরদিন রতিকান্ত এক চমৎকার ব্যাপার দেখিল। ক্ষুদ্র বাণক হঠাৎ বৃদ্ধ দেওয়ান অবধি সকলেই তাহার দিকে একদৃষ্টে চাহিয়া আছে। সকলের চক্ষেই যেন একটু ঘৃণা, একটু বিস্ময়, একটু কৌতূহলের রেখা আছে। আজ তাহার সহিত প্রশস্তমনে আলাপ করিতে সকলেই কুণ্ঠিত। কারণ কি? অদ্ভুত কারণ ক্রমে বাবুর কর্ণে উঠিল। তিনি ঘৃণার সহিত হাসিয়া বলিলেন,—“মাকালের উপর লাল, সিনুলের কেবল রং, আচ্ছা লোক ঈশ্বরদাস বাবু পাঠাইয়াছেন, ব্রাহ্মদিগের আবার এ সকল বিষয়ে লজ্জা; তাহাদের ছত্রিশ জাতে সমাজ।” রতিকান্তকে আনিবার জন্ত রামাকে পাঠাইয়া দিলেন। সে উপস্থিত হইলে বাবু গম্ভীর ভাবে কহিলেন,—“তুমি আমার নিকট মিথ্যা পরিচয় দিয়াছ? মিথ্যা কহিয়া আমার সকল লোকের জাতি মারিয়াছ?” রতি বিনীত ভাবে কহিল,—“আমার কি অপরাধ হইয়াছে?”

বাবু। অপরাধ!—অপরাধ! তোমার বাপের নাম কি? তোমার বাড়ী কোথায়? তোমার জাতি কি?

রতিকান্ত নির্বাক রহিল। তখন গৌরমোহন বাবুর কথাই প্রায়শ্য হইল। তিনি স্কোপনয়নে, ক্রোধ কলেবরে, কর্কশ বচনে কহিলেন,—“তুই কৈবর্তের ওরসে, ব্রাহ্মগীর গর্ভে জন্ম গ্রহণ করিয়া-

ছি, —তোর মাতা ছুঁচারিণী, জাতি ও মান রক্ষা করিবার জন্ত তাকে অরণ্যে নিক্ষেপ করিয়াছিল, —তোর ভূভাগা—তুই না মরিয়া এখনও তোর মাতার কলঙ্কের সাক্ষী রহিয়াছিস্ ; —তোর স্পর্শে আমার বাটা অপবিত্র হইয়াছে, চণ্ডালের সহিত একস্থানে আহার করিয়া আমার লোক সকলের জাতি গিয়াছে, —তুই রামনারায়ণ সিংহ ক্ষত্রিয়ের পুত্র পরিচয় দিয়া সকলের সর্বনাশ করিয়াছিস্ ।”

ধীর ও নম্র বচনে রতিকান্ত কহিল, —“মহাশয়, আমার দৃঢ় বিশ্বাস, আমার জননী সতীত্বের আদর্শস্বরূপিণী, কোন অনিবার্ণ কারণে আমাকে অরণ্যে পরিত্যাগ করিয়াছিলেন, আমার দুর্দৃষ্ট তাই আমি সে দেবীর পদপ্রান্তে এখনও উপস্থিত হইতে পারি নাই। অল্পগ্রহ করিয়া বলুন, কে আমার সেই আরাধ্য দেবীর সংবাদ আনিয়াছে ? তাহার সহিত কথা কহিতে পারিলে আমার এ দারুণ মনোবেদনার শাস্তি হইবে ।”

গৌরমোহন চীৎকার করিয়া বলিলেন, —“ও সর্বনাশ ! কি নিলজ্জতা ! মাতার কলঙ্কের আবার প্রমাণ চায় ? কি বুদ্ধিহীনতা ! চণ্ডাল না হইলে কি ভদ্রসন্তান এমন কথা মুখে আনিতে পারে ?”

রতি । আপনাত্মক মত বিজ্ঞ, বিচক্ষণ ও ক্ষমতাশালী ব্যক্তির কি ঘৃণিত নিন্দুকের কথায় আমার সহিত এরূপ ব্যবহার করা উচিত ?

যে ব্যক্তি চিরকাল অপরের উপর আধিপত্য করিয়া আসিয়াছে, যে ব্যক্তি চিরদিনই হুঃস্থ ব্যক্তিদিগকে মল্লময় মধ্য গণনা করে নাই, যে কখন ইন্দ্রিয়-সংযম করিতে শিক্ষা পায় নাই, যে আপনাকে সর্বোত্তম বলিয়া পরিজ্ঞাত আছে, সে কি তাহার এক ক্ষুদ্র কর্মচারীর এতবড় ভ্রাতৃ-সম্বন্ধ কথা সহ্য করিতে পারে ? অকস্মাৎ প্রচণ্ড ক্রোধ সমুদ্ভূত হইল। সে দাঁড়াইয়া উঠিল, কঠিন হস্তে রতিকান্তকে এক অর্ধচন্দ্র

দিল । রতি মুখ খুবড়িয়া পড়িয়া গেল । ওষ্ঠ ফাটিয়া ঝর ঝর করিয়া বক্স পড়িল । শব্দমাত্র উচ্চারণ না করিয়া সে ধীরে ধীরে মৃত্তিকা হইতে উঠিল এবং নিঃশব্দে বাটার বাহির হইল । পশ্চাতে সকলে উচ্চ হাসিয়া পৃথিবী প্রতিধ্বনিত করিল । কেবল গোরমোহনবাবু মুখ বিবর্ণ করিয়া বিহারগৃহে প্রবেশ করিল । তাহার বোধ হইল যেন দক্ষিণ বাহুতে ভয়ানক আঘাত লাগিয়াছে ।

এতদিন দুঃখ ও কৌতূহল জড়িত হইয়া রতিকান্তের অন্তরে ছিল । কিন্তু আজ এ পল্লিচয়ে তাহার মনে ভয়ানক ঘৃণা উপস্থিত হইল । ভাবিতে লাগিল,—“সত্যি কি আমি দুষ্চারিণীর গর্ভে জন্মিয়াছি ? সত্যি কি আমি কলঙ্কের অবতার ? সত্যি কি মরণ কামনার আমাকে বনে পরিত্যাগ করিয়া আসিয়াছিল ? এ সকল কথা কে জানে ? এতদিনের পর গোরমোহনকে কে বলিল ? এ সেই দীর্ঘকায়্য স্ত্রী-লোকের কায । সে কি যথার্থই উৎকল্লময়ী ? এখানে তাহার সম্বন্ধ কি ? সে কেন অবিরত আমার মন্দ চেষ্টার বেড়াইতেছে ? আমি কখন কাহারও অপরাধ করি নাই । যাহা হউক, এ জীবনে ধিক । এতদিনেও পিতা মাতার উদ্দেশ্য পাইলাম না । এই বিস্তৃত সংসারে কেমন করিয়া উদ্দেশ্য করিব ? এতদিনের পর আমি কেমন করিয়া কাহার পুত্র প্রমাণ করিব ? আর দ্বারে দ্বারে বেড়াইতে পারি না, আর অপমান সহ্য হয় না । আজ ইহ সংসার ত্যাগ করিব । আজ সকল দুঃখ দূর করিব । কাহার জন্ত মায়া ? এ সংসারে আমার কে আছে ? ঈশ্বর তুমি অভাগার নও, দরিদ্র ধার্মিক অশ্রুভাবে শীর্ণ, কিন্তু তুমি দেখিয়াও দেখ না ; এ অধঃ সংসারে, এ পাপ পৃথিবীতে আর বাস করিব না ? মা, তুমি যে হও, যেখানে থাক, তোমার নমস্কার করিলাম—” এই বলিয়া প্রাণ পরিত্যাগে কৃতসঙ্কল্প হইয়া গড়ের জলে

লক্ষ প্রদান করিতে উত্তত, এমন সময়ে পশ্চাতে একজন অশ্বুলি দ্বারা স্পর্শ করিল। রতিকান্ত তাহাকে দেখিয়া কহিল,—“বিধাতা আমার সকল কার্য্যে বাধা দেন, মানুষ ও বিধাতা মিলিত হইয়াছে, আমাকে জীবিত রাখিয়া দণ্ড করাই তাগাদের উদ্দেশ্য ।”

অপরিচিত কহিল,—“ভাই মরণ ইচ্ছার বশবস্তা, কিন্তু একবার মরিলে আর জীবিত হইবার উপায় নাই ! এই ত তোমার নব যৌবন, সম্মুখে সংসারের দীর্ঘ পথ পড়িয়া আছে। ভবিষ্যৎ অন্ধকারময়, সেই অন্ধকারে আশার জ্যোতিঃ আছে। সেই জ্যোতিঃ দেখিয়া মানুষের মন মুগ্ধ হয়। ভবিষ্যৎ অন্ধকার বলিয়াই ত মানুষের সুখের আশা আছে। যদি অতীতের ছায়া তাহা জানা যাইত, তাহা হইলে সংসারে ধর্ম্ম অধর্ম্ম থাকিত না, সংসার লগ্নভগ্ন হইত, পৃথিবীর অন্ধেক লোক বেচ্ছার মরিত। ভাই, মরিবে কেন ? সংসার সুখময়। মা দৃষ্টান্তিণী বলিয়া কি পুত্রের দোষ হয় ? পাঁকে কমল জন্মে বলিয়া তাহার কি নিন্দা আছে ? সেই কমল কমলার আসন। এমন সুন্দর দেহ কেন অকালে কালে মিশাইবে ? ধৈর্য্য ধর, সহিষ্ণুতা উন্নতির মূল। যুধিষ্ঠির সহিষ্ণুতাবলে দ্রৌপদীর কেশাকর্ষণের প্রতিফল লইয়াছিলেন। যদি অর্থের অনটন হয়, আমি তোমাকে কিঞ্চিৎ সাহায্য করিতে পারি।”

রতিকান্ত অপরিচিতের বিকট মুখে মধুর ভাব দেখিল, কহিল,—“অর্থে প্রয়োজন নাই, তুমি যে উপদেশ দিয়াছ তাহার দৃষ্ট দৃষ্টবান দি।”

অপরিচিত চলিয়া গেল। রতিকান্ত অনেক ভাবিল, শেষে স্থির করিল—আজ হইতে গ্রামে গ্রামে ভ্রমণ করিব, প্রত্যেক স্থানে জন্মদাতার সন্ধান লইব, যে স্থানে সন্ধ্যা হইবে সেই স্থানে রাত্রি যাপন করিব, বাহা উপস্থিত হইবে তাহাই আহার করিব। এইরূপ সঙ্কল্প করিয়া ভ্রমণ করিতে করিতে একদিন সন্ধ্যার সময় এক কুবকের বাটীতে

উপস্থিত হইল। কুটারের ভয়দশা। চালে খড় নাই। বৃষ্টি হইলে তাতার মধ্যে দাঁড়াইবার স্থান হয় না। মৃৎপ্রাচীর স্থানে স্থানে পড়িয়া গিয়াছে। গৃহের কিছুমাত্র শ্রী নাই। দুইটা ক্লশ বলদ এক বৃক্ষমূলে আবদ্ধ। বিবস্ত্রপ্রায় এক বৃদ্ধা স্ত্রী কপোলে হাত দিয়া ছারের সম্মুখে বসিয়া আছে। রতিকান্তকে দেখিয়া, ক্লক্স্বরে বলিল,—“বাবা, এখানে থাকিবার স্থান নাই—আমরা বড় কান্দাল।”

রতি বৃদ্ধাকে দেখিয়া চিনিতে পারিল, কহিল,—“হাঁ গা—তুমি না কালাচাঁদের মা ? এই কি তোমার ঘর ?”

সম্বোধন শুনিয়া বৃদ্ধা চীৎকার করিয়া উঠিল,—“বাবা কালাচাঁদ—তুই আজ দুইমাস কোথা গেলিরে,—তুমি যেদিন গিয়াছ সেইদিন হইতে সোণার সংসার ছারখার হইয়াছে—আমার সোণার বউ সেই দিন হইতে শুকা'য়ে গেছে,—ওরে জমিদার, এই কি তোর মনে ছিল ? ওরে ধর্ম্ম, এই কি তোর বিচার ? আমি যে কখনও কাহারও মন্দ করি নাই, আমার কালাচাঁদ যে কখনও কাহারও সহিত ঝগড়া করে নি, আমার সোণার বউ যে লক্ষী,—তবে কেন আমার দশা এমন হ'লো ?”

কুটারের অভ্যন্তর হইতে কালাচাঁদের স্ত্রী গুমরিয়া কাঁদিয়া উঠিল। দারুণ দুঃখের কথা মনেই রহিল, একটাও মুখ হইতে বাহির হইল না। রতিকান্ত বিমর্ষ ও বাকহীন হইয়া দাঁড়াইয়া রহিল।

কালাচাঁদ জাতিতে কৈবর্ত, কৃষিকার্য্যই তাহার অবলম্বন ছিল। তাহার অবর্তমানে হাল উঠিয়া গিয়াছে; ভূণাভাবে বলদগুলি কান্দাল-সার হইয়াছে, মাঠের ধান ও জমি, তহশীলদার মহাশয় বাজেয়াপ্ত করিয়াছেন; শোককাতরা বৃদ্ধা কি উপায় করিবে ? কালাচাঁদের স্বর্গভর যথেষ্ট ছিল। পাপহে অস্তরের সহিত ঘৃণা করিত। মিথ্যা কলহ, কি সামান্ত বিষয় লইয়া গোলযোগ করিত না। সচরিত্র ও

বিধাসী দেখিয়া প্রতিবাসী সকলেই তাহাকে ভালবাসিত । তাহার মন প্রশস্ত ছিল । দরিদ্রকে দেখিলে, নব্যধনীদিগের আয় একটা পয়সা দান করিতে স্মৃশ্রুতকলেবর হইত না । তাহার শরীরে যথেষ্ট বল ছিল, বিশেষতঃ পরিশ্রম-পরায়ণ ছিল না, এজন্য স্বচ্ছন্দে সংসারযাত্রা নির্বাহ করিত ।

কালার্চাদের স্ত্রী সুন্দরী যৌবনে মাত্র উপস্থিত হইয়াছিল । রূপের শ্রীতে কুটীর আলো করিয়া, কণ্টকবনে প্রস্ফুটিত গোলাপের আয় শোভা পাইত । সৌগন্ধের এক শেষ । গেমন লজ্জাশীলা তেমন পতিপরায়ণা । তাহার মন সমুদয় সদৃশ্যের আধার স্বরূপ ছিল । প্রতি কথায় মধু ঢালিত । কালার্চাদ এই ধনে ধনবান ছিল । সে পরিশ্রমকাতর কেন হইবে ? সে শ্রান্ত হইলে উন্মত্তিত মুগ্ধকমল দেখিয়া ঘাইত, নিদাঘে উত্তপ্ত হইলে হৃদয়স্পর্শে শীতল হইত, তৃপ্ত হইলে বাক্য-সুখ পান করিত । এ বিমল সুখ কি সকলের ভাগ্যে ঘটিতে পারে ? দার্শনিক, দর্প কারলে কি সে সুখ পাইবে ? ধনবান ধনে কি হইবে ? শাস্ত্রা, জৈধর নাই বলিলে কি সে শাস্ত্র লাভ করিবে ? কখনই নয় ? সুখ ধন্য ও কর্তব্যমুষ্ঠানে ।

কালার্চাদের স্ত্রীর এখন সে সৌন্দর্য্য, সে গৌরব নাই । ঝটিকা ও বৃষ্টিতে প্রস্ফুটিত পুষ্পের সৌগন্ধ ও সৌন্দর্য্য দূর হইয়াছে । এখন বিম-  
দিত পুষ্পের আয় শুষ্ক দেহখানি পড়িয়া আছে । হ্রস্বা গৌরমোহন ও কেশবশঙ্কর কুটারের রক্ত, কালার অমূল্য ধন অপহরণ করিয়াছিল । জীবিত অবস্থায় কালার্চাদ তাহাদের অন্তরায় ছিল, এইজন্য তাহাকে নানা দোষে অপরাধী স্থির করিতে গিয়া একেবারে ভবলোক হইতে অন্ত্র লোকে পাঠাইয়াছিল । সুন্দরী যুগা ও লজ্জার জলে বাঁপ দিয়া পরলোকের পথ পরিষ্কৃত করিতে গিয়াছিল । অকস্মাৎ সেই সময়ে

শ্বেত শ্মশ্রুবিশিষ্ট জটাজুটসমায়িত এক সাধু পুরুষ তাকে আশ্বহত্যা হইতে নিবারণ করিয়াছিলেন। তিনি সুন্দরাকে উন্মাদনীর গ্রাম দেখিয়া বলিলেন,—“বৎসে, কিজন্তু জলে ঝাঁপ দিতে উদ্যত হইয়াছ ? একাগ্রমনে ও ভক্তিভরে তুমি এই ব্রহ্মাণ্ডের অধিপতিকে ডাকিতে থাক, ফল তাঁহার হাতে ; যাহা তোমার পক্ষে উপযুক্ত হইবে তাহাই তিন দিবেন। ফলের আকাঙ্ক্ষা তোমার কিছুনাহ থাকিবে না।” গীতার এই মহৎ তথা তাহাকে বুঝাইয়া দিয়া তিনি চলিয়া গেলেন। সে কিছু কিছু বুঝিল মাত্র, তবে আশ্বহত্যা যে মহা পাপ তাহা বেশ বুঝিতে পারিল। সেই অবধি সুন্দরী স্বামী ও ধর্ম্মের জন্ত রোদন সার করিয়াছে। পাগলিনীর গ্রাম স্বপ্নের অঞ্চল ধরিয়া পশ্চাৎ পশ্চাৎ ফিরিয়া বেড়াইতেছে। মুকুলিত রসাল প্রবল ঝটিকায় পড়িয়া গিয়াছে, মাধবীলতা ছিন্ন ভিন্ন ধূলি-ধূসরিত হইয়া একপাশে পড়িয়া আছে।

রতিকান্ত সমুদয় অবস্থা পরিজ্ঞাত হইয়া নিরতিশয় দুঃখিত হইল। কিন্তু এ সংসারে দুঃখ ভিন্ন সুখ কোথা আছে ? তন্ন তন্ন করিয়া অনু-সন্ধান করিলে, কয় জন লোক সুখী পাইবে ? দরিদ্র, দুঃখী, ক্লম, ভয়, উৎপীড়িত, শোকপীড়িত লোকে পৃথিবী পরিপূর্ণ। রতি আন্তরিক দুঃখ ও সহানুভূতি প্রকাশ করিল, কিন্তু দুঃখ নিবারণের কোন উপায় করিতে পারিল না। মনে মনে গৌরমোহন ও কেশবকে শত ধিকার দিয়া, পর দিন প্রাতঃকালে তথা হইতে প্রস্থান করিল। যাইবার সময় সঙ্গে যে কয়টা মুদ্রা ছিল, তাহার অধিকাংশ বুদ্ধার হস্তে দিল। তিন চারি দিন যথেষ্ট পরিভ্রমণ করিয়া, অবশেষে সিংভূম জেলার অন্তর্গত মহারাজ শশধর রাও বাহাদুরের রাজধানী রঘুনাথগড়ে উপস্থিত হইল।

# অষ্টাদশ পরিচ্ছেদ ।

—\*)\*(—

## রাজধানী ।

উজ্জয়িনী নগরে ভারতবর্ষাত এক মহাকালা ছিলেন । এইরূপ প্রবাদ যে, রাজা বিক্রমাদিত্য ঐ কালা স্থাপন পুস্ক, এক বৃহৎ মন্দির প্রস্তুত করিয়া দিয়াছিলেন । তাহার চতুর্দিক্ এক উচ্চ প্রাচায়ে বেষ্টিত ছিল । যে সময় আলতনাস্ দিল্লীর সিংহাসনে অধিরোহণ করেন, তখন রাজগুরু শশাঙ্কশেখর দেবীর তত্ত্বাবধানে নিযুক্ত ছিলেন । আনুমানিক ১২৩০ খৃষ্টাব্দে আলতনাস্ উজ্জয়িনী আক্রমণ করেন । শশাঙ্কশেখর প্রাচীরের লোহদ্বার বন্ধ করিয়া দিলেন । মুসলমানসেনা রাজধানী লুণ্ঠন করিয়া, দেবমন্দিরের চারিদিক্ অবরোধ করিয়া রহিল । অন্নদিনের মধ্যে মন্দিরে ভূর্ভিঙ্গ উপস্থিত হইল । রাজগুরু দেবীর উদ্ধারের জন্ত বুক চিরিয়া রক্ত বাহির করিলেন, এবং সেই শোণিতে এক মহাগজ সমাধা করিলেন ; কিন্তু কিছুতেই কোন ফল হইল না । অবশেষে তিনি আদেশ করিলেন যে, মুসলমানের হস্তে জাতি ও ধর্ম বিসর্জন না দিয়া, দেবীর পদতলে অনশনে প্রাণ উৎসর্গ করাই শ্রেয়ঃ । কিন্তু রজনীগোপে কোন গ্রহরী ক্ষুধার তাড়নায় অস্থির হইয়া দ্বারোদ্ঘাটন করিয়া দিল । অনতিবিলম্বে যবনসেনা মন্দিরে প্রবেশ পূর্বক, অর্ধেক ব্রাহ্মণকে তরবারে নিহত করিল । দেবীকে ও যথেষ্ট অবমাননা করিয়া অবশেষে হস্তিপৃষ্ঠে দিল্লী লইয়া গেল এবং মসজিদের দ্বারদেশে চূর্ণ করিয়া রাস্তার উপর নিক্ষেপ করিল ।



শশাঙ্কশেখর রাগে খরখর কর্ণপিত হইলেন । উর্দ্ধমুখে, ঘোড়হস্তে, কাতরকণ্ঠে ইষ্টদেবতার উদ্দেশে বলিলেন—“বদি কখন কালী স্থাপন করিয়া শত যবনের রক্তে স্নান করাইতে পারি, তাহা হইলেই আমি ব্রাহ্মণ, নচেৎ আজ হইতে আমি কুকুরের অধম হইলাম ।” তাঁহার দুর্ধ্ব পরাক্রম, দৃঢ় অধ্যবসায়, ভয়ঙ্কর প্রতিজ্ঞা ও বাহ্যিক গঠনের ভীষণতা দেখিয়া, অনেক ব্রাহ্মণ, পণ্ডিত, ক্ষত্রিয়, বৈশ্য ও শূদ্র সহজে তাঁহার সহিত যোগ দিল । তিনি তেজঃসম্পন্ন রাজপুত্র মাধব রাওকে সম্মুখে করিয়া হস্তা, অশ্ব, সৈনিক সংগ্রহ পূর্বক বিক্লাচলে উপনীত হইলেন ; এবং নানা স্থান পরিভ্রমণ করিয়া যে স্থানে বঙ্গ-নাগপুর রেলের ঘাটশীলা স্টেশন, সেই স্থানে এক বিস্তৃত উপত্যকা প্রদেশে স্বর্ণরেখা নদীর তীরে রাজ্যস্থাপন করিলেন । এই বিস্তৃত ভূভাগকে তিনি পঞ্চ-বিংশতি সমচতুষ্কোণ ক্ষেত্রে বিভক্ত করিলেন । নদীকে পর্বতের মধ্যে আবদ্ধ করিয়া এক সুবৃহৎ জলাশয়ে বা হ্রদে পরিণত করিলেন । একদিকে নদীর অতিরিক্ত জল বহির্গত হইবার জন্য প্রস্তরনির্মিত প্রণালী প্রস্তুত করিলেন । পর্বতের উপরে একটা সুদৃঢ় দুর্গ স্থাপিত হইল । হ্রদের এক পার্শ্বে রাজপ্রাসাদ সগর্ভে গগনভেদী মস্তক উত্তোলন করিল । দুর্গের নিম্নে সেনাবাস প্রস্তুত হইল । প্রত্যেক সমচতুষ্কোণ পুনঃ অনেকগুলি ক্ষুদ্রতর সমচতুষ্কোণে বিভক্ত হইল । তাহাতে নানা জাতীয় পুষ্প, লতা ও ফলের বৃক্ষে উপবন প্রস্তুত হইল । এক এক উপবনে এক একজন নাগরিক বংশমর্যাদানুসারে বাসভবন প্রস্তুত করিলেন ।

ইহারই এক সমচতুষ্কোণে ভবানীশঙ্কর একটা বৃহৎ মন্দির উঠাইলেন । উজ্জয়িনী হইতে আনীত মহাকালীর একহস্ত বদীর নিম্নে প্রোথিত করিয়া দেবীর এক মনোমোহিনী প্রস্তরময়ী মূর্তি স্থাপিত করিলেন । পার্শ্বে এক বৃহৎ জলাশয় খানিত করিয়া প্রস্তর নির্মিত

সোপানাবলি ও বৃহৎ চত্বর প্রস্তুত করিলেন। দীর্ঘিকার অপর পার্শ্বে মাধব রাও এক উচ্চ নবরত্নের মন্দির প্রস্তুত করিয়া তাহাতে রঘুনাত্তের এক বিরাট মূর্তি স্থাপন করিলেন। এই বিগ্রহের নামকরণ হইতে রাজধানীর নাম হইল এবং ক্ষত্রিয় কৰ্ত্তৃক এই ভূগম বিদ্যাচল মনুষ্যাবাসে পূর্ণ হইল বলিয়া জেলার নাম সিংহভূম হইল।

মহাকালী স্থাপন করিয়া ভবানীশঙ্কর দিব্যজ্ঞান লাভ করিলেন। ঐক্যে পারিলেন যে, সকল মনুষ্যই জগতের আদিকারণস্বরূপিণী সেই মহামায়ার পুত্র; ভক্তির উত্তেজনায় নানা ভাবে, নানা সম্প্রদায়ে তাঁহার পূজা করিয়া থাকে। অজ্ঞানের বশবর্তী হইয়া একজনকে সোদর ও অপরকে শত্রু জ্ঞান করে। পরস্পরে অনর্থকর যুদ্ধ করিয়া শেষে ক্ষয় প্রাপ্ত হইবে বলিয়া কি, তিনি এই সংসারের সৃষ্টি করিয়াছেন? কখনই নয়। একতায় জাতির সৃষ্টি, বিশ্লেষণে বিনাশ। পরমাণু সকল একত্র হইয়া এই বৃহৎ জগতের সৃষ্টি করিয়াছে, আবার পরমাণুর বিশ্লেষণে এই জগতের প্রলয় হইবে। তাঁহার ইচ্ছা যে, তাঁহার রাজ্য প্রেমে প্রাক্কিত হউক। ভবানীশঙ্করের হৃদয় স্বর্গীয় প্রেমে ভরিয়া গেল। ভক্তির শ্রোত উথলিয়া উঠিল। মন হইতে যবন বিদ্রোহ দূরে গেল। তাঁহার মনে হইল, যখন উজ্জয়িনীর ত্রায় আর এক রাজ্য সংস্থাপিত হইয়াছে, তখন তাঁহার জীবনের কার্য শেষ হইয়াছে। তিনি গাঢ় ভক্তিতে মহাকালীর পার্শ্বে প্রায়োপবেশনে জীবন বিসর্জন করিলেন। এখনও এই স্থানে একখানি মন্দির প্রস্তরে এই কথা খোদিত আছে। এখনও এই স্থানে সাধু, সন্ন্যাসী মুক্তির অন্বেষণে উপস্থিত হইয়া যোগসাধনা করেন।

এই রাজধানীতে রতিকান্ত উপস্থিত হইয়া, এক অনির্বচনীয় ভাবে নিমগ্ন হইলেন। এমন সুন্দর উপবনবিশিষ্ট নগর, এমন প্রশস্ত, পরিচ্ছন্ন সরল রাজপথ, এমন পরপ্রণালীর সুশৃঙ্খল বন্দোবস্ত এমন আশ্রয়, লিচু,

বকুল, নাগেশ্বর প্রভৃতি বৃক্ষছায়ায় সুশোভিত সুশীতল রাস্তা দেখিয়া, তাঁহার মনে হইল, যেন কে তাঁহাকে এক নিমিষে মর্ত্য হইতে নন্দনকাননে লইয়া আসিল। কত লোক বাইতেছে, কত আসিতেছে, তাহার সংখ্যা নাই। সুবৃহৎ প্রস্তরে বাধান রাস্তার উপর গো, অশ্ব, ও উষ্ট্রশকট বিনা আয়াসে ক্রমাগত দৌড়িতেছে। লোকের পরিচ্ছদ, অবস্থা ও বাহ্য দৃশ্য দেখিয়া এবং বিপণি মধ্যে রাশি রাশি পণ্যদ্রব্য দেখিয়া সচক্ষেই অনুমান করিলেন যে, রত্ননাথগড় এক সৌভাগ্যাশালিনী, পরম লাবণ্য-ময়ী নগরী।

চৌরাস্তায় আসিয়া তিনি দাঁড়াইলেন! অকস্মাৎ কতকগুলি শকটে সংবর্ষণ উপস্থিত হইবার সম্ভাবনা হইল। এক সুদীর্ঘ তেজস্বী প্রহরী সম্মুখে বিপদ দেখিয়া উচ্চৈঃস্বরে বংশী বাদন করিল; এবং নিজ হস্তোত্তোলন করিয়া দণ্ডায়মান রহিল। কি চমৎকার শিক্ষা! কি কোশল! যে যেখানে ছিল, সে সেইস্থানে দাঁড়াইয়া রহিল। যেন নড়িবার শক্তি রহিল না। অনতিবিলম্বে বিপদ আপনা হইতে চলিয়া গেল। পুনঃ বংশীর রব শুনিয়া সকলে অভীষ্ট পথে ধাবিত হইল। তিনি প্রহরীকে মনে মনে ধন্যবাদ দিয়া ভাবিলেন, এখন এই নগরীর কোন্ স্থানে যাইলে তাঁহার সুবিধা হইবে? বেলাও প্রায় দ্বিপ্রহর হইয়াছে। এইজন্ত প্রহরীর নিকট উপস্থিত হইয়া জিজ্ঞাসা করিলেন,—“আমি আগন্তুক—কোথায় যাইলে আমার থাকিবার সুবিধা হইবে, বলিতে পার?” প্রহরী স্মৃতি বচনে বলিল,—“সম্মুখে কতকদূর যাইলে নবরত্নের মন্দির দেখিবেন, তথায় আপনি সুখে থাকিতে পারিবেন আমি কি আপনার সঙ্গে যাইব?” রত্নিকান্ত বলিলেন,—“না—আমি উচ্চ মন্দিরের চূড়া এখান হইতে দেখিতে পাইতেছি।” এই বলিয়া দ্রুত সম্মুখে অগ্রসর হইলেন।

মন্দিরের পার্শ্বস্থিত বৃহৎ দাণ্ডাকার শ্বেতস্বৰূহ সলিল দর্শন করিয়া পুলকিত মনে তিনি সোপানে নামিলেন । একথাও কান্তকলকে লেখা আছে “নানার্থে এই পুষ্করিণী ।” নানাস্থে তিনি একখানি জীর্ণ গৈরিক ধ্বংস পরিধান করিয়া, গামছাখানি গলদেশে স্থাপিত করিলেন । শনৈঃ শনৈঃ পদ বিক্ষেপে মহলের পর মহল পার হইয়া ঠাকুর বাড়ী উপস্থিত হইলেন । অকস্মাৎ তাঁহার সদয় উদ্বেলিত হইয়া উঠিল । আজীবন যে কষ্ট সঙ্গ করিয়া আসিতেছিলেন, তাহা মনে পড়িয়া গেল । কোন্ পাপের ফলে তিনি ও প্রভা সংসারে নিত্যন্ত দানধানের জায় বেড়াইতেছেন, কোন্ স্ফূর্তিবলে গোরমোহনবাণ অতুল ঐশ্বর্যের অধিকারী হইয়া নিরন্তর লোক পীড়ন করিতেছেন, কোন্ কস্মফলে হতভাগা কালাচাঁদ অসহ যাতনা সঙ্গ করিয়া লোকান্তারত হইল এবং তাহার অভাগা যুবতী রমণী কেন এখন ধূলায় পূসরিত হইয়া অনর্গল চক্ষুর জল বিসর্জন করিতেছে ? তিনি ভাবিতে ভাবিতে উন্মত্ত প্রায় হইলেন ; এতদিন পরে ঐশ্বরের জ্ঞান-বিচারে তাঁহার সংশয় উপস্থিত হইল ।

তিনি উপস্থিত হইয়া দেখিলেন, সম্মুখে এক অশ্রুপূর্ণ দেবমন্দির । শ্বেত মন্মথ প্রস্তরের মেজে । মন্মথ প্রস্তরের বেদীর উপর মূল্যবান নানালঙ্কারে বিভূষিত এক তিন হস্ত পরিমিত দিকুর মূর্তি । বর্ণ—নবদুর্লাদলতাম, চক্ষু আকর্ণ বিস্তৃত । চারিদিকে চারি হস্ত প্রসারিত । এক হস্তে তিনি চক্র, দ্বিতীয়ে গদা, তৃতীয়ে শঙ্খ ও চতুর্থে পদ্মপুষ্প ধারণ করিয়া দাঁড়াইয়া আছেন । মন্দিরের ভিতরে ও বাহিরে অনেক লোক,—কেহ ভক্তিভরে মূর্তি দ্রষ্টব্যে, কেহ ব্যস্ত হইয়া আহারে বসিয়াছে । মন্দিরের এক পাশ্বে এক বিস্তৃত কক্ষে এক জন অশ্রুপূর্ণ সন্ন্যাসী বৃহৎ অশ্রুজালে জড়িত হইয়া ও দীর্ঘ জটাতার মস্তকে ধারণ

করিয়া অনমেঘ নয়নে দেবমূর্তির দিকে চাহিয়া আছেন। তাঁহার সমস্ত মুখমণ্ডল যেন কি এক জলন্ত প্রভায় সমাচ্ছন্ন; তাহারই মধ্য হইতে দুইটি বিশাল চক্ষু যেন অপূৰ্ব্ব স্নিগ্ধ তেজঃ বিকীরণ করিতেছে। চক্ষু মুদ্রিত করিয়া, রতিকাস্ত গললগ্নীকৃতবাসে ঘোড়হস্তে, ভক্তিতরে দেবতার ধ্যান করিতে লাগিলেন। যুবা কি কখনও ঈশ্বরের ধ্যান করিতে শিখিয়াছেন? কেবল আকুল বচনে, হতাস প্রাণে, জলভারা-ক্রান্ত চক্ষে বলিলেন, “প্রভো! এক জনকে জন্মতঃখী ও আর এক জনকে চিরসুখী করিয়া কেন তবে পাঠাইয়াছ?—কেন তুমি এক জনকে হতভাগার দ্বায় পদদলিত করিতেছ ও আর এক জনকে প্রচণ্ড প্রতাপে মহিমান্বিত ও বলদর্পিত করিয়াছ?”—বলিতে বলিতে আপনার দুঃখে তিনি আত্মহারা হইলেন; মস্তক উষ্ণ হইল; চিত্ত কেমন বিকৃত-প্রায় হইল। অকস্মাৎ তাঁহার বোধ হইল, যেন সেই অচেতন মূর্তি জাগরিত লইয়া উঠিল, মুখে অপূৰ্ব্ব জ্যোতিঃ প্রকাশ পাইল, চক্ষে অগ্নি-স্ফুলিঙ্গ বাহির হইল। ক্রোধকম্পিত স্বরে তাঁহাকে সম্বোধন করিয়া যেন বলিলেন,—“অজ্ঞ বালক, উত্তমরূপে আমাকে দেখিয়া লও—এই সুদর্শন চক্রের দ্বারা আমি জগৎ সুশাসন করি, এই গদা দ্বারা অধর্মের মস্তক চূর্ণ বিচূর্ণ করি, এই পাঞ্চজন্ত শব্দ দ্বারা আমি আমার ভক্তদিগকে আমার নিকট আহ্বান করি এবং এই পদ্ম দ্বারা তাহাদের হৃদপদ্ম প্রস্ফুটিত করিয়া জ্ঞানোপদেশ দিই এবং শেষে তাহাদিগকে আমার বৈকুণ্ঠে লইয়া যাই। বালক, আমি সকল জীবের সৃষ্টিকর্তা, কীটাত্তাকীট আমার চক্রের অন্তরাল হইতে পারে না। একটা পতঙ্গ অবধি আমার অনতিপ্রায়ে নড়িতে পারে না। অনন্ত সময়ের ক্ষুদ্র অংশ মাত্র, এই সংসারের স্থিতি। আমার রাজ্যে বালক, অধর্মের প্রভাব!”

হ হ শব্দে বালকের চক্ষে জলস্রোত বহিতে লাগিল। ঘোড়হস্তে,

কম্পিত কলোবরে কহিলেন—“প্রভো! না বুঝিয়া ভাবিয়াছিলাম, এই সংসার কর্ণধারহীন তরির তায় ; এখন বুঝিলাম, তুমি জলে, স্থলে, সর্বত্র প্রকটভাবে পরিবাণ্ড হইয়া ব্রহ্মাণ্ডে স্থিতি করিতেছ। আমি ক্ষুদ্র বালক তোনার মহিমা কি হৃদয়ঙ্গম করিতে পারি ?” ধীরে ধীরে মূর্ত্তি যেন প্রস্ফুর-বৎ হইয়া বেদান্তে দাঁড়াইলেন। ঝড় বৃষ্টি থামিয়া গেলেও সমুদ্রে যেমন অনেকক্ষণ তরঙ্গোচ্ছ্বাস হইয়া থাকে, সেইরূপ রতিকান্তের সন্দেশেও কতক্ষণ বিদ্যাতের তায় ভাব ছুটিতে লাগিল।

দূর হইতে ভেক্ষ্য সন্ন্যাসী তাঁহার দিকে এক দৃষ্টে চাহিয়া ছিলেন। তাঁহার অপরূপ সৌন্দর্য্য, সরলতাপূর্ণ মুখাবিন্দ, দেহলাবণ্য ও নারায়ণে তন্ময়তাব দেখিয়া তাঁহার মনে হইল, একদিন মহাপ্রভু চৈতন্য, এই বয়সে, এইরূপ রূপের ডালি মাথায় লইয়া, গয়াতে আসিয়াছিলেন এণ? নারায়ণের পদচিহ্ন মাত্র দেখিয়া, প্রেমে বিভোর হইয়া সংসার পরিত্যাগ করিয়াছিলেন। তিনি উঠিয়া আসিলেন, সন্মুখে বলিলেন,—“পুরুষ-সিংহ! আপনি কে? কোথা হইতে আগমন করিতেছেন?”

দেবতাকে সাক্ষাৎ প্রণিপাত করিয়া, ভক্তিভরে রতিকান্ত বুদ্ধ মহাপুরুষের পদধূলি গ্রহণ করিলেন। বিনয় সহকারে বলিলেন,—“ভগবন্! আমি মাতৃপিতৃহীন অভাগা যুবক—সংসার-সাগরের আবর্ত্তে পড়িয়া ঘুরিয়া বেড়াইতেছি।”

“আপনি ক্ষণজন্মা মহাপুরুষ—আপনার মুখে কে যেন তুলী দ্বারা আঁকিয়া রাখিয়াছে। সন্ন্যাসী না হইলেও আপনি এই মঠে স্বচ্ছন্দে বাস করিতে পারিবেন।”

“না প্রভু! আমি সামর্থ্যবান্ পুরুষ, অন্তায় দান গ্রহণ আমার উপযুক্ত নয়। কন্দই আমার প্রশস্ত পথ।”

সন্ন্যাসী আর কিছু না বলিয়া তাঁহার প্রিয় শিষ্য সদানন্দকে সঙ্গে

দিলেন ; তিনি রতিকান্তকে লইয়া ভোজনালয়ে গমন করিলেন । এক সুবিস্তৃত কক্ষে অনেক সাধু, সন্ন্যাসী ও উচ্চজাতীয় লোক আহারে বসিয়াছেন । সদানন্দ বলিলেন,—“আপনি কোন্ স্থানে বসিবেন—  
আপনার জাতি কি ?”

রতিকান্ত অগ্নানবদনে বলিলেন,—“আমি সূর্য্যবংশীয় ক্ষত্রিয় ।”

তিনি আর বাগাড়ম্বর না করিয়া তাঁহাকে এক সুন্দর আসনে বসাইলেন । পাচকেরা নানাবিধ উপাদেয় ব্যঞ্জন, পায়স, পিষ্টক ও অপূৰ্ণ মিষ্টদ্রব্য পরিবেষণ করিয়া, তাঁহাকে পরিতোষরূপে আহার করাইল ।

তিনি সময় পাইয়া নবীন ব্রহ্মচারীকে বলিলেন,—“ঐ তেজস্বী সন্ন্যাসী কে ?”

“তাঁহার নাম স্বামী হৃদীকেশ । আজীবন তিনি ব্রহ্মচর্য্য করিয়া ক্ষীণবুদ্ধ হইয়াছেন । এক্ষণে জগতে নিকামধর্ম্ম প্রচারিত করাই তাঁহার জীবনের কার্য্য । ধর্ম্ম যে জগতের প্রাণ, অধর্ম্ম যে মৃত্যুর কারণ, এই মহা সত্য তিনি অভেদে, সর্ব্বস্থানে, সকল সময়ে শিক্ষা দিতেছেন । তিনি সুবিখ্যাত তৈলঙ্গ স্বামীর একজন প্রিয় শিষ্য । তিনিই এই রাজ্যের প্রাণস্বরূপ, ধর্ম্মজগতে তিনি পবিত্রভাবে বিরাজ করিতেছেন । তিনিই এই মঠের অধ্যক্ষ ; এই স্থানে তিনি উৎসাহী, বুদ্ধিমান, ধর্ম্মপিপাসু যুবা সংগ্রহ করিয়া, পবিত্র নিকাম ধর্ম্মে দীক্ষিত করেন । তাঁহারাই গ্রামে গ্রামে, বিদ্যালয়ে ও চতুষ্পাঠীতে পরিভ্রমণ করিয়া বালকদিগের রীতিনীতি বিষয়ে শিক্ষা দিয়া থাকেন । এই জন্ত সমগ্র রাজ্যে অতি পবিত্র ধর্ম্ম প্রচলিত রহিয়াছে । পাপের সংখ্যা এখানে এত কমিয়া গিয়াছে ।”

“এই মন্দির কি মাধবচন্দ্র রাও নির্মাণ করিয়াছিলেন ?”

“সেই পুরাতন মন্দিরের সম্পূর্ণরূপে জীর্ণ সংস্কার করিয়া মহারাজ শশধর রাও চিরস্মরণীয় হইয়া গিয়াছেন ।”

“এখন এ রাজ্যের রাজা কে ?

“মহারাজী কমলকুমারী মন্ত্রিসভার সাহায্যে এই রাজ্য শাসন করিতেছেন ।”

“এই মন্দিরের অবস্থা ও বন্দোবস্ত দেখিয়া মহারাজীর উপর আমার প্রগাঢ় ভক্তি জন্মিয়াছে ।”

“মহাশয় ! এই রঘুনাথদেবের প্রসাদে দৈনিক একশত সন্ন্যাসী ও নবাগত অথবা ছুরবস্ত্রাপন্ন ভদ্রবান্ধি চৰ্ম্মা চূণ্য লেহ্য পেয় দ্রব্য ভোজন করিতে পারেন । মহাকালীর দেবালয়ে সচস্র সাধারণ বান্ধি পর্য্যন্ত প্রতিদিন আহার করিতে পারে \* । এ রাজ্যে কখনও অন্নকষ্ট হয় নাই এবং হইবার সম্ভাবনা নাই । পয়ঃপ্রণালীর এমন সুবন্দোবস্ত ও করের হার উৎপন্নদ্রব্যের বর্ষণশেষের এক অংশ হওয়াতে ক্রমক্ৰমে মনের আনন্দে দিনযাপন করিয়া থাকে । পুত্রনির্কীর্ষশেষে মহারাজী প্রজাবর্গকে প্রতিপালন করেন । অন্নকষ্ট কোথাও না থাকিলেও প্রত্যেক কক্ষে একটি করিয়া দেবালয়, ও তৎসঙ্গে বিদ্যালয় ও চিকিৎসালয় ও অন্নছত্র প্রতিষ্ঠিত আছে । এইগুলি স্বর্গীয় মহারাজা ও বর্তমান রাজী কমলকুমারী তাঁহাদের সঞ্চিত অর্থ হইতে বিশেষ ভাবে স্থাপিত করিয়াছেন । মহারাজী প্রতি পূর্ণিমায় এই মন্দিরে এবং প্রতি অমাবস্তায় মহাকালীর মন্দিরে, উপস্থিত হইয়া স্থির ও নিষ্কম্প প্রদীপের জ্বায় ধ্যানে উপবেশন করিয়া, কখন সমস্ত নিশা অতিবাহিত করেন । স্বামীজীই তাঁহার গুরু । সৌন্দর্য্যে আমাদের মহারাজী জগন্মোহিনী, গুণে লক্ষ্মীস্বরূপিণী, তেজে ভুবনেশ্বরী, চরিত্রে সাবিত্রী, আর দর্য্যতে তিনি অন্নপূর্ণারূপে এই রাজ্যে অবতীর্ণ হইয়া-

---

\* যিনি কান্দীতে ও বৃন্দাবনে লোকবিখ্যাত লালাবাবু ( মহাত্মা কৃষ্ণসিংহ ) প্রতিষ্ঠিত দেবমন্দির দর্শন করিয়াছেন, তিনিই এই সম্যক বর্ণনার ভিত্তিতে উপলব্ধি করিতে পারিবেন ।



ছেন। তাঁহাকে দেখিলে জননৌ পুত্রশোক ভুলিয়া যায়, দরিদ্রের আকাজকা পূর্ণ হয়, শোকাভূরের শোক চলিয়া যায় ।”

শুনিতে শুনিতে রতিকান্তের কেমন ভাবান্তর হইতে লাগিল ।

সন্ন্যাসীকে বলিলেন,—“ভাই, এমন পবিত্র, এমন সৌন্দর্য্যপূর্ণ, এমন সুখের রাজ্য ত আর আমি কোথাও আছে বলিয়া শুনি নাই ।”

তিনি সন্ন্যাসীকে প্রণাম করিয়া উঠিলেন, বাহিরে আসিয়া বকুল-ব্রক্ষের নিম্নে মশ্বর প্রস্তরের চত্বরে এক ক্ষুদ্র পেটিকা মস্তকে দিয়া শয়ন করিলেন, অমনি শ্রমহরা নিদ্রা তাঁহার চেতনা হরণ করিল ।

কতক্ষণ নিদ্রার পর, তিনি চক্ষু উন্মীলন করিলেন ; দেখিলেন একজন ভদ্রলোক চক্ষে স্বর্ণনিষ্মিত চশ্মা লাগাইয়া ও উচ্চস্বরের কৰ্ম্মচারীব মত পরিচ্ছদে বিভূষিত হইয়া তাঁহার পার্শ্বে দাঁড়াইয়া আছেন । তাঁহার বর্ণ অতীব সুন্দর, দেহ অপেক্ষাকৃত ক্ষীণ, মুখের পারিপাট্য যথেষ্ট আছে । চক্ষু দুইটী দীর্ঘায়ত, নাসিকা উচ্চ ও মুখের পরিমিত, তাহার উপর চশ্মা থাকাতে তাঁহার বাহ্যকৃতি অপেক্ষাকৃত গম্ভীর করিয়াছে । যৌবন কালে তিনি যে অতিশয় সুন্দর পুরুষ ছিলেন, তাহা তাঁহাকে দেখিলেই বিশ্বাস হইত। রতির সহিত মিলিতচক্ষু হইবামাত্র, তিনি সম্মুখে বলিলেন,—“বাবা, তুমি কে ?”

“মহাশয়—আমি কখনও এই স্থানে আসি নাই ।”

“তাহার আর সন্দেহ কি ? আমি কখনও তোমার মত সুন্দর যুবা এখানে দেখি নাই—তোমার বাড়ী কোথায় ?”

“মহাশয়—সে অনেক কথা—সে কথা এখন জিজ্ঞাসিবেন না ।”

“তোমার পিতা মাতার নাম ?”

“সে কথাও আমি সংক্ষেপে বলিতে পারিব না ।”

“আমি ইচ্ছাছি, তুমি ভদ্রলোক, তোমার অবয়ব ও স্বভাবে বেশ

বোধ হইতেছে । কোন কারণে তোমার মনে বৈরাগ্য হইয়াছে, তাই সন্ন্যাসীর বেশ ধারণ করিয়াছ—এখন কোথায় যাইবে ?”

“আমার নির্দিষ্ট স্থান কোথাও নাই ?”

“আমার বাড়ীতে কি যাইবে ? আমি ক্ষত্রিয়, এষ্ট স্থানে আমার বাড়ী ।”

“মহাশয়ের অনুগ্রহে আমি বাধ্য হইলাম । মহাশয় কে ? তাহা কি আমি জিজ্ঞাসা করিতে পারি ?”

তিনি হাসিয়া বলিলেন,—“লোকে আমাকে রাজস্বসচিব বলিয়া থাকে ।” এই বলিয়া তিনি দাঘ-নিশ্বাস ত্যাগ করিয়া মনে মনে কাঁটলেন,—“আমার পুত্র জীবিত থাকিলে, তাহার বয়ঃক্রম এষ্ট পূর্ণ বিংশতি বৎসরে পড়িত, পুত্রহীন লোকের জীবন যুগ ।” সম্মুখে পৃথিবী সংযোজিত সুন্দর শকট প্রস্তুত ছিল, বৃদ্ধ ও রাত উভয়ে আরোহণ করিলেন । অনতিবিলম্বে এক পরিষ্কার পরিচ্ছন্ন উপবন শোভিত দ্বিতল বাটীর সম্মুখে উপস্থিত হইলেন । নামিয়া উভয়ে বাটীর ভিতর প্রবেশ করিলেন ।



# উনবিংশ পরিচ্ছেদ ।

—( : \* \* : )—

## ভানুমতীর বাজী ।

“লাগ-লাগ-লাগ-লাগ, হাড়ি-ঝি চণ্ডীর আজায় লাগ, কামি-খার মস্তবলে লাগ-লাগ-লাগ” করিয়া একজন দীর্ঘ কৃষ্ণ সবলকায় পুরুষ প্রকাণ্ড বুল হস্তে দ্বারে দ্বারে ভ্রমণ করিতেছে । এই পুরুষকে ‘বেদে’ বলে । বেদে দিন রাত্রি সমানে ভানুমতীর বাজী করিয়া, কাহাকেও হাসাইতেছে, কাহাকেও কাদাইতেছে, বৃহৎ বৃহৎ অট্টালিকাকে ভগ্নকুটির করিতেছে, আবার সেই কুটিরের স্থানে খেত প্রস্তরের রাজপ্রাসাদ নির্মাণ করিতেছে । লোকে হতজ্ঞান ; কখন বেদেকে তিরস্কার করিতেছে, কখনও বা ধন্যবাদ দিতেছে । সংসারে বেদের কার্য্য দেখিয়া কে না বিচলিত, কে না মুগ্ধ হয় ? এই বেদের ডাকনাম কপাল, রাশিনাম বিধাতা । বিধাতার হস্তে দুইখানা ক্ষুদ্র অস্ত্র আছে ; কেহ কহে তাহা বনমাল্লবের অস্ত্র, কেহ বলে তাহা হাড়ি-ঝি চণ্ডীর অস্ত্র, কেহ কামিখার মহাযোগিনীর অস্ত্রও বলে । কিন্তু আমার মতে, একখানা ধর্ম্মের, অপরখানা অধর্ম্মের অস্ত্র । এই দুই অস্ত্রের সাহায্যে বিধাতা পুরুষ দ্বারে দ্বারে, প্রত্যেক গৃহে, প্রত্যেক মনুষ্য জীবনে, দিন রাত্রি, আলোকে অন্ধকারে, সকল সময়ে, সকল স্থানে বাজী করিতেছেন । বেদের অধিপতি দুজ্জৈয় বাহুদেব, সংসারে বাজী দেখাইবার জন্য বিধাতাকে নিরোত্তীর্ণ করিয়াছেন । বিধাতা বিনা ব্যয়ে, সংসারে

এক সময়ে হাসাইতেছেন আর এক সময়ে বা কাঁদাইতেছেন । বেদে তোমার এ বাজার উদ্দেশ্য কি ? এ খেলা খেলাইতে তোমায় কে শিখাইল ? শুদ্ধ তামাসা দেখাইবার জন্য কোন্ বুদ্ধিমান তোমায় বেতন দিয়া নিয়োজিত করিল ?

রামনগরে সারদা বাবুর বৈটকখানায় আজ মহা ধুমধাম চলিতেছে । একজন নূতন বাদক ও একজন উৎকৃষ্ট গায়িকা আসিয়াছে । পাকো-রাঞ্জে টাটি চটাং চটারং করিয়া ডাড়া যাইতেছে । গায়িকা সঙ্গায় দোখরা পুরবা রাগিণীর আলাপ করিতেছে । ও এসবাজের সহিত সুর মিল করিতেছে । রাস্তার ধারে লোকের জনতা হইয়াছে । গায়িকার যেমন স্নমধুর স্বর, বাজকের তেমনই মিষ্ট ভাত । সারদা বাবু আকাশের দিকে চক্ষু তুলিয়া আছেন, চটুলা বারবিলাসিনী মিষ্ট হাসি হাসিয়া অধরে সুখ তুলিয়া দিতেছে । গেলাসে মুখ আছে, বাবু ভাবিতেছেন,—“ইহা অপেক্ষা স্বর্গে আর কি অধিক সুখ পাকিতে পারে ?” গায়িকা গান ধরিয়াছে, যখন কণ্ঠস্বর তাক্সাতে উঠিতেছে, তখন বোধ হইতেছে যেন মধুর শ্রোত হু হু শব্দে আকাশে বহিয়া বাটতেছে । বাজকের পরণের উপর সঙ্গত করিতেছে, হাত যেমন দ্রুত চলিতেছে, তেমনই কণ্ঠস্বরের নিম্নে থাকিতে উভয়ে মিলিত হইয়া এক সুন্দর বজ্রার তুলিয়াছে । শ্রোতা যে যে স্থানে আছে, যেন কাণের পুতলীবাং স্থির হইয়া গিয়াছে । এ হেন সময়ে সেই দীর্ঘ, কৃষ্ণ, সবলকায় বেদে ধীরে ধীরে কক্ষে প্রবেশ করিল । এ সুখ সময়ে কে তাহাকে লক্ষ্য করে ? বাম ভূণ হইতে এক তীক্ষ্ণ বাণ লইয়া, বেদে অজ্ঞাতসারে সারদার হৃদয়ে আঘাত করিল । সারদা বজ্রাহতের স্থায় ভীষণ চাঁৎকার করিয়া উঠিল । মহাব্যস্ত হইয়া অন্তঃপুরে প্রবেশ করিয়া দেখে, উৎকৃষ্ট-ময়ী ও কাকনমালা ধরাশায়িনী হইয়াছে । চক্ষের জলে বুক ভাসিয়া

গিয়াছে। সারদা সংবাদ শুনিয়া অস্থির হইল। সেও কাঁদিতে কাঁদিতে শযায় শয়ন করিল।

বহির্বাটীর লোকেরা মহাবাস্তু হইয়া পড়িল। একজন সারদার পশ্চাতে আসিয়া সমুদায় শুনিয়া গেল। সে উপস্থিত হইলে, সকলে এক সময়ে ও প্রায় এক স্বরে চীৎকার করিয়া কহিল,—“ব্যাপার কি?”

উত্তর। ব্যাপার মন্দ নয়—মাথার উপর যে খজাখানা এতদিন ঝুলিতেছিল, আজ ভূমে পড়িয়া চূর্ণ হইয়াছে।”

সকলে। (সমস্বরে) স্পষ্ট করিয়া বল বাবা—আমরা এ সময় মুক্তবোধের স্বত্র বুঝিতে আসি নাই।

উত্তর। ওহে নবকুমার বাবুর মৃত্যু হইয়াছে।

সকলে। তবে ত সর্বনাশ?

উত্তর। সর্বনাশ! না এইবার পৌষমাস—এইবার আমোদ রাস্তায় গড়াইবে, শ্রাকের দধির সঙ্গে বোতলরঙ্গিনী মিশিয়া রাস্তা অবশি কাদী করিবে।

সকলে। বাবা, একমাস উপবাসের পর জীবন থাকিলে হয়?

সে রাজি গান বন্ধ হইল। কণকালের মধ্যে সকলে চলিয়া গেল। \*  
বহির্দ্বারে অগল পড়িল।

নবকুমার দে কলিকাতায় মরিয়াছিলেন। বুদ্ধির দোষে অস্তিম সময়ে দ্বী পুত্র কেহই উপস্থিত হইতে পারে নাই। টাকা কড়ি যাহা কিছু ছিল, অগত্যা নির্ঝিল্লি পরহস্তে চলিয়া গেল। সে হাত যে কাহার, তাহা বলিবার আবশ্যক নাই। সারদা যে মুখাঙ্গি করিতে পারিল না, এই হুঃখ পরিজনদিগের অন্তরে অত্যন্ত দৃঢ় হইয়া বসিল। কিন্তু কালের উপর কাহার ক্ষমতা আছে? কে তাহা সহিত বিরোধ করিয়া ক্ষম পাইয়াছে?

তাহারা কখন উচ্চৈঃস্বরে, কখন নীরবে রোদন করিয়া, ছই সপ্তাহের মধ্যে ছুঃখ জর্ণ করিয়া ফেলিল। নবকুমার দে বাটী আসিত না, স্ত্রত্যঃ পরিবারবর্গের মমতাও উত্তরোত্তর হ্রাস হইয়াছিল। একমাস অতীত হইল। শ্রাদ্ধ সমাধা হইল। বহির্বাটীর দ্বারোদঘাটিত হইল। সম-বয়স্কেরা একে একে সমুপস্থিত হইল। ধীরে ধীরে পাকোন্মাজের শব্দ আরম্ভ হইল। গুণ গুণ স্বরে গানের সুর উঠিল। আবার এসরাজে আবার বন্ধার তুলিল। অবশেষে বোলকলা পূর্ণ হইল।

বাস্তবিক নবকুমারের মরণে সারদা বাবুর আর্থিক কোন কষ্ট হয় নাট। পৈতৃক সঞ্চিত-অর্থ প্রায় নিঃশেষ হইয়াছিল। কিন্তু লক্ষ্মী সদুদ্যা হইলে, উপায়ের সহস্র পথ বাহির হয়। বরদা কীণা স্ত্রীলোক ও একাকিনী হইয়াও অর্থাগমনের পথ প্রস্তুত করিয়াছিলেন। বরদার করুণায় সারদার কোন কষ্টই ছিল না। ইচ্ছা হইলেই নায়েবকে পত্র দিত, সে অবাধে টাকা পাঠাইয়া দিত। নির্কোষ আবাদ প্রিয়, অমনোযোগী বাবুর সমক্ষে নায়েব অল্প সময়ে বিলক্ষণ দশ টাকা সংগ্রহ করিল।

একমাস সাবকাশের মধ্যে, বিধাতা পত্নীর সহিত, মিলিত হইয়া, একখানি চমৎকার ঐন্দ্রজালিক পাশ রচনা করিল। উভয়ে সারদা বাবুর বাটীর উপর রাখিয়া দিলেন। স্বর্গে দেবতারা কোতুক দেখিবার জন্য দলে দলে মন্দির পর্বতে অপেক্ষা করিতে লাগিলেন। মর্ত্তে এ ভোজবাজীর কোন সংবাদ নাই। ধূর্তা উৎকলময়ীও আগু বিপদের সংবাদ পায় নাই ; স্ত্রত্যঃ সকলেই শিথিল আছে। স্বর্ণপুতলী সাক্ষাৎ লক্ষ্মী বরদাসুন্দরী অকস্মাৎ এই পাশে পড়িয়া গেলেন। স্বর্ণ হইতে সুবর্ণ-বান মর্ত্তে আসিল। বানে উঠিয়া বরদা স্বর্গে আসিলেন। দেবেন্দ্র আলিঙ্গন ও মুখচুম্বন করিয়া কহিলেন,—“প্রিয়ে, এতদিনের পর হরমুখ ফুটিয়া

শাপ মুক্ত হইল ।” বিমুক্ত শচীদেবী ক্রন্দন করিতে করিতে কহিলেন,  
—“নাথ, হর্কাসার ক্রোধ জলন্ত অগ্নির ত্রায় ; আমাকে পৃথিবীতে পাঠা-  
ইয়াও তাঁহার ক্রোধের উপশম হয় নাই—সে স্থানেও আমাকে দিবা-  
রাত্রি জলিতে ছইয়াছিল ।” স্বর্গের দ্বার রুদ্ধ হইল । বেদে ও বেদিনী  
স্বস্থানে প্রস্থান করিল ।

স্বর্গের কাণ্ড মর্ত্যের লোকে কি বুঝিবে ? সকলে দেখিল, ত্রিদোষ  
জরে বরদার মৃত্যু হইল । ডাক্তার, কবিবাজ অবিরত ঔষধ সেবন  
করাইয়াছিল, কিন্তু কালের পাশ হইতে কেহ তাহাকে মুক্ত করিতে  
পারিল না । সারদা আছড়াইয়া ভূমে পড়িয়া গেল । উৎকল্লময়ীর  
সুখস্বপ্ন আজ ভাঙিল । যাহার বলে পৃথিবীকে মৃন্ময় ভাণ্ড জ্ঞান করিবা  
পদদলন করিত, আজ সেই বল অপহৃত হইল । চিরদিন পরের মন্দ  
করিয়া আসিয়াছে, কখনও যে নিজের মন্দ হইবে, তাহা সে কল্পনায় ও  
স্থান দেয় নাই । এখন উপযুপরি ছই বিপদে কাতরা হইল ।  
উৎকল্লময়ী ও কাঞ্চনমালা কতদিন একাসনে বসিয়া কাঁদিল । নব-  
কুমারের বিরহ যাতনা এখন নবভাব ধারণ করিয়া ছবিষহ যাতনা প্রদান  
করিল ।

বিধাতা. তোমার ঐশ্বর্যজালিক বিদ্যা অতি চমৎকার ! বরদার সহিত  
সারদার সমুদয় সুখ চলিয়া গেল । সুখের জমিদারী, ঋণের বিলাস-  
ভবন, কিংখাবের পরিচ্ছদ, গাড়ি ঘোড়া, লোকজন যেন নিশার স্বপনের  
মত অন্তর্হিত হইল । হতবুদ্ধি হইয়া সারদা বিধাতার ভেঙ্কি দেখিতে  
লাগিল । বরদার গর্ভে তাহার কোন সন্তান ছিল না, সুতরাং উইলের  
মর্ম্মমত সেই সম্পত্তি রামচন্দ্র মিত্রের সগোত্রে পড়িল । সুখের যবনিকা  
জন্মের মত পতিত হইল । সারদার অবস্থার সমুহ পরিবর্তন হইল  
পৈতৃক ঋণ ও এক ভদ্রাসন ব্যতীত তাহার আর কোন সম্পত্তি রহিল না ।

এক সপ্তাহ উৎকলময়ী নিতান্ত শোকবিহ্বলা হইয়া এক স্থানে পড়িয়া রহিল। তাহার হৃৎক-চিন্তার শেষ নাই। “এত করিয়া কি শেষে মুখের অমৃত পোড়া রাহ কাড়িয়া লইল ? রামচন্দ্রের বক্ষে বজ্রাঘাত করিলাম, অবোধ গিরীশকে অকালে বিসর্জন দিলাম, যক্ষের ধন গৃহে আনিলাম, শেষে কি এই হ’ল ? এমন সাধের সংসার পাতিলাম, তাহা কি আমার ঘুচিয়া গেল ? ওরে ও হতবিধে ! তোর মনে কি এই ছিল ? আমি ত মনে করিলে, কত লোকের কত গুরুতর অপরাধ করিতে পারিতাম, কিন্তু তাহা ত করি নাই ; ধর্ম্মের মুখ চিরকালই দেখিয়াছি। তবে রে ধর্ম্ম ! তুই কেন আমার সহিলি না ? কেন তুই অকালে ননীর পুতুলীকে তুলিয়া লইলি ? আমার বরদাত কখনও কাহার অপকার করে নাই, তবে কেন তুই, তাহার মুগ্ধপানে চাহিলি না ? কত লোক কত গুরুতর পাপ করিতেছে,—কত মানুষ খুন করিয়া, কত লোকের মুখের গ্রাস কাড়িয়া ধন সঞ্চয় করিতেছে ;—আর আমি কি করিয়াছি ? রামচন্দ্রের ধন তাহার কন্যাকে দিয়াছিলাম ;—এই কি পাপ ? এই জ্ঞাত কি আমার এই সর্ব্বনাশ হ’ল ? ধর্ম্ম মানিয়াও যদি হৃৎক দূর হ’ল না, তবে আর কিসের ধর্ম্ম ? তবে আর কিসের সংসার ? কে কার ? আজ অবধি উৎকলময়ী ডাকিনী হইল। পরের অপকার করাই, আজ হইতে তাহার ভ্রত হইল। আজ হইতে সংসার লগ্ন ভণ্ড হইবে। আমি ত জন্মের মত গিয়াছি ; আমার শাস্তি আর কি হইবে ? কিন্তু দেখিব দেখিব—ধর্ম্ম কেমন তুমি স্তম্বে সংসার কর।

উৎকলময়ী একটী করিল। মুখের ভঙ্গা ভয়ানক হইল। দন্ত-বর্ষণের শব্দ হইল। তাহার ক্রোধের শেষ ছিল না। পিঙ্গল চক্ হইতে অগ্নিফুলিঙ্গ বাহির হইল। অকোচ্যারিত স্বরে শত মন্ত্র পাঠ করিল। নাসিকায় ক্ষুদ্র তিলক রেখা দিল। বস্ত্রাঞ্চলে বিবচূর্ণ বাধিল।



সন্ধ্যার পূর্বাঙ্কে কাঞ্চনের কর্ণে কি ফুহিয়া বাটার বাহির হইল। থিড়কী  
 ঘারের নিকট তিন বার কুটা কাটিল, তিনবার দিক প্রদক্ষিণ করিল,  
 উৰ্দ্ধ মস্তকে মস্ত্রপাঠ করিয়া, দক্ষিণ হস্তে ধূলা ছড়াইল অবশেষে কহিল,  
 —“বঙ্গে এইবার ঘোর প্রলয় হইবে—শত্রুর বংশ নিশ্চয় হইবে—উৎফুল-  
 লময়ী সর্ব্বেশ্বরী হইবে, তবে তাহার মনের কালী যাইবে।”

উৎফুল্লময়ী একাকিনী সন্ধ্যাসময়ে বাটার বাহির হইল।



# বিংশ পরিচ্ছেদ ।



## ভীমসিংহের দরবার ।

রাত্রি দশটা বাজিয়া গিয়াছে । স্বাদীন নগরের ক্ষুদ্র দুর্গ মধ্যে ভীমসিংহ উপবিষ্ট ; পাত্র মিত্র চতুর্দিকে উপবেশন করিয়া আছে । সম্মুখে উজ্জল বস্তিকা জ্বলিতেছে । ভীমসিংহের উজ্জল কপটবর্ণ সেট আভাষ কুটিয়া উঠিয়াছে । বিশাল চক্ষু বৃক্কবর্ণ, তাহা কখনও উন্মোচিত্তেছে, কখন পাশ্বে গমন করিতেছে । ভাব দেখিলে বোধ হয় যেন চিন্তা অস্থির ও মন বিবগ্ন । সে কতক্ষণ নিঃশব্দে থাকিয়া কহিল—  
“রঘুবীর,—কি স্থির হইল ?”

রঘু । আমি কিছুই স্থির করিতে পারি নাট, অনেক কষ্টলাম, অনেক বুঝাইলাম কিন্তু তাহার প্রতিজ্ঞা স্থির ।

ভীম । আমি আর একবার চেষ্টা পাইব, তাহার পর নিতান্ত অনিচ্ছা হইলেও বিধিমত কার্য্য করিব ।

রঘু । নরেন্দ্রলাল বাবুর পুত্র—

ভীম । আমি জানি কিন্তু নিয়ম সকলের নিকট সমান ।

রঘুবীর স্থির রহিল ।

ভীমসিংহ পুনরায় কহিল—“রঘুবীর, তুমি তাহাকে একবার লইয়া আইস ।”

রঘুবীর ধীরে ধীরে পাতালপুরে চলিল । পশ্চাতে একজন ক্ষুদ্র

প্রদীপ লটয়া অনুগমন করিল। বহির্দ্বার রুদ্ধ ছিল, চক্ৰ দ্বারা এক স্থান ‘টিপ’ দিবামাত্র অর্গল খুলিয়া গেল। রঘুবীর সোপানে নামিল। দশটী সোপান পার হইয়া আর একটী ক্ষুদ্র দ্বারের সম্মুখে উপস্থিত হইল। তাহাও বন্ধ। চাবি স্পর্শে তাহাও মুক্ত হইল। সে সন্ধীর নিকট হইতে প্রদীপ বাইরা কহিল—“ভূমি বাহিরে অপেক্ষা কর।” এই বলিয়া কারাগারে প্রবেশ পূর্বক দ্বার রুদ্ধ করিল।

এক সাধারণ প্রস্তর নির্মিত পকোষ্ঠ। দীর্ঘ ও প্রস্থে আট ফাট, উচ্চে ছয় ফাট। পাশ্বে একটী ক্ষুদ্র বাতায়ন, লৌহ গরাদের দ্বারা রক্ষিত। আলোক ও বায়ু সেই রন্ধু দিয়া প্রবেশ করিত। প্রকোষ্ঠের এক পাশ্বে একখানি ক্ষুদ্র খট্টার মধ্যে সামান্য শব্দার উপর ক্রমশঃ শয়ন করিয়া আছেন। মুখখানি স্নান, শরীরে পূর্বের তায় বল নাই। তই মাসের অধিক এই সঙ্কীর্ণ স্থানে বাস করিয়া, তাঁহার মন এত চর্কল হইয়াছে যে, একদণ্ড স্থির চিন্তে চিন্তা করিবার সাধ্য নাই।

প্রদীপের আলোক বন্দির মুখে পতিত হইবামাত্র, তিনি দ্বারের দিকে স্নান মুখ ফিরাইলেন। রক্তহীন বিবর্ণ চক্ষু দুইটী উন্মিষিত করিয়া, হৃকমের অপেক্ষায় রহিলেন। রঘুবীর তাঁহাকে দেখিয়া কহিল,—“কেমন আছেন?”

রুদ্ধ। আমি আর বাঁচিব না। আমার সমুদায় শরীর মধ্যে মধ্যে ভয়ানক কাম্পিত হইতেছে, কথা কহিতে কষ্ট বোধ হয়। এই নরকে আর কতদিন থাকিব?

রঘু। আপনার কষ্ট দেখিয়া আমি সুখী নই। সত্য আপনাকে আমি অশ্রু যুদ্ধে ধৃত করিয়াছি; কিন্তু এখন আপনার বর্তমান অবস্থা দেখিয়া আমার হৃৎ হইতেছে। আমি যাহা বলিয়াছি, তাহাতে বান্দ সন্তুষ্ট হন, আমি এইদণ্ডে আপনাকে মুক্ত করিতে পারি।

বন্দি স্থিরভাবে কহিলেন,—“বৃগুবীর, সে কথার কেন পুনরাবৃত্তি কর। এ ছার জীবনের জন্য প্রতারণা করিব! তবে কি ঈশ্বরের রাজ্যে দণ্ড নাই? আমি সকল সহিতে পারি, কিন্তু কাপটা সহিতে পারি না।

রঘু। আপনি মুক্ত হইলে কখনও আমাদের অপকারের চেষ্টা পাঠবেন না যদি এই মাত্র স্বীকার করেন, তাহা হইলেও আমি আপনার মুক্তির চেষ্টা পাঠি।

কৃষ্ণ। আমি মুখে স্বীকার করিলে তোমাদের কোন করিয়া বিশ্বাস হইবে?

রঘু। আপনার কথা আমাদের বেদ; বিশেষতঃ এমন ভাবে পত্র লিখিয়া দিবেন যে, ভবিষ্যতে আপনি অপকৃত্যের চেষ্টা করিলেও স্বয়ং অপরাধী হইবেন।

কৃষ্ণশঙ্কর গম্ভীরভাবে কহিলেন,—“আমি কখনই তেমন পত্র লিখিয়া দিব না। দস্যুর নিকট প্রাণ ভিক্ষা করা বা চিরজীবন বাধ্য থাকা অপেক্ষা শতবার মরণ শ্রেয়ঃ। বৃগুবীর, তোমার অন্তর আছে; দস্যু বলিয়া তুমি এখনও পামাণ হও নাট।”

বৃগুবীর দীর্ঘ নিশ্বাস ফেলিয়া কহিল,—“আজ আপনার বিচার হইবে।”

কৃষ্ণ। (সবিস্ময়ে) কিসের বিচার?

রঘু। শেষ বিচার—সেনাপতি স্থিরপ্রতিজ্ঞ হইয়াছেন, আজ যাহা হউক শেষ হইবে। আমার সহিত আসুন।

বন্দি ধীরে ধীরে গাত্রোত্থান করিলেন। সে উভয় পদে লোভ শৃঙ্খল পরাইয়া দিল। তখন সেই ক্ষীণ শরীরে প্রচণ্ড ক্রোধ জ্বীড়া করিতে লাগিল রক্তহীন চক্ষুঃ—ল হইল। সমুদয় শরীর কম্পিত।

হইয়া উঠিল। তিনি কাঁহলেন,—“রঘুবীর, এ হস্ত মুক্ত থাকিতে, এ পদে কে লৌহ শৃঙ্খল পরাইতে পারে? কিন্তু তুমি আমার বন্ধু।”

রঘু। তাহা কি আমি জানি না? সেই জন্তই ত হস্তমুক্ত দেখিয়া ও একাকী আপনার সমীপে উপস্থিত হইয়াছি।

কৃষ্ণ। বুণ্ড বাণ্ড কপ্তিতে করিতে বন্দি ভোম সিংহের সম্মুখে উপস্থিত হইলেন। কতকক্ষণ পরে ভীমসিংহ রক্তচক্ষে কহিলেন,—“বন্দি,—কি স্থির করিয়াছ ?

কৃষ্ণ। ধনুট স্থির তাহা আবার জিজ্ঞাসিবে ?

ভোম। এখনও সময় আছে, সকল বুকিয়া দেখ, শেষ প্রহ্মের উত্তর দাও। আমি তোমার মঙ্গলাকাজ্জী, তোমাকে এক নিশ্বাসে রাজা করিতে পারি। তুমি বুদ্ধিমান। ধীর, বীর ও সাহসী; তবে কেন তুমি অববেচকের ছায় কথা কহ ?

কৃষ্ণ। দস্যু। কোন্ বুদ্ধিমান অক্ষত শরীর ক্ষত করে? এমন শাস্ত্রদেশে বিদ্রোহ উত্তেজনা করিয়া কোন্ মূৰ্খ ভারতের অশুভ বুদ্ধি করিবে? শত শত লোকের প্রাণ কেন অকারণে বাহির হইবে? দুর্দান্ত বীর নেপোলিয়ানকে ইংরেজ পরাস্ত করিয়াছেন; দূরবর্তী ক্ষুদ্র দ্বীপের মল্লধা হইয়াও সমুদয় পৃথিবীতে আধিপত্য বিস্তার করিয়াছেন; কুমারিকা হইতে হিমালয়, কাবুল হইতে আভা, এই সুবিস্তৃত দেশ তাঁহাদের করতলগত। কোন্ মুসলমান বা হিন্দুবীর তাঁহাদিগকে পরাস্ত করিয়া সংগ্রামে জয়লাভ করিয়াছেন? কিরূপে দেশ স্বেশাসন করিতে হয় তাহা তাঁহারাই জ্ঞাত আছেন। অত্যাচার, উৎপীড়ন, দস্যুতা, ঠগী দেশ হইতে দূর করিয়াছেন। তেমন অসীম তেজস্বী শত্রুর সম্মুখে তুমি মুষ্টিমেয় সৈন্য লইয়া কেমন করিয়া দণ্ডায়মান হইবে? শাস্তিপ্রিয় দেশে কেন তুমি অগ্নি প্রজ্জালিত করিবে? আমার বীর

হরভিলাষ পূর্ণ করিবার জন্ত কেন সমগ্র ভারতকে মজাইবে ? তুমি এ অভিলাষ ত্যাগ কর । ইংরেজদিগের সংগ্রাম ও শাসনকৌশল অবলম্বন করিয়া কোন দেশীয় রাজ্যের উন্নতি সাধন কর ; তাহা হইলেই তোমার জীবনের কার্য সমাধা হইবে ।

ভীমসিংহ বিকৃতস্বরে কহিল--- ‘যুবা, বক্তৃতা দিবার জন্ত তোমায় আহ্বান করি নাই । আমার কার্য, আমার উদ্দেশ্য, আমার বল, আমার ইচ্ছা, আমিই বুঝিতে পারি । অগ্নিফুলিঙ্গ হইতে দাবানল সংঘটিত হয় । ক্ষুদ্র ক্ষুদ্র তরঙ্গিণী সমষ্টিতে বৃহৎ মহানদীর জন্ম হয় । চৌর্য্যবৃত্তি অবলম্বন করিয়া মহাদ্বা শিবাজী ভূভেদ্য মহারাষ্ট্রীয় রাজ্য স্থাপন করিয়াছেন । আমি উপদেশ দিবার জন্ত তোমায় আহ্বান করি নাই । আমার শেষ প্রশ্নের স্পষ্ট উত্তর দাও ।’

কৃষ্ণ । তুমি প্রথম দুই প্রশ্ন কি কারণে পরিত্যাগ করিলে ?

ভীম । তাহার উত্তর আমি অগত্যা পাঠিয়াছি ।

কৃষ্ণ । কি জানিয়াছ ?

ভীম । প্রভাবতী তোমার মাতুলানীর গৃহে আছে এবং তুমি তাহার প্রণয়াকাজক্ষী ।

কৃষ্ণ । ইহাতে কি তুমি স্তম্ভী হইয়াছ ?

ভীম । তাহার আর সন্দেহ কি ?

কৃষ্ণ । ইহার অর্থ কি ?

ভীম । তুমি শেষ প্রশ্নের সন্তোষজনক উত্তর দিলে আমি সমুদায় অবস্থা তোমায় বলিতে পারি ; এবং এক মুহূর্ত্তে সমস্ত পরিবর্তিত হইবে । প্রভাবতী তোমার অঙ্কলক্ষী হইবে, যদি হইতে তুমি রাজসিংহাসনে উঠিবে । আমি তোমার পদানত হইয়া “মহারাজের জয় হউক” বলিয়া চাঞ্চকার করিব । এখন বুঝিতেছ শেষ প্রশ্নের উত্তর কত গুরুত্ব ?

কৃষ্ণ । দম্ভ্যপতি, তোমার কথা শুনিতে মিষ্ট, কিন্তু আত্মস্বার্থের জন্য আমি কোন দিনও বিদ্রোহ উদ্বেজনা করিতে পারিব না । আমি কখনই তোমাদিগকে সাহায্য দান করিতে পারিব না, পরন্তু আমি রাজা হইলে তোমাকে বন্দি করিব এবং বিদ্রোহী বলিয়া দণ্ডাজ্ঞা দিব ।

ভীমসিংহ আরক্ত-নয়নে ও বিরুদ্ধস্বরে কহিল,—“বটে, নিতান্ত তোমার চর্য্যই হইয়াছে ; এ অপদার্থ জীবনের শেষ যত শীঘ্র হয়, ততই ভাল । তোমায় কোন গৃহ কারণে জীবিত রাখিয়াছি । বন্দি, আর একবার, এই শেষ জিজ্ঞাসা । নিজের মঙ্গল চাও ত চিন্তা করিয়া উত্তর দাও ।

কৃষ্ণ । বার বার কেন বিরক্ত কর ? পুরুষের কথা কি নগ্ন প্রলোভনে বা সময়ে পরিবর্তিত হয় ? আমি আমার প্রাণের মমতা কিছু মাত্র করি না । যद्यপি রাজা লাভ আমার ভাগ্যে থাকে, কে তাহা রোধ করিতে পারে ?

ভীমসিংহ রঘুবীরের পাদে চাহিয়া কহিল,—“রঘুবীর পাশাণের সহিত কথোপকথন করিয়া কোন ফল নাই ।” পরে বন্দির দিকে সন্মুখ কটাক্ষে দৃষ্টিপাত করিয়া কহিল,—“দেখ, আগামী কার্তিকী-অনাবস্তায় তোমাকে মহামায়ার নিকট উপহার দিব—আর এক মাসের কিঞ্চিৎ অধিক আছে । কাহার সাধ্য ভীমসিংহের হুকুমের অন্ত্যচরণ করে ।

কৃষ্ণ । দম্ভ্য, মরণ ত মনুষ্য জীবনের অকাটা সংঘটন । কোন উপায়ে কে মৃত্যুর হাত হইতে নিষ্কৃতি পাইয়াছে ? তবে মরিতে আমার শঙ্কা কি ? কিন্তু একটী মাত্র আমার অনুরোধ আছে ; তুমি কি রাখিবে ?

ভীম । ইচ্ছা হয় বলিতে প

কৃষ্ণ । প্রভাবতী চির অভাগিনী, এ সংসারে তাহার সকলই আছে, কিন্তু তোমার জন্ম এখন তাহার আপনার কেহই নাই । আমি এতদিনে বুঝিতে পারিয়াছি, তুমি স্বকাণ্ড সাধনের জন্ম তাহার জন্ম গোপন করিয়াছ, ধর—কিন্তু সে প্রেমের মৃত্তিকে কখন তুমি কষ্টে দিও না ।

ভীম । তোমার সমক্ষে আমি তাহার বিবাহ দিব । আমার আস্থা অলঙ্ঘনীয় ।

কৃষ্ণ । অবলার উপর অত্যাচার ধম্মে সহিবে না । ধম্ম তাহাকে রক্ষা করিবেন । আমি আমার স্তবর্ণ প্রতিমা প্রভাবতীকে জৈশ্বরের সমক্ষে ধম্মের হস্তে সঁপিলাম ।

এই সময় একজন ক্ষীণা দীঘকায়া কেশশূণ্ণা বিধবা নারী প্রকোষ্ঠে প্রবেশ করিল । রঘুবীর তাহাকে ধৈর্য্য দ্বারা বৃথা ভার করিয়া অত্যাচারে চক্ষু ফিরাইল । ভীমসিংহ সম্মুখে সম্ভাবণে করিল—“অশ্বিকে ! এই আসনে উপবেশন কর । সম্বাদ কি ?”

“আমি সকল শ্রিত করিয়াছি । জাতিতে ক্ষত্রিয় । রূপ গুণের পরিচয় দিব । যুবতীর কথা দূরে থাকুক, পুঙ্খানুপুঙ্খ নন্দ টলে, সকল বিষয়ে সম্মত, কিন্তু একটীর অভাব হইয়াছে ।

“কি—কি”

“সাহস নাই ।”

“সে ভাল—একটু ভীত লোকেরই কথ্য । তাহা হইলে মৃষ্টির ভিতর থাকিবে ।”

“আর একটা কথা আছে ।”

“কি”

‘বয়স প্রায় ৩৮ বৎসর ।’



“সে ত আরো ভাল ।”

“বিবাহ কোন্ সময় হইবে ?”

ভীমসিংহ একটু চিন্তা করিয়া কহিল,—‘গণকের মত হইলে অগ্রহায়ণ মাসের মধ্যে হইবে । আর প্রায় দুই মাস দেৱী আছে ।”

“ভাল প্রভাকে কোন্ সময় আনা হইবে ?”

“সে সকল কথা পরে হইবে ।”

“একটা তীক্ষ্ণ কণ্টক আছে । সে কথ্য এতদিন বলি নাই, আজ বলিয়া ।” এই বলিয়া ভীমসিংহের কাণে কাণে কি কহিল । সে তাহা শুনিয়া চমকিয়া উঠিল । বাস্তব হইয়া কহিল—“বল কি ! আমি ত কখন শুনি নাই ।”

‘না শুনিবারই কথা । সে বড় গোপনীয় বিষয় ।’ আমার বিশ্বাস ছিল যে ক্ষুদ্র কীট জন্মিয়াই মরিয়া গিয়াছে, কিন্তু এখন দেখিতেছি জীবিত

“তবে ত সব গোপনায় গেল ।”

“কেন—কেন ভয় কি ?—এই বলিয়া অঞ্চল প্রাপ্ত হইতে বিষ-চূর্ণ দেখাইয়া রাগসী কহিল,—“একবার তাহার দর্শন পাইলেই ইহা দ্বারা সমস্ত কণ্টক নিস্কূল হইবে ।”

এই সময় ভীমসিংহের চক্ষু কৃষ্ণশঙ্করের উপর পতিত হইল । সে রঘুবীর সিংহকে বলিল,—“রঘুবীর ইহাকে কারাগারে লইয়া যাও, ও যত্নপূর্বক একমাস জীবিত রাখিও যেন মা উগ্রচণ্ডীর চিন্তা প্রসন্ন করিতে পারি ।”

বলি পুনরায় কারাগারে প্রবেশ করিলেন । দীর্ঘ নিশ্বাস ত্যাগ করিয়া কহিলেন,—“প্রভা, আমি ত জন্মের মত গিয়াছি কিন্তু তোমার জীবন পাপাঙ্গার অসির সন্নিকট হইয়াছে । হায় ! এমন দুর্দিনে,

এমন বিপদে, আমি তোমার কোন উপকার করিতে পারিলাম না ।” পরে সন্ধ্যার নেত্রে রঘুবীরের দিকে দৃষ্টি নিক্ষেপ করিয়া কহিলেন, “বন্ধো ! তুমি আমার অনেক উপকার কারয়াছ ; আমি যে এতদিন মরি নাই, সে কেবল তোমার যত্নের ফল । একমাত্র ভিক্ষা আছে, তাহা কি তুমি দিবে ?”

রঘু । সঙ্গত হইলে বাধা কি ?


কৃষ্ণ । প্রভার ভয়ানক বিপদ সন্নিহিত হইয়াছে । আমি একখানি পত্র দিব, তুমি কি তাহার নিকট পাঠাইয়া দিবে ?

রঘু । আপনার সকল কথা শুনিতে প্রস্তুত আছি । কিন্তু এ বিশ্বাস-দাতকের কাষ, স্মরণ—

কৃষ্ণ । আর বলিবার আবশ্যক নাই ।

ভাবে বন্দির হৃদয় পূর্ণ হইল । একে ক্রম শরীর, দুর্বল চিত্ত, তাহাতে ভীমসিংহের সহিত কথোপকথনে অস্বাভাবিক তেজঃ মস্তিষ্কে ক্রীড়া করিতেছিল ; অকস্মাৎ নিজের প্রাণদণ্ডাজ্ঞা ও প্রভার বিপদবার্তা অবগত হইয়া, তাঁহার চিত্তবিকার উপস্থিত হইল । ভাবে বিহ্বল ও ক্রমে সংজ্ঞাশূন্য হইয়া শয্যার উপর পড়িয়া গেলেন । কতকণ পরে উঠিলেন, কিন্তু আর নিদ্রা হইল না । নির্মালিত নেত্রে, দম্ব হৃদয়ে, অশান্ত চিত্তে, প্রভাত প্রতীক্ষা করিয়া রহিলেন । সেই রাত্রি হইতে কৃষ্ণশঙ্করের অবস্থান্তর হইল । কিয়দিনের মধ্যে তাঁহার এমন অবস্থা হইল যে, অবধারিত অমাবস্তার পূর্বেই তাঁহার মৃত্যুর আশঙ্কা জন্মিল ।

# একবিংশ পরিচ্ছেদ ।



## প্রায়শ্চিত্ত ।

আজ কেশবশঙ্করের বিচার। ফৌজদারী আদালত লোকে লোকারণ্য। নরেন্দ্রলাল বাবু স্বয়ং উপস্থিত। প্রশান্ত গম্ভীর ভাবে বেঞ্চের একপাশে উপবিষ্ট রহিয়াছেন। বস্ত্রের মধ্যে হারনামের মালা লইয়া জপ করিতেছেন। তাঁহার জ্যেষ্ঠ পুত্র কারাগারের দ্বারে দণ্ডায়মান, দ্বিতীয় পুত্র নিরুদ্দেশ। অস্পষ্ট ভাষায় তাঁহার মরণ সংবাদও উপস্থিত হইয়াছে। এমন দুঃসময়ে, এমন বিপদেও নরেন্দ্রবাবুর ধৈর্যচ্যুতি হয় নাই। তিনি প্রগাঢ় ভক্তিভরে ঈশ্বরের বিচিত্র লীলা দেখিতেছেন। কখন হৃদয়ের পাপ অন্বেষণ করিতেছেন, কখন বৈরাগ্য শিক্ষা করিতেছেন, কখন ঈশ্বরের আশ-বিচার দেখিতেছেন, কখনও ভাবিতেছেন, -- এ সংসারে কে কার? কল্লনার সম্মুখে, মায়ার বশে সংসারে সম্বন্ধ, নতুবা এ সংসারে কে কার?

বেলা একটা। বিচারপতির এখনও গুতাগমন হয় নাই। এ দিকে উকিল, মোক্তার, আমলা, পিয়াদা, মামলাকারে কাছারী গম্ গম্ করিতেছে। জগন্নাথের দ্বানের আশ সকলেই উৎসুক চিত্তে বিচারকের আগমন প্রতীক্ষায় আছে। এমন সময় ঘোটকারোহণে মাজিস্ট্রেট সাহেব উপস্থিত হইলেন। মস্তক হইতে সোনার টুপি নামাইয়া আসনে উপবেশন করিলেন। একবার এ পুস্তক, একবার

ও কাগজ, কখন বাগ্ন, কখন ঘড়ি, কখন কলম নাড়িতে বেলা হইটা হইল । অত্যাশ্রয় স্থানে কাগজ দস্তখত হইয়াছে, আমাদের দেপাইবার ক্রুটি, এজন্ত প্রভুর রাগের পরিসীমা নাই । হজুরের সাত খুন মাপ । কে বিরুদ্ধে কথা কহিতে পারে ? দর্শকবৃন্দ প্রভুর কাগা দর্শন করিয়া, তাঁহার বিদ্যার, তাঁহার ক্ষমতার, তাঁহার জন্মের, চন্মের ও কপালের কতই প্রশংসা করিতে লাগিলেন । উকিলেরা বলেন, হাকিমের অন্তর ভাল, কিন্তু বাহ্য প্রকৃতি বড়ই কঠোর ।

মোকদ্দমার শুনানী হইয়া গিয়াছে । সাফীর সাক্ষাও লিপিবদ্ধ হইয়াছে । উকিলের বক্তৃতাও শেষ হইয়াছে । এখন তুমাত্র অবশিষ্ট আছে । উকিল আসামীর অবস্থার যথেষ্ট পরিচয় প্রদান করিয়া বলিয়াছিলেন,— ‘যে ব্যক্তি দশ লক্ষ টাকার ব্যবসা করে, বুদ্ধিবলে যে ব্যক্তি বিলাতী ব্যবসায়ীদের প্রবল প্রতিদ্বন্দ্বিতায়ও নিজের ক্ষমতার উপর দাঁড়াইয়া আছে, সে কি সাধারণ তন্ত্রের দ্বারা এক ব্যক্তির ভবনে রাত্রিযোগে প্রবেশ করিয়া স্বর্ণাভরণ চুরি করিবে ? অলঙ্কার দিয়া পুলীশ সামান্য ঘটনাকে অতিরঞ্জিত করিয়াছে । পুলীশ কি পদার্থ, ধর্ম্মাবতার তাহা অনেক মোকদ্দমায় জানিয়াছেন । বাক্যব্যয় নিশ্চয়োজন ।’

ধর্ম্মাবতার তিন পঙ্ক্তি লিখিয়া কেশবশঙ্করের বিচার শেষ করিলেন । তিনি চৌর অবধারিত না করিয়া, কেবল রাত্রিকালে পরবাস ভবনে অত্যাশ্রয় ও অনুমতি ভিন্ন প্রবেশ করিবার জন্ত শতমুদ্রা অর্থদণ্ড ও তিন মাস কারাবাসের আদেশ দিলেন ।

দণ্ডাজ্ঞা শুনিয়া নরেন্দ্রলালবাবু কতিপয় মুহূর্ত্ত স্পন্দহীন হইলেন । পরে সর্ব শরীর কম্পিত হইতে লাগিল । বশ্ববিন্দু বাহির হইতে লাগিল । অজ্ঞাতসারে হরিনামের মালা পদতলে পড়িয়া গেল ।

কেশবশঙ্কর কারাগারের নাম শুনিয়া শিহরিয়া উঠিল। মন এত চঞ্চল হইল যে, দাঁড়াইবার শক্তি রহিল না, সেই স্থানে বাসিয়া পড়িল। এই সময় একজন রক্ষক তাহাকে লোহ শৃঙ্খলে আবদ্ধ করিয়া কারাগারে লইয়া গেল।

সংজ্ঞালাভ করিয়া নরেন্দ্রবাবু পুত্রের দিকে দৃষ্টিক্ষেপ করিলেন, কিন্তু দেখিতে না পাইয়া, তাঁহার দুই চক্ষু জলে ভাসিয়া গেল। শোকে নিতান্ত বিহ্বল হইলেন। ভাবিলেন,—কি একেবারে দুই পুত্র হীন হইলাম! কলঙ্কে নিষ্কলঙ্ক বংশ কলুষিত হইল! তবে আর এ জীবনে প্রয়োজন কি? চিরদিন ঈশ্বরের সাধনা করিয়া শেষে অদৃষ্টে এই ছিল? উন্মাদিনী শঙ্করীকে কি সংবাদ দিব? এই ভাবিতে ভাবিতে তিনি রাস্তায় বাতির হইলেন। হরিনামের মালা ভূমে পড়িয়া রহিল; কুড়াইয়া লইতে মনে হইল না।

সম্মুখে কৃষ্ণা রজনী দিক্ আঁধার করিয়াছে। অন্ধকারময় নিভৃত কার-গারে একটা ক্ষুদ্র প্রদীপ মট্ মট্ করিয়া জলিতেছে। একপাশে লোহ খালে মোটা তগুলের অন্ন ও মুগায় ভাণ্ডে জল আছে। অপর পাশে মৃত্তিকার উপর এক কয়ল শয্যা বিস্তৃত আছে। কেশবশঙ্কর ক্ষুদ্র জাঙ্গিয়া মাত্র পরিধান করিয়া কয়লে উপবিষ্ট। দুই হস্ত দুই কপালে আছে। অবিশ্রান্ত চক্ষের জলে বক্ষঃস্থল ভাসিয়া যাইতেছে। কখন কখন ক্রোধে অভিভূত হইয়া, বিধাতাকে তিরস্কার করিতেছে, কিন্তু পরক্ষণেই আত্ম-গ্লানি উপস্থিত হইতেছে। গত জীবনের রাশি রাশি পাপের কথা স্মরণ হইতেছে। অর্ধেক রজনী এই ভাবে অতিবাহিত হইল। যখন একটু নিদ্রার আবেশ হইল, তখন এক স্বপ্ন দেখিয়া চীৎকার করিয়া উঠিল। স্বপ্নে দেখিল, একজন স্কন্দরী কামিনী অনাথিনীর ভ্রাতৃ ভয়ানক চীৎকার করিতেছে, পাশে রক্তরঞ্জিত মৃত পতি শয়ন করিয়া

আছে । কামিনী কহিতেছে,—“কেশব, কি সর্বনাশ করিলে ? আমি কোথায় বাইব ? আমার সর্বস্ব ধন বিনষ্ট করিয়াছ ? আজ হইতে আমি দ্বারে দ্বারে ভিক্ষা করিব । আজ আমি অসহায় হ'লেম । কেশব এ আগুন কেন জালিলে ? কাল আমার আদরের শেষ ছিল না, কিন্তু আজ আমার কেহ সম্ভাষণ করিতেছে না । তবে এ প্রাণে কি হইবে ? তুমি পতিহত্যা করিয়া, আমার ধম্মে জলাঞ্জলি দিবে মনস্ত করিয়াছ ?—আচ্ছা—তবে দেখ”—বলিয়া 'পাগলিনী' তীক্ষ্ণ তরবারি নিজ কণ্ঠদেশে প্রদান করিল । ছিন্ন মৃণ্ড স্বামীর বক্ষে পড়িল । মৃত স্বামীর মুখ হাসিয়া উঠিল । রক্তের স্রোতে কেশবের মুখ যেন ভাসিয়া গেল । নৃতুন বন্দি চীৎকার করিয়া উঠিল । নিদ্রাভঙ্গ হইল । ঘন অন্ধকার ভেদ করিয়া মৃত স্বামীর দশন পঙ্ক্তি প্রকাশ পাইল । বন্দি অস্থির হইল । উঠিয়া পদচারি করিতে লাগিল ।

দুই ঘণ্টা পরে, পুনরায় দেওয়ালে ঠেস দিয়া উপবেশন করিল । নয়ন নিমৌলিত হইল । নিদ্রার আবেশ হইল । অমনি এক অভিনব দৃশ্য কল্পনার সম্মুখে উপস্থিত হইল । সম্মুখে অন্ধারময় কূপ । সেই কূপে রূপলাবণ্যসম্পন্ন যুবতী স্ত্রী মৃতা পড়িয়া রহিয়াছে । আর সে পূর্বের রূপ নাই, সে মুখশ্রী নাই, কেশগুচ্ছের পারিপাট্য নাই । মাংস পচিয়া গিয়াছে, চৰ্ম্ম বিগলিত, স্থানে স্থানে মাংস আছে, স্থানে স্থানে শুভ্র অস্থি বাহির হইয়া পড়িয়াছে । অকস্মাৎ কূপ হইতে উলঙ্গিনী পেঙ্গী উখিত হইল । হস্তদ্বারা কেশবকে বেঁটন করিয়া ধরিল । গলিত মাংসথণ্ডে তাহার সর্বাঙ্গব্যব পূর্ণ হইল । দুর্গন্ধে শ্বাস বন্ধ হইল । রক্ত ও পুণ্যের গন্ধে বমন উঠিল । ভ্রূখের উপর ভ্রূখ, পেঙ্গীর মুখ চুষন কালে, ক্রমি বহির্গত হইয়া কেশবকে দংশন করিতে লাগিল । পিশাচী বিকট চক্ক মেলিয়া কহিল,—“কেশব, আমি তোমার সেই প্রণয়িনী উপস্থিত

হইয়াছি, তুমি না আমার সর্বনাশে কৃতসঙ্কল্প হইয়া, আমার কুটারের দ্বারে, অন্ধকারে ভ্রমণ করিতে ? আমি অভাগিনী বিধবা, তখন ধন্বন্তরে তোমার সম্মুখে উপস্থিত হই নাই, এখন তোমাকে বরণ করিলাম । এই বলিয়া ঘন ঘন চুষন দিতে আরম্ভ করিল । ছুই হস্তে দৃঢ়রূপে তাহাকে বেঁধেন করিল । পৃথ, রক্ত ও কীটে তাহার মুখ ভরিয়া গেল । গলিত চন্দ্রে নাসারন্ধ্র বুজিয়া গেল । হাঁপাইতে হাঁপাইতে কেশব জাগরিত হইল । চকিত হইয়া উঠিয়া দাঁড়াইল । “উভয় হস্ত প্রসারণ করিয়া দেখিল,—সম্মুখে কিছুই নাই । মুখ মুছিয়া ফেলিল । বিস্মিত হইয়া কহিল,—“এ কি স্বপ্ন—না যথার্থ ? ঐগে রাক্ষসী অন্ধকারে এখনও বসিয়া আছে ? ঐয়ে গলিত মাংসখণ্ড শুভ্র অস্থির সহিত মিশিয়া কেমন ভয়ানক দেখাইতেছে ? কি সর্বনাশ ! কতকাল এইরূপ স্বপ্ন দেখিব ? আঃ—মরণই মঙ্গল । মৃত্যু তুমিই প্রার্থনীয় । এস, একবার অভাগাকে আলিঙ্গন কর—বিনোদিনী তুমি কাঙ্গালিনী হইলে ? আমি জীবিত থাকিতে কখন তোমাকে একদিনও একটি মিষ্ট কথা ব্যবহার করি নাই, এই হুঃখ আমি মরিলেও থাকিবে । এমন কুলঙ্গার হইয়া আমি জন্মগ্ৰহণ করিলাম যে, পবিত্র কূলে কালী দিলাম । এ নরক হইতে বাহির হইয়া, আমি কেমন করিয়া লোক সমাজে মুখ দেখাইব ? কেমন করিয়া সেই দেবতুল্য পিতা মাতার সম্মুখে বাহির হইব ? বিনোদিনী, তুমি আমায় কি মনে করিবে ? এ বেশ দেখিলে তুমি ভয়ে পলাইবে,—স্বণায় জলে ডুবিবে ? কঠিন প্রাণ, এক আঘাতে আত্ম নিশ্চূল করিব ? এ কলঙ্কের ডালি লইয়া ‘আর সমাজে মুখ দেখাইব না ।’” এই বলিয়া কব্বলের একপ্রান্ত কড়িকাঠে বাঁধিল, অপর প্রান্ত গলদেশে সংলগ্ন করিয়া ঝুলিবার উপক্রম করিতেছে, এমন সময় একজন রক্ষী দ্বারোদঘাটন করিল । উবার লাল আভাষ উলঙ্গ বিকৃত পুরুষ

দেখিয়া সাক্ষেতিক চাঁৎকার করিল । দশজন রক্ষক সম্মিলিত হইল ।  
 ধীরে ধীরে তাহাকে নামাইল । দীঘ নিশ্বাস ত্যাগ করিয়া, কেশব  
 কহিল,—“মরণেও বাধা আছে, তাহা পূর্বে জানিতাম না ।”





## দ্বাবিংশ পরিচ্ছেদ ।

—):\*:(—

### দুইজনের এক প্রাণ ।

রঘুনাথগড় রাজ্যের প্রধান রাজস্বসচিবের নাম রমানাথ রায় । ইনি চন্দ্রবংশীয় ক্ষত্রিয় ছিলেন । ইঁহার পূর্ব পুরুষ মাধবচন্দ্র রাও-এর সঙ্গে এই স্থানে আগমন করিয়া রাজ্য স্থাপনের সহায়তা করেন । শিক্ষা, স্বভাব ও চরিত্রের জন্ত রাজধানীর ক্ষুদ্র বড় সকল শ্রেণীর লোক তাঁহাকে বিশেষ সম্মান প্রদর্শন করতেন । তাঁহার বাহ্যকৃতি যেমন সুন্দর, অদরও ভেমনই সরল ও বিশুদ্ধ । তাঁহার দোষ কি, তাহা তিনি নিজেই স্বীকার করতেন না । তবে নির্দোষ নম্রতা সংসারে বড় বিরল । দোষের মধ্যে আত্মবিশ্বাসী ও আপনার ভ্রায় সকলও সরল ও বিশুদ্ধ ভাবিতেন । রমানাথের স্ত্রীর নাম ব্রজসুন্দরী । যৌবনকালে তিনি অতিশয় রূপবতী ছিলেন । এখনও তাঁহার মুখমণ্ডলে সেই রূপ প্রতিভাত হইতেছিল । তিনি যেমন সৌন্দর্য্যে ভাগ্যবতী ছিলেন, সেইরূপ সর্বগুণালঙ্কৃত ছিলেন । প্রতি কথায় মধু ঢালিতেন । স্বামীর সহিত কোন বিষয়ে তাঁহার জীবনে মতান্তর বা মনান্তর হয় নাই । রমানাথ বাবুর সংসারের ভ্রায় সুখের সংসার শীঘ্র কোথাও দেখা যায় না । প্রকৃত সুখী প্রকৃত পক্ষে জগতে কোথাও নাই ; এই জন্ত এমন সুখের সংসারে একটাও পুত্র নাই । রমানাথের প্রথম পুত্র জন্মগ্রহণ করিয়াই মৃত্যুমুখে পতিত হয় । তাহার পাঁচ বৎসর পরে একটা কন্যা হয় । তাঁহার নাম শরৎসুন্দরী । তিনিই এখন রমানাথ ও ব্রজ-

সুন্দরীর সমুদয় স্নেহ ও ভালবাসা অধিকার করিয়াছেন। সমগ্র রাজধানীতে শরতের ছায় সুন্দরী যুবতী দেখিতে পাইবে না। সপ্তমীর চন্দ্রের ছায় সেই শুভ্র সমুজ্জল ললাট, প্রকল্প নীলোৎপল সদৃশ নয়নযুগল, সুন্দর নাসিকা, অরুণোষ্ঠ, কুন্দদন্ত, চম্পকনির্মিত স্তব্ধবর্ণ, স্তূঠাম সুকোমল ভুজবল্লরী দেখিলে, কে না পুনঃ পুনঃ দেখিবার জন্ত নয়ন ফিরাইবে ? শরৎ পূর্ণযৌবনে পতিতা হইয়াছেন। অঙ্গ সকল যৌবন রাগে রঞ্জিত হইয়াছে। উন্নত পয়োধরযুগল দিন দিন চর্কিত হইয়া উঠিতেছে। এখন তাঁহার গমনক্লেশ উপস্থিত হইয়াছে। মাতার ছায় শরৎসুন্দরী মধুরভাষিনী। পিতা ও মাতা তাঁহার উপাস্ত দেবতা ছিলেন। তাঁহাদের সেবা ও চরিতার্থতা সম্পাদন ভিন্ন, তাঁহার অঙ্গ কোন কন্ম ছিল না। তাঁহার গুণের সংখ্যা ছিল ন্যূন। রূঢ় বা গর্বিত বচন ব্যবহার করা তাঁহার স্বভাবের একেবারে বিরুদ্ধ ছিল। তিনি যেমন লক্ষ্মীর প্রতিমা, সেইরূপ সরলতার আদর্শস্বরূপিণী ছিলেন। দোষের মধ্যে বড় অভিমানিনী। কেহ কিছু কহিলে, ততকালে উত্তর দেওয়া দূরে থাকুক, একেবারে নম্রমুখী হইতেন। বিশাল নয়ন দুটা আরক্তিম হইয়া শেষে বিন্দু বিন্দু জল বিসর্জিত করিত। তাঁহার মানসিক শক্তি কিছুমাত্র ছিল না। সহিষ্ণুতার লেশ ছিল না। এই জন্ত কোন বিপদে পড়িলে, তাঁহার দুঃখের অবধি থাকিত না। যৌবন কাল উপস্থিত হইলেও তিনি অবিবাহিতা ছিলেন। তৎকালে চন্দ্র-বংশীয়েরা এক সূর্য্যবংশীয়দিগকে কন্যাদান করিতেন। সুপ্রাচ্য অভাবে তিনি বিবাহ দিয়া উঠিতে পারেন নাই ; বিশেষতঃ এই রাজ্যে তখন বাল্যবিবাহ প্রায় উঠিয়া যাইতেছিল।

এই স্নেহের সংসারে রতিকান্ত প্রবেশ করিলেন। তাঁহার স্বভাব ও অবয়বে রমানাথ ও ব্রজসুন্দরী মোহিত হইয়া পড়িলেন। একদিন

রমানাথ গোপনে স্ত্রীকে কহিলেন,—“রতিকান্ত সূর্য্যবংশীয় ক্ষত্রিয়, কি কারণে মনে বৈরাগ্য হইয়াছে, তাই বাটার বাহির হইয়াছেন, তাঁহাকে বেশ করিয়া যত্ন করিও—শেষে শরৎকে তাঁহারই হাতে সমর্পণ করিব।” রতিকান্তের ছায় অমন সুশীল ও সুপুরুষ শরতের স্বামী হইবেন শুনিয়া, ব্রজসুন্দরীর আশ্রমের সীমা রহিল না। সেইদিন হইতে তাঁহার হৃদয়ে বাৎসল্যের স্রোত বহিল। তিনি এমন যত্ন ও তাঁহার সহিত একরূপ ব্যবহার করিতে লাগিলেন যে, প্রকৃত পক্ষে রতিকান্ত যেন তাঁহার জামাতা হইয়াছেন।

জগতে স্ত্রী পুরুষের মিলন যেমন সুন্দর, নূতনত্ব ও লজ্জার মিলনও সেইরূপ চমৎকার। যেখানে নূতনত্ব, সেইখানে লজ্জা। শরৎ সুন্দরী দুই চারি দিন রতিকান্তের সম্মুখে বাহির হইতে সাহস করিলেন না। অথচ যুবককে দেখিয়া তাঁহার কেমন মনে লাগিয়াছে যে, যতবারই সেই সুন্দর স্ত্রীমুখখানি দেখেন, ততবারই দেখিবার জন্ত মন কেমন চঞ্চল হইয়া উঠে। মনে মনে লজ্জাকে শত ধিক্কার দিতেছেন, আর ভাবিতেছেন কেমন করিয়া মন খুলিয়া, এক সঙ্গে দুজনে বসিয়া কথা কহিব। কাপটা কুহাকে বলে, তাহা শরৎসুন্দরী এতদিন জানিতেন না। এখন এই লজ্জার সঙ্গে সঙ্গে তিনি মনোভাব গোপন করিতে শিখিলেন। লজ্জা ও কাপটা প্রায় সমান কথা। নতুবা পেটে ক্ষুধা থাকিতে জামাতা বাবাজী কেন শ্রদ্ধাষ্টাকুরাণীকে হাত নাড়িয়া বলিবেন যে, আমার আর ক্ষুধা নাই, আমি আর কিছুই খাইতে পারিব না।

কিছুদিন পরে রমানাথবাবু বুঝিলেন, রতিকান্ত কেবল বুদ্ধিমান, শিক্ষিত ও হৃদয়বান পুরুষ নহেন, তিনি অত্যন্ত কল্পপটু ও শ্রমশীল। এই সময় ক্ষেত্র-পরিদর্শক (Inspector of agriculture) কিছু

দিনের জন্ত বিদায় গ্রহণ করিলে, রমানাথবাবু তাঁহাকে সেই কার্যে নিযুক্ত করিলেন। ঘোটকারোহণে ও এক বোড়সোয়ার সঙ্গে লইয়া তিনি সময়ে সময়ে গ্রামে গ্রামে পরিদর্শন করিয়া বেড়াইতে লাগিলেন।

রতিকান্ত যখন বাটার ভিতর আসিতেন, তখন তিনি প্রায় মুখ তুলিতেন না। এই জন্ত দুই চারি দিন, সেই স্বর্ণকমল তাঁহার চক্ষে পতিত হয় নাই। কিন্তু যে দিন প্রথম সেই স্নিগ্ধ, স্নন্দর, বাসন্তীপূর্ণিমায় কোমুদীময় লাবণ্য তাঁহার চক্ষে পতিত হইল, সেই দিন রতিকান্তের সর্বশরীর রোমাঞ্চিত হইল। চক্ষু উন্মিষিত রহিল,—অন্তদিকে নয়ন ফিরাইবার ক্ষমতা লোপ পাইল। দৃষ্টি সেই স্থিরা-বিদ্যালতার দিকে আবদ্ধ রহিল। ক্ষণকাল আত্মবিম্বল হইলেন। যখন জ্ঞান সংযোগ হইল, তখন দেখিলেন,—শূন্য আকাশ নীল নৃত্যমণ্ডলের সহিত মিশিয়া গিয়াছে। সন্ধ্যার গৈরিকবর্ণ পশ্চিমদিক্ আরক্তবর্ণ করিয়াছে। ঘেন প্রকৃতি লজ্জায় অভিভূত হইয়াছেন। আজ রতিকান্তের নিশ্বাস, শ্রোত-হীন হৃদয়সরোবরে ধীরে ধীরে প্রবাহ বহিল। এতদিন সংসারে আসক্তি ছিল না ;—এতদিন সংসারে প্রিয় বস্তুর অন্বেষণ করিয়া বিফল হইয়াছিলেন ;—এতদিন তাঁহার জীবন ভার বোধ হইয়াছিল। কিন্তু আজ এক নিমেষে, কেমন ধীরে ধীরে মনের পরিবর্তন হইল ; কেমন সর্বশরীর উত্তেজিত হইল, মন নাচিয়া উঠিল, হৃদয় ফুলিয়া উঠিল ;—বুঝিলেন, জীবনে সুখের বস্তু আছে। সুখের বস্তু কি, যেমন উপলব্ধি হইল, অমনি শরৎসুন্দরীকে পুনরায় দেখিবার ইচ্ছা হইল। কিন্তু এ জগতে কাহার ইচ্ছা উঠিতে উঠিতে পূর্ণ হইয়াছে ? সকলকেই অপেক্ষা করিতে হয়। যে অপেক্ষা করিতে পারে, সেই ধীর ; যে পারে না, সে অধীর। যুবক চিরকালই অধীর, সুতরাং রতিকান্ত কতক্ষণ অধীর হইয়া ঘুরিয়া বেড়াইলেন, কিন্তু অকৃতকার্য্য হইয়া শয়নমন্দিরে উপ-

বেশন করিলেন। চিস্তার স্রোত চারিদিক হইতে বহিল, কিন্তু সকল স্রোত সেই এক স্থানে মিশিল। ভাবিলেন,—দেখিব? দেখিবার উদ্দেশ্য কি? শরৎ কে? তাহার সহিত আমার সম্বন্ধ কি? তাহার নাম মনে উঠিলে কেন আমার হৃদয়তন্ত্রী নাচিয়া উঠে? কেন শিরায় শিরায়, ধমনীতে ধমনীতে আঘাত হয়? এক মুহূর্তে রাশি রাশি প্রশ্ন করিলেন, কিন্তু একটীরও উত্তর দিতে পারিলেন না। মন উত্তরের অপেক্ষা করিল না, প্রশ্নের অর্থ বুঝিল না, কার্য ও কারণ দেখিল না, অগ্র পশ্চাৎ বিবেচনা করিল না, বর্তমান ও ভবিষ্যৎ ফল দেখিল না; একেবারে দেখিবার নিমিত্ত ব্যগ্র হইল। পাঠক! এই ব্যগ্রতার নামই অধৈর্য্য। এই অধৈর্য্য একদণ্ড বিচ্ছেদকে এক যুগ করে। ইহাই প্রণয়ের পূর্ব লক্ষণ।

পরদিন তিনি একবার, দুইবার, তিনবার দেখিলেন, কিন্তু শিশুর চন্দ্রদর্শনের জ্বাশ সাধ মিটিল না। কোথায় ছিলেন, কোথায় যাইতেছেন, সে বিবেচনা অধৈর্য্যের সহিত লোপ পাইল। মোহ আসিয়া দুই চক্ষু আবৃত করিল। দেখিয়া তাঁহার আশা পরিতৃপ্ত হইল না;—সেই মুখ হইতে একটা কথা শুনিতে বাসনা হইল। শরতের প্রথম সম্ভাষণ, রতিকাস্তের কর্ণে অমৃতবর্ষণ করিল। সে মধুর স্বর বীণাধ্বনি হইতে মিষ্ট বোধ হইল; গোস্বামী নিঃশব্দ গঙ্গাজলের ঝির্ ঝির্ শব্দ হইতেও স্নমধুর মনে হইল। তিনি উন্মত্ত হইলেন। প্রণয়সিক্তর স্নগতীর জলে মন ভাসাইয়া দিলেন। ঝটিকায় বিবুর্গিত, অন্ধকারে দিক্‌হারা ও অবশেষে স্রোতে তাড়িত হইয়া, ভাসিয়া চলিলেন। এত দিনের পর আপনার মন 'পরের হইয়া গেল। প্রণয়ের অধৈর্য্য, বিচ্ছেদের ক্লেশ, দর্শনে অর্তাপ্ত, সংসারে গাঢ় আসক্তি কেমন অলক্ষিত ভাবে হৃদয়ে প্রবেশ করিল।

দিন দিন প্রণয়ের উৎকর্ষ সাধিত হইতে লাগিল । ক্রমে ক্রমে ঐ বাতী আরম্ভ হইল । লজ্জা আর কতক্ষণ থাকিতে পারে ? তখন একস্থানে উপবেশন করিয়া পরস্পরে অসঙ্কুচিত চিত্তে কথোপকথন আরম্ভ করিলেন । ব্রজসুন্দরী দেখিয়াও দৃকপাত করিতেন না ; যেন দেখিতে পাইতেছেন না, এইরূপ ভাব প্রকাশ করিতে লাগিলেন । এই আলাপে তাঁহার সুখ ভিন্ন দুঃখ ছিল না । অনতিবিলম্বে শরৎ ও রতিকান্তের প্রণয় ঘনীভূত হইয়া আসিল ।

একদিন কাছারী হইতে রতিকান্ত বাটা প্রত্যাগত হইয়া শরতের অন্বেষণ করিতেছেন, কিন্তু কোথাও তাঁহাকে দেখিতে পাইতেছেন না । মনে মনে নানা প্রকার কল্পনা করিতেছেন । কখন ভাবিতেছেন,— আজ শরতের এ ভাব কেন ? অল্প দিন আমার অপেক্ষায় দাঁড়াইয়া থাকেন, এক মুখ হাসি হাসিয়া অমৃতলহরী উৎখত করেন, কত সুখের সংবাদ দিয়া মন মাতাইয়া তোলেন ? আজ কেন এই নিয়মের ব্যতিক্রম দেখিতেছি ? আজ কি হইল ? তিনি উঠিলেন, একে একে সকল কক্ষে, উদ্যানে, প্রতি বৃক্ষ অন্তরালে লতা বিতানে অন্বেষণ করিয়া কোথাও দর্শন পাইলেন না । তখন স্থির হইয়া ভাবিতে লাগিলেন,—“তবে কি শরৎ আমাকে না বলিয়া হানাস্তরে গিয়াছেন ?” এ সংবাদ কাহাকে কি উপলক্ষে জিজ্ঞাসা করিবেন, তাহাই কতক্ষণ চিন্তা করিলেন । শেষে কি মনে হইল, একবার রন্ধনশালায় গমন করিয়া দেখেন,—শরৎ-সুন্দরী মাতার নিকট উপবেশন করিয়া রন্ধনকার্যে সাহায্য করিতেছেন । চারিচক্ষু এক হইবামাত্র, তিনি লজ্জাভিভূতা ও নিষ্পন্দপ্রায় হইলেন । বিশাল নয়নবুগল ভূতলশায়ী হইল । কোন প্রকারে তাঁহার দিকে চক্ষু উঠিল না । এ অভিমান রতিকান্তের রাখিবার স্থান হইল না । তিনি নিমীলিত নেত্রে বিষম বদনে ও উৎকণ্ঠিতচিত্তে স্বকক্ষে প্রতিনিবৃত্ত

হইলেন । শব্যায় শয়ন করিয়া ভূত, বর্তমান ও ভবিষ্যৎ চিন্তা করিতে লাগিলেন ।

সন্ধ্যা হইয়াছে । পশ্চিমদিক্ লাল । বাহাতে সেই আভা পড়িতেছে, তাহাই লাল হইয়া উঠিতেছে । প্রকৃতি মধুময় । শরৎসুন্দরী অনেকক্ষণ অগ্নির উত্তাপে ও ধূমে ক্লিষ্টা হইয়াছিলেন । মুখ ও চক্ষু লাল হইয়া উঠিয়াছিল । ঘর্ম্মবিন্দু মুক্তাকারে পড়িতেছিল । তিনি শ্রান্তি দূর করিবার জন্ত উপবনে উপস্থিত হইলেন । সেই সময় কোন ভাবুক তাঁহাকে দেখিলে মহা বিদ্রাটে পড়িতেন । প্রকৃতি সুন্দরী, না শরৎ-সুন্দরী ইহা স্থির করিতে তাঁহার মস্তক ঘুরিয়া যাইত । রতিকান্ত চিন্তায় বিহ্বল ছিলেন, সুতরাং সে সৌন্দর্য্য দেখিতে তাঁহার অবকাশ ছিল না । শরৎ কতক্ষণ দাঁড়াইয়া রহিলেন, দৃষ্টি এক দিকে আছে, হৃদয়ে কেমন একটু শঙ্কার ভাব রহিয়াছে । পুত্রের মর্ম্মর শব্দ, কি কাহারও পদশব্দ কর্ণে প্রবেশ করিবামাত্র রতিকান্ত আসিতেছেন মনে হয় । মনে হইলেই সুখ ও লজ্জা মধুর তানে মিশাইয়া তাঁহার মনকে কেমন উল্লাসিত করিয়া তোলে । কতক্ষণ তিনি আবোল তাবোল চিন্তা করিয়া সচকিতে চতুর্দিক্ চাহিয়া কহিলেন,—“আজ আমি কি হইয়াছি, নতুবা কারণ না থাকা সত্বেও হৃদয় কেন চমকিয়া উঠিতেছে ?” একটু পরে স্বকণ্ঠে প্রত্যাবর্তন করিলেন ।

একটা একটা দিন, একটা একটা লোহ কীলক রতিকান্তের হৃদয়ে প্রোথিত করিয়া চলিতে লাগিল । এক দুই তিন করিতে করিতে এক সপ্তাহ চলিয়া গেল । শরতের সেই ভাব । রতিকান্তকে দেখিলেই চক্ষু ভূমিতে নামে, অথচ চলিয়া গেলে তাঁহার পশ্চাদ্দেশে দৃষ্টিনিক্ষেপ পূর্ব্বক, উদাসমনে ভাবিতে থাকেন । একদিন বৃক বিচ্ছেদের দারুণ যন্ত্রণায় ব্যতিব্যস্ত হইয়া ভাবিতেছেন, শরতের একি অনৈসর্গিক ভাব

উপস্থিত । এ ভাবের অর্থ কি ? একি লজ্জা ? এত দিনের পরে লজ্জা কোথা হইতে উথলিয়া উঠিল ? একি অভিমান ? আমার ক্রটি কোথায় ? তবে কি বিরক্তি ? কিন্তু আমার অপরাধ কি ? আজ যাহা হয় হইবে, আমি তাহাকে জিজ্ঞাসা করিব । এমন করিয়া দিন রাত্রি অবিশ্রান্ত চিন্তা করিতে পারি না । তিনি এই স্থির করত সময় প্রতীক্ষা করিয়া রহিলেন ।

সময় সন্ধ্যা । মল্লিকা নবমুকুলিত কুসুমের সুশোভিত হইয়া, মাথা নাড়িয়া সন্ধ্যাদেবীকে নমস্কার করিতেছে । ফুরুরে বাতাস কুসুমসৌগন্ধ চুরি করিয়া, দানে পাপক্ষয় এই বাক্যের যথার্থ্য প্রমাণ করিতেছে । এমন সময় শরৎসুন্দরী কুসুম আহরণ করিবার জন্ত মল্লিকার শাখা ধরিলেন ; অমুরাগে যেন মল্লিকার জদয় কাঁপিয়া উঠিল । সময় পাইয়া রতিকান্ত অলক্ষিতরূপে শরতের পশ্চাতে দাঁড়াইলেন । তিনি ফুল তুলিতেছেন আর বলিতেছেন, — “এ সংসারে মিলনট স্তব্ধ ; এই ফুল গুলি মল্লিকার কেমন শোভা করিয়াছিল, কিন্তু যাই আমি তাহাদিগকে তুলিলাম, অমনি গাছগুলি একেবারে বিস্ত্রী হইয়া গেল । পোড়া লজ্জাই আমার কাল হইল । এ লজ্জা আমি কেমন করিয়া দূর করিব ?” এই সময় রতিকান্ত কহিলেন, — “শরৎ, আজ লজ্জার দর্প চূর্ণ করিব ? যথার্থ একি লজ্জা, না রাগ ? আমার কি কোন অপরাধ হইয়াছে ? শরৎ । (সলজ্জভাবে) অপরাধ ! অপরাধ হইলে আমার হইয়াছে ।

রতি । তোমার আবার অপরাধ ?

শরৎ । লজ্জাই আমার অপরাধ ।

রতি । এ লজ্জা কোথা হইতে আসিল ?

শরৎ । সে বড় বিবম কথা ।—বৈশাখের পরিকার আকাশে কোথা হইতে মেঘ আসে, তা আমি কেমন করিয়া বলিব ?



রতি । শরৎ, আমাকে ছলনা করিতেছ ? তুমি কি কালমেঘের উৎপত্তি কোথায়, তাহা জান না ?—কথা কহিতেছ না যে ? আমাকে দুঃখ দেওনা কি তবে তোমার অভিপ্রায় ? আমি এখন তোমার ভার হইয়াছি ; আমার ছায়া কি তোমার কষ্টকর হইয়া উঠিতেছে ?

শরৎ । আমি কি তাহা বলিয়াছি ?

রতি । মুখে না বলিয়াও ত ইঙ্গিত করিতে পারা যায় ।

শরৎ । আমি ত কোন ইঙ্গিত করি নাই ।

রতি । আমি তোমাদের বাড়ীতে আগন্তুক ; প্রথমে সম্ভাষণ ও আলাপ করিয়া, যদি পরে সেরূপ বন্ধু ও আগ্রহ না দেখাও, তাহা হইলে ইঙ্গিতে কি রাগ দেখান হয় না ?

শরৎ । এ ত আমার রাগ নয়—এ আমার লজ্জা । আমি কেমন করিয়া তোমাকে সে কথা বলিব ?

রতি । কথা কি এত গুরুতর যে, হৃদয়ে থাকিয়া মুখে বাহির হয় না ? তবে কি তোমার হৃদয় ও মুখ এক নয় ?

শরৎ । আমি স্বপ্ন দেখিয়াছি,—সে স্বপ্নের কথা ।

রতি । তবে বলনা ? তবে আর ভয় কি ?

শরৎ । স্বপ্ন দেখিয়া অবধি আমার কেমন আতঙ্ক হইয়াছে !

রতি । স্বপ্ন অমূলক চিন্তা মাত্র, তাহা কি তুমি জান না ? স্বপ্নের কোন কথা সত্য হয় ? স্বপ্ন কখনও বিশ্বাস করিও না ।

শরৎস্বপ্নেরী সুদীর্ঘ নিব্বাস পরিত্যাগ করিয়া ধীরে ধীরে বলিলেন, “স্বপ্ন অমূলক চিন্তা মাত্র ! স্বপ্নের কোন কথা সত্য হয় না ! স্বপ্ন বিশ্বাস করিব না ! হায় ! তবে কেন স্বপ্ন দেখিলাম ?” তাঁহার চক্ষে জল আসিল, ভাবে হৃদয় পূর্ণ হইল ।

রতি । শরৎ, বিষয় কি জানিতে আমি বড় অস্থির হইয়া পড়িয়াছি ।

নাড়ী না দেখিয়া, আমি কেমন করিয়া রোগ নির্ণয় করিব ? তুমি স্বপ্ন বল, পরে আমি পরামর্শ দিব । আমাকে তোমার বিশ্বাস হয় না ?

শরৎ । বল্—কি করি, বলি—আজ আমার যন্ত্রণার বিয়াম হউক । সেদিন তুমি কাছারী চলিয়া গেলে, আমি ভূমিতে অঁচল পাতিয়া শুইয়া রহিলাম । একটু পরেই নিদ্রিত হইলাম । স্বপ্ন দেখি, যেন মা আমায় সন্নেহে আহ্বান করিয়া বলিলেন, শরৎ আজ তোর বিবাহ হইবে । আমি যেন ব্যস্ত হইয়া ভয়ে ভয়ে মার নিকট যাইলাম । দেখি,—যে বাঁহাকে প্রাণের প্রাণ ভাবিয়া এতাদন আকর্ষিত হৃদয়ে ভাল বাসিয়াছি, সেই হৃদয়নাথ বিবাহ করিবার জন্ত যেন আমার অপেক্ষা করিতেছেন । সুখে ভাসিয়া গেলাম । ভাবে শরীর রোমাঞ্চিত হইয়া উঠিল, কিন্তু যখন হাতে হাত দিতে যাই, তখন ঘুম ভাঙ্গিয়া গেল ।

‘প্রাণের প্রাণ’ এই কথাগুলি তীক্ষ্ণ স্মৃতিশ্রুতির দ্বারা রতিকান্তের হৃদয়ে প্রবেশ করিল । ভাবিলেন,—সে হৃদয়বন্ধু কে ? একটু কুণ্ঠিত হইয়া জিজ্ঞাসা করিলেন—“শরৎ, কে তোমার জন্ত অপেক্ষা করিয়াছিল ?” তিনি এ প্রশ্নের উত্তর দিবেন কি, লজ্জায় একেবারে জড়ীভূত হইয়া পড়িলেন । তাঁহার শরীর স্থির রহিল, কেশাগ্রও নড়িতে পারিল না । রতি পুনরায় কহিলেন,—“গোপেন্দ্র কি তোমার জন্ত অপেক্ষা করিতেছিল ?”

শরৎ । আমি কি তাহাকে ভালবাসি—না তাহার সঙ্গে কথা কহি ?

রতি । তবে কি ব্রজেন্দ্র ?

শরৎ । এই কি তোমার বিচারে স্থির হইল ?

রতি । তবে কে ? সে এখন কোথায় ?

শরৎ । তিনি সকল স্থানে আছেন !

রতি । সে কি তোমার সম্মুখে ?

ঈশ্বর কটাক্ষ এই প্রেমের উত্তর দিল ।

রতি আশ্লাদে ভয়কণ্ঠ হইয়া কহিলেন,—“তবে কি আমিই তোমার জন্ত অপেক্ষা করিতেছিলাম ? আমি কি এত পুণ্য করিয়াছি ? তবে একবার মুখ ডোল, আমি প্রাণ ভরিয়া তোমাকে দেখি ।” এই বলিয়া অবগুষ্ঠন মুক্ত করিলেন । সন্ধ্যার কাদম্বিনীর গ্রায় শরতের গণ্ডযুগল লাল, মুখ হইতে অপূর্ব শ্রী বিনিগত হইতেছিল, বিশাল বিস্তারিত নয়নযুগল হইতে পবিত্র, স্নিগ্ধ সুধাময় জ্যোতিঃ নিঃসৃত হইতেছিল । কি অল্পম সৌন্দর্য্য ! কি মনোহর লাবণ্য ! কি স্বর্গীয় ভাব ! রতিকান্ত আশ্চর্য্যবিশ্বতের গ্রায় কতক্ষণ অনিগম নয়নে চাহিয়া রহিলেন ভাবিলেন, একি স্বপ্ন ? এই কি স্বর্গ ? এই কি প্রণয় ? এই অসার হৃৎধময় পাপপূর্ণ পৃথিবীতেও কি এমন পবিত্র সুখ রহিয়াছে ? এই সংসার-পরিভ্রান্ত পিতৃমাতৃহীন অভাগার জন্তও ঈশ্বর সুখের আয়োজন করিয়া রাখিয়াছেন ?” মন্দিরে তাঁহার সহিত দেবমূর্তির যে কথা হইয়াছিল, দপ্ করিয়া মনে পড়িয়া গেল । মুক্তি বলিয়াছিলেন,—আমার রাজ্যে বালুক ! অধর্ম্মের প্রভাব ? আশ্চর্য্য লাভ করিয়া তিনি ঐশ্বর্য্যগলে শরৎকে বেষ্টন করিয়া ধরিলেন ; হস্ত চুষন করিয়া বলিলেন,—“এ অভাগা আজ হইতে তোমার সেবার জন্ত নিযুক্ত হইল,—আজ তাহার জীবনের লক্ষ্য স্থির হইল—আজ অন্ধকারময় পৃথিবীতে ভপনের কিরণ প্রবেশ করিয়া তাহার হৃদপদ্ম প্রস্ফুটিত করিল ।

শরৎ । কান্ত ! সে কি কথা ? কোন্ হিন্দুর গৃহলক্ষ্মী সেবার জন্ত পতিকে নিযুক্ত করে ? আজ হইতে আমিই তোমার সেবার জন্ত নিযুক্ত হইলাম । তুমি শ্রান্ত হইলে আমিই সেবা করিব ।

রতি । শরৎ, বাহাকে দেখিলেই সকল শ্রান্তি দূর হয়, বাহার

কথা শুনিগে তুফা নিবারণ হয়, বাহার কোমল স্পর্শে যন্ত্রণা অপহৃত হয়,  
সে আবার কি সেবা করিবে ? আজ হইতে তোমাকে আমার কণ্ঠহার  
করিলাম ;—আজ হইতে দুই জনের এক প্রাণ হইল ।

এই সময় ব্রজসুন্দরী শরতের নাম ধরিয়া ডাকিলেন । টাঙ্কারা  
উভয়ে গেল চাকিত, ভীত হইয়া উঠিয়া গেলেন ।



# ত্রয়োবিংশ পরিচ্ছেদ



## মেঘনুত্তর সূচী

শরৎসুন্দরী রতিকান্তকে 'কান্ত' বলিয়া আহ্বান করতেন। তাঁহার পিতৃস্মার নাম রতিসুন্দরী, সূত্রাং নামধরিয়া ডাকা যুক্তিসঙ্গত হয় নাই। কান্তের ধাতু প্রত্যয় যদি ভাবিয়া দেখিতেন, তাহা হইলে বোধ করি, শরৎ অসঙ্গুচিত চিন্তে তাঁহাকে কান্ত বলিয়া ডাকিতে সাহস করিতেন না। একদিন রমানাথ, ব্রজসুন্দরী ও শরৎ মিলিত হইয়া নানা প্রকার কথাবার্তা কহিতেছেন, এমন সময় ব্রজসুন্দরী স্বামীকে নির্দেশ করিয়া কহিলেন,—“দেখিয়াছ, রতির মা বাপ কি নির্ধুর,—কেমন করিয়া প্রাণ ধরিয়া এমন পুত্রকে বিদায় দিয়াছে।”

রমা। নিশ্চয়ই ভিতরে রহস্য আছে? আমি এতদিন ব্যস্ততা প্রযুক্ত জিজ্ঞাসা করিতে সাবকাশ পাই নাই।

ব্রজ। রতি ঘেরূপ সং ও সুবোধ, তাহাও যে, সে কোন মন্দ কর্ম করিয়া পলাইয়া আসিয়াছে, এমন বোধ হয় না।

রমা। ভিতরে কিছু আছে?

পিতার মন্তব্য শুনিয়া শরৎসুন্দরী একটু ক্লম হইলেন, এই জ্ঞান আর নিরন্তর থাকিতে না পারিয়া সলজ্জ ও সঙ্গুচিত ভাবে পিতা মাতাকে রতিকান্ত সম্বন্ধে বাহা জানিতেন, তাহা বর্ণনা করিলেন। তিনি বিশ্বাস করিয়া সর্বল চিন্তে নিজের জীবনের যে পরিচয় শরৎকে দিয়াছিলেন,

আজ তিনি ভবিষ্যতের ফলের দিকে লক্ষ্য না করিয়াই বলিয়া ফেলিলেন ।  
কে জানিত, এই কথায় সূর্য্য মেঘমুক্ত হইয়া কুমুদিনীর সংহার করিবে ?  
কে জানিত, একখানি শিলা পতনে অদৃষ্ট-শ্রোতের গতি ফিরিবে ?  
কে জানিত, ক্ষুদ্র আঘাতে বিশাল রসালোশ্রিতা হেমলতা ভূমে গড়াগড়ি  
দিবে ? রমানাথ নির্বাক ! কতক্ষণ মুখে কথা গরিল না । আপন  
মনে বলিতে লাগিলেন,—“নশ মাস গর্ভ ধারণ করিয়া জগন্নাথ বাইতে-  
ছিলেন, তাহাই কি হইবে ? \*অসম্ভব—সম্ভব অসম্ভব বলিয়া কি কোন  
বস্তু এ পৃথিবীতে আছে ? ‘মহারাগীর’ সহিত মুখের গঠন এক—কি  
আশ্চর্য্য ! ব্রজসুন্দরী বলিলেন,—“তুনি আপনাপনি দেখি প্রশ্ন তুলিতেছ,  
আর আপনাপন নিষ্পত্তি করিতেছ—একটু ভাল করিয়া বল, আমরা শুনি ।

রমা । বল দেখি, রতিকান্তের মুখের সহিত, মহারাগীর মুখের  
সাদৃশ্য আছে কি না ?

ব্রজ । ( কিঞ্চিৎ ভাবিয়া সহাস্যে ) হঁ।—চক্ষে এক ভাব,  
চাছনি এক প্রকার, দাড়ির গঠন এক, কাণ দুখানি ছজনেরই ছোট—  
হঁ, মুখখানি ঠিক মহারাগীর মতন ।

রমা । আমার বোধ হয় রতিকান্ত মহারাগীর হারান পুত্র ।

ব্রজ । কেমন করিয়া বুঝিলে ?

রমা । জলেশ্বরের নিকটস্থ বনেই তিনি পুত্রত্যাগ করেন । আমি  
রাজবাটী চলিলাম ; মহারাগীকে সংবাদ দিই ।

এই বলিয়া রমানাথ বাস্তু হইয়া চলিয়া গেলেন ।

শরৎসুন্দরী প্রথমে বিস্মিত হইলেন । রতিকান্ত রাজপুত্র হইবেন  
শুনিয়া, আত্মাঙ্গের সীমা রহিল না । \*কতক্ষণ কত ভাবে তাঁহার  
মূর্ত্তি চিন্তা করিলেন । ভাবিলেন,—সংসারে ঈশ্বরের প্রেম,  
ভ্রাতা ও দ্বন্দ্ব অবিরাম গতিতে প্রবাহিত হইতেছে । তিনি বখাসময়ে

সকলের দিকে দৃষ্টি করেন ও ভ্রায়বিচার করিয়া সকলকে যথাস্থানে স্থাপন করেন । রতির ভূত জীবনের সাহিত, ভাবী জীবনের তুলনা করিয়া তিনি যার পর নাই উল্লাসিত হইলেন । কিন্তু অল্পক্ষণ পরেই মুখ মলিন হইয়া আসিল । উৎসাহ চলিয়া গেল । আত্মাদের শ্রোত বন্ধ হইল । শরীর ভার ও বিষন্ন হইল । কে যেন অলক্ষিতরূপে কাণে কাণে কহিয়া গেল, শরৎ সুখের এই অবসান, আশার এই বিনাশ, প্রণয়ের এই শেষ চিত্র । তিনি অনেকক্ষণ বিষন্ন বদনে হৃৎপের চিন্তা করিতে লাগিলেন । শেষে গর্বেষের সহিত বলিয়া উঠিলেন,—“কি, আমি এতই স্বার্থপর যে, প্রিয় সুহৃদদের সুখেতে হৃৎখিত হইব ? যাহা যাক্ আমার সুখ—দূর হইয়া যাউক, তথাপি আমার ‘কান্ত’ রাজা হউন । আহ ! তাঁহার মত এত কষ্ট রাজ্যকূলে জন্মিয়া কেহ সহ করিয়াছে কি, জানি না ।”

সন্ধ্যার সময় রতিকান্ত কাছারী হইতে ফিরিয়া আসিয়া দেখিলেন,—রমানাথ বাবুর বাটীর অবস্থার সমুহ পরিবর্তন হইয়াছে । বহির্দ্বাৰীতে ঘরবানের দল বসিয়া আছে, তাঁহাকে দেখিবামাত্র নতশির হইল । অন্তঃপুরেও নুবাগত দাসীরা হুড়াহুড়ি করিতেছিল, তাঁহাকে দেখিবামাত্র সকলে পলকহীন নেত্রে তাঁহার দিকে চাহিয়া রহিল । রমানাথ তাঁহার আগমন শ্রবণ করিয়া মহাব্যস্ত হইয়া বাহিরে আসিলেন, এবং নতশির হইয়া বলিলেন,—“আপানই এই রাজ্যের রাজা, আমার অনেক অপরাধ হইয়াছে, সে ক্ষমা ক্রমা প্রার্থনা করি । না জানিয়া আপনাকে কত ক্লেশই দিয়াছি ।”

রতি বিশ্বম্ভরপ্রফুল্লমুখে তাঁহার হস্ত চাপিয়া ধরিলেন । দীর্ঘে ধীরে বলিলেন,—“আজ এই সকলের তাৎপর্য বুঝিতে আমি নিতান্তই অক্ষম, এ সকল যেন অভিনয়ের ভ্রায় বোধ হইতেছে, অথবা আমার

জ্ঞান বুঝি হ্রাস হইয়া আসিতেছে ? এ সকল কি, অল্পগ্রহ করিয়া মহাশয় সবিশেষ বলুন ।”

রমা । আপনি মহারাজ শশধর রাও বাহাদুরের পুত্র । মহারাজ্ঞী আপনাকে অনিবার্য্য কারণে জলেধ্বরের এরণো পরিত্যাগ করিয়া আসিয়াছিলেন । কল্য প্রভৃষে রাজবাটী গমন করিতে হইবে, এই জন্ত এই সকল ভূতেরা আয়োজন করিতে আসিয়াছে ।

রতিকান্ত কিছুই বলিলেন না । অপরের হাসি অধরে মিলাইয়া গেল । আকাশে চাট্টিয়া কহিলেন,—“রৌদ্দের পর বৃষ্টি, বৃষ্টির পর রৌদ্ৰ, এই সংসারের নিয়ম । আমাকে আবহনে কেলিয়া বিধাতা ভূমি পেলা করিতেছ, বোম হয় কপালে আরও বৃষ্টি ও বজ্রপাত আছে, নহিলে ভয়ানক শীত গত না হইতে হইতে, কেন একেবারে প্রচণ্ড মার্ত্তণ্ড গগনে উদয় হইবে ?” এই বলিতে বলিতে শরৎসুন্দরীর কক্ষাভাস্তরে গমন করিলেন ।

শরৎ রতিকান্তের দর্শন মাত্র দুই হাত তুলিয়া ‘মহারাজের জয় হউক’ বলিলেন ।

রতি । তুমিও কি বিধাতার বাজীতে যোগ দিয়া ঠাড়া আরম্ভ করিবে ?

শর । এ কি বাজী, না ঠাড়া ? এ সে প্রকৃত কথা ।

রতি । প্রশয়িনীর কি এই সাজে ?

শর । এখনও ভোল নাহি, আমি বলি সে কথা ভুলিয়াছ ?

রতি । যাহার হৃদয় আছে, সে মানুষ, সে কি জড়ের পরিবর্তনে অস্তরের কথা ভুলিতে পারে ?

শর । প্রকৃতির নিয়ম এই যে এক আধারে একই সময়ে দুই বিষয়ের সমাবেশ হয় না । যেখানে প্রেম, সেখানে রাজ্যচিন্তা থাকিতে



পারে না। রামচন্দ্র তাহার সাক্ষী। রাজ্যলোভের জন্ত সীতার নির্দাসন হইল। ধন্য প্রেম !

রতি। আমি কি রাম হইলাম ? কিন্তু রামের প্রেম অকপট, সরল ও বিপুল ।

শর। সেই জন্ত বুঝি জীবন্ত সীতাকে জলন্ত আগুনে পোড়াইয়া গ্রহণ করেন ?

রতি। ( ঈষৎ হাসিয়া ) তবে আমি রাম হইব না,—আমি যাহা তাহা আছি, তুমি না আমার অলঙ্কার দিতেছ ?

শর। তা যা হক্,—কাল নিতান্তই বাইবে ? কিন্তু কি আশ্চর্য্য—সুখ ও দুঃখ এক সময়ে উপস্থিত হয়, তাহা এই নূতন দেখিলাম !

রতি। সুখ কি ?

শর। এত দিনের পর গৌরমোহন দত্তের মুখে চুণ কালী পড়িল। এত দিন পরে সে বুঝিবে যে, তাহার সেই জাতিনাশা ভৃত্য, এখন রাজরাজেশ্বর। পোড়া বিধাতারও মুখে ছাই যে, তার শিকলী কেটে তুমি সুখের সংসারে প্রবেশ করিলে।

রতি। দুঃখ কি ?

সরোবরে নলিনী প্রস্ফুটিত হইয়াছিল, মনে করিয়াছিল সেই সরোবরে চিরদিন নিরুদ্দম প্রদীপের মত বিরাজ করিবে। এখন প্রবল ঝটিকা উপস্থিত, শেষে মূল অবশি না ছিঁড়িয়া যায়।

রতি। তুমি কি এই পরিবর্তনকে ঝটিকা বিবেচনা কর ; আর তাহার এত ক্ষমতা হইবে যে, প্রণয়ের রুটিন মৃণাল ভগ্ন করিবে ? এই বিচ্ছেদরূপ মহা মহা বায়ুহিল্লোলে নলিনী ঈষৎ হেলিয়া ফুলিয়া আরও নরনের প্রীতিকর হইবে, অলি স্থানচ্যুত হইয়া বিপুল আক্রোশে স্বস্থান অধিকার করিবে। যে নদীতে তরঙ্গ উঠে

না, সে নদী, নদীই নয় । বিচ্ছেদে প্রায় শিথিল হয় না, বরং দৃঢ় হয় ।

এবস্থি নানা প্রকার কথোপকথনে অনেক রাত্রি হইল । ক্রমে শরতের আলম্বলক্ষণ প্রকাশ পাইল । রতিকান্ত অলিন্দে উঠিয়া আসিয়া বসিলেন । শরৎ নিদ্রাগত হইলেন । নিম্নে ব্রজসুন্দরী রন্ধনকাণ্ডে আস্ত । রাজস্বসচিব মহাশয়ের স্ত্রী আজ একাকিনী হইয়াও দশভুজার আয় অল্পক্ষেত্রে অল্পপূর্ণাক্ষেপে অবতীর্ণ হইয়াছেন । বর্তমান সময়ের বহুদিগের আয়, ব্রজসুন্দরী পরিশ্রমকাতরা, শংকর সহিত মল্লযুদ্ধ-ক্ষমা, ভ্রাতৃ-বিচ্ছেদ-তংপর, স্বার্থসাধন-পরবশা, রন্ধনকাণ্ডে সম্মত জ্ঞানভীনা ও গর্ব্বিতা ছিলেন না । গৃহের সকল কার্য্যেই তিনি তংপর, বিশেষতঃ তাঁহার প্রস্তুত অন্ন বাঞ্ছন লোকে আহ্বার করিবে এবং তিনি স্বহস্তে পরিবেশন করিয়া সকলের মনস্তুষ্ট করিবেন, এ আশ্লাদ রাখিবার তাঁহার স্থান ছিল না । এখন সেম সাহেবদিগের দেবাদেশি রন্ধনকাণ্ডে নিতান্ত নীচ ও ঘৃণ্য হইয়া দাঁড়াইয়াছে । এখন সকলেই রন্ধনকারী ব্রাহ্মণ রাখিবার দ্রষ্টব্য । গৃহিণীদের নানা রূপ ব্যারাম হইতে দেখা যাইতেছে ; যথা—স্নায়বীয় দৌর্ব্বল্য, মুর্ছা ও নানা প্রকারের স্ত্রীরোগ । এই সকল ব্যারাম পূর্বে ছিল না—সভ্যতার সঙ্গে সঙ্গে আসিতেছে । বাঙ্গালীর জীবন কেবল অপদার্থ ব্যবহারগুলির অহু-করণে কাটিয়া গেল । কোথায় গেল ধর্ম্ম, কোথায় গেল স্বার্থত্যাগ, কোথায় গেল স্বজ্ঞপ্তিপ্রেরণ, আর কোথায় গেল দেহের ব্যায়াম সাধন । এখন যেমন জীর্ণ জীর্ণ দেহ তেমনই নিস্তেজ মন, তেমনই অধাচ্ছা পাত্ত প্রভা, তেমনই অর্থানটনের উপর বিলাসিতা । গড়াইতে গড়াইতে কোথায় যে এই জাতি শেষে দাঁড়াইবে তাহা সেই ব্রহ্মাণ্ডদেবই বলিতে পারেন ।

রতিকান্তের হৃদয়ে চিৎকার শ্রোত খরধারে প্রবাহিত হইতেছিল, এমন সময় শরৎসুন্দরী চাঁকার করিয়া কাঁদিয়া উঠিলেন । তিনি ব্যস্ত হইয়া কক্ষাভ্যন্তরে প্রবেশ করিয়া তাঁহাকে বেষ্টন করিয়া ধরিলেন ; পরে অতি মধুর ও কৰুণস্বরে কহিলেন,—“কি হইয়াছে শরৎ ?”

শরৎ । কান্ত, আমি জাগরিত ! এক ভয়ানক স্বপ্ন দেখিয়াছি ! তবে কি তোমার সহিত এ জীবনে আর দেখা হইবে না ? এই কি শেষ দেখা ? এই কি জন্মের শোধ আলিঙ্গন দিতেছ ?

রতি । ( ব্যত্ভাবে ) কি হইয়াছে ? এই শরীরে বতদিন এক বিন্দু রক্ত বহিবে, তত দিন আমার প্রতিজ্ঞার অগ্রথা নাই—ছার রাজ্য-লোভ ! শরৎ, তুমি কি একেবারে উন্মাদিনী হইয়াছ ?

শরৎ । কান্ত, দেখিলাম—তোমাতে আমাতে দূর দেশে পলাইয়া যাইতেছি । অনেক দূর গমন করিবার পর সম্মুখে নদী পাইলাম পার হইবার নৌকা একখানিও ঘাটে নাই । কেবল পরপারে একখানি ক্ষুদ্র নৌকা আছে । তুমি কহিলে, আমি সাঁতার দিয়া পার হই—পরে নৌকা আনিয়া তোমায় পার করিব । আমি সম্মত হইলাম না ; কহিলাম—এক মুহূর্ত্তও তোমার বিচ্ছেদ সহিতে পারিব না ; যদি নদী পার হইতে না পারি, চল অগ্র পথে যাই । তুমি শুনিলে না, অনেক বুঝাইলে, শেষে কাঁদিতে কাঁদিতে স্বীকার করিলাম । তুমি লক্ষ্য দিয়া জলে পড়িলে । অল্প পরে অপর পারে পৌঁছিলে । আমার দিকে আর ফিরিয়া ও চাহিলে না, তুমি যেন উন্মনা হইয়া বরাবর চলিয়া গেলে । আমি কত চেষ্টাইলাম, কত অনুন্নয় বিনয় করিলাম, কত কাঁদিলাম, কিন্তু তুমি যেন কিছুই শুনিলে না, বরাবর চলিয়া গেলে । এই সময় নদী-তটস্থ বন হইতে এক কামিনী বাহির হইয়া তোমার হাত ধরিল । অমনি দৃষ্টিতে অরণ্য মধ্যে কোথায় লুকাইয়া পড়িলে ।

শরৎসুন্দরী নিস্তরু হইলেন; আর আর করিয়া নয়নবারি ঝরিতে লাগিল ।

রতি । ( মধুর হাসিয়া ) তুমি কি জান না যে, দিনের ভাবনা রাত্রে স্বপ্নমূর্তি ধরে । একটু পূর্বে তুমি সামান্য বিচ্ছেদকে ঝটিকা মনে করিয়াছিলে, অতরাং তোমাকে নিরুজ্জ্বল দেখিয়া স্বপ্ন ঝড়ে উড়াইতেছিল ।

শর । চিন্তা কারলে কি হইবে ? সংসারে অদৃষ্টে সকলের মূল । আমি বিচ্ছেদকে ভয় করি না ; তবে অভাগিনী অবলাগণের কপাল মন্দ, তা নড়িলে পতি-সোভাগিনী দময়ন্তী কেন নলের দারুণ বিচ্ছেদ সহ্য করিয়া, উন্মাদিনীর আয় রাস্তায় রাস্তায় বেড়াইবে ? কেনই বা পঞ্চবীর-পত্নী পাঞ্চালী পতি সম্মুখে হঃশাসনের অদৃশ্য শাসনের বশীভূতা হইবে ?

রতি । তুমি কি আমাকে বিশ্বাস করিতে পারিতেছ না ?

শর । সে কথার কি আবার প্রশ্ন হইতে পারে ? আমি, যতদূর হইতে পারে বিশ্বাস করি ; তুমিও যতদূর সম্ভব ততদূর বিশ্বাসী ; কিন্তু এ সংসারে কোন মানুষ আপনার অবস্থার দাস নুহে ? কে অবস্থা, সময় ও অদৃষ্টের বিরুদ্ধে মনের ইচ্ছা সফল করিতে পারিয়াছে ? রামচন্দ্র কি স্বেচ্ছায় জানকীকে বনবাস দিয়াছিলেন ? না উগ ভীষ্মেন সহজ প্রিয় পত্নীর অবমাননা সহ্য করিয়াছিলেন ? আমি সকল বুঝি, কিন্তু অদৃষ্টের ভয়ে ব্যস্ত হইয়াছি ।

রতি । তুমি স্থির ও নিশ্চিন্ত মনে ভগদীপ্তরের উপর আশ্রয়সমপণ কর, তোমার ও আমার সকল বিপদ দূর হইবে ।

রজনীর অবসান হইল । বহির্কীর্তীতে স্বর্ণ চতুর্দোলা প্রস্তুত । সকলে ভাবী মহারাজার অপেক্ষা করিতেছে । তিনি প্রেরিত রাজ-

পরিচ্ছদ পরিধান করিলেন, লগাটে ধৌত চন্দনের প্রলেপ দিলেন, গলায় মতির মালা পরিলেন, কর্ণে বীরবোলি ধারণ করিলেন। সেই অলোক-সামান্য রূপসম্পন্ন রতিকান্ত আজ অলৌকিক ও অনির্বচনীয় সৌন্দর্য্যপ্রভা প্রকাশ করিলেন। শরৎসুন্দরী তাঁহাকে আলিঙ্গন করিয়া, স্বহস্ত-গ্রথিত বেল ফুলের মালা গলায় পরাইয়া দিলেন। তিনি হাসিয়া বলিলেন,—“শরৎ, এই মালাই তোমার প্রতিনিধি হইয়া আমার হৃদয়ে রহিল। আমি যেখানে কেন থাকি না, এই হৃদয় শরতের চিত্র ভিন্ন কোন কালে অণু কোন মূর্ত্তি ধারণ করিবে না। তুমি প্রকল্পমনে আমাকে আজ বিদায় দাও।” শরৎ হাসিতে পারিলেন না; কেবল গলা ধরিয়া বলিলেন,—“আমরা চির অভাগিনী, নহিলে এ স্নেহের সময়, কেন তোমায় প্রাণ ভরিয়া রাজসভায় বসিতে দেখিতে পাইলাম না?”

রতি। তুমি কি জান না, পাটেশ্বরী রাজসভায় রাজার বামে বসিয়া থাকেন।

এইবার না হাসিয়া শরৎ থাকিতে পারিলেন না। কুন্দ দস্তপাঁতি জীবৎ বাহির করিয়া কহিলেন,—“অত লোকের মধ্যে তা হয়ত আমি পারিব না।

রতি। তবে কি তোমার প্রেমে খুঁত আছে, নহিলে আমার নিকট বসিতে তোমার লজ্জা হইবে কেন

শরৎ। এইবার ঠকেচি—আর লজ্জা দিও না।

রতি। অভিষেকের সময় তোমাকে রাজবাটী বাইতে হইবে।

তিনি শরৎসুন্দরীকে গাঢ় প্রণয়ভরে আলিঙ্গন করিয়া ও ব্রজ-সুন্দরীকে প্রণাম করিয়া চতুর্দোলায় উপবেশন করিলেন। প্রথম, বাত্মকরেরা বাদন করিতে করিতে চলিল; দ্বিতীয়, পদাতিক সৈন্তেরা হুই শ্রেণীতে বিভক্ত হইয়া পতাকা ধারণ করিয়া চলিল; তৎপরে অশ্বা-

রোহী সৈন্ত ঐ রূপ দুই ভাগে চলিল ; চতুর্থ ভাগে রাজকর্মচারী কেহ  
অশ্ব, কেহ গজ, কেহ যানে গমন করিলেন । সর্বশেষে রতিকান্ত  
আটজন অস্বারোহী শরীররক্ষককে পশ্চাতে করিয়া চলিলেন । তিনি  
শিবিকায় উঠিবা মাত্র সকলে “জয় জয়” ধ্বনি করিতে লাগিল । দেশের  
আবালবৃদ্ধবনিতা তাঁহাকে দেখিবার নিমিত্ত রাস্তায় ভাঙ্গিয়া পড়িল ।  
পুরস্কারদিগের মধ্যে কেহ শয্যা উত্তোলন করিতেছিল, এমন সময়  
কোলাহল শ্রবণ করিয়া বাঠায়নের নিকট আগমন করিল, হাতের  
উপাধান হাতে রহিয়া গেল, রাখিবার সাবকাশ কোণায় ? কেহ বা  
বিলিষ্ট কণ্ঠমালা সূত্রে পরাইতেছিল, অকস্মাৎ বাত্বোদম শ্রবণ করিয়া  
গবাক্ষে চলিল, হাতে কণ্ঠমালা আছে তাহা ভুলিয়া গিয়াছে ।  
ঝর ঝর করিয়া দানাগুলি পড়িতে পড়িতে শেষে একটা মাত্র  
হস্তে অবশিষ্ট রহিল । কেহ বা বস্ত্রাস্তর গ্রহণে উদ্যোগ করিতেছে,  
এমন সময়ে সংবাদ পাইয়া, বিবজ্রা বাতাহনে ধাবমান হইল । কাহার  
হস্তের মুকুর হস্তে রহিয়া গেল । এইরূপ সকলে নিস্পন্দভাবে অনি-  
মিষ নয়নে, সেই অনিন্দিত প্রদীপ্ত নিশ্চলকাস্তি সন্দর্শন করিয়া আপনা-  
দিগকে সোভাগ্যবতী বিবেচনা করিতে লাগিল । . .

যতক্ষণ চতুর্দোলা দেখিতে পাওয়া গেল, ততক্ষণ শরৎসুন্দরী  
একদৃষ্টে, একাগ্রমনে দেখিতে লাগিলেন । যখন দৃষ্টিপথের বহির্ভূত  
হইল, তখন চারিদিক অঁধার দেখিলেন । উষার তেমন হেমবর্ণ  
তাঁহার নিকট বিবর্ণ বোধ হইল ।

# চতুর্বিংশ পরিচ্ছেদ

—)\*:\*(—

উইল। .

এক অতি বৃহৎ উদ্যানে, সকল দেশের ফল ও ফুলের বৃক্ষ, গুল্ম ও লতা যথাস্থানে সন্নিবেশিত হইয়া প্রকৃতির চমৎকার শ্রী সম্পাদন করিতেছিল। মধ্যস্থলে এক সরোবর—শ্বেত ও স্বচ্ছ সলিলে পরিপূর্ণ। তাহারই পশ্চাদ্ভাগে এক স্তব্ধ প্রস্তর নির্মিত ত্রিতল রাজপ্রাসাদ। এমন সুন্দর, এমন গগনভেদী, এমন শিল্পকৌশলসংযুক্ত অট্টালিকা আর দ্বিতীয় রাজধানীতে ছিল না, অত্মদেশেও এইরূপ প্রাসাদ অতি বিরল। উদ্যানের চারিদিকে প্রাচীর; মধ্যো সিংহদ্বার; সশস্ত্র রক্ষীবর্গ দ্বারা দিবারাত্রি রক্ষিত। উদ্যানের মধ্যে বৃহৎ বৃহৎ প্রাস্তর। তথায় সময়ে সময়ে সৈন্তগণ সমবেত হইয়া সামরিক কৌশল প্রকাশ করিত, কখনও বা কৃত্রিম যুদ্ধে তাহাদিগকে নিযুক্ত করিয়া শত্রুবাহ ভেদ করিবার শিক্ষা দেওয়া হইত। প্রাসাদের সন্নিকটে পশুশালা, প্রমোদ উদ্যান, বিলাস ভবন, নন্দন কানন, পুষ্পকাগার প্রভৃতি সুসজ্জিত নানা-প্রকার উদ্যান ও প্রাসাদের শ্রেণী।

আজ প্রাস্তরের মধ্যে সৈন্তগণ সশস্ত্রে ও রাজকীয় পরিচ্ছদে ( Uniform ) ভূষিত হইয়া, মহোন্মাদে দাঁড়াইয়া করিতেছিল। চতুর্দোলা তোরণে উপস্থিত হইবা মাত্র, উৎকীর্ণ সৈনিকগণ নিস্তব্ধ হইল। সেনাধ্যক্ষের এক ইঙ্গিতে সকলে সমান্তরাল রেখাতে দাঁড়াইল। তর-

বারির খেলা আরম্ভ হইল । শত শত সৈন্যের অসির বন্বনায় ভুমল  
 শব্দোৎপন্ন হইল । রতিকান্ত হস্তকোশল ও লব্ধস্বতা দর্শন করিয়া  
 অবাক হইলেন । সিংহধারে প্রকাণ্ড ধ্বজা পত্ পত্ শব্দে উড়িতেছে ।  
 ধারদেশ অতিক্রম করিয়া কিরদূর সম্মুখে অগ্রসর হইয়া দেখিলেন, একশত  
 হস্তী কারুকার্য-খচিত মণমলের পারিচ্ছদে সুসজ্জিত হইয়া, নবমহারাজাকে  
 শুভোত্তোলন পূর্বক আহ্বান করিল । শুধু দ্বারা তিন বার 'সেলাম'  
 করিয়া, ভূমিষ্ঠ হইয়া প্রণিপাত করিল । তৎপরে সকলে উঠিয়া মহারাজার  
 প্রতি একবার তাক দৃষ্টি করিল । আজ্ঞাদে গমিত হইয়া গভীর  
 নির্ঘোষ করিল । গবের চিহ্ন স্বরূপ তুইচক্ষু হইতে মদ গরিতে লাগিল ।  
 এক্ষণ পঞ্চশত ঘোটকারোহী রাস্তার দুই পাশে নিঃশব্দে দাড়াইয়া দিগ ।  
 এখন ভাবী মহারাজকে সনাগত দেখিয়া, 'অগ্গণকে টঙ্কিত করিল ।  
 এক সময়ে সমুদয় ঘোটক আরোহী লইয়া যুক্তিকায় গমন করিল ।  
 দ্বিতীয় উজ্জিতে উঠিয়া দাড়াইল । অশ্বারোহীর দল ক্ষিপ্ত হস্তে তরবার  
 সঞ্চালন করিতে করিতে, এমন সরল রেখাতে দোড়িতে লাগিল যে,  
 রতিকান্ত ক্ষণকাল আশ্চর্যম্বিত হইলেন । একমনে সেই দিকে চাহিয়া  
 রহিলেন । তাহার অদৃষ্ট হইলে দেখিলেন, 'প্রাসাদের' সম্মুখে উপস্থিত  
 হইয়াছেন ।

রেসিডেন্ট কাপ্তেন লুইস সাহেবকে অগ্রবর্তী করিয়া রাজ্যের সমুদয়  
 উচ্চ কৰ্ম্মচারিগণ রাজকুমারকে সমস্ত্রমে অভিবাদন করিলেন । আজীবন  
 রাজ-সেবিত ও শিক্ষিত রাজকুমারের ত্রায় তিন সকলকে স্নানধূর বচনে  
 যথাযোগ্য প্রত্যভিবাদন করিলেন । একদিকে কাপ্তেন সাহেব, অত্রদিকে  
 প্রধান মন্ত্রী অযোধ্যানাথ তাঁহাকে সঙ্গে লইয়া সভাগৃহে প্রবেশ করিলেন ।  
 সভাগৃহে অতিশয় প্রশস্ত । চতুর্দিকে যুগ্ম স্তম্ভ, তত্পরি ছাদ সংরক্ষিত ।  
 প্রত্যেক স্তম্ভে এক একখানি বৃহদালেক্য । একখানিতে উগ্র ভীমসেন



জরাসন্ধের গ্রীবা ধারণ করিয়া, ভূতলশায়ী করিবার চেষ্টা পাইতেছে । দুঃখান্না জরাসন্ধ রোষপরবশ হইয়া, লোহিত লোচনে, ভয়ঙ্কর মূর্তিতে, শত্রুর বক্ষে পদাঘাত করিবার জন্ত বাস্ত হইয়াছে । ক্রোধের ইজিতে দুর্ধ্ব ভীমসেন উভয় পদদেশ বজ্রমুষ্টিতে ধারণ করিল । দ্বিতীয়ে, চিতোর-রমণী পদ্মিনী দক্ষিণ হস্তে শাগিত খজা ধারণ করিয়া, ঘোটকারোহণে পলায়নপরায়ণ সৈন্যদিগকে কহিতেছেন—“ভীক ! ক্ষত্রিয়-কুলকলঙ্ক ! রণে পৃষ্ঠ দিয়া কি এইরূপে স্বদেশ রক্ষা করিতে শিখিয়াছ ? এ অপদার্থ জীবনে প্রয়োজন কি ?” সৈনিকেরা এই কথা শুনিয়া যেন মোহিতপ্রায় হইয়া, সেই সূর্য্যপ্রভা পদ্মিনীর দিকে চাহিয়া আছে । তৃতীয়ে, দুই জন বীরপুরুষ মল্লযুদ্ধে প্রবৃত্ত হইয়াছে । একজন পদ্মিয়া গিয়াছে । জেতা বিজিতের বক্ষে বসিয়া বলিতেছে—“হারি স্বীকার কর, নহিলে এক পদাঘাতে মাথা ভাঙ্গিয়া ফেলি ।” বিজিত যেন মুখ-ভঙ্গী করিয়া বলিতেছে,—“অধঃস্থ যুদ্ধে আমাকে ফেলিয়া দিয়া আবার গর্ব্ব ! তোর গর্ব্বের দ্বিগুণ ! প্রাণ থাকিতে পতঙ্গের নিকট হারি স্বীকার করিব না ।” চতুর্থে,—এ দুই বীর পুরুষের মধ্যে বিজিত যেন চপলার প্রভারতায় এক মুহূর্তে আশ্চর্য্য ক্ষমতা প্রকাশ করিল এবং শত্রুকে পাতিত করিয়া গ্রীবা ধারণ করিল । সে মুখ কুটিল করিয়া গেজাইয়া বলিতে লাগিল,—“একেবারে কি মারিবে ?” ক্ষত্রিয় হাস্ত করিয়া কহিল,—“রে অনার্থ্য ! প্রাণ ভিক্ষায় তোর লজ্জা নাই ।” সিংহাসনের পশ্চাদিকের ভিত্তিতে এক বৃহদালেখ্য । এক অসাধারণ শ্রী ও বীৰ্য্য সম্পন্ন যুবা পুরুষ ঘোটক হইতে লক্ষ প্রদূর পূর্ব্বক, বাম হস্তে জীবিত ব্যাঘ্রের গলদেশ কঠিনরূপে ধারণ করিয়াছেন । দক্ষিণ হস্তে তীক্ষ্ণ অসি লইয়া তাহার মুখবিরে প্রবেশ করাইতেছেন । ব্যাঘ্রের মুখ হইতে অনর্গল শোণিতপ্রাব হইতেছে । ব্যাঘ্র লাঙ্গুল নাড়িয়া দাক্ষিণ্য

যন্ত্রণা প্রকাশ করিতেছে। রতিকান্ত এই বীরমূর্ত্তি দেখিয়া স্তব্ধ হইলেন।  
 ভুক্তির স্রোত উথলিয়া উঠিল। মনে মনে কহিলেন,—“কি ভয়ঙ্কর  
 দৃশ্য! কি অসাধারণ ক্ষমতা! কি অলস্তু তেজঃ! ইনি কে?” নিম্নের  
 লেখা পড়িয়া দেখিলেন—‘মহারাজ শশধর বাহাদুর ষোড়শ বৎসর বয়ঃক্রম  
 সময়ে স্বহস্তে জীবিত ব্যাঘ্র এইরূপে বিনাশ করেন।’ তিনি বিশ্বয়াপন্ন  
 হইয়া মনে মনে বলিলেন,—“কি আশ্চর্য্য! এই ক্ষীণ, এই নিস্তেজ,  
 এই সাহসশূন্য হতভাগা কি ঐ বীরপুরুষের পুত্র। তিনি গাঢ় ভক্তিতে  
 প্রণাম করিলেন।

সভাগৃহের মধ্যস্থলে অপূর্ণ হৈম সিংহাসন। কুলধাম্মাসারে  
 অভিব্যেক না হওয়া পর্য্যন্ত কেহ সিংহাসনে বসিতে পারেন না। আজ  
 রতিকান্ত অত্র আসনে উপবেশন করিলেন। পাশ্বে কাপ্তেন লুইস, মন্ত্রী  
 অযোধ্যানাথ ও রাজস্বসচিব রমানাথ, সেনাপতি প্রভৃতি অত্রাত্র কর্মচারী  
 স্ব স্ব মর্য্যাদামুসারে উপবেশন করিলেন। সভাগৃহের একপার্শ্ব সূক্ষ্ম  
 বস্ত্র দ্বারা আবৃত ছিল। স্বর্ণ ঝালরে তাহার চাকাচকা বৃদ্ধি করিতেছিল।  
 আবশ্যক হইলে রাজমহিষী অথবা অত্র পুরস্কাগণ এই স্থানে আগমন  
 করিয়া রাজসভার কার্য্য দেখিতে পারিতেন। আজ মহিষী কমল-  
 কুমারী অত্রাত্র সঙ্গিনীগণে পরিবৃত্তা হইয়া তথায় উপস্থিত হইয়াছেন।  
 রাজভৃত্য অযোধ্যানাথের আদেশে এক সুন্দর গজদন্ত-বিনিশ্চিত বাক্স  
 আনয়ন করিলে পর, কাপ্তেন সাহেব তাহা উন্মোচন করিয়া মৃত মহা-  
 রাজার উইল বাহির করিয়া, পড়িবার জন্ত এক সভাসদের হস্তে দিলেন।  
 সে এইরূপে পড়িতে লাগিল।

“আমি পূর্ণজ্ঞানে ও শরীরে নিম্নলিখিত আদেশ লিপিবদ্ধ  
 করিলাম। আমার মৃত্যুর পর এই আদেশামুযায়ী কার্য্য সম্পন্ন  
 হইবে।

সকলেই অবগত আছেন যে, মহিষী কমলকুমারী দেবী \* সপ্তদশ বর্ষ বয়ঃক্রম সময়ে গর্ভ ধারণ করেন । নবম মাস হইতে তাঁহার উন্মাদের লক্ষণ প্রকাশ পাইল । রাজবৈদ্য ইহা গর্ভের আত্মবঙ্গিক লক্ষণ বলিয়া স্থির করিলেন । প্রকৃত পক্ষে তাহাই বটে, কারণ প্রসবাস্ত্রে সেই ভাব অচিরে তিরোহিত হয় । ইতিপূর্বে নবকুমার দে নামক জনৈক রাজ কক্ষচারীর ভগিনী উৎফুল্লময়ী জগৎহত্যার অপরাধে অপরাধিনী হইলে, রাজদরবার হইতে বিশেষরূপে দণ্ডিত হয় । রাজসী নিতান্ত অসন্তুষ্ট হইয়া হিংসার বশবর্তিনী হইয়া আমার সর্বনাশ সাধনে ত্রুটি হয় । উৎফুল্লময়ীকে রাণী স্নেহ করিতেন । দণ্ডবসানে রাণী তাহাকে পূর্ববৎ স্নেহ প্রদর্শন করিতে লাগিলেন । এমন কি সমাজের দোষে যে সকল স্ত্রীলোক বিপণ্যগামিনী হইয়াছে, তাহাদের জন্ত তিনি স্বতন্ত্র বিধি নির্ধারণ করিতে আমাকে অনুরোধ করেন । উৎফুল্লময়ীর হৃদয়ে তখন প্রতিহিংসা গ্রহণের ইচ্ছা অতিশয় বলবতী ছিল । সে রাণীর অবস্থা বুঝিয়া, তাঁহাকে তদবস্থায় জগন্নাথ দর্শনের পরামর্শ দিয়াছিল । তিনি তখন একরূপ উন্মত্তা ছিলেন । হিতাহিত বিবেচনা করিতে অক্ষম হইয়া জগন্নাথ দর্শনের জন্ত সাতিশয় ব্যস্ত হইলেন । রজনীগোপে উভয়ে গুপ্তদ্বার দিয়া বাহির হইলেন । দুইখানি পাকি করিয়া উভয়ে সূর্যবর্ণরেখা নদীর তীরবর্তী বনপথে অনেক দূর চলিয়া গেলেন । পূর্ব-ঘাটের নিকটবর্তী এক স্থানে উপস্থিত হইয়া পিশাচী বাহকদিগকে বিদায় দিল তখন পদব্রজে যাইবার জন্ত পরামর্শ করিল । একে অস্থ্যাম্পশ্রা, তাহাতে সেই অবস্থায় রাণী আর কতদূর যাইতে পারে, জলেশ্বরের নিকটবর্তী বনে

\* যুত কালীপ্রসন্ন সিংহ মহোদয়ের মহাভারতে জ্যোতীকে দেবী বলিয়া অনেক স্থানে সন্মোদন করা হইয়াছে । তাহাতে বোধ হয় ক্ষত্রিয় জাতির জ্যোতিগকে দেবী সন্মোদনে ঘোষ হইতে পারে না ।

রাণীর প্রসববেদনা উপস্থিত হইল ; তিনি এক দিবা নবকুমার প্রসব করিলেন । দূর্ব্বতা পিশাচী রাণীর বস্ত্রাঞ্চল ছিন্ন করিয়া, সেই রাজকুমারকে ততপরি শয়ন করাইল, এবং শীঘ্র শীঘ্র সেই স্থান পরিত্যাগ করিয়া পুরীর পথে চলিতে লাগিল । কিন্তু অপতান্নেহের কি অনির্ব্বচনীয় শক্তি ! রাণী পুত্রের জন্ত বাথিতা হইলেন, ক্রমে ক্রমে জ্ঞান ফিরিয়া আসিতে লাগিল । তখন পিশাচীর অনিচ্ছায়ও তিনি প্রত্যাগমন করিলেন । কিন্তু হায় ! সে রাজকুমার তখন কোথায় কোন অনির্দিষ্ট পথে চলিয়া গিয়াছে । তিনি কাতরা হইয়া রাক্ষসীকে কতট তিরস্কার করিলেন । বহু জঙ্ক কর্তৃক ভক্ষিত হইয়াছে বিবেচনা করিয়া তাঁহার শোকের সীমা রহিল না । কিন্তু ছিন্ন অঞ্চল না দেখিয়া একটু সন্দেহান হইলেন । অনেক অন্বেষণ করিয়াও পুত্রের কোন সন্ধান পাইলেন না । কিন্তু বিধাতার কি বিড়ম্বনা ! উৎকল্লময়ীর প্রাণের আশঙ্কা করিয়া বহুকাল এ সকল কথা রাণী আমাকে বলেন নাট । আমি বৃদ্ধিাছিলাম যে, মৃত সন্তান মাত্র ভূমিষ্ট হইয়াছিল । উৎকল্লময়ীকে এই ভৃক্শ্মের মূল ও স্ত্রীহত্যা মহাপাপ বিবেচনা করিয়া তাম্রর মস্তকমুণ্ডন পূর্ব্বক পরিবার সহ রঘুনাথগড় হইতে বাহির করিয়া দিলে, তাহার ইংরেজ রাজ্যে আশ্রয় গ্রহণ করে ।

সেই গর্ভের চারি বৎসর পরে, আমার এক কন্যা জন্মগ্রহণ করে । তাহার চারি বৎসর বয়ঃক্রম সময়ে, আমি সপরিবারে জগন্নাথ দর্শনে গমন করি । বৈতরণী-তীরে শিবির সন্নিবেশিত করিয়া, আমি সৈন্তসহ যুগয়া করিতে পূর্বাচলে গমন করিলাম । সে দিন কি কুগ্রহ যে, সন্ধ্যার পর প্রবল বৃষ্টি ও বাতাসে আমরা দিহু হারা হইয়া, এক সন্ন্যাসীর গুহাতে সেই রাত্রি আশ্রয় গ্রহণ করিলাম । পরদিন প্রাতঃকালে শিবিরে আসিয়া দেখি, সমুদায় লণ্ডতও হইয়াছে, শিবিরের পূর্ব্বতী

নাই। দুই তিনটা পড়িয়া গিয়াছে। দুই চারটা মনুষ্যের মৃতমুণ্ড মধ্যে মধ্যে গড়াগড়ি দিতেছে। গুলিলাম নিশাকালে একদল প্রবল দস্যু শিবির আক্রমণ করিয়া সমুদায় ধনরত্ন অপহরণ করিয়াছে। বোদ্ধ-পুরুষেরা প্রথমে নিদ্রিত ছিল, তাহারা সংখ্যায়ও অল্প ছিল। শীঘ্র নিরস্ত্র হইল। রত্নের সহিত তাহারা আমার একমাত্র কন্যাকে অপহরণ করিয়া লইয়াছিল। রাণী সেই সময় স্বর্ণালঙ্কার পরিত্যাগ করিয়া সামান্য দাসীর পরিচ্ছদ গ্রহণ করেন। দস্যুপতি রাণীকে ধৃত করিবার জন্য উৎসুক হইলে, এক ক্ষুদ্রকায় দস্যু তাহাকে সে বিষয় হইতে বঞ্চিত করিয়া আমার প্রাণ ও মান রক্ষা করিয়াছিল।

পুত্রের দক্ষিণ জায়গাতে এক বৃহৎ কৃষ্ণ চিহ্ন (জটুল) আছে, তাহা এখনও আছে কি না বলিতে পারি না। বাম হস্তে ছয়টা অঙ্গুলি। পরিত্যক্ত ছিন্ন অঞ্চলে রাণীর নাম লেখা ছিল। আমার অবর্তমানে এই পুত্র পাওয়া গেলে, তিনি রাজ্যোত্থর হইবেন; কিন্তু বাল্যকালের প্রতিজ্ঞায় আমি আবদ্ধ বলিয়া তাহাকে আমার প্রিয়সুহৃদ্ পরলোকগত বসন্ত সিংহের কন্যা শ্রীমতি বোগেশ্বরীকে বিবাহ করিতে হইবে। বিবাহের পূর্বে কন্যার মৃত্যু হইলে স্বতন্ত্র কথা। অভিষেকের সময় পুত্রের পূর্ণচন্দ্র নামকরণ করিতে হইবে। বিবাহে অস্বীকৃত হইলে, পুত্র দ্বাদশ সহস্র মুদ্রা বাৎসরিক বৃত্তি পাইবেন ও আমার পিণ্ডের অধিকারী হইবেন না।

কন্যার নাম প্রভাবতী। তাহার সহিত আমার মুখের অনেক সাদৃশ্য আছে। তাহাকে এখনও দেখিলে অনেকে চিনিতে পারিবেন, এইরূপ ভরসা আছে। পুত্রের নিরুদ্ধেশে অথবা বিবাহে অস্বীকৃত হইলে এবং কন্যার উদ্দেশ্য পাইলে, প্রভাবতী মহিষীর অবর্তমানে রাণী হইবে। মহিষী জীবিতকালে কন্যার নামে রাজ্য শাসন করিবেন।

কত্থা ও যোগেশ্বরী প্রত্যেকে দ্বিসহস্র মুদ্রা মাসিক রুত্তি পাইবেন।  
পুত্র কত্থার অবর্তমানে রাণী মাসিক দশ সহস্র মুদ্রা রুত্তি পাইবেন এবং  
তাহার মৃত্যুর পর সদাশয় ইংরেজ গবর্ণমেন্ট আমার নিকটস্থ কোন  
উপযুক্ত জ্ঞাতিকে সিংহাসন প্রদান করিবেন।

আমার রাজা যে ভাবে শাসিত হইতেছে, ভবিষ্যতেও সেইরূপ ভাবে  
শাসন করিতে হইবে। ইংরেজদিগের রীতি নীতি, শাসনকৌশল  
প্রভৃতি সদৃষ্টান্ত সকল ও তাহাদের উপদেশ সর্বসময়ে গ্রহণ করিয়া, দিন  
দিন প্রজার সৰ্ব্বাঙ্গীন উন্নতি সাধন করিতে হইবে। ইতি।

প্রভাবতীর নাম শুনিয়া রতিকান্ত একেবারে উঠিয়া দাড়াইলেন।  
আহ্লাদের সহিত বলিলেন,—“প্রভাবতী নারায়ণগড়ের জমিদার নরেন্দ্র-  
লাল বাবুর বাটীতে আছে। তথায় তাহাকে চারি বৎসর বয়ঃক্রমের  
সময় কতিপয় দম্ভ্য পরিভাগ করিয়া আইসে। তাহার সহিত ঐ  
আলেখামধ্যস্থ ব্যাঘ্রহস্তা মহাপুরুষের মুখের অনেক সাদৃশ্য আছে।”  
এই সময় পার্শ্ববর্তী বন্যভাস্তরে অক্ষুট রোদনধ্বনি সমুথিত হইল।  
এক সময়ে পুত্র ও কত্থা পাওয়া গিয়াছে শুনিয়া কমলকুমারীর হৃদয়  
উদ্বেলিত হইয়া উঠিল। এত ভাব মনে উঠিতে লাগিল যে, তিনি  
তাহার বেগ ধারণে অসমর্থ হইলেন। ক্রমে তাহার চেতনা বিলুপ্ত হইল।  
কিঙ্করীগণ মুখে শীতল বারি সেচনে ও তালবৃন্ত ব্যঞ্জনে তাহাকে  
প্রকৃতিস্থ করিল।

রতিকান্তের দক্ষিণ বাহুতে এখনও ক্লেশ চিহ্ন রহিয়াছে। বাম হস্তে  
ছয়টি অঙ্গুলি। তিনি কহিলেন, “জলেশ্বর গ্রামের রামনারায়ণ সিংহ  
আমাকে বন হইতে কুড়াইয়া আনেন, এবং সময়ে প্রতিপালন করিয়া  
আসিয়াছেন। একথও বুঝিলে ‘কমলকুমারী’ রেসমের সূতায় লেখা  
আছে, তাহা আমি দেখিয়াছি। অনেক দিন তিনি আমার জন্ম গোপন

করিয়া, আমি যে তাঁহার ঔরসজাত পুত্র এইরূপ প্রচার করেন । মাতা পদ্মমুখী সেই সময়ে এক মৃত সন্তান প্রসব করেন । আমাকে তাহার স্তলে অভিসিক্ত করিয়া, তাঁহারা পুত্রনির্বিশেষে পালন করিয়াছেন । আমি বড় হইয়া রামনারায়ণ সিংহের ভ্রাতৃবধূর নিকট এই সংবাদ পাঠিয়া, মাতা পদ্মমুখীকে জিজ্ঞাসা করি । তিনি অতি কষ্টে সমুদয় সত্য ঘটনা আমাকে এক দিন বলিয়াছিলেন । এখনি সেই পরিবারকে এখানে আনয়ন করিবার জন্ত লোক প্রেরিত হউক । উৎকল-ময়ী রামনগরে আছে । যখনই সুবিধা পাইয়াছে, তখনই পিশাচী আমার অপকার করিতে চেষ্টা করিয়াছে । এখনও বিন্দুমাত্র তাহার রাগের শমতা হয় নাই । পার্শ্বিনী বোধ হয় আমাকে চিনিতে পারিয়াছিল ।”

সকল সন্দেহ দূরীকৃত হইল । ভীষণ “জয় জয়” ধ্বনি আকাশে উঠিয়া জগৎ কাঁপাইয়া তুলিল । উদ্যানে নহবত অপেক্ষা করিতেছিল, এখন মধুর শব্দে বাজিতে লাগিল । বাজকের একশত বোমে অগ্নি প্রদান করিল । দেশ, আকাশ ও দিক্দিগন্ত কাঁপাইয়া, মহানিঘোমে দূরদূরান্তরে রাজবাটীর উৎসব জানাইল । মাতঙ্গের বৃংহতি, ঘোটকের হেঁষা রব, পিঞ্জরবদ্ধ পশুপক্ষীদিগের চীৎকার, নাগরিকদিগের কোলাহল, সৈনিক পুরুষদিগের “জয় মহারাজের জয়” ধ্বনি, বাজনার সহিত মিলিত হইয়া তুমুল কোলাহল সমুৎপন্ন করিল । কিয়ৎক্ষণ পরে সভা ভঙ্গ হইল ।

## পঞ্চবিংশ পরিচ্ছেদ ।



মা ও ছেলে

মাঙ্গলিক দ্রব্যাদি স্তবর্ণ পালে লইয়া রাণী কমলকুমারী এক প্রশস্ত কক্ষের দ্বারদেশে দাঁড়াইয়া আছেন। সাদের পুত্রকে তিনি আলিঙ্গন করিয়া, বহুকালের সঞ্চিত জ্বালা আজ জদয় হইতে দূর করিবেন। পুত্র ও মহাব্যস্ত হইয়া অন্তঃপুরে প্রবেশ করিলেন ; দেখিলেন, সাক্ষাৎ জগদ্ধাত্রীর স্থায় এক রমণী হস্ত বিস্তার করিয়া তাঁহার জন্ত অপেক্ষা করিতেছেন। স্বর্গীয় জ্যোতিঃ যেন তাঁহার মুখমণ্ডল হইতে ফুটিয়া বাহির হইতেছে। তিনি সাষ্টাঙ্গে সেই দেবীপ্রতিমাকে প্রণাম করিয়া, মাতার পাদদেশে আপন মস্তক স্থাপন করিলেন। মাও তাঁহাকে সমস্ত উত্তোলন করিয়া, প্রথমে মাঙ্গলিক ক্রিয়া সকল একে একে নিষ্পন্ন করিলেন, পরে উভয় হস্তে পুত্রকে বেষ্টন করিয়া ধরিলেন। এতদিন যে স্নেহরাশি জদয়ের নিভৃত কক্ষে আবদ্ধ ছিল, আজ যেন তাহার দ্বার খুলিয়া গেল। বেগে—অতিবেগে স্নেহের স্রোত প্রবাহিত হইল। অবিরলধারে ক্রন্দন করিতে করিতে মা আজ জদয়ে শান্তি লাভ করিতে লাগিলেন। মা যত কাঁদিতে থাকেন, পুত্রও তত ক্রন্দন করেন। উভয়ের শোকবেগ আজ উথলিয়া উঠিল। গভীর জীবনের কত কথা একেবারে রাশি রাশি মনে উঠিতে লাগিল। দরায় উপবেশন করিয়া মা পুত্রকে ক্রোড়ে গ্রহণ করিলেন। রতিকাস্ত্র নরনোন্মীলন পূর্বক জননীর মুখ



নিরীক্ষণ করিয়া যেন অপার আনন্দ লাভ করিলেন । সদানন্দ ব্রহ্মচারী যে ভাবে তাঁহার রূপ ও মহিমা বর্ণন করিয়াছিলেন, যে দেবীমূর্তি তিনি মানসপটে প্রতিষ্ঠা করিয়া, এতদিন ধ্যান করিয়া আসিতেছিলেন, আজ এই জীবন্ত ভুবনেশ্বরীর সম্মুখে সে সকলের তুলনাই হইতে পারে না বলিয়া মনে হইল । 'এমন পবিত্র, এমন স্নেহোদ্দীপক, এমন সৌন্দর্য্যময়, এমন অপার্থিব মুখমণ্ডল তিনি জগতে আর কোথায়ও দেখিয়াছেন বলিয়া মনে হইল না । কি বিশাল বিস্তীর্ণ নয়নযুগল ! যেন অপূৰ্ণ স্বর্গীয় ভানে বিভোর রহিয়াছে, সে চক্ষু যেন সংসারের কোন নিকৃষ্ট বস্তুতে কখন পতিত হয় না ; যেন সদাই বিশ্বপতির বিশ্বমোহন ভাবে মুগ্ধ রহিয়াছে ।

রতিকান্ত যতই মাতার মুখাবলোকন করেন, ততই যেন ভক্তিবাসে প্লাবিত হইতে থাকেন । 'চক্ষু হইতে অনর্গল বারি বিগলিত হইতে লাগিল । করুণ কণ্ঠে বলিলেন,—“জননি, তোমার ক্রোড়ে আজ শয়ন করিয়া আমার অন্তরের দারুণ জ্বালা বিদূরিত হইল । আমি পথে পথে, নগরে নগরে, অনিদ্রায়, ক্ষুধাতৃষ্ণায় কাতর হইয়া, মা-মা বলিয়া এতদিন যে ঘুরিয়া বেড়াইতেছিলাম, মনের আবেগে ও যাতনায় জলে ঝাঁপ দিয়া যে জ্বালা নির্বাণ করিতে গিয়াছিলাম, জীবনে কেবল নৈরাশ্রের শ্রোত বহিতেছিল ভাবিয়া ঈশ্বরের বিশ্বপ্রেমে সন্নিহান হইয়াছিলাম, আজ কিন্তু এই মুহূর্তে, আমার সকল কষ্ট, সকল যন্ত্রণা, সকল চিন্তা কে যেন দূর করিয়া দিল । মা ! সংসারে আমার মত ভাগ্যবান আজ কে আছে ?”

এমন সময় মার মনে কি এক অনির্বচনীয় ভাব প্রবেশ করিয়াছে । তিনি বলিলেন,—“বৎস, আমার মনে হইতেছে, যেন স্রবর্ণরেখা নদী আজ নির্জন ও গভীর বনের ভিতর প্রবাহিত ; তাহারই একদেশে আজ তোমাকে প্রসব করিয়া আমি ক্রোড়ে ধারণ করিয়াছি । এখনও

যেন তুমি আমার সেই ক্ষুদ্র, সেই অপরিপুষ্ট, স্নান ও লাবণ্যযুক্ত শিশু । বিংশতি বৎসর কেমন করিয়া গেল, আমি তাহাই ভাবিতেছি ।”

রতি । মা, ভগবানের রূপায় আমার সমুদায় অভীষ্ট সিদ্ধ হইয়াছে, প্রার্থনা করিবার বিষয় এখন আমার কিছুই নাই । আমি কি কম পুণ্যবান, তাই ইহ জগতে তোমার মত দেবীকে আমার জননী বলিয়া পাঠিয়াছি । তোমার পদধূলি আমার মস্তকে দাও, জন্ম-জন্মান্তরে তুমিই আমার মা হইও, যেন চিরজীবন তোমার আজ্ঞাবহ হইয়া এ নম্বর জীবন শেষ করিতে পারি ।

মাতা অনিমিষ নয়নে পুত্রের দিকে চাহিয়া আছেন । পুত্রের রূপ, দেখিয়া পরিতৃপ্তি কিছুতেই হইতেছে না । রতিকান্তের হৃদয় আজ নানা ভাবে পরিপূর্ণ । সেই ভাবের উদ্ভেজনা ললাটে ও গণ্ড-স্থলে যে লালরেখা পড়িয়াছে, তিনি, বিশ্বস্নেহকুল নয়নে একদৃষ্টে তাহাই দেখিতেছেন । অকস্মাৎ মানসপটে যেন গভীর স্মৃতিচিহ্ন জাগিয়া উঠিল । নয়নযুগলে অনর্গল অশ্রু ঝরিতে লাগিল । এই আকস্মিক পরিবর্তনে পুত্র বাখিত হইয়া, ফোড় হইতে উঠিয়া ধরায় বসিলেন । কাতরকণ্ঠে বলিলেন,—“মা—ওমা—কি হইয়াছে—কেন না তুমি হঠাৎ ব্যাকুলা হইয়া উঠিলে ?”

মা । বৎস,—কতদিন, কতমাস, কতবৎসরের পরে আজ পুত্র ও কন্যা পাইয়া আমি অসীম দুঃখের তরঙ্গ পার হইয়া কূল পাইলাম । হায় ! মহারাজা জীবদ্দশায় এ সুখ ভোগ করিতে পারিলেন না । পুত্র ও কন্যার শোকে ভগ্নহৃদয় হইয়া, যৌবনেই জীবন বিসর্জন করিলেন !—তিনি আর বলিতে পারিলেন না, কাঁদিয়া বুক ভাসাইলেন ।

রতি । মা, শাস্ত্রে বলে, পিতা স্বর্গ হইতেও শ্রেষ্ঠ,—তুমি

আমাকে সেই পিতার কথা বল । আমি প্রাণ ভরিয়া তাঁহার কথা শুনি । এ জীবনে যে সেই মহাপুরুষকে আর দেখিব না, এই মহাতপঃ এ জন্মের তরে প্রাণে বিদ্ধ হইয়া রহিল ।

মা । বৎস, স্বর্গীয় মহারাজা এক অদ্বিতীয় পুরুষ ছিলেন । এমন প্রতিভাশালা, এমন শক্তিশালী পুরুষ এ রাজ্যে আর দ্বিতীয় জন্ম গ্রহণ করেন নাই । তিনি দৈহিক ও মানসিক বলে সকলকেই পরাস্ত করিতেন । পুত্র কন্যার জন্ত তাঁহার অন্তরে কিছুনাশ স্মৃতি ছিল না । এত যে মনের কষ্ট, কিন্তু তাহা মুখে প্রকাশ করিতেন না । দিন রাত্রি—কি উপায়ে এই হিন্দুরাজ্য আদর্শরাজ্য হইবে, তাহারই চিন্তায় কালক্ষেপ করিতেন । গ্রামে গ্রামে শিবির সন্নিবেশিত করিয়া স্বচক্ষে প্রজার অবস্থা দেখিতেন ও তাহাদের আবেদন গ্রহণ করিয়া যথাসাধ্য বিচার করিতেন । কাহারও কষ্ট দেখিলে, তাঁহার হৃদয় ফাটিয়া যাইত । এই পরিশ্রমের উপর পুত্র কন্যার বিয়োগভঞ্জে তাঁহার মানসিক ক্ষুধা ক্রমে ক্ষীণ হইতে লাগিল, কিন্তু বাহ্যদৃশ্যে তাহা কেহই বুঝিতে পারিত না । এক দিন দ্বিপ্রহরে অন্নবাঞ্ছন প্রস্তুত, ভৃত্য তাঁহাকে সংবাদ দিতে ছুটিয়া গেল । তিনি শয্যায় শয়ন করিয়া বিশ্রামসুখে লাভ করিতেছিলেন । ভৃত্যের কথা শুনিয়া সবলে বিছানা হইতে উঠিয়া দাঁড়াইলেন । কিন্তু কি যে হইল, মাথা ঘুরিয়া শয্যার উপর পড়িয়া গেলেন । সংজ্ঞা লোপ পাইল, বাক্য রহিত হইল । অন্নক্ষণ পরে মানবলীলা সাক্ষ করিলেন । রাজবৈজ্ঞ বলিলেন, ইহাকে হৃদরোগ বলে, এ রোগ শিবের অসাধ্য । সেই দিন হইতে এই রাজপুত্রী যেন অশ্রুশানে পরিণত হইল, অলস্তু দীপকে যেন কে হুঁদিয়া নিবাইয়া দিল, সমুদ্রের রাজ্য অন্ধকারে পূর্ণ হইল ।

রতি । মা, তুমি নাকি সেই দিন হইতে অন্নবাঞ্ছন পরিত্যাগ

করিয়৷ কঠোর ব্রহ্মচর্য্যাবলম্বন করিয়৷ দুঃখ ও ফল ভোজনে দেহ ক্ষয় করিতেছ ?

মা । বৎস, মহারাজ যে অন্নব্যঞ্জন পরিত্যাগ করিয়৷ স্বর্গবাসী হইলেন, তাহাতে কি আমার আর অধিকার আছে ? আমি কোন্ মুখে অন্নব্যঞ্জন আহ্বার করিব ? আর এ জীবনের কি মূল্য আছে ? রাজারক্ষার জন্ত এতদিন আমার জীবনের বরং প্রয়োজন ছিল ; এখন তুমিই রাজ্যভার গ্রহণ করিবে । বৎস, আর আমার পৃথিবীর সহিত কি সম্বন্ধ ?

রতি । মা ! তবে কি আমি সমুদ্রে ভাসিয়া যাইব ? তোমাকে দেখিয়া আমার তৃপ্তির শেষ এখনও হইতেছে না—তুমি চলিয়া গেলে, মা আমি কোথায় যাইব, কাহাকে আশ্রয় করিব, আমার কে আছে মা ? আমি অতিশয় ভাগ্যহীন, তাহা না হইলে, মা কেন পুত্র পাইয়া তাহাকে পরিত্যাগ করিতে কৃতসঙ্কল্প হইবেন ।

মা । না বৎস, আমি জীবিত থাকিতে কখনই তোমাকে স্বৈচ্ছায় পরিত্যাগ করিতে পারিব না । পুত্র বিনা যে আমি এতদিন জীবিত ছিলাম, ইচ্ছাই আশ্চর্য্য ।

এইরূপে মাতা ও পুত্র কত কথাই হইতে লাগিল । অকুরন্তু কথার কি শেষ হইতে পারে ? একবার অপার আনন্দ-স্রোতে আবার তঃখের স্মৃতির মধ্যে উভয়ে ডুবিয়া গেলেন । অনেকক্ষণ পরে কর্তব্যপারায়ণ পুত্র করযোড়ে বলিলেন,—“মা—তোমার আদেশ হইলে আমি এখনই নারায়ণগড় হইতে প্রভাবতীকে আনয়ন করিতে পারি ।” কমল-কুমারী ভাবী অমঙ্গল আশঙ্কা করিয়া কহিলেন,—“এ কার্য্য কি সেনাপতি করিতে পারিবেন না ? তোমার যাইবার কি নিতান্তই আবশ্যক হইবে ?” তিনি বিনীত মস্তকে ও নম্র বচনে কহিলেন,—

“মা, এতদিন প্রভাবতী সেই স্থানে আছে কি না সন্দেহ;—আমি তাহাকে অন্বেষণ করিয়া আনিতে পারিব।” মাতার সম্মতি গ্রহণ ও চরণবন্দনা করিয়া পরদিন রতিকান্ত পঞ্চাশৎ গজারোহী ও একশত অশ্বারোহী ও তিনশত পদাতিক সৈন্য সঙ্গে নারায়ণগড়ে প্রস্থান করিলেন। এ দিকে, রামনারায়ণ ও শ্রামনারায়ণ ও তাহাদের পরিবারবর্গকে আনিবার জ্ঞা যথাযোগ্য লোক প্রেরিত হইল। কালাচাঁদের জননী ও স্ত্রীকে এই সময় ভুলিলেন না। তাহাদের জ্ঞাও লোক ছুটিল। একজন বাহক দ্বিসহস্র মুদ্রা ও একখানি ক্ষুদ্র লিপি লইয়া ঈশ্বরদাস বাবুর বাটীতেও অশ্বারোহণে চলিয়া গেল।



# ষড়্বিংশ পরিচ্ছেদ।

—):\*:(—

## নরবলি।

আজ কাঠিক মাসের অমাবস্তা তিথি। পূর্বাচল-সন্নিহিত, গভীর-অরণ্য-মধ্যস্থিত সেই উগ্রচণ্ডীর মন্দিরে সন্ধ্যাসময়ে নৃত্যগীত হইতেছে। দেবী পুষ্পভরণে সুশোভিতা,—লোহিত জ্বাপুষ্পহার গলদেশে দোতলামান, কপালে রক্তচন্দনের ফঁটা; লোল জিহ্বা লক্ লক্ করিতেছে। সম্মুখে উজ্জ্বল মশাল সারি সারি জলিতেছে। দম্ভাদল আজ মত্তপানে বিহ্বল হইয়া কেহ নৃত্য করিতেছে, কেহ গীত গাহিতেছে, কেহ হুঙ্কার ছাড়িতেছে। সেনাপতি ভীমসিংহ রক্তাশ্র পরিধান করিয়া, চণ্ডীর সম্মুখে ঘোড়করে দণ্ডায়মান আছে। মুখ শুষ্ক, বিষণ্ণ ও গম্ভীর। নয়নে জল নাট, কিন্তু অন্তর বিষাদ-চিন্তায় পরিপূর্ণ। নিরাশার স্রোত বহিতেছে। সেই স্রোতস্বিনীর উভয় পার্শ্বে মরুভূমি। কোন্ কূলে আশ্রয় লইবে, ভীমসিংহ তাহা স্থির করিতে পারিতেছে না। কতক্ষণ ধ্যানমগ্ন হইয়া ভক্তির সজ্জিত করযোড়ে কহিতে লাগিল;—“মা জগদম্বে! ভুবনপালয়ত্রি, সর্বার্থসাধিকে! অভাগাকে কি একেবারে পরিত্যাগ করিলে? এমন দুর্ভাগ্য, এমন নরাধম, এমন পায়ণকে তবে কেন পৃথিবীতে প্রেরণ করিলে? আমি তোমার ঐ শতদল-পদ্ম-শোভিত শ্রীচরণাশীর্ষাদে তোমার অসি গ্রহণ করিয়া, বঙ্গে হিন্দু জাতির গৌরব রক্ষা করিব, মনে করিয়াছিলাম; সেই

জ্ঞাত আজ চতুর্দশ বৎসর তোমাকে ভক্তিভরে পূজা করিতেছি, বৃক চিরিয়া রক্ত দিতেছি, কিন্তু তথাপি কেন প্রকল্প হইতেছ না ? মা, তবে কি আমি নিতান্ত হতভাগ্য ? যদি আমার দ্বারা সংসারের কোন কার্যই না হইল, তবে পাপাত্মা ভীমসিংহের জীবনে প্রয়োজন কি ? তবে কোন কার্য 'সাধনের জ্ঞাত তাহার জন্ম হইল ? মা—তুমি অন্তর্ধ্যামিনী, তুমি পতিতপাবনী, তুমি মহিষাসুরমর্দিনী, নৃমুণ্ডমালিনী, তুমি সকলই জানিতেছ, সকলই বুঝিতেছ, তবে কেন এ দাসের অন্তর্জালা নিবারণ করিতেছ না ?" ভীমসিংহ চক্ষু মুদ্রিত করিল। রঘুবীর সিংহ পাশ্বে দণ্ডায়মান হইল। এইভাবে কিছুক্ষণ চলিয়া গেল।

অনন্তর ভীমসিংহ কহিল,—“প্রতিহারী, কুলপুরোহিতকে ডাকিয়া আন।” এক সপ্ততিপর বৃদ্ধ ব্রাহ্মণ উপস্থিত হইলে, সেনাপতি কহিল,—“দেব, লগ্ন উপস্থিত ;—দেবীর পূজায় উপবেশন করুন।” সে ‘যে আজ্ঞা’ বলিয়া আসনে উপবিষ্ট হইল।

এক ঘণ্টার পর, বৃদ্ধ পুরোহিত গাত্রোথান করিয়া কহিল,—“রাজন, শুভলগ্নে বলি প্রদান করুন, আজ দেবী সন্তুষ্টা হইয়া আপনার মনোবাঞ্ছা পূর্ণ করিবেন ; আমার দক্ষিণ চক্ষু ও দক্ষিণ বাহু স্পন্দিত হইতেছে।” ভীমসিংহ সহাস্ত বদনে কহিল,—“প্রতিহারী, শীঘ্র বলি আনয়ন কর।” অল্পপরে চারিজন দম্ভ্য হতভাগ্য কৃষ্ণশঙ্করকে দ্বন্দ্ব লইয়া দেবীর সম্মুখে উপস্থিত হইয়া তাঁহার পদতলে শয়ান করাইল। তাঁহার হস্ত পদ আবদ্ধ, কটিদেশে রক্তাশ্রু, গলদেশে জবামালা ললাটে সিন্দূরবিন্দু। তাঁহার শরীর অতিশয় ক্ষাণ, মুখ স্নান, কখনও চক্ষু বুজিতেছেন, কখনও বা মেলিতেছেন। সে অবস্থা দেখিয়া অজ্ঞাতসারে রঘুবীরের চক্ষু হইতে জল পড়িতে লাগিল। ভীমসিংহ উচ্চকণ্ঠে কহিল,—“নরাদম, আজ তোর অন্তিম সময় উপস্থিত হইয়াছে ;

তুই হস্তীর ঝায় বল পাইয়া কেবল পদসেবা করিতে শিখিয়াছি; তুই সংসারের কণ্টকবৃক্ষ, তোর দ্বারা ভারতের কোন উপকার নাই ; এই জন্য আজ এই মুহূর্ত্তে তোকে দেবীর সম্মুখে উপহার দিয়া তাঁহার প্রসন্নতা লাভ করিব ।”

কৃষ্ণশঙ্কর কোন উত্তর দিলেন না । তিনি কেবল অশ্রুচক্ষু চক্ষে একদিকে চাভিয়া রহিলেন । রঘুবীর কহিল,—“যদি কিছু বলিবার থাকে, বলিতে পারেন, সময় অল্প ।” মুহূর্ত্তেরে কৃষ্ণশঙ্কর কহিলেন,— “এই পবিত্র সময়ে, মৃত্যুর সম্মুখে দম্ভার সহিত কথা কহিতে রণা করি ; যাহা বলিবার তাহা ঈশ্বরকে বলিয়াছি—মারিতে ইচ্ছা হয় মার—কিন্তু এ ছব্রত, কাপুরুষ ভীমসিংহের সম্মুখে আমায় অধিকক্ষণ রাখিও না ।” শরীরের এমন অবস্থা হইয়াছিল যে, এই উত্তেজনায় তাঁহার মোহ উপস্থিত হইল ।

পুরোহিত পুনরায় পূজায় উপবেশন করিল । আড়ম্বরের সহিত ঢাক ও দাগান্না বাজিয়া উঠিল । দম্ভারা হুঙ্কার করিয়া উঠিল । তুমুল কোলাহল নৈশ গগনে উপিত হইয়া দিক্দিগন্তরে ছড়াইয়া পড়িল । পুরোহিত পূজা সমাপনান্তে, রক্তচন্দনে ও সিন্দূরে কৃষ্ণশঙ্করের অঙ্গ বিভূষিত করিল । কস্মাকারকে নির্দেশ করিয়া কহিল,—“রামধন, দেবীর ইচ্ছায় সকলই প্রস্তুত ।” অমনি বাগ্ম স্তবিত হইল । প্রকৃতি এককালে নিঃশব্দ হইল ।

কৃষ্ণশঙ্করের সংজ্ঞা নাই । অস্বাস্থ্যকর স্থানে আবদ্ধ থাকিয়া ও দূষিত বায়ু সেবনে এত নিস্তেজ ও দুর্বল হইয়া পড়িয়াছিলেন যে, বাহুজ্ঞান প্রায় তাঁহার লোপ পাইয়াছিল । তুই জন দম্ভা তাঁহাকে প্রাক্ষণে নামাইয়া লইয়া আসিল । হাড়িকাঠে গলদেশ রাখিয়া দিল । তিনি স্পন্দশূন্য হইয়া পড়িয়া রহিলেন । সকলে মশাল লইয়া চতুর্দিকে



দাঁড়াইল। গভীর কণ্ঠে ‘না, জয় মা চণ্ডী’ বলিয়া চীৎকার করিল। বার্ককোর ভাৱে রামধন কৰ্ম্মকারের কটিদেশ এখন আর বন্ধ নহে। বেশ সরল ও সবল দেহে ও কঠিন হস্তে ভীষণ খড়্গোত্তোলন করিল। মুহূর্তের জন্ত সকলে নিস্তব্ধ হইল। কৃষ্ণশঙ্করের একবার চেতনা হইল। তিনি বাহু জগতের ভয়ঙ্কর ভাব দেখিয়া মূঢ় হাসিলেন, ভাবিলেন,—“পিতার কি অনিষ্টজনীয়া শ্রদ্ধা ! এমন বিপদে, এমন দুঃসময়ে তিনি আমাকে যেন অভয় দিতেছেন।”

ঠিক এই সময় উত্তরাদিক্ হইতে দুইজন রক্ষকদ্বন্দ্ব দৌড়িয়া আসিল ! হাঁপাইতে হাঁপাইতে কহিল,—“সৰ্বনাশ—মহারাজা—হাতী, অশ্ব, সৈন্ত।” সকলে চকিত হইল। ভীমসিংহ উঠিয়া দাঁড়াইল। ক্ষণকাল দম্ভাদল উদ্বেলিত হইয়া কৰ্তব্যবিমূঢ় হইল।

ক্রমে ক্রমে কোলাহল আরম্ভ হইল। হস্তীর আশ্ফালনে, বৃক্ষরাজ্যের সমূল উৎপাটনে, হস্তিশ্রেণীর পদশব্দে, সৈনিকদিগের চীৎকারে দিক্ পরিপূর্ণ হইল। ভীমসিংহ ‘অস্ত্র’ বলিয়া চীৎকার করিল। কেহ লইতে সাবকাশ পাইল, কেহ বা হুগাঁভিমুখে পলায়ন করিল। সকলে বিস্মিত ও বিচ্ছিন্ন হইল। মহারাজ পূর্ণচন্দ্র নারায়ণগড় অভিমুখে যাইবার জন্ত এই সহজ পথ অবলম্বন করিয়াছিলেন। তাঁহারা অরণ্যে পথ হারাইয়া শেষে উগ্রচণ্ডীর মন্দিরসম্মুখে উপস্থিত হইলেন। দম্ভাদলকে দেখিবামাত্র সেনাপতি অমরসিংহ বিগল বাদন করিলেন। কি সৈন্ত, কি অশ্ব, কি গজ—সকলে নিস্তব্ধ হইল। তখন চীৎকার করিয়া বলিলেন,—‘অশ্ব—চন্দ্র—অস্ত্র।’

অশ্বারোহী সৈন্তেরা এক লক্ষ এক দিকে গমন করিয়া এক চমৎকার অৰ্দ্ধচন্দ্রবাহু রচনা করিয়া অস্ত্রোত্তোলন পূর্বক দ্বিতীয় আজ্ঞার প্রতীক্ষা করিতে লাগিল। তিনি ব্যূহের মধ্যস্থলে দাঁড়াইয়া কহিলেন,

“শুনিয়েছি ছরাস্তা ভীমসিংহ এই অরণ্যে এক বৃহৎ চণ্ডী স্থাপন পূর্বক ধর্মের ছলনা করিয়া নরবলি দিয়া থাকে । বোধ হয় আমরা সেই চণ্ডীর সম্মুখীন হইয়াছি । আমি অনেক সন্ধান করিয়াও ভীমসিংহের উদ্দেশ্য পাই নাই । অতঃপর তোমরা সাবধানে যুদ্ধ করিবে এবং কোশলে তাহাকে জীবিতাবস্থায় ধৃত করিবে ।”

দস্যুদলের অর্দ্ধেক দুর্গাভিমুখে পলাইয়াছে । রামধন কাম্বকার খড়্গ ফেলিয়া নিকটস্থ অরণ্যে গাত্রচ্ছাদন করিয়াছে । ভীমসিংহ নিরুপায় হইয়া দেবীর হস্তস্থিত রক্তচন্দনমিশ্রিত শাণিত খড়্গ গ্রহণ করিয়া মন্দিরের দ্বারদেশে দাঁড়াইল । একটি একটি করিয়া কতকগুলি স্বাধান নগরের সৈন্ত একত্রিত হইল । যুদ্ধ উপস্থিত হইল । অন্ধ-শিক্ষিত নিরস্ত্র সৈন্ত কতক্ষণ শিক্ষিত সৈন্তের সম্মুখে দাঁড়াইতে পারে ? একে একে সকলে ধরাশায়ী হইল । যুদ্ধ অসাধ্য বিবেচনা করিয়া ভীমসিংহ হাতের অসি হুঃখে দূরে ফেলিয়া দিল । ক্রকটী করিয়া কহিল,—“হতভাগ্য মরণই শ্রেয় ;—বাহার কোন আশা সফল হইল না, তাহার জীবনে দিক্ ! দেবি ! তবে কি জন্মভূমির হিত কামনায় বুঝা এতদিন অক্ষত হৃদয়কে ক্ষত করিয়া স্বশোণিতে তোমার পূজা করিলাম ? আজ আমার ও তোমার শেষ দিন । আজ স্বাধীন নগরের শেষ হইল ।” এই বলিয়া বজ্রমুষ্টিতে প্রতিমার কেশাকর্ষণ করিল । উগ্রচণ্ডী মড় মড় শব্দে ভূতলে পড়িয়া গেল । নির্বিরোধে ভীমসিংহ অমরসিংহের করায়ত্ত হইল ।

সেনাপতি পূর্ণচন্দ্রের নিকট শৃঙ্খলাবদ্ধ ভীমসিংহকে উপস্থিত করিয়া কহিলেন,—“মহারাজ ! এই ভীমসিংহ, ইহার প্রবল প্রভাবে এই অরণ্য কম্পাঙ্কিত । পাপাত্ম্যের এতদূর সাহস যে, স্বর্গীয় মহারাজার সহিত একবার যুদ্ধ করিতে উত্তত হইয়াছিল । ইহাকে পূর্বে কেহ

কখন রত করিতে পারে নাট। অদ্য আমার ভাগা সুপ্রসন্ন বলিয়া সে রত হইয়াছে।” পূর্ণচন্দ্র আশ্লাদ প্রকাশ করিয়া স্বীয় তরবারি তাঁহাকে পুরস্কার দিলেন। অমরসিংহ নতশির হইয়া বন্দি সহ বিদায় হইলেন।

ভীমসিংহ, রত্নবীর, রামধন কাম্বকার, পুরোহিত, উৎফুল্লময়ী প্রভৃতি অনেক দম্পত্য রত হইল। অমরসিংহ পুরোহিতকে কহিলেন,—“তোমাদের ভূর্গ কোথায়, শীঘ্র দেখাইয়া দাও, নহিলে এই তরবারির আঘাতে তোমার মুণ্ড ছুটখানা করিব।” বৃদ্ধ ব্রাহ্মণ মহাবাকুল হইয়া কহিল,—“বাবা, আমি কিছুই জানি না, এই দুরাচার ভীমসিংহ কহিতে পারে, আমাকে প্রাণে মারিও না—আমি মরিলে আমার দশবর্মীয়া স্ত্রী পিতৃহীনা হইবে।”

অমরসিংহ হাস্ত সম্বরণ করিয়া কহিলেন,—“পিতৃহীনা—না স্বামী-হীনা—কি বলিতে চাও?”

পু। বাবা,—এত তরবারি দেখিয়া কি আমার আর জ্ঞান থাকিতে পারে?

অ। এখন ভূর্গের পথ দেখাইয়া দাও।

পু। এস বাবা এস বলিয়া মনে মনে কহিল—“আজ ব্রাহ্মণের ব্রহ্মরস্তু ছই পয়নার জগু গিয়াছিল আর কি! ভীমসিংহ বেটা বড় ভুট্ট, দক্ষিণার বেলা কসাই—আজ গোবধের প্রায়শ্চিত্ত হউক।”

ব্রাহ্মণ উগ্রচণ্ডীর সম্মুখে উপস্থিত হইয়া কহিল,—“বাবা, এই কালী,—যে ভূর্গা সেট কালী।”

অ। আমি ভূর্গার কথা বলি নাই—ভূর্গ—ভূর্গ।

পু। (মনে মনে) কি আপদ্—ভূর্গ আবার কি হইল, ভূর্গ কি পুরুষলিঙ্গ—শিবার্থ না কি? (প্রকাশে), বাবা সেপাই, এখানে ভূর্গ নাই, মা ভূর্গাই একা আছেন।

অ। তোমার মুণ্ড ।

পু। আমি অর্থ বৃদ্ধি নাই, তবে আজ নরবলি হইতেছিল ।

অ। ( সচকিতে ) নরবলি ! কোথায়—শীঘ্র চল ।

ব্রাহ্মণ হাড়িকাঠের নিকট এক শবাকৃতি দেখাইয়া দিল । অমরসিংহ তখনই তাহার বন্ধন মুক্ত করিয়া দিলেন । নাসিকার হস্ত দিয়া দেখেন, অন্ন অন্ন খাস বহিতেছে, কিন্তু চেতনা এককালে নাই । তিনি তখনই তাহাকে ক্রোড়ে করিয়া হাওদার উপর মহারাজার সম্মুখে উপস্থিত হইলেন । তিনি বিশ্বয়ের সহিত কহিলেন,—“সেনাপতি, এ শব কাহার ?”

অ। মহারাজ ! ভীমসিংহ ইহাকে বলি দিবার জন্ত আয়োজন করিয়াছিল । ইহার চেতনা নাই ।

“সেনাপতি, ইহার মস্তকে জল সেচন কর, নাসিকার নিকট স্নগন্ধ ধর ।” এই বলিয়া তিনি স্বয়ং তাহার পরিচর্যা করিতে লাগিলেন । ধীরে ধীরে লুপ্ত চেতনা ফিরিয়া আসিল । পূর্ণচন্দ্র জিজ্ঞাসা করিলেন,—“তুমি কে ?”

কৃষ্ণ । প্রভাবতী !

মহা । প্রভাবতী ! প্রভাবতী তোমার কে ?

কৃষ্ণ । আমার জীবন ।

মহা । প্রভাবতী কোথায় ?

কৃষ্ণ । জীবন এই হৃদয়ে !

মহা । প্রভাবতীকে কি দেখিবে ?

তিনি চক্ষু মুক্ত করিলেন । অপূর্ণ দৃশ্য দেখিয়া বিস্মিত হইয়া কহিলেন,—“প্রভাবতী ! আজ তোমার সর্বনাশ—হুয়াহু ভীমসিংহ আজ তোমার বিবাহ দিয়া জলন্ত আগুনে পোড়াইয়া মারিবে । হাঁ-গা—আপনি কি কব্রিয় ?”

মহা । হাঁ—কেন ?

কৃষ্ণ । প্রভাবতী চণ্ডালিনী, তাহার পিতা-মাতার কোন উদ্দেশ্য নাই । আপনি ক্ষত্রিয় হইয়া কেমন করিয়া তাহাকে বিবাহ করিবেন ?

মহা । প্রভাবতী আমার ভগিনী ।

কৃষ্ণ । তবে এ সভা কেন ? আমি কোথায় ?

অম । তুমি রঘুনাথগড়-অধিপতির হাওদার উপরে ।

কৃষ্ণ । ভীমসিংহ কোথায় ?

অম । বন্দি হইয়াছে ।

কৃষ্ণ । হুরায়্য বন্দি—আমি এখন স্তূপে মরিব ।

হাওদার উপর একপ্রকার অন্ধকার ছিল । দূরের আলোতে কেহ কাহাকে চিনিতে পারিলেন না । এই জন্ত পূর্ণচন্দ্র বলিলেন, --  
“তুমি কে ?”

কৃষ্ণ । হতভাগার নাম কৃষ্ণশঙ্কর ।

পূর্ণচন্দ্র একেবারে উঠিয়া দাঁড়াইলেন, দুইহাতে তাঁহাকে জড়াইয়া ধরিলেন, গদগদ বচনে কহিলেন,—“প্রাণের কৃষ্ণ, ভীমসিংহ কি তোনার অস্থিচর্ম্ম সার করিয়া শেষে অনাথের শ্রায়, অভাগার শ্রায় উৎসর্গ করিতেছিল ?”

কতক্ষণ তাঁহারা কেহই কথা কহিতে পারিলেন না । একজন অপরের স্বন্ধে মুখ রাখিয়া অশ্রু বিসর্জন করিতে লাগিলেন । এই অবসরে অমরসিংহ ব্রাহ্মণকে সঙ্গে লইয়া দুর্গাভিমুখে চলিলেন ।

## সপ্তবিংশ পরিচ্ছেদ

—০ঃ০—

খিলন।

শঙ্করীর জদয়ধনেরা কোথায় রহিয়াছে, কি খাইতেছে, কি করিতেছে, এই সমস্ত চিন্তায় তাঁহার চক্ষে শতধারা বহিত। দিবানিশি হাহাকার করিতেন, কখন কেশ ছিন্ন করিয়া পুলায় পড়িতেন, কখন বা আয়ুধাভিনী হইবার জন্ত উন্মাদিনীর জায় পুষ্করিণীর দিকে ধাবিত হইতেন। সকলে সাস্থনা করিয়াও কিছু ফল হইত না। কখন ‘কৃষ্ণ শঙ্করকে আনিয়া দে’—কখন ‘কেশবশঙ্করের নিকট লইয়া চল’—বলিয়া রোদন করিতেন। রাত্রিতে নিদ্রা ছিল না, আহার প্রায় বন্ধ, শরীর অত্যন্ত দুর্বল, তাহার উপর কঠোর চিন্তা, স্তত্রাং অচিরে উন্মাদের লক্ষণ প্রকাশ পাইতে লাগিল। বিনোদিনী পতিপ্রাণা, তবে অমিতভাষিণী বলিয়া স্বামীর সহিত মধ্যো মধ্যো কলহ হইত। কিন্তু এখন স্বামীবিহীন হইয়া সর্বদাই বলিতেন,—“আর কখন কলহ করিব না, স্বামীকে ঠিক দেবতার মত জ্ঞান করিব, নিজের স্বর্থ বিসর্জন দিয়া স্বামীকে স্তুতী করিব। ঈশ্বর, তুমি দয়া করিয়া তাঁহাকে আমার নিকট একবার পাঠাইয়া দাও, আমি চিরদিন তাঁহার পদতলের দাসী হইয়া থাকিব।” তিনি ভবশঙ্করকে সঙ্গে লইয়া প্রতিদিন সন্ধ্যার সময় তুলসীমূলে এইরূপ প্রতিজ্ঞা করিতেন। মাতার দেখাদেখি ভব তুলসীকে ভূমিষ্ঠ হইয়া প্রণাম করিত এবং আধ আধ স্বরে কহিত,—“মা, ভাব কেন—বাবা শীগ্গির আসিবে।” দুঃখের দিন গজগমনে এইরূপে একটা একটা করিয়া নারায়ণগড়ে চলিতে লাগিল।

আজ শঙ্করীর হৃদয় সর্বাপেক্ষা ব্যথিত হইয়াছে । প্রাতঃকাল হইতে তাঁহার চক্ষে জল ঝরিতে আরম্ভ করিয়াছে । মনে এমন বিষাদের তরঙ্গ উঠিয়াছে যে, তিনি ক্রমে চৈতন্য হারাইতে লাগিলেন । বহির্বাটীতে নরেন্দ্রলাল বাবু প্রশান্ত ও নির্ভীক হৃদয়ে বসিয়া আছেন । সম্মুখে টাকার বাস্তু ভুক্ত রহিয়াছে । তাঁহার চারিদিকে ছুঃখী, কান্দাল হাত বাড়াইয়া সময় প্রতীক্ষা করিতেছে । কৃষ্ণশঙ্করের অনুদ্দেশ্যাবধি তিনি সংসারে বীতশুঁহ হইয়াছিলেন । যেদিন কেশব কারাগারে প্রবেশ করিল, সেই দিন হইতে আহার ব্যতীত অত্যাশ্রয় সম্বন্ধ পৃথিবী হইতে দূর করিলেন । দানই তাঁহার বাহ্যিক এবং অহোরাত্র ঈশ্বরচিন্তাই তাঁহার মানসিক ক্রিয়া হইল ।

এদিকে শঙ্করীর হৃদয় উষ্মলিত, আলোড়িত, শেষে ঝটিকা-বিঘূর্ণিত সংস্কৃত সমুদ্রোচ্ছ্বাসের ত্রাণ হইল । যতক্ষণ হৃদয়ে একবিন্দু স্থান ছিল, ততক্ষণ নানা প্রকার প্রলাপ বকিতেছিলেন । কিন্তু যখন স্থান শুষ্ক হইল, তখন মুখের শব্দ বন্ধ হইল । তিনি উন্মাদের ত্রাণ হস্তপদ নিক্ষেপ করিতে লাগিলেন । ক্রমেই অবস্থাবিপৰ্য্যায় ঘটিতেছে দেখিয়া পরিজনেরা বাস্ত হইয়া নরেন্দ্রবাবুকে সংবাদ দিলেন । তিনি ধীরে ধীরে চলিলেন, ভাবিতে লাগিলেন—“পৃথিবীতে প্রলয় হইলে আমার আর ক্ষতি কি ? এ সংসারে ত আমার বলিতে আর কেহ নাই ।”

গৃহে প্রবেশ করিয়া দেখেন, শঙ্করী জ্ঞানশূন্য, নয়নভারা উর্দ্ধে উঠিয়াছে, মুখ রক্তিমাকার, সর্বশরীর ধরধর কম্পিত হইতেছে । তিনি বুঝিলেন, পা হইতে চুল অবধি তাঁহার শরীরে ভাবের বৈজাতিক ক্রোড়া হইতেছিল । কলসী কলসী জল লইয়া মন্তকে চালিয়া দিলেন । অবশেষে হিমজলের পটী মাথায় বাধিয়া দিলেন । পরিজনেরা ব্যজন

আরম্ভ করিল। শরীরের সহিত মনের নিগূঢ় সংঘর্ষ। শরীর শীতল হইবামাত্র মনের উদ্বিগ্ন অন্ধক কমিয়া গেল। শঙ্করী তখন নিজাভি-  
ভূতা হইলেন।

নরেন্দ্রবাবু বহির্কাটারি গৃহে বসিতে যাইতেছেন, এমন সময়ে  
মহা কোলাহল শুনিয়া অলিন্দে উপস্থিত হইলেন। দেখিলেন—হস্তী,  
অশ্ব ও সৈনিকে তাঁহার বাটীর প্রাঙ্গণ ভরিয়া গেল। জন্তুদিগের চীৎকারে  
ও সৈনিকের কোলাহলে তুমুল শব্দোৎপন্ন হইল। কাহারও এমন সাহস  
হইল না যে, তথায় উপস্থিত হইয়া ব্যাপার জিজ্ঞাসা করিয়া যায়।  
প্রতিবাসীরা নিজ নিজ বাটীতে বসিয়া নিবিষ্টচিত্তে দেখিতেছে এবং কেহ  
ভাবী অমঙ্গল আশঙ্কা করিয়া হুঃখ করিতেছে; আবার খলপ্রকৃতির দুই  
চারিজন একটু আনন্দ উপভোগ করিয়া বলাবলি করিতেছে,—“বড়  
বড় দুই ছেলে গেল, আবার শেষকালে বুকের হাতে বুঝি দড়ি পড়িল,  
এ সকল ত ইংরেজ সরকারের সৈন্ত দেখিতেছি, বুকের পাপের শেষ  
নাই। মানুষ মানুষকে ঠকাইয়া ধার্মিক সাজিতে পারে কিন্তু ঈশ্বর ত  
আর দানে ভোলেন না, আর হরিনামের ঝুলি দেখিয়া ক্ষান্ত হন না।”  
বলা বাহুল্য, এই লোকগুলি সর্ববিষয়ে নরেন্দ্রবাবুর নিকট ঋণী, এমন কি  
তিনি আছেন বলিয়া তাহাদের সংসারযাত্রা নির্বিঘ্নে চলিয়া যাইতেছে।

পূর্ণচন্দ্র কৃষ্ণশঙ্করের হস্ত ধারণ করিয়া উপরে উঠিলেন। সম্মুখে  
নরেন্দ্রবাবুকে দেখিয়া ভূমিষ্ঠ হইয়া প্রণাম করিলেন। তিনি অবাক!  
একজনের কেমন সুন্দর সহাস্ত শ্রীতি-প্রসন্ন বদন, কেমন অপূর্ব বেশ-  
ভূষা, মস্তকে স্বর্ণ-সূত্র-খচিত উকীষ, গলায় মুক্তাহার; অপরের কঙ্কাল-  
পর্য্যবসিত দেহ, মুখের শ্রী দূরে থাকুক মুখের মাংস অবধি কুঞ্চিত  
হইয়া গিয়াছে; তিনি হাসিতে চেষ্টা করিতেছেন, কিন্তু মনের  
হাসি মুখে ফুটিতেছে না। বেশ-ভূষা আছে বটে কিন্তু প্রথমের মত



তেমন পরিপাটী ও পরিচ্ছন্ন দেখাইতেছে না। দুই জনের এত ভেদ সঙ্গেও উভয়ে কেমন হাতাহাতি করিয়া উপস্থিত হইলেন, কেমন একসঙ্গে তাঁহাকে প্রণাম করিয়া আজ্ঞার জ্ঞাত সম্মুখে দাঁড়াইয়া রহিলেন।

পূর্ণচন্দ্র তাঁহার বিস্ময় দেখিয়া কহিলেন,—“মহাশয়! তিনটি আপনার বীরপুল্ল কৃষ্ণশঙ্কর।” নরেন্দ্রবাবু সেই খিতায়ার চন্দ্রাবশেষ দেহ চিনিতে পারিলেন। মায়ার নিকট বৈরাগ্য গলিয়া গেল। ক্ষণে মমতার স্রোত বহিল। ভাবে মন পরিপূর্ণ হইল। তিনি কিছুই বলিতে পারিলেন না, কেবল তাঁহার গলদেশ ধরিয়া অবিরল অশ্রু বিসর্জন করিতে লাগিলেন।

বহির্বাটীর কোলাহল শুনিয়া পুরনারীগণ গবাক্ষের নিকট আসিয়া দাঁড়াইলেন। ভব ‘মা-মা’ করিয়া পশ্চাৎ পশ্চাৎ চলিল। কিন্তু পশ্চাদিকে চাহিতে বিনোদিনীর অবসর ছিল না। বামা বহির্বাটিতে প্রবেশ করিতে যাইতেছিল, কিন্তু যোদ্ধৃপুরুষদিগের আকৃতি দেখিয়া সত্তর দ্বার রুদ্ধ করিল। বিনোদিনীর নিকট গিয়া বলিল,—“দিদি, আর একটু হইলে প্রাণটা এখনি কঁাকা করিয়া বাহির হইত।” তিনি হাসিয়া বলিলেন,—“কেন বামা, কি হইয়াছে?” তখন সে ইতিহাস আরম্ভ করিল।

এই সময় একজন যুবতী বহির্বাটীর প্রাঙ্গণে আসিয়া উপস্থিত হইলেন। তাঁহার শরীর অপেক্ষাকৃত দীর্ঘ ও বিশাল, অথচ স্নন্দর। কর্দ্ধমাক্ত গোলাপের ত্রায় সৌন্দর্য্য ছিন্ন ও মল্লিন বসন হইতে ফুটিয়া বাহির হইতেছিল। চক্ষু আয়ত ও রক্তিম। চক্ষুর উভয় পাশ্বে যেন একটু ক্ষীত। তাঁহার ভ্রমরনিন্দিত সূক্ষ্ম-কেশ আনুথালু হইয়া পৃষ্ঠে পড়িয়াছে। বিবাদের কালিমায় যেন মুখমণ্ডল সমাচ্ছন্ন।

এত অশ্ব, এত গজ, এত সৈনিক দেখিয়া ও তাঁহার মনে ভীতির সঞ্চার হয় নাই। কোন দিকে মন নাই। ভাব দেখিয়া বোধ হয় যেন ভীমা বাণা উন্মাদিনী। তিনি নরেন্দ্রবাবুর বাটীতে উপস্থিত হইলে, সৈনিকেরা যেন ভীত, চমকিত ও কোতৃহলাক্রান্ত হইয়া তাঁহার দিকে চাহিয়া রছিল। সকলেই সম্মুখে তাঁহাকে পথ ছাড়িয়া দিতে লাগিল। পথ রোপ করিতে বা অন্যথা অসহায়নাকে বাস্তব করিতে কাহারও পা উঠিল না, বা মুখ ফুটিল না। তিনি সিঁড়ির নিকট আসিয়া একজন সৈনিককে কহিলেন,—“নরেন্দ্রলালবাবু কোথায়?” সিপাহীর হৃদয় অকস্মাৎ চমকিয়া উঠিল। কথা বাহির হইল না কেবল অঙ্গুলি বাড়াইয়া উদ্ধদিকে দেখাইয়া দিল। তিনি উপরে উঠিতে লাগিলেন।

পূর্ণচন্দ্র উপর হইতে সেট বীরপ্রতিমা দেখিয়া নিম্নে আসিতে ছিলেন, এখন সিঁড়িতে আসিয়া পঁথাবরোধ করিয়া, মনে মনে ভাবিলেন,—“সেই অপরিষ্কৃতা, অপ্রাপ্তযৌবনা, ক্ষীণা প্রভাবতী কি এই?” তিনি যতই তাহার মুখ দেখিতে লাগিলেন, ততই সেট বায়ুহস্তা শশধর বাহাদুরের মুখ মনে পড়িতে লাগিল। তাঁহার বোধ হইল যেন দুইটী মুখ এক ছাঁচে ঢালা। প্রভাবতী গম্ভীর স্বরে বলিলেন,—“আপনি যে কেন হউন না—আমার পথ ছাড়ুন, অপরের এক মুহূর্ত্ত আমার এক যুগ।” তিনি মৃদু স্বরে বলিলেন,—“তুমি এমন বেশে, এমন ভাবে কোথা হইতে আসিতেছ?” ‘তুমি’ কথাটি প্রভার কর্ণে প্রতিধ্বনিত হইল। তাঁহার ভাল বোধ হইল না : সেইজন্ত বৃষ্টি বলিলেন,—“অবলা বলিয়া দুর্বলার স্থায় ব্যবহার করিবেন না।” পূর্ণচন্দ্র হাসিতে হাসিতে উষ্ণীয় ও হার ভূমে ফেলিয়া দিলেন। সম্মুখে কহিলেন,—“প্রভা, তুমি উন্মাদিনী—একবার

‘মুখ তুলিয়া দেখ ত, আমার সহিত তোমার লড়াই করিতে ইচ্ছা হয় কি ?’

সেই মধুর স্বর, সেই স্নেহ ভাব, সেই মিষ্ট সম্ভাষণ, সেই সুন্দর দেহ দেখিয়া ও শুনিয়া প্রভা হতবুদ্ধিপ্রায় হইলেন । পূর্ণচন্দ্র কহিলেন,—“ভগিনী, আমাকে চিনিতে পার নাই ?” প্রভা ‘দাদা’ উচ্চারণ করিয়া নির্বাক হইলেন । অভূতপূর্ব ভাব আসিয়া কণ্ঠ-রোধ করিল । সে ভাব অনির্বচনীয়, তাহা মুখে বাহির হইল না । পূর্ণচন্দ্র বলিলেন,—“এমন বেশে, এমন ভাবে কোথা হইতে আসিতেছ ?” “দাদা, আমার সর্বনাশ হইয়াছে, এ সংসারে আমার কেহই নাই । আমি ভিখারিণী—অনাধিনী”,—গঙ্গায় যেন বন্ডা আসিল । হৃদয়শ্রোত উধলিয়া উঠিল । কথা বন্ধ হইল । অবিরল চক্ষু হইতে জল ঝরিতে লাগিল । তিনি কহিলেন,—“প্রভা, এ জগতে তোমার সকলই আছে, একদণ্ড বিশ্রাম কর, দেখিবে এই অন্ধকারময় অদৃষ্ট-আকাশে সূর্য্য, চন্দ্র, নক্ষত্র একটি একটি করিয়া প্রকাশ পাইবে ।” এই সময় বাম হস্ত হইতে প্রভার একখানি পত্র পড়িয়া গেল । পূর্ণচন্দ্র তুলিয়া লইলেন । তিনি ব্যগ্র হইয়া বলিলেন,—“দাদা, ও চিঠি তুমি পড়িও না ।”

“আমি ত সকলই জানি, কৃষ্ণজীবন ত সকলই আমাকে বলিয়াছেন, তোমার কোন ভয় নাই ?”

কৃষ্ণজীবনের নাম শুনিয়া প্রভা শাস্ত হইলেন ; বুঝিলেন, তবে একদিন না একদিন হৃৎথের অবসান হইবে । পূর্ণচন্দ্র তাঁহাকে শিবিরে লইয়া গেলেন ।

আর বিস্তারিত করিয়া এই পরিচ্ছেদ লিখিবার আবশ্যক নাই । নারায়ণগড় আনন্দময় হইয়া উঠিল । ‘নরেন্দ্রবাবু ব্রাহ্মণভোজন ও দানে ব্যস্ত হইলেন । আশুতোষবাবু উপস্থিত হইয়া কৃষ্ণশঙ্করকে

ঔষধ ও উপযুক্ত পথ্য সেবন করাইলেন । অনতিবিলম্বে তাঁহার পূর্ব-  
ক্ষুধা, পূর্বলাবণ্য, পূর্বসাহস ও বীৰ্য্য ফিরিয়া আসিল । পূর্ণচন্দ্র কৃষ্ণ-  
জীবনের পলায়নের কারণ নরেন্দ্রবাবুকে বিবৃত করিয়া নিজের ও প্রভার  
পরিচয় প্রদান করিলেন এবং কহিলেন,—“আপনার অনুমতি হইলে  
কৃষ্ণজীবনকে সঙ্গে লইয়া রঘুনাথগড়ে গমন করিতে পারি এবং আপনার  
সমক্ষে আমার অনিন্দ্যাসুন্দরী ভগিনী প্রভাকে বাল্যসহচর স্বাধীনচেতা  
কৃষ্ণশঙ্করকে সম্প্রদান করিতে পারি ।”

প্রভা রাজার কথ্য, জাতিতে সূচ্যাবংশীয় কবিত্রয়, কবিত্রয়ের বাটীতে  
প্রতিপালিতা, যৌবনের ও রূপের প্রতিমা । এমন লক্ষ্মীকে কি পুত্রবধু  
করিতে অনিচ্ছা করে ? সর্বাস্তঃকরণে নরেন্দ্রবাবু ও তাঁহার স্ত্রী সম্মতি  
প্রদান করিলেন । তাঁহারা এত সুখী হইয়াছিলেন যে, স্ত্রী-পুরুষে অভি-  
শেকের সময় উপস্থিত হইবার ইচ্ছা প্রকাশ করিলেন । পূর্ণচন্দ্র আশুতোষ  
বাবুকে তাঁহার রাজ্যের সার্জন জেনারেল নিযুক্ত করিবার ইচ্ছা প্রকাশ  
করিলে, তিনি কৃতজ্ঞহৃদয়ে তাঁহাকে ধন্যবাদ দিলেন । তখন আশু-  
বাবু সস্ত্রীক রঘুনাথগড়ে মহাসমারোহে প্রস্থান করিলেন ।

# অষ্টাবিংশ পরিচ্ছেদ

৐৐৐৐৐৐

## অভিষেক।

আজ পূর্ণচন্দ্রের অভিষেক। উইলের মন্মানুসারে বিবাহান্তে অভিষেক হওয়াই মৃত মহারাজার ইচ্ছা ছিল। কিন্তু সম্মুখে মলমান প্রযুক্ত মহারাণী, মন্ত্রী অযোধ্যানাথ ও রাজস্বসচিব রমানাথের সহিত পরামর্শ করিয়া বিবাহের পূর্বেই অভিষেকের প্রস্তাব করিলেন। রাজ-কন্মচারী ও প্রজাবর্গ এই কথা শুনিয়া আশ্লাদে উৎফুল্ল হইয়া উঠিলেন। রমানাথ রেসিডেন্ট সাহেবের অভিপ্রায় জিজ্ঞাসিলে, তিনি আগ্রহের সহিত অনুমোদন করিলেন। সুতরাং অবশেষে কমলকুমারীর মনস্কামনা পূর্ণ হইল।

রাজপ্রাসাদ আনন্দময়। শারদীয় পূর্ণিমাঃ জ্যোৎস্নাময়ী জাফুর গায় রাজবাটীর উল্লাস উথলিয়া উঠিতেছে। চারিদিকে নহবত বাজিতেছে, স্তম্ভের স্বরে সঙ্গীত হইতেছে, নৃত্যকরী স্থানে স্থানে নৃত্য করিয়া ও অঙ্গচালনার দ্বারায় দর্শকের মন হরণ করিতেছে। রাজ্যের সমুদায় সম্ভ্রান্তলোক একত্রীভূত হইয়া সভা সমুজ্জ্বল করিতেছেন। প্রতি গৃহদ্বার পুষ্পমালায় বিভূষিত; তোরণে হৈমধ্বজা সগর্বে আকাশে উদ্ভাঁন হইতেছে। ক্ষণে ক্ষণে বোম গর্জিয়া উঠিতেছে; পশুশালা, নন্দন-কানন, বিলাস-ভবন, দেবালয়, আজ অপূর্ব শোভা ধারণ করিয়াছে। নিমন্ত্রিতের সংখ্যা নাই। রাজার ইচ্ছায় কৃষক হইতে লক্ষপতি পর্য্যন্ত নিমন্ত্রিত হইয়াছে। আজ রাজবাটীর সিংহদ্বার সকলের জন্ত উন্মুক্ত।

আজ প্রতিহারীগণ ভীষণ মূর্ত্তি পরিহার পূর্ব্বক সকলের সেবায় নিযুক্ত রহিয়াছে ।

বেলা দশটা । রাজসভা অপূৰ্ব্ব শোভা বিস্তার করিয়াছে । উল্লে বিচিত্র চন্দ্রাতপ মুক্তাহারে ঝল্‌ঝল্ করিতেছে । নিমন্ত্রিত বাক্তি-গণ নরেন্দ্রবাবুকে সম্মুখে করিয়া যথাস্থানে উপবেশন করিয়া অপেক্ষা করিতেছেন । এমন সময় মহারাজ পূর্ণচন্দ্র রাজ-পরিচ্ছদে বিভূষিত হইয়া, হস্তে ধনু, পৃষ্ঠে তুণ, কটিতে তরবারি ধারণ পূর্ব্বক সভাগৃহে আগমন করত সিংহাসনে উপবেশন করিলেন । দক্ষিণদিকে ব্রিটিশ-গবর্নমেন্টের প্রতিনিধি মেজর গার্ডন, রেসিডেন্ট কাপ্তান লুইস, সেনাপতি অনরুচন্দ্র, সহকারী সেনাপতি অজ্জুনরুধ, বিজয়চন্দ্র প্রভৃতি সামরিক বিভাগের প্রধান প্রধান বাক্তি আসন পরিগ্রহ করিলেন । বামে মন্ত্রী অযোধ্যানাথ, উৎকল রাজপ্রতিনিধি-রণবার ও অজ্ঞাত অনেক রাজপুরুষ আসনে উপবিষ্ট হইলেন । পূর্ব্বভাগে বিচিত্র বস্ত্রগৃহ । তদভ্যন্তরে রাজা কমলকুমারী, প্রভাবতী, শরৎসুন্দরী, ব্রজসুন্দরী, যোগেশ্বরী, শঙ্করী, পদ্মনুখী প্রভৃতি প্রধান প্রধান কন্যাসারীর ও ভূমাসিকারীর পুরস্কাগণ অনিমেঘ নয়নে কখন রাজা, কখন সভা দর্শন করিতেছিলেন ।

ঋষিশ্রেষ্ঠ জষীকেশ গাত্রোত্থান করিয়া মাজল্য দ্রব্যাদি গ্রহণ করিয়া মহারাজার মস্তক স্পর্শ করিয়া সংস্কৃত শ্লোকোচ্চারণ পূর্ব্বক আশীর্বাদ করিলেন । রাজা করযোড় করিয়া মাজল্য দ্রব্যাদি গ্রহণ করিয়া তাঁহাকে প্রণাম করিলেন । রাজগুরু সম্মিতবদনে বলিলেন,—  
“মহারাজ ! একদিন এই পবিত্র মুগ্ধশ্রী দর্শন করিয়াই বুঝিয়াছিলাম যে, এতদিন পরে এই রাজাশুভ রাজ্যে মহাত্মত্ব ব্যক্তির আবির্ভাব হইয়াছে । বাস্তবিক তাহাই ঠিক হইল । এক্ষণে ধর্ম্মসাক্ষাতে রাজদণ্ড গ্রহণ করিয়া রামচন্দ্রের জায় রাজ্যশাসন করুন ।” মন্ত্রী অযোধ্যানাথ দণ্ডায়মান

হইয়া স্বর্গীয় রাজার উইল সংক্ষেপে বর্ণনা করিলেন। পরে মেজর গর্ডনের অনুমতি লইয়া তাঁহার মস্তকে স্তব্ধ মুকুট, গলদেশে গজমুক্তার হার, হস্তে রাজদণ্ড প্রদান করিয়া বলিলেন,—“অন্ত স্বর্গীয় মহারাজার সুযোগ্য কুমার পূর্ণচন্দ্রের হস্তে এই শাসনভার শ্রুত হইল। মহারাজ ! শ্রায়বিচারে, অসংখ্য প্রজাদিগকে সংরক্ষণ করুন।”

অনন্তর গর্ডন মহোদয় গাত্রোত্থান করিয়া ভারতের তৎকালীয় গবর্নর জেনারেল লর্ড হার্ডিঞ্জ বাহাদুরের স্বাক্ষরিত পত্র পাঠ করিলেন। পত্রে এই লেখা ছিল :—

“মহারাজ বাহাদুর !

এতদিন পরে রঘুনাথগড়ের শূন্য সিংহাসন পূর্ণ হওয়াতে আমি যার পর নাই সুখী হইয়াছি এবং আমার প্রতিনিধি স্বরূপ মেজর গর্ডন আপনাকে নাইট উপাধিতে ভূষিত করিয়া সিংহাসনে আরোহণ করাইবেন। স্বর্গীয় মহারাজ শশধর রাও বাহাদুর আমাদিগের অকৃত্রিম বন্ধু ছিলেন। তিনি সর্ব সময়ে মহারাজীয় তত্ত্বদিগকে যুদ্ধে পরাভূত করিয়া আমাদের ও নিজের রাজ্যের প্রভূত উপকার করিয়াছিলেন। এক্ষণে মহারাজ ! স্বর্গীয় পিতার শ্রায় উদারস্বভাবসম্পন্ন ও প্রজাবৎসল হইয়া শ্রায়ানুমোদিত কার্যের দ্বারা রাজ্য শাসন করুন। আমরা সকল সময়ে আপনার যথোচিত সাহায্য করিতে প্রস্তুত আছি।”

পাঠ সমাপনান্তে গর্ডন বাহাদুর যৎকিঞ্চিৎ বক্তৃতা করিয়া নাইট উপাধির নিদর্শন স্বরূপ মণিমুক্তা-খচিত এক অপরূপ ষ্টার ও এক স্বর্ণ-মেডেল তাঁহার বক্ষে ঝুলাইয়া দিলেন।

রাজা দণ্ডায়মান হইয়া বলিলেন,—“মেজর গর্ডন, মন্ত্রী অযোধ্যনাথ ও নাগরিকগণ ! আজ আমি রাজ্যভার গ্রহণ করিয়া ধর্মের সমক্ষে প্রতিজ্ঞা করিয়া কহিতেছি যে, নিজের সুখ উপেক্ষা করিয়া প্রজার

সুখবর্দ্ধনই আমার প্রধান কার্য্য হইবে। ব্রিটিশ-গবর্ণমেন্টের সহিত আমার অকৃত্রিম সৌহার্দ্য চিরদিনই থাকিবে এবং তাঁহাদের সহিত পরামর্শ করিয়া আমার রাজ্যের সর্ব্বাঙ্গীন উন্নতি সাধনে তৎপর থাকিবে। প্রতিজ্ঞা প্রতিপালন করিতে ঈশ্বর আমাকে শক্তি দিন, এই আমার আন্তরিক প্রার্থনা।”

এই সময়ে একশত বোম গর্জিয়া উঠিল। একশত কারাবাসী মুক্ত হইল। একশত ব্রাহ্মণ একশত দুগ্ধবতী সবৎসা গাভী লাভ করিলেন। এক সঙ্গে চারিদিকে নহবত বাজিয়া উঠিল। অশ্বারোহী-গণ ক্রীড়াক্ষেত্রে বোটকের উপর অস্ত্রচালনা করিতে লাগিল। সামরিক বাজনা আরম্ভ হইল। নাট্যশালায় নর্ত্তকী নৃত্য ও গায়কী সমরোচিত গীত আরম্ভ করিল :—

গীত ।

জয় মহারাজ ! জয় জয় আজ—প্রকৃতি আপন-হারা,  
(তব) টুটিল কালিমা, ভাতিল গরিমা,—বরিষ অমৃত-ধারা ।

নগরে নগরে বাজিছে বিবাণ,  
প্রতি গৃহ-চূড়ে উড়িছে নিশান,  
অম্বরে নব গৌরব তব গর্বে ধ্বনিয়া যায়,  
সৌরভ তব সমীরণ সাথে, আনন্দে মাতিয়া ধায় ।

ওই পুরনারী উল্লাস-মগনা বাজায় শঙ্খ হর্ষে,  
আজি মঙ্গল গীতি, তোমার আরতি পশিছে প্রজার মর্ষে ।



ঘন অন্ধকারে ঐব তারা মত,  
 উজলিয়া দিশি বিরাজ নিয়ত ;  
 জয় মহারাজ ! জয় জয় আজ—প্রকৃতি আপন-হারা,  
 (তব) টুটিল কালিমা, ভাতিল গরিমা,—বরিষ অমৃত-ধারা

৩

ত'ক্ প্রচারিত তোমার রাজ্যে নূতন ধর্ম, শিক্ষা,  
 হউক পূর্ণ তোমার আলোকে ভুলোকে নবীন দীক্ষা,  
 চন্দ্রমা-শালিনী মধু-নিশীথিনী  
 দিয়াছে মুছায়ে অতীত কাহিনী :  
 জয় মহারাজ ! জয় জয় আজ—প্রকৃতি আপন-হারা,  
 (তব) টুটিল কালিমা, ভাতিল গরিমা,—বরিষ অমৃত-ধারা ।

৪

শূন্য সিংহাসন পূর্ণ এতদিনে বিকসি কনক ভাতি,  
 ধন্য বিধাতঃ তোমার করুণা, ধন্য তোমার নীতি ।  
 বিরাজ সৌম্য ! পুণ্য আসনে,  
 নূতন রতনে, নূতন ভূষণে ;  
 জয় মহারাজ ! জয় জয় আজ—প্রকৃতি আপন-হারা,  
 (তব) টুটিল কালিমা, ভাতিল গরিমা,—বরিষ অমৃত-ধারা ।


সঙ্গীতে দর্শক ও শ্রোতৃবর্গ মাতোয়ারা হইয়া উঠিল । চারিদিকে  
 আহারের আয়োজন হইতে লাগিল । মহারাণী কমলকুমারীর অনুগ্রহে  
 মহাকালীর মন্দিরে, রঘুনাথের বাটীতে ও রাজপ্রাসাদের বিস্তৃত প্রাঙ্গণে

সহস্র সহস্র দরিদ্র লোকদিগকে প্রভূত অন্ন, বাঞ্ছন, মিষ্টান্ন ও অর্থ  
পরিচর্য্য করা হইল।

অন্য অপরাধে সভাসদ-বেষ্টিত হইয়া রাজা মন্ত্রণাগুহে উপস্থিত  
হইয়া শাসন সম্বন্ধে বিস্তারিত আলোচনা করিলেন ; এবং সভাদিগকে  
ঠাছার অভিপ্রত সমুদয় বিষয় আতরণ করিতে বলিয়া, মেজর গডন ও  
কাপ্তেন লুইসের অট্টালিকাতে গমন করিয়া নানা কথায় সন্ধা  
অতিবাহিত করিলেন।



# উনত্রিংশ পরিচ্ছেদ



## বিচার।

অন্য মহারাজা পূর্ণচন্দ্র হৈম-সিংহাসনে উপবেশন করিয়া দম্ভাদিগের বিচার আরম্ভ করিলেন। মন্ত্রী অযোধ্যানাথ ও অমরসিংহ যথাযোগ্য স্থানে উপবেশন করিলেন। সেনাপতির অনুমতি লইয়া, জনৈক কাম্ব-চারী শৃঙ্খলাবদ্ধ ভীমসিংহ, রঘুবীর সিংহ, উৎকল্লময়ী প্রভৃতি দম্ভাগণকে সভাগৃহে আনয়ন করিল। মহারাজ কতক্ষণ অনিমেষ নয়নে রঘুবীর, উৎকল্লময়ী ও ভীমসিংহের দিকে চাহিয়া রহিলেন, পরে প্রথম ব্যক্তিকে কহিলেন,—“তোমার নাম কি?”

রঘু। আমার নাম রঘুবীর সিংহ।

মহা। তুমি কি ভীমসিংহের একজন অনুচর?

রঘু। আজ্ঞা হাঁ মহারাজ।

মহা। যদি তোমার কিছু বক্তব্য থাকে বলিতে পার এবং কেন তোমার প্রাণদণ্ড হইবে না তাহাও প্রদর্শন কর।

রঘু। মহারাজ,—বিশেষ কিছু বলিবার নাই। আজ আঠার বৎসর হইল, ভীমসিংহ কৰ্ম্মক্ষেত্রে সেনাপতি রূপে অবতীর্ণ হইয়াছেন। তাঁহার কি উদ্দেশ্য, তাহা আমার বলিবার অধিকার বা আবশ্যক নাই। উদরশূন্যের জন্ত আমরা নিরন্তর দম্ভাবৃত্তি করিয়াছি. এবং ব্যাধিযে রূপ পক্ষীগণকে ফাঁদে ধৃত করে, আমরাও সেইরূপ নানাভাবে কৃত্রিম

রাস্তা প্রস্তুত করিয়া ও বিবিধ উপায় অবলম্বন করিয়া পথিকদিগকে উগ্রচণ্ডীর মন্দিরে আনিয়া ধন লুণ্ঠন করিতাম। একদা স্বর্গীয় মহারাজা শশধর বাহাদুর বৈতরণীকূলে শিবির সন্নিবেশিত করেন। আমরা তখন অনতিদূরেই বনমধ্যে অপেক্ষা করিতেছিলাম। যখন শুনিলাম যে, তিনি ব্রগয়া করিতে পূর্বঘাটে চলিয়া গিয়াছেন, এবং হৃৎযোগে রাত্রিতে ফিরিয়া আসিতে পারেন নাই, তখন সুযোগ বুঝিয়া শিবির আক্রমণ করিয়া মহারাজার কণ্ঠ্যাকে অপহরণ করিলাম। রাণীর সহচরী সুলোচনাকে আমি চিনিলাম, কারণ বাল্যকালে আমি আমার মাতার সহিত রাজ-অস্ত্রপুরে গমন করিতাম। রাণীর উপরে আমার অচলা ভক্তি পূর্ব হইতেই ছিল। সেনাপতি ভীমসিংহ রাজাকে সকাধ্য-সাপানে নিয়োজিত করিবার অভিপ্রায়ে, রাণীকে ধৃত করিবার অত্মমতি প্রদান করেন। আমি বুঝিতে পারিয়া সুলোচনাকে ইঙ্গিত করিয়া আসি। তাহাতেই বোধ হয়, রাণী পরিচারিকা-বেশ ধারণ করিয়া কোনক্রমে অব্যাহতি পান। রাজকণ্ঠ্যার নাম প্রভাবতী। তখন তাঁহার বয়ঃক্রম চারি বৎসর মাত্র। তাঁহাকে চরণ করিয়া আমরা নিশীথ সময়ে নারায়ণ-গড়ের জমিদার নরেন্দ্রলাল বাবুর বাটীতে প্রতিপালনের জন্ত রাখিয়া আসি। সেই হইতে প্রতি দুই মাস অন্তর, একবার করিয়া গোপনে প্রভাবতীকে দেখিয়া আসিতাম। মহারাজার স্বরণ থাকিতে পারে, একবার স্বয়ং নিতান্ত ব্যথিত হৃদয়ে গৌরমোহন বাবুর গড়ের মধ্যে আত্ম-সমর্পণ করিতে উদ্ধত হইয়াছিলেন—”

মহা। (সবিস্ময়ে) সে কি তুমি?

রঘু। আজ্ঞা হাঁ মহারাজ। এই অভাগা সেই সময় মহারাজাকে প্রবোধ দিতে বাধ্য হইয়াছিল।—ইহার পর শ্রামনারায়ণের জীবিস্রোগ হইলে তাহার সহিত প্রভাবতীর বিবাহ দিবার জন্ত ভীমসিংহের অভি-

১৮

লাষ হইয়াছিল । দুঃশীলা উৎফুল্লময়ী এই বিবাহের ঘটিকা । কিন্তু অকালে স্বর্ণপ্রতিমাকে জলন্ত অনলে বিসর্জন দিতে আমার অন্তরে দারুণ কষ্ট হইল । আজ কাল করিয়া আমি এই পথ্যস্ত তাঁহাকে অবিবাহিতা রাখিয়াছি । বিশেষতঃ কৃষ্ণশঙ্কর বাবুর সহিত তাঁহার প্রণয় জন্মিয়াছে, এই কথা শুনিয়া অবধি, আমি সর্ব্বপ্রকারে ভীমসিংহের অভি-প্রায়কে অসিদ্ধ করিবার চেষ্টা পাইয়াছিলাম ।

মহারাজ ! এক গর্হিত কার্য্যের কথা এখন অবধি বলি নাই । সে অপরাধের জন্ত, প্রাণদণ্ডের ব্যবস্থা করিলেও আমার প্রায়শ্চিত্ত হইবে না । আমি অকারণে বীরপ্রতিম কৃষ্ণশঙ্করকে অত্মায় ও অধম্য যুদ্ধে ধৃত করিয়া অকারণ যম-যাতনা প্রদান করিয়াছি । তবে অত্মায় যুদ্ধ স্থানবিশেষে প্রয়োজনীয় ও স্বকার্য্য সাধনের কারণ স্বরূপ ।

কৃষ্ণশঙ্কর গাত্রোত্থান করিয়া কহিলেন,—“রঘুবীর, তোমার গুণেই আমি এখনও জীবন ধারণ করিয়া আছি । আমার অন্তরে কষ্ট ছিল, তাহার জন্ত তুমি দায়ী নহ, তোমার উপর আমার বিন্দুমাত্র ক্ষোভ নাই ।”

এই সময় প্রভাবতী স্বগত বলিতে লাগিলেন,—“এই কি সেই ছায়া—নিশীথ সময়ে সেই নিৰ্জন পুরীর গবাক্ষ পথে আমাকে চমৎকৃত করিয়াছিল ?”

পূর্ণচন্দ্র কহিলেন,—“রঘুবীর, তুমি দম্য হইয়া যে সকল কাৰ্য্য করিয়াছ, তাহা অতীব প্রশংসনীয় । তোমার গুণের শেষ নাই । দম্য-চর্মে সাধুর মন আচ্ছাদিত । এই সভাস্থ সমস্ত লোক তোমার গুণের পক্ষপাতী । আমি তোমাকে মুক্তি দিলাম । অধিকন্তু আজ হইতে তোমার পঞ্চশত মুদ্রা বার্ষিক বৃত্তি নির্দ্ধারিত রহিল এবং ইচ্ছা করিলে আমার সৈনিক বিভাগে প্রবেশ করিতে পারিবে ।”

দৌবারিক শ্রমলমুক্ত করিয়া দিলে, রঘুবীর মহারাজকে সাষ্টাঙ্গে প্রণিপাত করিয়া অদূরে দাড়াইয়া রহিল ।

মহারাজ পূর্ণচন্দ্র ভীমসিংহের দিকে দৃষ্টিপাত করিয়া কহিলেন,—  
“ভীমসিংহ, অনুগ্রহের প্রার্থী হইলে জীবনের আমূল কথা সত্য করিয়া বল ।”

ভীমের সাড়ে চারি হস্ত উন্নত শরীর সভাস্ত সকল লোকের লক্ষ্য হইয়াছিল । সেই প্রশস্ত বক্ষঃস্থল, সেই গম্ভীর ভয়ব্যঞ্জক মুখমণ্ডল, বিশাল উরু ও হস্ত সেই সময় এক চমৎকার ভাব প্রকাশ করিতেছিল । অমর ও অর্জুনসিংহ সেই বিশাল দেহ দেখিয়া মনে মনে কতই প্রশংসা করিতেছিলেন । তাহার তায় সবলকায়, মহারাজার সৈনিক বিভাগে একজনও ছিল কি না সন্দেহ ।

ভীমসিংহ ঈষৎ গর্জিত, অথচ শাস্ত ও গম্ভীর বচনে কহিল,—  
“মহারাজ ! যে দিন উগ্রচণ্ডীর সম্মুখে হস্তের অসি পরিত্যাগ করিয়াছি, সেই দিন হইতে আমার জীবনের কার্য শেষ হইয়াছে । এখন আমি মৃত মনুষ্য, ইচ্ছা হইলে আমাকে খণ্ড খণ্ড করিতে পারেন, অথবা অলস্ত অঙ্গারে এই দেহ দগ্ধ করিতে পারেন । আমার অনুগ্রহ লাভের ইচ্ছা বা জীবনের সাধ নাই ।

মহা । ভীমসিংহ, তোমার সহিত তর্ক করা নীতিবিরুদ্ধ, কারণ তুমি দম্ভ্য ; নতুবা কহিতাম, জীবনের সহদেষ্ঠ থাকিলে কি এখনও সম্পূর্ণ হইতে পারে না ?

ভীম । আমি সকল সহ্য করিতে পারি, কিন্তু মহারাজ আমাকে দম্ভ্য বলিয়া সম্বোধন করিবেন না । আমি দম্ভ্য নহি । আমার উদ্দেশ্য মহৎ । যে মনুষ্যজীবনের উদ্দেশ্য নাই, যে সময়ে আহার করে, সময়ে নিদ্রা যায়, সম্ভ্রান্ত সন্ততি পালন করে, তাহাকে আমি মনুষ্য মধ্যে

বিবেচনা করি না। তিনি রাজা হউন, প্রজা হউন, তাহাতে আমার ক্ষতি নাই, কিন্তু উদ্দেশ্যবিহীন মানুষ পশুর সমান। জীবনের উদ্দেশ্যট মনুষ্যত্ব ও মহত্বের লক্ষণ।

মহা। এ জীবনে সকলেরই উদ্দেশ্য আছে, কাহার নাই? তবে সকলেই যে রাজা হইবে, কি বিদ্বান হইবে, কি যোদ্ধা হইবে বা পণ্ডিত হইবে, তাহা অসম্ভব।

ভীম। মহারাজ! আমাকে ক্ষমা করিবেন, আমি বন্দী—নির্ভয়ে সকল কথা বলিতে আমার ক্ষমতা নাই, নতুবা—

মহা। আমার প্রশ্নের উত্তর তুমি নির্ভয়ে ও স্বাধীনভাবে দিতে পার।

ভীম। জীবনের উদ্দেশ্য অতি অল্প লোকেরই আছে। যদি তাহাই থাকিবে, তবে পৃথিবীর এ দুর্দশা হইত না। অধিকাংশ লোক উদ্দেশ্যবিহীন হইয়া কেবল পশুর মত স্বার্থ সাধন করিয়া শেষে অনন্ত কালে মিশিয়া যায়। তাহারা কাহার কোন্ উপকারে আইসে? না দেশের, না প্রতিবেশীর, না মনুষ্যের কোন কৰ্ম সাধন করিতে পারে? তবে কি দ্বিপদ ও চতুষ্পদে কেবল গঠনের প্রভেদ? তবে কেন মনুষ্য পৃথিবীর উপর আধিপত্য করিবে? তবে কেন মনুষ্যের ভয়ে সংসার কল্পিত হইবে? স্বার্থ! স্বার্থ!—তবে কি সংসারে অকিঞ্চিৎকর স্বার্থই মনুষ্যের একমাত্র উদ্দেশ্য হইবে? এমন মনুষ্যজীবনে প্রয়োজন কি? মহারাজ, মনুষ্যজীবনের উদ্দেশ্য মহৎ না হইলে কি জাতীয় উন্নতি হইতে পারে? যদি প্রত্যেক হিন্দুর তাহা থাকিবে, তবে কেন হিন্দুকুলগৌরব ভারত হইতে চলিয়া যাইবে? দিন দিন এই জাতি ক্লীণকলেবর ও ক্লীণ-প্রাণ হইয়া মুমূর্ষু অবস্থা প্রাপ্ত হইবে? যে হিন্দু ত্রিভুবনে ধর্ম, বিদ্যা ও শ্রুতের জন্ত একদিন আধিপত্য লাভ করিয়াছিল, আজ তাহার সে স্বাধীনতা

কোথায় অন্তর্হিত হইল ? 'একদিন হিন্দুস্থানে মল্লঘোর মহান্ উদ্দেশ্য ছিল ; সেই জন্ত মহারাজার পূর্বপুরুষ মাধবচন্দ্র রাও রাজগুরু শশাঙ্ক-শেখরের সাহায্যে এই স্থানে রাজ্যস্থাপন করিতে পারিয়াছিলেন ; মহাত্মা শিবাজীর মহান্ উদ্দেশ্য ছিল বলিয়া ঔরংজেবের পতাকা ছিন্ন করিয়া মহারাষ্ট্রীয় রাজ্য বিস্তার করিয়াছিলেন ; পশুপালিকা জোন আর্কের মহদুদ্দেশ্যেই ফরাসি সেনা বিজয়ী হয় । জীবনের উদ্দেশ্যকে নানা ভাগে বিভক্ত করিতে পারা যায় । তন্মধ্যে কাহারও স্বাধীনতার শৃঙ্খল কর্তন, কাহারও সমাজ সংস্কার, কাহারও ধর্মের মহিমা ঘোষণা, কাহারও বা দুঃখীর দুঃখ বিমোচন করা জীবনের উদ্দেশ্য । এই এক এক উদ্দেশ্য সাধনের জন্ত ভারতে শিবাজী, মল্ল, রামমোহন, চৈতন্য, বেদব্যাস, কর্ণ ও অহল্যাবায়ের জন্ম হইয়াছিল ।

মহা । ভীমসিংহ, তোমার জীবনের উদ্দেশ্য কি ?

ভীম । বঙ্গে স্বাধীনতার শ্রোত প্রবর্তিত করাই আমার জীবনের ব্রত ছিল ।

মহা । তোমার উদ্দেশ্যকে আমি সম্পূর্ণরূপে নিন্দা করি । একটু আলোচনা করিয়া দেখিলেই এই বিষয় হৃদয়ঙ্গম হইবে । যখন দিল্লীতে মোগল রাজ্যে সমূহ বিশৃঙ্খল উপস্থিত হইল, যখন আলিবর্দি খাঁর পরে বঙ্গে উপযুক্ত শাসনকর্তার অভাব জন্মিল, যখন সেরাজউদৌলার মজ্জিগণ স্বেচ্ছাচারী হইয়া উঠিল, হিন্দু ও মুসলমান কণ্ঠচারিগণ লোন্ডের বশবর্তী হইয়া নবাবকে অতিক্রম করিয়া প্রজাদিগের রক্তশোষণ আরম্ভ করিল, যখন পাঠানেরা চারিদিকে অত্যাচার আরম্ভ করিয়া ক্ষুদ্র ক্ষুদ্র রাজ্য সংস্থাপনের চেষ্টা পাইল, যখন মহারাষ্ট্রীয় তহুরেরা শাসনের ভাগ করিয়া বঙ্গে উপস্থিত হইয়া নানা প্রকার গর্হিত উপায়ে চৌধ আদায় করিতে লাগিল, ফ্রান্স, স্পেন, পোর্টুগাল, ইলাণ্ড, দেনমার্ক দেশের বণিকগণ নানাস্থানে



নানাভাবে ভারতের অর্থ অপহরণ করিতে লাগিল, তখন ইংরেজগণ কর্মক্ষেত্রে উপস্থিত হইলেন। বাত 'ও বুদ্ধিবলে রাজ্য গ্রহণ করিয়া অতি প্রকৃষ্ট নীতি অবলম্বন করিয়া শাসন আরম্ভ করিলেন। প্রথম সময়ে অর্থানটন নিবন্ধন দুই একস্থানে জ্বায়ে মস্তকে পদাঘাত করিয়া অর্থ সংগ্রহ করিতে বাধ্য হইতে হইয়াছিল; কিন্তু যেমন আয়ের পথ উন্মুক্ত হইল, অমনি সকল প্রকার ঞ্চায়ানুমোদিত কার্যাও আরম্ভ হইল। “ভারতের হিতের জন্য ভারত সাম্রাজ্য”—এই সত্য অবলম্বন করিয়া শাসন আরম্ভ করিলেন। এই নীতির ফলে দেখা বাইতেছে যে, সকল স্থানে সকল প্রকারের অত্যাচার কেমন দীর্ঘে দীর্ঘে কমিয়া বাইতেছে, দিন দিন বিজ্ঞা-শিক্ষা বিস্তারিত হইতেছে, বাতায়াতের সুবন্দোবস্ত হইতেছে, একমাত্রের পথ একদিনের হইতেছে, সহস্র যোজনের সংবাদ নিম্নে আসিতেছে, নির্বিশেষে সমুদয় পৃথিবী বিচরণের ক্ষি সুবিধা হইয়াছে। শাসন কাহাকে বলে, ভারতবাসী তাহা ক্রমে ক্রমে উপলব্ধি করিতে আরম্ভ করিয়াছে। প্রজ্ঞার স্বরূপ কি, তাহা ইংরেজশাসনে ভারত প্রথম বুঝিতে পারিল। এখন ইংরেজ ভারত হইতে চলিয়া গেলে, কবি যে বলিয়াছেন “তুমি যে তিমিরে তুমি সে তিমিরে”—পতিত হইয়া অন্ধের ঞ্চায় বিচরণ করিবে।

যে ইংরেজ প্রভূত প্রতাপে সমাগরা সধীপা পৃথিবীর অধীশ্বর হইয়াছেন, আজ তুমি কোন্ উদ্দেশ্য সাধনের জন্য দস্যুর বেশে অশিক্ষিত একমুষ্টি সৈন্য লইয়া তাঁহাদের সম্মুখে উপস্থিত হইতেছ? উদরপূর্তির জন্য নিরন্তর দস্যুতা করিতেছ এবং আবশ্যক হইলে গুপ্তস্থান হইতে কর্তব্যপরায়ণ কর্মচারীদিগকে ‘বিনাশ করিতেছ? তাহার ফল এই হইতেছে যে, অধর্মশ্রোতে ভারত রসাতলে বাইতেছে। মনে রাখিও, কর্মমূলে ধর্ম প্রতিষ্ঠিত না থাকিলে, কখনও কোন জাতি

শ্রেষ্ঠ লাভ করিতে পারে না । হিন্দুকুলগোরব রক্ষা করিতে হইবে বলিয়া যেরূপ অস্তিত্বতা দেখাইতেছ, মনে থাকে যেন, সে কুল-গোরব কেবল ব্রাহ্মণগণ বেদাধ্যায়ী, সত্যবাদী, জিতেন্দ্রিয়, লোভহীন, হিংসাশূন্য, স্বার্থত্যাগী, অরণ্যবাসী ও ব্রহ্মচর্যাবলম্বী হইয়া নিরন্তর ধর্ম ও নীতি অযাচিত ভাবে রাজা ও প্রজাকে শিক্ষা দিয়ামিছিলেন বলিয়া ভারতে প্রতিষ্ঠিত হইয়াছিল । পূর্বে চারিবর্ণ কর্তব্যাপরায়ণ হইয়া আপন আপন কার্য্য নির্বাহ করিতেন । এখন তাহার পরিবর্তে আমরা স্বার্থপর, মিথ্যাবাদী, বিদ্যাহীন, ধর্মহীন, চরিত্রহীন, লোভী ও অসংযমী হইয়া রাহুগ্রস্ত শরীরে জায় মান হইয়াছি । যদি ভারতের গোরব পুনরায় প্রতিষ্ঠিত করিতে ইচ্ছা কর, তবে একপ্রাণ হইয়া দেব হিংসা ত্যাগ করত ইংরেজদিগকে আশ্রয় করিয়া তাঁহাদের তেজস্বিতা, উদারতা ও কর্তব্যপরায়ণতা অনুকরণ কর, দেশের লোক একত্র হইয়া সৌগে কারবার দ্বারা দেশে ধনাগমের চেষ্টা কর, সমাজ হইতে কুসংস্কার দূর কর, দিন দিন শিক্ষার বিস্তার কর ; কৃষক, চৈতন্য, নানক, তুলসীদাস যে ভাবে সকল শ্রেণীর লোকদিগকে ভালবাসিয়াছিলেন, সেইরূপ ভাবে সকল সম্প্রদায়ের লোককে আপনার বলিয়া গ্রহণ কর, হিন্দু ও মুসলমানে একমত ও একপ্রাণ হইয়া এক উদ্দেশ্যে চলিতে থাক । তোমার মত লোক জগতে জন্মগ্রহণ করিয়া, যদি এইরূপ জাতীয় গঠনরূপ মহৎ কার্য্য সমাধা করিতে পারে, তবে বুঝি যে তোমার উদয়ে ভারত ধন্য হইল । একেইত অধর্ম্মশ্রোতে ভারত সন্ধীর্ণ হইয়া আসিতেছে, তাহার উপর হত্যা ও দম্ব্যতাকে প্রশ্রয় দিয়া জাতীয় জীবনকে নিকৃষ্ট হইতে নিকৃষ্টতর করিলে, সে জাতি আর কতদিন পৃথিবীতে তিষ্ঠিতে পারে ?

মহারাজ পুনরায় কহিলেন,—“ভীমসিংহ, এখন বল কি কারণে তুমি প্রভাবতীকে অপহরণ করিয়াছিলে ?”

ভীম। মহারাজ! যখন আমার বিংশতি বৎসর বয়ঃক্রম, তখনই আমার জীবনের উদ্দেশ্য স্থির হয়। তখন আমি উৎকলের রাজ্যের একজন সুবেদার ছিলাম। বংশপরম্পরাগত উৎকল রাজপুত্রগণ অকস্মাৎ ও নির্জীব। আমার মহাদেশ মহারাজার কাণে উঠিবামাত্র, আমাকে তাঁহার রাজ্য হইতে বহিষ্কৃত করিয়া দিলেন। শুনিয়াছিলাম, রাজা শশধর রাও বড় বীৰ্য্যবান ও তেজস্বী পুরুষ ছিলেন। তিনি স্বহস্তে ষোড়শ বৎসরে প্রচণ্ড ব্যাঘ্রকে বিনাশ করেন। আমি সাহসে ভর করিয়া রঘুনাথগড়ে উপস্থিত হইলাম। তিনি আমার অবয়ব দৃষ্টে বড় সন্তুষ্ট হইলেন এবং সন্ধ্যাকালে আমাকে আহ্বান করিয়া বাহ্যুক্ষে প্রবৃত্ত হইলেন। এই সমগ্র প্রদেশে কি বাহ্যুক্ষে, কি তরবারি সঞ্চালনে, কি ঘোটকারোহণে কেহই তাঁহাকে কখন পরাস্ত করিতে পারে নাই। আমি কি সুযোগে বলিতে পারি না, মহারাজাকে পরাজিত করিলাম; কিন্তু নিজের নিগুণতা বুঝিয়া তাঁহার চরণধূলি মস্তকে অর্পণ করিলাম। সেই দিন হইতে আমি তাঁহার প্রিয় হইলাম। আমাকে তিনি তাঁহার শরীররক্ষক নিযুক্ত করিলেন। প্রতিদিন মল্লযুদ্ধ হইত, কখনও বা তরবারি লইয়া খেলা করিতাম, তাহাতে হয় তিনি হারিতেন, না হয় আমি হারিতাম, বা উভয়ে সমান হইতাম। একদিন অমাবস্তার রাতে তিনি মহাকালীর পূজা করিয়া উঠিয়া আসিতেছেন, এমন সময় আমি কহিলাম,—“মহারাজ এই পূজার কি কোন গুঢ় উদ্দেশ্য আছে?” তিনি কহিলেন,—“ভক্তি ভিন্ন কিছুই নাই।” আমি কহিলাম,—“রাজগুরু শশাঙ্কশেখর এই স্থানে কালী স্থাপন করিয়া, পরে স্বাধীনরাজ্য স্থাপন করেন, মহারাজার সেই বীর পুরুষের অনুসরণ করিতে কি অভিলাষ হয় না?” তিনি অনেকক্ষণ ভাবিলেন, পরে কাপুরুষের ত্যায় বলিলেন,—“ভীমসিংহ, তুমি কি বিদ্রোহ উদ্ভেজনা করিতে চাও? ইংরেজ সিংহের সহিত কি কারণে, কোন সাহসে যুদ্ধ করিব? তাঁহারা আমার

অকৃত্রিম বন্ধু ; সুখে দুঃখে তাঁহারা আমার সহায় ;—এ ক্ষুদ্ররাজ্য তোমার উপযুক্ত নয়, তুমি এখনই স্থানান্তর হও ।” তিনি কাপুরুষের ছায়া কথা কহিলেও বহুদর্শী । বাস্তবিক রাজসংসারে অধিক দিন থাকিতে পারিলে, আমি সমুদায় সৈন্তকে বিদ্রোহে উত্তেজিত করিতাম । আমি বহিষ্কৃত হইয়া উৎকল, বালেশ্বর ও নানা স্থান হইতে নানাপ্রকারের যুবক সংগ্রহ করিয়া এক দল বাঁধিলাম ; কিন্তু তাহার দ্বারা কোন সুবিধা দেখিলাম না । নিরাশ্রয় লোক পাঁড়ন ও ঢুই চারিজন ইংরেজ ও দেশীয় কৰ্মচারীর হত্য্য ভিন্ন, অত্ৰ কোন ফল হইল না । বুঝিলাম, কোন রাজার সাহায্য ভিন্ন, এই সময়ে এই মহৎ কার্য্য সুসিদ্ধ হইতে পারে না । আমি জানিতাম, মৃত মহারাজার কণ্ঠা ভিন্ন আর কেহ উত্তরাধিকারিণী ছিল না ; তাহাকে অপহরণ করিয়া আমার ইচ্ছামত বিবাহ দিতে পারিলে, জামাতা আমার বর্শভূত হইবে, এবং কালে তাহার দ্বারা স্বকার্য্য সাধন করিব । কিন্তু বিধাতা আমাকে সর্ব্বপ্রকারে বঞ্চিত করিয়াছেন । আর এ জীবনে প্রয়োজন নাই ;—এ ছার, অপদার্থ, স্থগিত জীবনে আর কি প্রয়োজন ?”

ভীমসিংহের স্বরভঙ্গ হইল । অবশেষে বর বর করিয়া চক্ষু হইতে জল পড়িয়া বিশাল বন্ধকে প্লাবিত করিল । পাষাণে জল দেখিয়া যেন সভাস্থ সকলে আর্দ্র হইল । পূর্ণচন্দ্র কহিলেন,—“বিদ্রোহীর প্রাণদণ্ডই পূর্বাগর ব্যবস্থা রহিয়াছে ; তুমি উদরপূর্ত্তির জন্ত নিরন্তর অসহায় লোকের প্রাণ সংহার করিয়াছ, মহারাজাকে দারুণ মনকষ্ট দিয়া তাঁহার আসন্ন মৃত্যুর কারণ হইয়াছ, প্রভাবতীকে দুঃখিনী করিয়া, অবশেষে বিবাহ দিয়া চির-দুঃখিনী করিবার আয়োজন করিয়াছিলে, ক্লেশঙ্করকে মন্বাস্তিক যাতনা দিয়া শেষে অনাথের ছায়া, পুত্র ছায়া বধ করিতে উদ্যত হইয়াছিলে ।”

ভীম । প্রাণ ভিক্ষা করা অপেক্ষা কাপুরুষের কার্য্য জগতে আর আছে কি না সন্দেহ । ভীমসিংহ সে স্থগিত প্রার্থনা এ জীবনে করিবে না ।

# ত্রিংশ পরিচ্ছেদ ।

—\*(:0:)\*—

## অসি-যুদ্ধ ।

অসি-যুদ্ধের জ্ঞাত প্রাক্কণের একাংশে কাঠগড়া দ্বারা একখণ্ড ভূমি বেষ্টিত হইল । উভয় যোদ্ধার ভীম কায়, প্রশস্ত বক্ষ, বিশাল উরু, বাহু ও দীর্ঘাকৃতি দেখিয়া দর্শকদিগের মন তর তর নাচিতে লাগিল । লোকে লোকারণ্য, মহারাজা মধ্যস্থলে উপবেশন করিলেন । একপার্শ্বে অমরচন্দ্র, বীরচন্দ্র, শৌরেন্দ্র, নরেন্দ্র প্রভৃতি সামরিক বিভাগের কমান্ডারী, অন্তর্দিকে মন্ত্রীগণ ও বিভাগীয় অধ্যক্ষগণ ও সম্ভ্রান্ত ভূম্যধিকারিগণ উপবেশন করিলেন । কাঠগড়ার একদেশে সর্বপ্রকার যজ্ঞাদি ও ঔষধাদি লইয়া সার্জন জেনারেল আগুতোষ ও প্রধান রাজবৈদ্য উপবেশন করিলেন । উপরে বিচিত্র বস্ত্রাভ্যাস্তরে রাজমহিষী, প্রভাবতী, শরৎসুন্দরী, যোগেশ্বরী, পদ্মমুখী ও অপর অপর সম্ভ্রান্তপুরস্त्रीগণ একদৃষ্টে যোদ্ধাদিগের উপর চাহিয়া রহিলেন ।

বংশীবাদন করিয়া অমরসিংহ ইঙ্গিত করিবামাত্র উভয় যোদ্ধা ভীমরোলে উভয়কে আক্রমণ করিল । বন্বনা, ঠন্ঠনা, ধুপ্ধাপ শব্দ অনবরত উঠিতে লাগিল । উভয়ের কি চমৎকার শিক্ষা ! উভয় অসি ভিন্ন দিক্ হইতে উখিত হইয়া কেমন একস্থানে সংঘর্ষণ করিতে লাগিল । অল্প সময়ের মধ্যে ভীমসিংহ নিরস্ত হইল । অর্জুনের এক

আঘাতে ভীমের তরবারি উড়িয়া গেল । দর্শকেরা ‘হা-হা’ করিয়া হাসিয়া উঠিল । অনেকে ‘হুয়ো ভীম’ বলিয়া উপহাস করিল । আর একথানা তরবারি তাহার কটিতটে ঝুলিতেছিল । বলা বাহুল্য যে প্রত্যেক যোদ্ধাই দুখানি করিয়া তরবারি সঙ্গে লইয়াছিলেন । ভীম এক নিমিষে তাহা গ্রহণ করিয়া অর্জুনকে • দ্বিগুণ রোষভরে আক্রমণ করিল । ক্রোধের সহিত বল চতুর্গুণ বর্দ্ধিত হইল । এমন প্রচণ্ড বেগে অসি ঘূর্ণিত করিতে লাগিল যে, সকলেই ভীমসিংহকে বহুলাকার দেখিল । এমন ক্ষিপ্ৰ ও লঘুহস্ততা, কেহ কখন দেখে নাই বলিয়া স্বীকার করিল । অর্জুনসিংহ দীর্ঘে দীর্ঘে পশ্চাতে হটিতে লাগিলেন । অবশেষে ‘কাঠগড়ার’ নিকটবর্তী হইলেন । আর নড়িবার স্থান নাই দেখিয়া, অগত্যা বীর অর্জুন দাঁড়াইয়া বুদ্ধ করিতে লাগিলেন । ভীমের তরবারি বক্রভাবে আঘাত করিবারাত্র, হস্ত হইতে অসি পড়িয়া গেল । দ্বিতীয় আঘাতে অর্জুন হতজ্ঞান হইয়া ‘কাঠগড়ার’ পার্শ্বে পড়িয়া গেলেন । অতি উৎকট ও প্রচণ্ড মূর্ছিত দারণ করিয়া ভীমসিংহ মধ্যস্থলে অসি নিম্ন করিয়া দাঁড়াইয়া রহিল । এখনও তাহার শরীরের বেগ হ্রাস হয় নাই ; অনর্গল বৈজাতিক ক্রীড়া ধমনীতে হইতেছিল । ঝড় কখন থামিয়া গিয়াছে, তরঙ্গাফলন তখনও নদীতে ছুটিতেছিল ।

সার্জন জেনারেল ও রাজবৈদ্য অতি বেগে অর্জুনের পার্শ্বে উপস্থিত হইয়া তাঁহাকে পরীক্ষা করিয়া বলিলেন,—“ভয় নাই, আকস্মিক আঘাতে মস্তিষ্কের ক্রিয়া লোপ পাইয়াছে ; এখনই ইহার জ্ঞান হইবে ।” চারিজন বাহক তাঁহাকে ধরাধরি করিয়া ডাক্তারের ক্ষুদ্র ভাণ্ডার মধ্যে লইয়া গেল ।

এদিকে অমরসিংহ উচ্চৈঃস্বরে কহিলেন,—“যদি কেহ বীর থাক,

পরিচয় প্রদান করিয়া মুখোজ্জ্বল কর ।” কিন্তু একপ্রাণীও নড়িল না । কি সৈনিক কি দর্শক সকলেই নিস্তব্ধ । ভীমের সেই পক্ষান্তার নির্বিড়, রহৎ ও রক্তরঞ্জিত মুষ্ঠি দেখিয়া সকলে জড়ের গ্রায় স্থির রহিল । একজন বৃদ্ধ ব্রাহ্মণ কহিল,—“ভীমের সহিত লড়িতে পারে, এমন পুরুষ এখনও জন্ম গ্রহণ করে নাই ; স্বর্গীয় মহারাজাষ্ট্র স্বয়ং পরাস্ত হইয়াছিলেন ।” অমরসিংহ পুনঃ পুনঃ অনুরোধ করিতে লাগিলেন, কিন্তু এক প্রাণীও উঠিতে সাহস পাইল না । কেবল “হিস্ হিস্” শব্দ চারিদিকে হইতে লাগিল । একজন সিপাহী কহিল,—“কি ভুখে, এ নবীন বয়সে ভীমের হাতে মরিতে যাইব—বাঁচিলে অদৃষ্টে অনেক সুখ ভোগ হইবে ।” এই কথা কর্ণগোচর হইবামাত্র ভীম গাঞ্জিয়া কহিল,—“কাপুরুষ ! তোর জীবনই ত মরণ, তোর আবার মরিবার ভয় কেন ? তুই আবার কি সুখের ইচ্ছা করিস্ ?”

কেহই যুদ্ধে অগ্রসর হইতেছে না দেখিয়া পূর্ণচন্দ্র লজ্জিত হইলেন । মনে মনে কর্তব্য স্থির করিতে লাগিলেন । এমন সময় এক বীর পুরুষ এক লম্ফে কাঠগড়ায় প্রবেশ করিলেন । চারিদিকে তুমুল শব্দোৎপন্ন হইল । সকলেই দাড়াইয়া উঠিল ; ভাবিতে লাগিল এ নবাগত যুবা কে ? অন্তঃপুরে প্রভাবতীর হৃদয় তর তর নাচিয়া উঠিল । তিনি ভাব গোপন করিতে না পারিয়া, শরৎসুন্দরীর হস্ত ধারণ করিয়া বলিলেন,—“বল দেখি, কৃষ্ণশঙ্করকে এই সময় কেমন দেখাইতেছে ?” শরৎ কোমল স্বরে কহিলেন,—“ভাই, এ যুদ্ধ দেখিতে আমার ইচ্ছা নাই, আমার মন কেমন করিতেছে । হায় ! জীবিত অর্জুনসিংহ এই সগর্বে কথা কহিতেছিল, এখন কোথায় গেল ? এ পোড়া যুদ্ধ হইল কেন ? জীবন দিয়া এ বীরকে কেন ?

কান্ত—( একটু জিহ্বা বাহির করিয়া ) মহারাজার এ অতৃপ্তিকর তামাসা দোধবার ইচ্ছা কেন বুঝিতে পারি না ।”

প্রভাবতী হাসিয়া কহিলেন, “শরৎ, ভীমসিংহের সহিত যদি কেহ যুদ্ধ করিতে না উঠিত, তাহা হইলে আমিই উঠিতাম ।”

শরৎ । ( অবাক হইয়া ) বল কি ? তুমি কি করিয়া ঐ ডাকাতের সহিত যুদ্ধ করিতে সাহস কর ? উহাকে দেখিলে ত আমার অন্তরাঘ্না কাঁপিয়া উঠে ।”

প্রভা । আমি ঘোড়া চড়িয়া উহার সহিত লড়াই করিতাম ।

শরৎ । তুমি লড়াই কোথায় শিখিলে ?

প্রভা । লড়াই কি আবার শিখিতে হয় ? নরেন্দ্রলালবাবুর দ্বারবানেরা লাঠা ও তলোয়ার খেলিত, তাহা দেখিয়া আমি ঘরে বসিয়া কতদিন লাঠা ও তরবার ঘুরাইয়াছি ।

শরৎ । ঘোড়া চড়িতে কোথায় শিখিলে ?

প্রভা । তুমি যে আমাকে অবাক করিলে ? লোকে পাঁকা, গাড়ি চড়িতে আবার শেখে নাকি ? আমি বাল্যকালে ঘোড়ায় চড়িয়াছি, এমন নহে হয় ;—তা ভিন্ন আমি, মহারাজা ও কৃষ্ণশঙ্কর উদ্যানের মধ্যে ঘোড়া চড়িতাম ও অস্ত্র খেলা করিতাম ।

শরৎ । তাই, আমার এ সকল বিষয়ে সাধ নাই । আমরা স্ত্রী-লোক, স্ত্রীলোকের মত থাকিতেই আমার ইচ্ছা করে । পুরুষের বারংধে আমাদের আবশ্যক কি ?

প্রভা । স্বভাব লইয়া শিক্ষা । আমার প্রকৃতি আর তোমার প্রকৃতি ভিন্ন, সুতরাং আমাদের প্রবৃত্তি ও কার্য ভিন্ন হইবে ।

এই সময় ভীমসিংহ কৃষ্ণশঙ্করকে অভিবাদন করিয়া কহিলেন,—  
“আজ আমার সুপ্রভাত, আপনার হস্তে যে জীবন উৎসর্গ করিব, ইহা



অপেক্ষা আমার সৌভাগ্য নাই। আপনি মহারাজ চক্রবর্তী, কপালে রাজদণ্ড বিঘ্নমান, বঙ্গদেশ—না হয় এই রঘুনাথগড়ের রাজা আপনি একদিন হইবেন।”

কৃষ্ণশঙ্কর কহিলেন,—“ভীমসিংহ, তুমি অধর্মের অবতার, তুমি বিদ্রোহী, তোমার কোন কর্মের সহিত আমি একমত হইতে পারি না ও কখনও পারিব না।”

ভীমসিংহ হাস্ত করিয়া কহিলেন,—“ভাগ্যবান, যুদ্ধে প্রবৃত্ত হউন, মরণসময়ে আমার উদ্দেশ্যকে নিন্দা করিবেন না।” এই বলিয়া স্বাধীননগরের সেনাপতি অস্ত্রোত্তোলন পূর্বক কৃষ্ণশঙ্করকে আক্রমণ করিল।

কৃষ্ণশঙ্করের শরীর নাতিদীর্ঘ, বর্ণ উজ্জ্বল, প্রশস্ত কপাল, বিশাল ঠোঁট, অন্ন অন্ন অগ্রজালে মুখের শোভা পরিবদ্ধিত হইয়াছে। তাঁহার হস্ত অঙ্গুলিগুলির সহিত, পদ সঞ্চারের সহিত, মস্তক কম্পনের সহিত, প্রভাবতীর হৃদয়ও তর তর নাচিতে লাগিল। ক্রমে ক্রমে ঘন ঘন অসি সঞ্চালিত ও সংঘর্ষিত হইল। বিদ্যাতের ঞ্চায় অসি-প্রভা দর্শকের চক্ষে প্রতিফলিত হইল। সকলেই অধীর হইয়া বুদ্ধ দেখিতেছে ও মনে মনে কৃষ্ণশঙ্করের মঙ্গল কামনা করিতেছে; এমন সময় ভীমসিংহের এক আঘাতে তিনি ভূতলশায়ী হইলেন। শরীর নিঃস্পন্দ হইল। বিন্দু বিন্দু শোণিত বাহির হইতে লাগিল। তাঁহার মোহ হইল। তিনি উঠিতে পারিলেন না। সার্জন জেনারেল দ্রুত আসিয়া স্রবশ্রুত বীরের মস্তকোত্তোলন করিয়া তাঁহাকে পরীক্ষা করিতে লাগিলেন।

কৃষ্ণশঙ্করের অবস্থা দেখিয়া, প্রভাবতীর স্থিরতা এককালে নষ্ট হইয়া গেল। হৃদয়ে এক অভিনব অস্বাভাবিক ভাব উঠিল। সেই ভাবে তাঁহার শরীর ও মন অস্থির হইয়া উঠিল। তিনি এক লক্ষে

অলিন্দে আসিলেন, দ্বিতীয় লীক্ষ রাজমহিষীর অদৃশ্য হইলেন। কত্কার জন্ম মাতা ব্যস্ত হইয়া উঠিলেন। শরৎসুন্দরী ও যোগেশ্বরী কতকদূর পশ্চাদ্ধাবনা হইলেন; কিন্তু আকাশচ্যুত-তারকা-সুন্দরীর ত্রায়, কাদম্বিনী-প্রমত্ত-সৌদামিনীর ত্রায়, হরিতগমনা প্রভাকে কেহই ধৃত করিতে পারিলেন না। তিনি অন্তঃপুরের বাহির হইয়া গেলেন।

ক্লেশশঙ্কর এখনও স্পন্দহীন হইয়া শয়ন করিয়া আছেন। সভা স্থির ও গম্ভীর। কাহারও মুখে কথা নাই। ভীমসিংহ অবনত বদনে মধ্যস্থলে স্থির হইয়া দাঁড়াইয়া আছে; তাহার উগ্রমূর্ত্তি বিনয় হইয়াছে। অজ্ঞাতসারে পূর্ণচন্দ্রের চক্ষে জ্বল পড়িতেছে। সৌভাগ্যের বিষয় যে, কিছুদিন পূর্বে নরেন্দ্রলাল বাবু কন্মোপলক্ষে বাটী চলিয়া গিয়াছিলেন। আজ এই সময়ে রাজার মনে অতীত ঘটনা সকল একে একে উঠিতে লাগিল। তিনি অতি কষ্টে মনোভাব দমন করিয়া প্রস্তরের ত্রায় উপবিষ্ট রহিলেন।

এই সময় পূর্বদিকে জলন্ত সূর্যের ত্রায়, কৈলাসশিখরে হৈম-বতীর হেমপ্রভার ত্রায়, নব কাদম্বিনীর নিবিড়-নীলিম-বক্ষঃস্থিত সৌদামিনীর ত্রায় এক অপূর্ণ জলন্ত বীরপ্রতিমা দোটকারোহণে সভায় আগমন করিলেন। তাঁহার মস্তকে উষ্মগ্ন, তন্নিয়ে কুঞ্চিত কেশপাশ চারিদিকে উড়িতেছে; কর্ণে বীরবোলি, অঙ্গে বর্ষা, হস্তে শাণিত তরবারি, কটিতে কটিবন্ধ, তাহা হইতে সমুজ্জ্বল কিরীচ দোহুলামান।

সেই বীরপ্রতিমা দেখিয়া সভাস্থ সকলে দাঁড়াইয়া উঠিল। মহা কোলাহল উপস্থিত হইল। সকলে সমস্তরে চীৎকার করিয়া বলিল,— “একি—মহারাজ শশধর রাও কি বালবৎস্পে স্বর্ণ হইতে ভূতলে আসিলেন?” পূর্ণচন্দ্র দেখিলেন,—সেই আলেখ্য-চিত্রিত ব্যাঘ্রহস্তা পুরুষ। কমলকুমারীর চিত্তবৈকল্য উপস্থিত হইল। ভীমসিংহ প্রভাকে কখন

দেখে নাই, এখন সেই বীরকায়্য দেখিয়া তাহার শরীর প্রকম্পিত হইল ; বলিয়া উঠিল,—“আজ রক্ষা নাই ।”

সেই পুরুষবেশধারিণী বীরাক্ষনা তখন গম্ভীর, গৰ্ব্বিত অথচ স্তম্ভুর স্বরে চীৎকার করিয়া বলিলেন—“আজ তোমার গর্বের শেষ হইবে । যে প্রভূত, বলসম্পন্ন হইয়াও অধর্ম, দুশ্রবৃত্তি ও দুরাশার বশবর্তী হইয়া দুষণীয় কার্য্যে প্রবৃত্ত হয়, যে তারকাস্বরের ত্রায় এই শাস্ত স্প্রসন্ন বঙ্গে প্রবেশ করিয়া অকারণে, অসময়ে ও অবिवেকীর ত্রায় বঙ্গবাসীর সুখভঙ্গ করিতে চায়, সেই নরপিশাচের মস্তক আজ দ্বিধণ্ড করিব ।” এই বলিয়া আশ্ফালন পূর্বক তিনি বিশাল অসি ঘুরাইতে ঘুরাইতে একলক্ষ্যে অশ্বিনীসহ কাঠগড়ার মধ্যে প্রবেশ করিলেন । দর্শকবৃন্দ চীৎকার করিয়া—“জয় মহারাজার জয়”—বলিয়া উঠিল । কেহ কেহ নির্ঝাক্ হইয়া সেই না-পুরুষ, না-স্ত্রী প্রতিকৃতির বীর মুখমণ্ডলের মধ্যে অলোকসামান্য রূপরাশি হাঁ করিয়া দেখিতে লাগিল ।

ভীমসিংহ শাস্তভাবে কহিল,—“দেবি ! আমি বঙ্গের আশা পরিত্যাগ করিয়াছিলাম, কিন্তু আজ বঙ্গে সরোজিনীর উদয় দেখিয়া আমার বিশ্বাস হইতেছে, এই অন্ধকারময় বঙ্গেও একদিন সূর্য্য উঠিবে ।” এই বলিয়া সে অসি পরিত্যাগ পূর্বক সম্মুখে অগ্রসর হইল । মস্তক প্রসারিত করিয়া কহিল,—“আমাকে বিনাশ করুন—আজ আমি প্রসন্নমনে সংসার হইতে বিদায় লই ।” প্রভাবতী উদ্ধতা ফণিনীর ত্রায় কহিলেন,—“তঙ্কর ! কাপুরুষের ত্রায় অসি পরিত্যাগ করিয়া এখন দোহীর ত্রায়, নরহত্যাকারীর ত্রায়, বিদ্রোহীর ত্রায় রাজদণ্ড মস্তকে ধারণ করিতে আসিয়াছ ? আমি রাজা নই—অস্ত্র গ্রহণ কর—আবশ্যক হয়, সেনাপতি মহাশয়ের নিকট ষোটকের প্রার্থনা কর ।”

প্রভাবতীর সেই স্তম্ভুর, সেই বীররসভিষিক্ত কণ্ঠস্বর, অমৃতবিন্দুর

ভ্রায় কৃষ্ণশঙ্করের কর্ণে প্রবেশ করিবামাত্র, তাঁহার নির্জীব শরীর নড়িয়া উঠিল। তিনি উঠিয়া দাঁড়াইলেন। তাঁহার মুচ্ছার শেষ হইল। পুনরায় অসিহস্তে কহিলেন,—“ভীমসিংহ, আর এক মুহূর্ত্ত দেরি করিও না—এইবার হ'য় মরিব, না হয় মারিব।” এই বলিয়া তিনি ভীমের উপর কাঁপাইয়া পড়িলেন। কৃষ্ণশঙ্কর অবমানিত হইয়া মনে করিলেন,—“এই প্রাণ যাউক, আর থাকুক, ভীমসিংহকে একবার আঘাত করিবই করিব।” এই স্থির করিয়া তিনি ছন্দার দিয়া অসি চালনা করিলেন। সেনাপতি তাঁহার অসি চালনার অবস্থা পূর্ব হইতেই বুঝিতে পারিয়াছিলেন, সুতরাং বিশেষ মনোযোগ দেওয়া আবশ্যক বিবেচনা করিল না। কৃষ্ণশঙ্কর জীবনের আশা পরিত্যাগ করিয়া ভীমের অসির অভ্যন্তরে প্রবেশ করিলেন। তাহার অসি ঘুরিয়া না আসিতে, তিনি তাহার বক্ষে প্রচণ্ড আঘাত দিলেন। সেই আঘাতে স্বাধীন নগরের সেনাপতি অসি হস্তে পড়িয়া গেল; সহাস্ত্রমুখে কহিল,—“বীর! তোমাকে অগ্রসর করিয়া উদ্দেশ্য সাধন করিতে পারিলাম না এই দুঃখ, বিধাতার নিকট বলিব।” ভীম জন্মের মত নীরব হইল।

প্রভাবতী এক্ষণে অগ্রসর হইয়া কৃষ্ণশঙ্করকে ইঙ্গিত করিলেন। তিনি পশ্চাৎদিক দ্বিতীয় অশ্বে লক্ষ্যত্যাগে উঠিলেন। অমনি উভয়ে তীরের ভ্রায় দৌড়িয়া গেলেন। প্রাসাদের সন্নিহিত উপবনে তাঁহারা কোথায় কতক্ষণ নিশিয়া গিয়াছেন, তত্রাপি দর্শকেরা এখনও সেইদিকে চাছিল। সেই যুগল অশ্বের, যুগল আরোহীদের গমনচ্ছবি, কাহারও অন্তর হইতে বিলীন হইল না।

# একত্রিংশ পরিচ্ছেদ ।

—):০:(—

## এক ক্ষুদ্র অভিনয় ।

রাজদরবারে এক অভিনয় মাত্র অর্পণষ্ট ছিল । অল্প তাহারই শেষ হইল । কালাচাঁদের জননী গৌরমোহন বাবুর উপর হত্যাভিযোগ আনয়ন করিয়াছিল । জমিদারীর মধ্যে এই হত্যাকাণ্ড উপস্থিত হইয়াছিল বলিয়া, পূর্ণচন্দ্র তাকে আহ্বান করিয়া পাঠাইয়াছিলেন । আজ পরাক্রমশালী, অমিত-তেজঃসম্পন্ন গৌরমোহন দত্ত মহারাজার সম্মুখে উপস্থিত হইল । মুখের কি আশ্চর্য্য পরিবর্তনই হইয়াছে । গোঁফের সে তাড়া নাই, চক্ষে সে গর্ষ নাই, মুখ ভার ও বিসম্ব । শরীরে এমন বল নাই যে দ্রুত চলিতে পারে । দুইজন লোক অতি ধীরে ধীরে সম্মুখে আনয়ন করিলে, গৌরমোহন বামহস্তোত্তোলন পূর্ব্বক মহারাজাকে অভিবাদন করিল । পূর্ণচন্দ্র তাহার আকৃতি দেখিয়া ও বাম হস্তের অভিবাদনে চমৎকৃত হইয়া মুখের দিকে চাহিলেন । গৌরমোহন অতি কাতরে ও অতি বিনয়ে বলিল,—“মহারাজ, যে সময়ে দেব-প্রতিম রত্ন-কাস্তুর পবিত্র দেহে হস্তক্ষেপ করি, ঠিক সেই মুহূর্ত্তে যেন মন্ত্রবলে আমার হস্ত অবশ হইয়া গেল । সে হস্ত এখনও অবশ রহিয়াছে । এত চিকিৎসা করিলাম, এত ব্যর্থ করিলাম, আমার সকলই বৃথা হইল । এখন বুঝিতেছি যে, এতদিন হৃৎকলের উপর যে অস্ত্রাঘাচরণ করিয়া আসি-  
য়াছি, ও ধনের গর্বে গর্বিত হইয়া, জগৎকে মৃত্যুভাণ্ড জ্ঞান করিয়াছিলাম,

তাহার প্রায়শ্চিত্ত আরম্ভ হইয়াছে । ঋষিশ্রেষ্ঠ হৃষীকেশের উপদেশে আমার জ্ঞানচক্ষু প্রস্ফুটিত হইতেছে । হায় ! আমি কেন দুর্লভ নমুযাজন্ম গ্রহণ করিয়া জগৎপিতার কার্য সাধন করিতে পারিলাম না ? এমন ভাগ্যহীন, এমন অপদার্থ, এমন দুশ্চরিত্র কি আমার মত আর কেহ আছে ?”—তাহার আর বাক্যক্ষুণ্ণি হইল না ; কাঁদিয়া বক্ষঃস্থল ভাসাইয়া ফেলিল ।

পূর্ণচন্দ্রের হৃদয়ে অনিষ্পন্নায় দয়ার স্রোত প্রবাহিত হইল । গৌরমোহনের যে কঠোর প্রায়শ্চিত্ত আরম্ভ হইয়াছে, তাহা বুঝিতে বাকি রহিল না । তিনি বলিলেন,—“গৌরমোহন, তুমি গুরুতর অভিযোগে আজ অভিযুক্ত, আমি বিচারের জন্ত তোমাকে মেদিনীপুর পাঠাইতে পারি ।” আবার গৌরমোহন ক্রন্দন করিয়া ধরা ভাসাইল ; কাতরে কত কথা বলিল, তাহার সংখ্যা নাই । শেষে অনেক চিন্তা করিয়া মহারাজা কাপ্তেন লুইস কত্থক গবর্ণমেন্টে এক পত্র পাঠাইয়া দিলেন । অল্প সময়ের মধ্যে মহারাজা প্রভুভূত লাভ করিয়া সমস্তোন্মের সহিত গৌরমোহনকে বলিলেন,—“তুমি হইলক্ষ মুদ্রা তোমার জমিদারীর মধ্যে সংকল্পে অর্থাৎ বস্ত্র নিগ্ধাণে, বিদ্যালয়, দেবালয় ও দাতব্য চিকিৎসালয় স্থাপনে, অসহায় বালক বালিকা ও বিধবা রমণীগণের ভরণ-পোষণের জন্ত ব্যয় কর । তোমার বেক্রপ আত্মগমানি উপস্থিত হইয়াছে, তাহাতে অত্র কোন প্রকার কার্যিক শাস্তি অধিক ফলোপধায়ক হইবে না । কালাচাঁদের জননী ও স্ত্রী চিরকালই আমার প্রতিপাল্যে থাকিবে । তাহাদের জন্ত তোমার কোন ব্যবস্থা করিতে হইবে না ।”

গৌরমোহন কৃতজ্ঞহৃদয়ে কহিল,—“হইলক্ষ কেন, আরও অধিক মুদ্রা ব্যয় করিয়া মহারাজার অভিপ্রায়ানুযায়ী সাধারণ হিতকর কার্য্য সম্পন্ন করিতে প্রস্তুত । ঋষি কহিয়াছেন যে, মনুষ্যের দুই হস্ত

ও দশ অঙ্গুলি ; অর্থাৎ দুই হস্তে সহপায়ে অর্থোপার্জন করিয়া দশ-জনের ভরণ-পোষণ করিবে। আমার একমাত্র পুত্র, অধিক অর্থে আমার প্রয়োজন কি ? মহারাজ ! আমার এক প্রার্থনা আছে, সে প্রার্থনা পূর্ণ না হইলে আমার জীবনে কখন শান্তির শ্রোত প্রবাহিত হইবে না। অতি নৃশংসভাবে আমি কালাচাঁদকে হত্যা করিয়াছি, তাহার জননী, স্ত্রী ও ভাবী পুত্রের ভরণপোষণের উপযুক্ত আয়োজন করিয়া না দিলে বিশ্বনাথ কি আমার কখন মার্জনা করিবেন ? তাহাদের ভার আমাকে অর্পণ করুন। আমি তাহাদের জন্ত প্রশস্ত বাটী প্রস্তুত এবং চিরকাল স্নেহে থাকিতে পারে এমন তালুক ক্রয় করিয়াছি। কালাচাঁদের স্ত্রী পুত্রসন্তা-বিতা বলিয়া শুনিয়াছি। ( মহারাজকে নিরন্তর দেখিয়া ) প্রভো ! যদি দয়া করিয়া আমাকে ক্ষমা করিলেন, তবে আমাকে আমার কৃত পাপ-মোচনের রাস্তা পরিষ্কৃত করিতে দিউন। অভাগিনীর তপ্তহাসে আমার অধোদ্বিগ্ন সপ্তপুরুষ ধ্বংস হইয়া গাইবে।—”

গৌরমোহন আর বলিতে পারিল না। কাঁদিয়া ফেলিল। পূর্ণচন্দ্র তাহার প্রস্তাবে সন্মত হইয়া তাহাকে মুক্তি দিলেন।

যে দিন গৌরমোহনের বিচার আরম্ভ করিয়া পূর্ণচন্দ্র ভারত গবর্ণ-মেন্টে পত্র লিখিলেন, সেই দিন অজ্ঞাত দস্যুদিগের বিচারও নিষ্পত্তি হইয়া গেল। দস্যুদলকে দুই ভাগে বিভক্ত করিয়া যাহারা স্বীয় রাজ্যের প্রজা, তিনি তাহাদিগের মধ্যে দুই চারিজন পুরাতন দস্যু ভিন্ন অল্পবয়স্ক সকলকে “আমরা ভবিষ্যতে আর বিদ্রোহী বা পাপাসক্ত হইব না” এই অঙ্গীকার লেখাইয়া লইয়া অব্যাহতি দিলেন। ইংরেজ-রাজ্যবাসী দস্যু সকলও ঐরূপ ভাবে মেদিনীপুরে বিচার প্রাপ্ত হইয়া ইংরেজরাজের মহালুভাবতা উপলব্ধি করিয়া আনন্দিত হইল। উৎকলময়ী প্রভৃতি দুই একজনমাত্র চির-নির্বাসন দণ্ডাজ্ঞা লাভ করিল।

দরবার ভঙ্গ হয় এমন সময় এক দূত দ্রুতপদনিক্ষেপে আগমন করিয়া এক পত্র ও দ্বিসহস্র মুদ্রা সম্মুখে রাখিয়া করযোড়ে কহিল,— “মহারাজ, ঈশ্বরদাস বাবু রামনগর পরিত্যাগ করিয়া তাঁহার জন্মভূমিতে চলিয়া গিয়াছেন। যে দিন তিনি তাঁহার জন্মদায়িনী জননীর পত্র হারাইয়া ফেলেন, সেই দিন হইতে তাঁহার মনে ক্ষোভ ও দুর্ভাবনা উপস্থিত হয়। পরে চিন্তা এত প্রবল হইয়া উঠিল যে, তিনি জন্মভূমি চলিয়া যাইতে বাধ্য হইয়াছিলেন। সে চিন্তিতে যে কি লেখা ছিল তাহা কেহ বলিতে পারে না।” পূর্ণচন্দ্র হাসিয়া বলিলেন,— “অবোধ ব্রাহ্মকে ঈশ্বর স্বয়ং শিক্ষা দিয়াছেন।”





# দ্বাত্রিংশ পরিচ্ছেদ ।

—:~:—

## আদর্শ হিন্দুরাজ্য । \*

রাজপদে প্রতিষ্ঠিত হইয়া পূর্ণচন্দ্র রাজ্য পরিদর্শনের জন্ত বহির্গত হইলেন । প্রত্যেক কস্মচারী, ভূম্যধিকারী, ব্যবসায়ী, কৃষক প্রভৃতি সকল শ্রেণীর লোকদিগকে আহ্বান করিয়া তাহাদের সুখ দুঃখ, অভাব আকাঙ্ক্ষা পরিজ্ঞাত হইতে লাগিলেন । অতীত অবস্থার সহিত বর্তমান ও ভবিষ্যৎ চিন্তা করিয়া কর্তব্য স্থির করিতে লাগিলেন । কখন কখন ছদ্মবেশে বহির্গত হইয়া কত অপূর্ব, কত আশ্চর্য্য তত্ত্ব সংগ্রহ করিয়া দৈনন্দিন পুস্তকে লিপিবদ্ধ করিতে লাগিলেন । অচিরে রাজ্যের অবস্থা-জ্ঞাতব্য বিষয় সকল সুচারুরূপে হৃদয়ঙ্গম করিলেন ।

একদিন তিনি স্বামী হৃষীকেশ, মন্ত্রী ও অগ্রাগ্র প্রধান অমাত্য-বর্গের সহিত পরামর্শ করিয়া ও মহারাণীর অনুমতি লইয়া রাজসভায় এক পাণ্ডুলিপি উপস্থিত করাইলেন । প্রথমে সভ্য নির্বাচন করিয়া সভা গঠিত করিলেন । সেই সভায় প্রত্যেক বিষয়ের বাদানুবাদের পর যাহা স্থিরনিশ্চয় হইল, তাহাই তিনি সাদরে গ্রহণ করিয়া বিধিবদ্ধ

---

\* উপস্তাসের সহিত এই পরিচ্ছেদের কোন সম্বন্ধ নাই । তবে গ্রন্থকার সকলকে এই পরিচ্ছেদ পাঠ করিয়া ধর্ম ও সমাজ সংস্কারের জন্ত অনুরোধ করেন । অগস হইয়া সময় প্রত্যক্ষা করিলে, হিন্দুর অস্তিত্ব লোপ পাইবে ।

করিলেন। বলা বাহুল্য, কথস্থান লুইস্ এই সম্বন্ধে রাজাকে বিশেষ সাহায্য করিয়াছিলেন। একদিনে বিধিগুলি কার্যে পরিণত হইলে হস্তত অনেকস্থলে অশুভ ফলোৎপত্তি হইবার সম্ভাবনা, এই জ্ঞাত সমাজ ও ধর্ম-নীতি 'ক্রমে ক্রমে প্রচার করিবার ব্যবস্থা করিলেন। রাজা, ধর্ম ও সমাজ শাসনের জ্ঞাত তিনি যে ব্যবস্থা অবলম্বন করিলেন, তাহারই সার মাত্র নিম্নে বিবৃত হইল।

## ভূমিকা।

রাজা যথেষ্টাচারী ও প্রজা-পোড়ক হইতে না পারেন, এইজ্ঞাত তাঁহার ক্ষমতা সংযত ও প্রজার ক্ষমতা বৃদ্ধি করা সর্বতোভাবে কর্তব্য। এই মূলভিত্তির উপর নির্ভর করিয়া সকল সুসভ্য দেশের শাসনকার্য্য সংসাধিত হইয়া থাকে। ইংরেজ গবর্ণমেন্ট এই নীতি অবলম্বন করিয়া ভারতরাজ্য শাসন করিতেছেন। তবে তাঁহারা প্রজার ধর্ম ও সমাজে হস্তক্ষেপ করেন না। হিন্দুরাজ্যে রাজা ইচ্ছা করিলে রাজনীতি, ধর্মনীতি ও সমাজনীতির সর্ব্বাঙ্গীন উন্নতি সাধন করিতে পারেন। ধর্ম ও সমাজ উন্নত না হইলে কেবল উৎকৃষ্ট ব্যবস্থা ( আইন ) দ্বারা কোন জাতির সর্ব্বাঙ্গীন উন্নতি হইতে পারে না। আমরা মহর্ষিদেবের প্রণীত গ্রন্থাবলী হইতে উৎকৃষ্ট নীতি সকল সংগ্রহ করিয়া, আধুনিক ইংরেজ জাতির উদার নীতির সহিত সম্মিলিত করিয়া, হিন্দুসমাজ সংস্কারে, ধর্ম সংস্থাপনে ও প্রজার স্বস্থ সংরক্ষণে বন্ধপরিকর হইলান।

## রাজনীতি।

১। যে কার্য্যের দ্বারা কোন প্রজার উষ্ট বা অনিষ্ট হইতে পারে, এমন কোন কার্য্য রাজা একাকী করিবেন না।

২। সকল সময়ে রাজা সত্য এ ধর্মের অবতার বলিয়া গণ্য ও পূজ্য হইবেন। তিনিও প্রজাকে পুত্রবৎ স্নেহ ও প্রতিপালন করিবেন।

৩। বিচারকার্য স্বাধীনভাবে স্বাধীনচেতা বিচারকের দ্বারা নিষ্পন্ন হইবে। জ্ঞানের জ্ঞাত্ত তিনি ঈশ্বরের নিকট দায়ী থাকিবেন। রাজা তাঁহার কার্যে হস্তক্ষেপ করিবেন না।

৪। বিচার না করিয়া রাজা কোন ব্যক্তির বিরুদ্ধে হস্তক্ষেপ করিতে পারিবেন না।

৫। রাজ্যরক্ষার জন্ত আপদকালে যেকোন ব্যবস্থার প্রয়োজন হইবে, তাহা তিনি সভাকে উল্লেখন করিয়া প্রণয়ন করিতে পারিবেন।

৬। একবিংশতি জন সভ্যের দ্বারা রাজার সভা গঠিত হইবে। এই সভা সকল বিধি-ব্যবস্থা প্রণয়ন করিবে, আয়-ব্যয়ের হিসাব করিবে, রাজ্যের সর্বপ্রকার কার্যের দোষগুণাত্মসন্ধান করিবে, রাজকার্য বাহাতে উত্তরোত্তর ভাল হয় ও সকলের হৃদয়গ্রাহী হয়, তাহা করিবে। ৭ জন সভ্য রাজা আপন কর্মচারী বা অন্য স্থান হইতে মনোনীত করিবেন, অবশিষ্ট ১৪ জন দেশের লোক নির্বাচন করিবেন। রাজা বা তাঁহার মন্ত্রী এই সভার সভাপতি হইবেন।

৭। নির্বাচন প্রথা। এই রাজ্যে দশ গ্রামের উপর একজন তহশীলদার আছেন। ১০ জন তহশীলদারের উপর একজন সর্ব-কালেক্টর ও ১০ জন সর্ব-কালেক্টরের উপর একজন কালেক্টর আছেন। এই রাজ্যে মোট ১০ জন কালেক্টর আছেন। ইহারা সকলে রাজস্ব-সচিবের অধীনে কার্য করেন। 'যে সকল প্রজা কৃষি, বাবসা কি অন্য কোন উপলক্ষে দুই টাকা মাত্র কর রাজকোষে দেয়, তাহারাই ভোটের নিযুক্ত করিবেন। ইহা ভিন্ন উপাধিদারী পণ্ডিত, শিক্ষিত লোক, মৌলবী,

শিক্ষক ও অন্য কোন যোগ্য লোকেরও ভোটের নির্বাচনের ক্ষমতা থাকিবে। প্রত্যেক দশ গ্রামের পূর্বোক্ত প্রকারের লোক তহশীল-কেন্দ্রে উপস্থিত হইয়া ২ জন ভোটের নির্বাচন করিবেন। এইরূপে প্রত্যেক কালেক্টরের কেন্দ্রে ২০২ শত ও সমুদায় রাজ্যে ২০০০ সহস্র ভোটের মনোনীত হইবেন। তাঁহারা রাজধানীতে উপস্থিত হইয়া ১৪ জন সভ্য নিযুক্ত করিবেন। যাহারা সভ্য হইবেন, তাঁহারা পূর্বোক্ত আবেদন করিবেন। এই সকল প্রার্থী ও রাজ্যের অন্যান্য উপযুক্ত লোকদিগের এক তালিকা প্রস্তুত করিয়া রাখা হইবে। প্রত্যেক ভোটের ১৪ জন সভ্য নির্বাচন করিবেন। তন্মধ্যে স্মৃতির পণ্ডিত ১, জ্ঞায়ের ১, মৌলবী ২, চিকিৎসক ১, বিশ্ববিদ্যালয়ের শিক্ষক ১, কৃষিতত্ত্বজ্ঞ ১, ইঞ্জিনিয়ার ১, ধর্মসংরক্ষণ ও সংস্করণোপযোগী ব্যক্তি ১, সমাজ-সংস্কারক ১, অবশিষ্ট ৪ জন কৃতবিদ্য ব্যক্তি হইবেন। উপযুক্ত সভ্য নির্বাচনের উপর রাজ্যের মঙ্গলামঙ্গল নির্ভর করিতেছে।

৮। অধিকাংশ সভ্যের দ্বারা স্থিরীকৃত যে মত, তাহা রাজ্য গ্রহণ করিয়া কার্য্য করিবেন অথবা সংক্ষেপে বুক্তি প্রদর্শন পূর্বক সেই মত অগ্রাহ্য করিয়া পুনরায় মত সংগ্রহ করিবেন। দ্বিতীয় মতের সম্মতি তিনি ঐক্য হইতে না পারিলে, পুনরায় বুক্তি প্রদর্শন পূর্বক অগ্রাহ্য করিতে পারেন। এইরূপ হইলে দুই বৎসরের জন্য সেই প্রস্তাব স্থগিত থাকিবে।

## বাস্তবসংক্ষেপ বিধি।

৯। ইংরেজ গবর্ণমেন্ট রাজ্যের বহিঃশত্রু দূর করিয়াছেন, ঠগী ও দস্যুর সংখ্যা কমিয়া গিয়াছে, সুতরাং এই রাজ্যে অধিক সৈন্য রক্ষা করা নিম্নপ্রয়োজন। ৫০ গজারোহী, ২০০ অশ্বারোহী ও ৫০০ পদাতিক

নাত্র আভ্যন্তরীণ শাস্ত্ররক্ষার জ্ঞাত নিযুক্ত থাকিবে। প্রত্যেক সৈন্যকে তাহার কর্তব্য কি এই বিষয় শিক্ষা দিতে হইবে। অবশিষ্ট সৈন্যদিগকে পুলীশ কি অগ্র কার্যে নিয়োজিত করা হইবে। কাহাকেও বা অবসর-বৃত্তি দেওয়া হইবে, কিন্তু কোন স্থানে পীড়া দিয়া কাহাকেও অপসারিত করা হইবে না। রাজা প্রত্যেক প্রজার সুখ ও দুঃখের জ্ঞাত দায়ী।

### পুলীশ সংস্কার ।

১০। কার্যের দায়িত্ব ও গুরুত্ব বুঝিয়া পুলীশ কর্মচারীর বেতন স্থির করিতে হইবে। পুলীশ রাজার দক্ষিণ হস্ত স্বরূপ। প্রজা পুলীশের মধ্য দিয়া রাজাকে দৃষ্টি করিতে ও বুঝিতে সক্ষম হয়। পুলীশ দুর্বল হইলে রাজার কলঙ্ক ঘোষিত হয়। রাজা দয়ালু ও ধার্মিক হইলেও পুলীশের অত্যাচারে যখন তাহারা জর্জরীভূত হয়, তখন তাঁহাকে অভিসম্পাত করিয়া থাকে। দেশে অশান্তির স্রোত বহিতে থাকে এবং শেষে প্রজা রাজার ক্ষমতা অপহরণ করিতে চেষ্টা করে। পুলীশের জ্ঞাত লোক নির্বাচন করিতে হইলে প্রথমে বংশমর্যাদা, বিদ্যা, চরিত্র ও স্বাস্থ্যের উপর দৃষ্টি করিয়া আবেদনপত্র গ্রহণ করিতে হইবে। পরে নির্বাচিত লোকেদের পরীক্ষায় আহৃত হইবে। যে যে উত্তীর্ণ হইবে, কেবল তাহারাই কার্যে প্রবেশ লাভ করিবে। রাজ্যের মধ্যে যখন যে বিভাগে কর্মচারীর প্রয়োজন হইবে, তখন পূর্কোক্ত উপায়ে লোক নির্বাচন করাই কর্তব্য। ইহার ফল এই যে, রাজাকে কেহ কখন পরোপাতিত্ব দোষে দোষী করিবে না। নির্বাচিত লোকদিগের আত্ম-মর্যাদা ও যথেষ্ট থাকিবে এবং চাকুরীর জ্ঞাত চাটুকানিতা করিয়া দ্বারে দ্বারে ঘুরিতে হইবে না ও উদরের জ্ঞাত আত্মসম্মান বিনষ্ট করিতে হইবে না।

পুলীশ কর্মচারী সর্বদা মনে রাখিবেন যে, তিনি সাধারণের ভৃত্য এবং সকলের সুখ বৃদ্ধি করিবার জন্যই তাঁহাকে প্রচুর ক্ষমতা অর্পণ করা হইয়াছে। সে ক্ষমতার অপব্যবহার তিনি কখনই করিবেন না। বিনয়ী, মিষ্টভাষী ও কর্তব্যপরায়ণ হইয়া প্রকল্পচিত্তে, সকল কার্য সম্পাদন করিবার চেষ্টা করিবেন। বিশেষতঃ স্ত্রী ও দুর্বল ব্যক্তিদিগকে কখন অকারণে পৌঁড়ন করিবেন না। যে স্থানে কোন কর্মচারী প্রশংসার কার্য করিবেন, তথায় তাঁহাকে উপযুক্ত পারি-  
তোষিক দিতে হইবে এবং যে স্থানে তিনি কর্তব্যপরায়ণ হইয়া লোকের অত্যাচার আকর্ষণ করিতে অসমর্থ হইবেন, সেস্থানে তাঁহাকে পুলীশ হইতে বিদায় দেওয়া কর্তব্য হইবে। পুলীশ মাজিস্ট্রেটের অধীন থাকিবেন। মাজিস্ট্রেট দেশে শান্তিরক্ষা করিবেন। তিনি বিচারের কার্য করিবেন না। এইরূপ হইলে পুলীশ সুপারিন্টেন্ডের আর প্রয়োজন হইবে না।

## বিচার বিভাগ।

১১। প্রত্যেক তহশীলদার ছইজন নির্দোষ সভ্য (জুরর) লইয়া পঞ্চাশ টাকা পর্যন্ত মূল্যের দেওয়ানী ও পঁচিশ টাকা পর্যন্ত অর্থদণ্ডের কোজদারী মোকদ্দমা নিষ্পত্তি করিতে পারিবেন।

১২। সব্-কালেক্টর জুরর সহ ১০০ টাকার দেওয়ানী ও ৫০ টাকা অর্থদণ্ডের অথবা ৭ দিন কারাবাসের মোকদ্দমা করিতে পারিবেন।

১৩। কালেক্টর জুরর সহ এক' সহস্র টাকার দেওয়ানী ও ২৫০ টাকার অর্থদণ্ড বা তিনমাস কারাবাসের মোকদ্দমা করিতে পারিবেন। তিনিই মোকদ্দমা গ্রহণ করিয়া যথাক্রমে তহশীলদার,

সব্‌কালেক্তের, অথবা ডেপুটীকালেক্তেরের সেরেস্তায় পাঠাইবেন বা নিজে নিষ্পত্তি করিবেন ।

১৪ । জুরর সহ জজ সর্বপ্রকারের মোকদ্দমা করিবেন । এবং তিনি নিম্ন তিন বিচারালয়ের বিচারপদ্ধতিতে দোষ থাকিলে সংশোধন করিবেন ।

১৫ । সহস্র টাকার উদ্ধ না হইলে বা একমাসের অধিক কারাবাস না হইলে কোন মোকদ্দমার আপীল প্রধান বিচারকের নিকট উপস্থিত হইবে না । তবে তিনি ইচ্ছা করিলে কাগজ পত্র দেখিয়া সংশোধন আবশ্যক হইলে করিতে পারিবেন ।

১৬ । বিচারক পুলীশের কার্যের যেরূপ দোষ গুণ বিচার করিবেন, তাহারই উপর কর্মচারীর উন্নতি ও অবনতি নির্ভর করিবে । অত্যাধিক বিচারক হাজ্ঞাপদ হইয়া উঠেন এবং পুলীশও দুষ্ক্রিয়ানীল হইয়া পড়েন ।

## শিক্ষা-বিভাগ ।

১৭ । যে শিক্ষার দ্বারা হিন্দুর হিন্দুত্ব স্থির থাকে, ময়ুরের পুচ্ছ ধরিয়া বিড়ম্বিত হইতে না হয়, জাতীয়তা অক্ষুণ্ণ থাকে, ব্রহ্মজ্ঞান ও ধর্মজ্ঞান বদ্ধিত হয়, অথচ সংসারের আবশ্যকীয় বিষয় স্বচ্ছন্দে সংগৃহীত হয়, এইরূপ শিক্ষা এই রাজ্যে প্রবর্তিত করা হইবে ।

প্রত্যেক একশত ঘরে একটি পাঠশালা, প্রত্যেক সব্‌কালেক্তেরের কেন্দ্রে একটি করিয়া মধ্যশ্রেণীর বিদ্যালয়, চতুষ্পাঠী, ধর্মশিক্ষার জন্য দেবালয়, চিকিৎসার জন্য দাতব্য ঔষধালয় ও কর্মক্ষম ব্যক্তির জন্য অন্নদাত্র স্থাপিত হইবে । কালেক্তেরের কেন্দ্রে ঐরূপ উচ্চশ্রেণীর সকল প্রকার আলয় উদ্ভূত থাকিবে । রাজধানীতে সংস্কৃত, ইংরাজী, আরবী,

বাঙ্গালা ভাষা, শিল্প, বাণিজ্য, কল, কৌশল, ভূতত্ত্ব, কৃষিতত্ত্ব, রসায়ন প্রভৃতি শিক্ষার জন্ত এক বিশ্ববিদ্যালয় থাকিবে। রাজ্যের প্রত্যেক বালক ও বালিকা রাজ্যের ব্যয়ে লিখিতে ও পড়িতে, হিসাব করিয়া কর দিতে ও গ্রহণ করিতে, দ্রব্যাদির বিনিময়ে মূল্যহিসাবে অর্থ দিতে সক্ষম হয়, এইরূপ শিক্ষা অন্ততঃ দুই বৎসরের জন্ত পাইকে। দুর্বল প্রজাকে যদি রাজকীয় কর্মচারী বা ভূম্যধিকারী হইতে রক্ষা করিতে হয়, তবে শিক্ষা দেওয়া রাজ্যের সর্বপ্রধান কর্তব্য। বিদ্যাবলে প্রজা মনুষ্যত্ব ও আত্মমর্যাদা লাভ করিতে পারে, নিজের স্বত্ব বুঝিয়া লইতে পারে। প্রজা সবল না হইলে, কেবল আইনের গুণে রক্ষা পাইতে পারে না। বিদ্যাবিহীন মনুষ্য পশুর সমান। এই রাজ্যের পরিত্যক্তাঙ্গী তাহার দৃষ্টান্তের স্থল। শিক্ষা বিহনে এই জাতি পৃথিবীর প্রারম্ভ হইতে অদ্যাবধি পশুর স্থায় পরিত্যক্তগুহায় বা সামান্ত কুটারে বাস করিতেছে।

১৮। শিক্ষা বিভাগে যথেষ্ট অর্থ সঞ্চিত থাকিবে। এই অর্থে ৪ জন যুবক কৃষি, ভূতত্ত্ব, রসায়ন, কল কৌশল প্রভৃতি শিক্ষা করিবার জন্ত প্রতিবৎসর ইংলণ্ডে প্রেরিত হইবে। ইহার মধ্যে একজন অন্ততঃ প্রতিবৎসরে সিবিল সার্কিস পরীক্ষায় উপস্থিত হইবে।

১৯। ভাষা এক না হইলে জাতীয় গঠন হইতে পারে না। আমরা এখন প্রায় বাঙ্গালীর স্থায় হইয়াছি, বিশেষ বাঙ্গালা ভাষা সংস্কৃতির অনুরূপ। এই জন্ত এই ভাষা এই রাজ্যে প্রচলিত হইরে।

### জাতীশিক্ষা ।

২০। এই রাজ্যে প্রত্যেক বালিকা জ্ঞানলোকের উপযোগী শিক্ষা লাভ করিবে; অর্থাৎ যে শিক্ষা দ্বারা ঈশ্বরে, স্বামীতে ও গুরুজনে



ভক্তি ও প্রীতি বৃদ্ধি হয়, অন্ন আয়ে সমৃদ্ধিচিন্তে সংসারযাত্রা নির্বাহ করিতে অভিজ্ঞতা হয়, সম্ভান লালন পালন করিতে ও সুশিক্ষা দানে জ্ঞান জন্মে, দেবে ও সন্ন্যাসীতে দয়ার উদ্বেক হয়, এমন শিক্ষা বালিকা-দিগকে প্রদান করিবে। কর্মপটু, রন্ধনপটু, ধর্মভীরু ও মিষ্টভাবিনী হইয়া যেন প্রকুল-চিন্তে সংসারে লক্ষ্যের জায় তাঁহারা স্থাপে বাস করিতে পারেন ।

### চিকিৎসা-বিদ্যালয় ।

২১। এই রাজধানীতে আয়ুর্বেদ বিদ্যালয় ও চিকিৎসাশাস্ত্র স্থাপিত হইবে। উপযুক্ত শিক্ষাভাবে ভারত হইতে এই বিদ্যা লোপ পাইতে চলিয়াছে ।

২২। যথেষ্ট অর্থ সংগৃহীত হইলে, ডাক্তারি কলেজ ও চিকিৎসা-শাস্ত্র স্থাপিত হইবে ।

২৩। গো, অশ্ব ও অন্যান্য উত্তর জন্তুদিগের জন্য এক চিকিৎসাশাস্ত্র স্থাপিত হইবে এবং এখানে যুবকদিগকে শিক্ষা দিয়া এক এক তত্ত্বশাল-কেন্দ্রে কৃষকের সুবিধার জন্য পশুচিকিৎসার নিমিত্ত পাঠান হইবে ।

### কৃষি বিভাগ ।

২৪। প্রত্যেক তহশীলদার, সব-কালেক্টর ও কালেক্টরের নিজ নিজ কেন্দ্রে আদর্শ কৃষিক্ষেত্র সংস্থাপিত করিয়া নানা প্রকার ফল, ফুল, শাক সবজী রোপণ করিয়া কৃষকদিগকে আহ্বান করতঃ তাহাদিগকে শিক্ষা দিবেন । প্রত্যেক গ্রামে অন্ততঃ দশ জন কৃষকের দ্বারা নূতন নূতন বীজের চাষ করাষ্টবেন । প্রত্যেক তহশীলদার কোন্ ভূমিতে কি শস্ত উৎপন্ন করিলে প্রজা লাভবান হইবে, তাহা উপস্থিত থাকিয়া প্রদর্শন করিবেন । গ্রামের মধ্যে গোচারণ মাঠ ভিন্ন আর সকল স্থানই হয় চাষের, না হয় উদ্ধানের উপযোগী করিতে হইবে । প্রত্যেক

প্রজা তাহার উচ্চভূমিতে অশ্বতঃ চারিটা আম্র, লিচু, নারিকেল, তাল, পনস, বেল প্রভৃতি কোন প্রকারের উৎকৃষ্ট ফলবান বৃক্ষ রোপণ করিবে। আবশ্যক হইলে প্রত্যেক প্রজা বিনা ব্যয়ে তদৃশীল কেন্দ্রে চারা পাইবে।

২৫। বস্ত্র বৃক্ষাদি কেহ ছেদন করিবে না। ছালাইবার জন্ত ক্ষুদ্র বৃক্ষ, বা কয়লা ব্যবহৃত হইবে।

২৬। রাজা স্বয়ং পক্ষ্মতে উৎকৃষ্ট আরণ্য বৃক্ষ—যথা শিশু, সাল, সেগুণ প্রভৃতি রোপণ করিবেন। উপত্যকা প্রদেশে, নদীতটে ফলবান বৃক্ষের উদ্ভাৱন করিবেন। এই কার্য্যে কাহারও ননোযোগ নাই, স্বদূর ভবিষ্যতে আরণ্য ও ফলবান বৃক্ষের অভাব ভোগ করিতে হইবে।

২৭। কৃষির উন্নতি চেষ্টা কালেক্টরের প্রধান কর্তব্য। তিনি স্বয়ং ক্ষেত্র পরিদর্শন করিয়া কৃষকদিগকে উৎসাহিত করিবেন। তিনি যেমন কর সংগ্রহ করিবেন, সেইরূপে ভূমিতে করোৎপত্তির কার্য্যে সহায়তা করিবেন। তিনি জলাশয় খনন করাইবেন, পয়ঃপ্রণালীর উন্নতি সাধন করিবেন, পরে বীজ ও চারা সংগ্রহ করিয়া কৃষকদিগকে দিবেন, ও উৎসাহী কৃষকদিগকে পুরস্কৃত করিবেন।

২৮। অমুৎসব ভূমিতে প্রজাগণ ও কালেক্টর ঋজুর বৃক্ষের বীজ ছড়াইয়া দিয়া বৃক্ষ উৎপন্ন করিবেন। ইহার রাসে শুড় ও চিনি প্রস্তুত করাইবেন। ইক্ষুর চাষ ও বহুসহকারে করিতে হইবে।

২৯। যে কালেক্টরের সার্কলে কৃষির সমূহ উন্নতি হইবে, তিনি রাজার নিকট সম্মানিত হইবেন; অত্যাধিক, তিনি অমুপযুক্ত বলিয়া বিবেচিত হইবেন। কৃষির জন্ত ভারত চিরপ্রসিদ্ধ। কৃষির অবনতি হইলে, হুর্ভিক্ষ, ম্যালেরিয়া, জ্বর, আধিদৈবিক পীড়া (যথা plague) প্রাদুর্ভূত হইয়া রাজ্য বিনষ্ট হয়।

৩০। আলু প্রভৃত পরিমাণে জম্মাটতে পারিলে তুর্ভিক্ষের প্রকোপ হইতে রক্ষা পাওয়া যায়। বালুভূমিতে যথেষ্ট আলু হয়। প্রত্যেক ক্রমক অন্ততঃ দশ কাঠায় আলুর চাষ করিবে।

### ধর্ম্মনীতি ।

৩১। ধর্ম্মের প্রভা নতুনোর অন্তর হইতে কনিয়া গেলেই, ইচ্ছয়গণ—যথা কাম, ক্রোদ, লোভ ইত্যাদি তাহার উপর আধিপত্য স্থাপন করে। এই জন্ত বাল্যকাল হইতে ইন্দ্রিয়-সংযম, চিত্তবৃত্তি-নিরোধ প্রভৃতি শিক্ষা করিতে হয়। মানুষের কি কর্তব্য কি অকর্তব্য, তাহা যৌবনের পূর্বেই জানা থাকা উচিত। বালকদিগকে ধর্ম্ম ও কর্তব্যপরায়ণ করিবার জন্ত, এই রাজধানীতে দেবালয়ের মধ্যে ধর্ম্মাশ্রম স্থাপিত হইবে। চরিত্রবান্ ব্রাহ্মণ কায়স্থ বৈদ্য অথবা বৈষ্ণব যুবক সকল ব্রহ্মচর্য্যাবলম্বন করিয়া শিক্ষা আরম্ভ করিবে; শেষে জ্ঞান লাভ পূর্ব্বক গ্রামে গ্রামে গমন করিয়া পাঠশালার ও বিদ্যালয়ের ছাত্রদিগকে ধর্ম্মোপদেশ প্রদান করিবে এবং আপনাদের আদর্শ চরিত্রের বলে তাহাদের চরিত্র গঠন করিবে।

৩২। কৃষ্ণের ত্রায় সর্ব্বগুণসম্পন্ন আদর্শ চরিত্র হিন্দুশাস্ত্রে অতি বিরল। মহাভারতের উপাখ্যান অংশ বাদ দিয়া, কৃষ্ণের চরিত্র বেদ-ব্যাস যেরূপ লিখিয়া গিয়াছেন, তাহাই সংগৃহীত করিয়া বালকদিগের পাঠ্য হইবে। গীতা কেবল উচ্চ শ্রেণীর বালকদিগের জন্ত নির্দিষ্ট থাকিবে। নিষ্কাম হইয়া কর্তব্যকর্ম্ম করিতে শিক্ষা না করিলে কোন জাতির উন্নতি হইতে পারে না।

৩৩। মহাভারত ও রামায়ণকে আদর্শ করিয়া, আদর্শ চরিত্র এখন গঠিত করিতে হইবে। রাজা, রামচন্দ্রের ত্রায় স্বাথহীন ও প্রজা-

রঞ্জক হইবেন, প্রজা করভারৈ পীড়িত হইলে তাহা অপনয়ন করিবেন ।  
 প্রত্যেক মনুষ্য কৃষকের আয় সর্বদর্শী, শূদ্রদর্শী ও কঠবানিরত, ভীষ্মের  
 আয় তেজস্বী, সংযতেন্দ্রিয় ও পিতৃপরায়ণ, যুধিষ্ঠিরের আয় ধর্মপরায়ণ,  
 কর্ণের আয় দানশীল, একলব্যের আয় গুরুতে ভক্তিমান, অর্জুনের  
 আয় বীর, শক্যীর আয় সত্যবাদী হইতে চেষ্টা করিবেন । ব্রাহ্মণ ব্রহ্ম-  
 চারী, বেদাধ্যায়ী, নিম্মল-শাস্ত্র-স্বভাববিশিষ্ট হইয়া পৃথিবীতে দেবতার আয়  
 বিরাজ করিবেন এবং অল্প সকল জাতিকে শিক্ষা দান করিয়া সকলের নেতা  
 ও পরামর্শদাতা হইবেন । ব্রাহ্মণের অধঃপতনেই অপর জাতি স্বচ্ছা-  
 চারী ও ধর্মমুগ্ধ হইয়াছে । চরিত্রবান্ ব্রাহ্মণের অভ্যাদয়ে আবার  
 হিন্দুর শ্রেষ্ঠত্ব সংস্থাপিত হইবে । রাজা অথবা প্রজা এইরূপ নিষ্ঠাবান্  
 ব্রাহ্মণের ভরণপোষণের সম্পূর্ণ ভার গ্রহণ করিবেন ।

### সমাজ সংস্কার ।

৩৪ । পূর্বের আয় হিন্দুকে চতুর্কর্ণে বিভক্ত করিতে হইবে ।  
 বিদ্যা ও ধর্মের নেতা বলিয়া ব্রাহ্মণ সর্বশ্রেষ্ঠ হইয়াছিলেন । শাসন-  
 ভার গ্রহণ করিয়া ক্ষত্রিয় তন্নিম্ন স্থান প্রাপ্ত হইয়াছিলেন । কৃষি ও বাণি-  
 জ্যই বৈশ্যের অবলম্বন ছিল । তিন জাতির সেবা করাট শূদ্রের কর্তব্য ।

এখন এত ক্ষুদ্র ক্ষুদ্র জাতির উৎপত্তি হইয়াছে যে, একজন  
 অপরকে অস্পর্শীয় বলিয়া ঘৃণা ও ঘেম করিয়া থাকে । অল্প গ্রহণ করা  
 দূরে থাকুক, জল পর্য্যন্ত গ্রহণ করিতে আপত্তি হইয়াছে । পূর্বের ব্রাহ্মণ,  
 ক্ষত্রিয় ও বৈশ্যের অল্প গ্রহণ করিতেন । যে হিন্দু জাতি মহাসমুদ্রের আয়  
 বিশাল ও বিস্তীর্ণ হইয়া একদিন সমগ্র ভারতে বাস করিয়াছিলেন, কালের  
 পরিবর্তনে সেই জাতি আপনার অঙ্গ এখন সহস্র ভাগে বিভক্ত করিয়া  
 তেজোহীন, প্রভাহীন, গাভীর্ণ্যহীন হইয়া শৈবালপূর্ণ সংকীর্ণ নদীর আয়

ক্ষুদ্র হইয়া গিয়াছে । যদি এখনও এই জাতির চৈতন্যোদয় না হয়, তাহা হইলে ইউরোপের সংঘর্ষে ইহার বিনাশ অবশ্যস্তাবী ।

এই রাজ্যে ব্রাহ্মণ সর্বপ্রধান বলিয়া পরিগণিত হইবেন । যিনি বেদাধ্যয়ন করিয়া আত্মসংযমী হইয়াছেন, ইন্দ্রিয়কে নিগ্রহ পূর্বক শুদ্ধ ও শাস্ত ভাবাবলম্বন করিয়াছেন, তিনিই ব্রাহ্মণ বলিয়া গণ্য হইবেন । অত্যা তিনি যে জাতির রুচি গ্রহণ করিবেন, সেই জাতির অন্তর্ভূত হইবেন ।

ক্ষত্রিয় মধ্যে অসিজীবী ও মসৌজীবী কায়স্থভুক্ত হইবে । তরবারি ও লেখনীর উপর রাজ্যশাসন নির্ভর করিতেছে ।

বাণিজ্য ও কৃষি বৈশ্বের লক্ষণ ; স্মৃতরাং সংগোপ, শজ্জবণিক, গন্ধবণিক, সুবর্ণবণিক, কংসবণিক, লৌহকার, তিলি, সাহা, চাষী কৈবর্ত, তাম্বুলী, তন্তুবায, উগ্র ক্ষত্রিয় ইত্যাদি বৈশ্ব বলিয়া পরিগণিত হইবে ।

শূদ্র দুই ভাগে বিভক্ত হইবে । একভাগ জলাচরণীয় যথা,— নাপিত, মালাকার, গোপ, তেলি, চণ্ডাল বা নমশূদ্র, চাষী রজ্জক, চাষী যুগী, চাষী বাগ্দী প্রভৃতি । দ্বিতীয়ভাগ কন্মদোষে জলাচরণীয় বলিয়া এখনও গণ্য হইতে পারে না । তাহারা মৎস্যজীবী কৈবর্ত, সাধারণ রজ্জক, শৌণ্ডিক, মাংসবিক্রেতা, চৰ্ম্মকার, হাড়ি, মেহতর, মুরদাকরাস প্রভৃতি ।

বাভন, বৈঘ, বৈষ্ণব, সন্ন্যাসী ও এইরূপ জাতি কার্যানুসারে ব্রাহ্মণ বা ব্রাহ্মণেতর জাতি বলিয়া গণ্য হইবেন ।

৩৪ । প্রত্যেক পাঁচ বৎসর অন্তর এক সভা প্রত্যেক গ্রামে আহূত করিয়া কন্ম হিসাবে নিকৃষ্ট জাতিকে উৎকৃষ্ট ও উৎকৃষ্টকে নিম্ন শ্রেণীতে আনিতে হইবে । সকলেই এক সৃষ্টিকর্তার পুত্র । সকল পুত্রই যোগ্যতা অনুসারে কখন উর্দ্ধে উঠিবে, কখনও বা নিম্নে নামিবে ।

স্রোতোহীন নদীর যে দুন্দশাংশে হইয়া থাকে, প্রতিবন্ধিতা না থাকিলে  
জাতি সম্বন্ধেও সেইরূপ হইয়া থাকে ।

## বিবাহ ।

৩৬। পুরুষ চতুর্বিংশতি বৎসর বয়ঃক্রমে ও কন্যা ষোড়শ বর্ষে  
বিবাহ করিবেন ।

৩৭। গার্হস্থ্য স্ত্রণের জন্য হিন্দু চিরপ্রসিদ্ধি লাভ করিয়াছে ।  
ইহার মূলে দুইটা তত্ত্ব নিহিত আছে । প্রথমতঃ স্বামীকে দেবতা বলিয়া  
পূজা করিতে বাল্যকাল হইতে বালিকা শিক্ষা প্রাপ্ত হয় । দ্বিতীয়তঃ স্বামীর  
মৃত্যু হইলে, আর্থিক সকল স্ত্রণে জলাঞ্জলি দিয়া তাকে কঠোর ব্রহ্ম-  
চর্যাবলম্বন করিতে হয় । হিন্দুর বিবাহে দুইটা অপূর্ণ আদ্য পূর্ণতাপ্রাপ্ত হয় ।  
কেহ ইহা জীবনে সেই পূর্ণতা উপভোগ করিবার সুযোগ পাইয়া থাকেন ।  
বিধবার বিবাহ প্রচলিত হইলেই হিন্দুর গার্হস্থ্য স্ত্রণ চিরদিনের জন্য  
চলিয়া যাইবে । স্বা আর সে পবিত্র চক্ষে স্বামীকে দৃষ্টি করিবে না ।  
বিবাহ যেন চুক্তিমূলক হইবে । হিন্দুশাস্ত্রের মূলনীতি বিধবাস প্রাপ্ত হইবে ।  
পুরুষ নিষ্ক্রিয় ও সম্বন্ধাবলম্বী, প্রকৃতি ক্রিয়ালীল ও রাজোগ্র-  
সম্পন্ন । হিন্দুর বিবাহে এই দুই গুণের সংযোগ হয় । সুতরাং হিন্দুর  
বিবাহে সৃষ্টিতত্ত্ব নিহিত রহিয়াছে ।

৩৮। বিবাহে পিতা সম্বন্ধে যাহা কন্যার সহিত সম্প্রদান  
করিবেন, তাহাই স্বামী গ্রহণ করিবেন ।, কোনপ্রকার চুক্তি হইবে না  
ও চুক্তিভঙ্গ হইলে বিচারালয়ে তাহা গ্রাহ্য হইবে না ; ও জাতি নির্মা-  
চনের সময় তাহাকে দণ্ডিত হইতে হইবে ।

## গো-সংরক্ষণ ।

৩৯ । সংসারে গো সৰ্ব্বাপেক্ষা অধিক প্রয়োজনীয় । কৃষিকার্যে, শকটবহনে, পৃষ্ঠে দ্রব্যাদি স্থানান্তরিত করিতে গো জাতির তুল্য আর পশু নাই । বালক ও বৃদ্ধ ইহার দুগ্ধ পানে জীবন ধারণ করে । দুগ্ধে সর, নবনীত, ছানা, দধি, ক্ষীর প্রভৃতি রসনাভূষিকর দ্রব্যাদি প্রস্তুত হইয়া থাকে । গোময়ে কৃষির উপযুক্ত সার হয় ও রক্তনের কাষাও সম্পাদিত হয় । মৃত গোচন্দ্ৰে পাতকা, শৃঙ্গে ও খুরে নানাবিধ অলঙ্কার ও অস্ত্রাদি দ্রব্যাদি প্রস্তুত হয় । এহেন গোজাতিকে হিন্দু দেবতা বলিয়া যে পূজা করে, তাহা আয়ান্নমোদিত । যাহাতে এই গোজাতির উন্নতি সাধন হয় তাহা সকলেরই কর্তব্য । হিন্দু ও মুসলমান প্রজা এবং সভ্যদিগের সম্মতিক্রমে এই নিদিষ্ট হইল যে, এ রাজ্যে কেহ গোবধ করিতে পারিবেন না । আফলাদের কথা যে, মুসলমান প্রজাগণ বলিতেছেন যে, কাবুল ও পঞ্জাব প্রদেশে ঘেরূপ গোজাতির পরিবর্তে উষ্ট্র, মেঘ, ছাগ প্রভৃতি পশু ইদের সময় বিনষ্ট হয়, সেইরূপ অথবা তাঁহারাও এই রাজ্যে প্রবর্তিত করিবেন । প্রতিবৎসর গোপ্রদর্শনী মেলা হইবে ও উৎকৃষ্ট গো দেখাইতে পারিলে বিশেষ পুরস্কার দেওয়া হইবে ।



# চতুস্ত্রিংশ পরিচ্ছেদ ।



রাজা নরেন্দ্রলাল রাজা বাহাদুর ।

অভিষেকের পর প্রায় তিন মাস অর্থাৎ হইয়াছে । একদিন নরেন্দ্রলাল বাবু রাজধানীতে আগমন পূর্বক কৃষ্ণশঙ্করকে লইয়া গাইবার জন্ত প্রার্থনা করিলেন । শঙ্করী পুত্রকে দেগিবার জন্ত বড়ই উদগ্ৰীবা হইয়াছেন ; হইবারই কথা, কারণ দীর্ঘ কারাবাসের পর কৃষ্ণশঙ্কর দুই চারি দিন মাত্র নারায়ণগড়ে বাস করিয়াই, রত্ননাথগড়ে আসিয়াছিলেন । রাণী কমলকুমারী তাঁহার আগমন শ্রবণ করিয়াই পূর্ণচন্দ্রের নিকট উপস্থিত হইয়া কহিলেন,—“রত্নস, উইলের মম্মাতুসারে যোগেশ্বরীর পাণিগ্রহণ কর । সম্মুখে ফাল্গুন মাস, দিন প্রশস্ত, তোমার অভিপ্রায় হইলে একদিনে ভাই ও ভগিনীর বিবাহ দিয়া জীবনের সমুদয় সাধ নিটাইব ।”

এতদিন যেন পূর্ণচন্দ্র নিদ্রিত ছিলেন, কথা শুনিয়া তাঁহার চৈতন্য হইল । হস্ত হইতে পা অবধি থর থর কম্পিত হইতে লাগিল, হৃদয় গুরু গুরু করিতে লাগিল, শরীর রোমাঞ্চিত হইল । বিবেকবুদ্ধি দ্বারা পরিচালিত হইয়া, রাজার যাগ কর্তব্য, এতদিন তাহাই করিতে ছিলেন । নিজের স্মৃতি একেবারে উদাসীন ছিলেন ; উইলের কথা ভুলিয়া গিয়াছিলেন । এখন প্রতি পংক্তি, প্রতি অক্ষর তাঁহার স্মরণপথে পতিত হইল । তিনি বিবল হইয়া নিরুত্তর রহিলেন, লজ্জায় মাতার দিকে মুখ ফিরাইতে পারিলেন না । কমলকুমারী একবার,



ছুটবার, তিনবার প্রশ্ন করিলেন । অবশেষে পূর্ণচন্দ্র কহিলেন,—  
“মা, বিবাহ করিতে হইবে, ইহা আমার মনেও উঠে নাই ; আমি  
কি স্থির করিব তাহার নিশ্চয়তা এখনও নাই । নরেন্দ্রলাল বাবু যখন  
আসিয়াছেন, তখন প্রভাবতীর বিবাহ অগ্রে হউক ।” কমলকুমারী আর  
দ্বিধাক্রান্তি করিলেন না, তবে বুঝিলেন, এ বিবাহে পুত্রের সর্বতোভাবে  
সম্মতি নাই ; অগত্যা তিনি সমারোহে প্রভাবতীর বিবাহের আয়োজন  
করিলেন ।

এতদিনের পর শুভক্ষণে, প্রভাবতী সর্বশুণসম্পন্ন কৃষ্ণশঙ্করকে  
আশ্রয় করিলেন ; যেন হরিৎপত্রশোভিত স্কন্দর ও বিশাল রসালকে,  
প্রদীপ্ত-প্রস্ফুটিত-শোভাশালিনী মাধবীলতা পরিবেষ্টন করিল । কমলা  
উভয়কে যথাযোগ্য বসন-ভূষণে ভূষিত করিলেন, শেষে উভয়ের গল-  
দেশে গজমুক্তাহার প্রদান করিয়া আনন্দাশ্রু বিসর্জন করিতে করিতে  
আশীর্বাদ করিলেন । সপ্তদিন অতীত হইলে পর, কত্যা মাতার নিকট  
বিদায় লইতে উপস্থিত হইলেন এবং কাঁদিতে কাঁদিতে তাঁহার চরণ-  
ধূলি পুনঃ পুনঃ মস্তকে ধারণ করিতে লাগিলেন । কমলকুমারী অতি  
কষ্টে মুখচুষন করিতে সমথা হইলেন । উভয়ে গলা ধরিয়া কতক্ষণ কাঁদি-  
লেন । সময় বসিয়া থাকিতে চাহে না । লগ্ন উত্তীর্ণ হয় দেখিয়া কুলপুরো-  
হিত রাণীকে সংবাদ দিলেন । অগত্যা রাণী কত্যা'কে বিদায় দিতে বাধ্য  
হইলেন ।

প্রভা পূর্ণচন্দ্রের কক্ষে গমন করিয়া তাঁহার চরণধূলি গ্রহণ করিয়া  
ছল ছল নেত্রে কহিলেন,—“দাদা, আমার কি একটা কথা রাখিবে ?”

পূর্ণ । কেন প্রভা, আজ বিষম বদনে এমন মর্মান্বিত স্বরে একটা  
কথার ভিখারিণী হইয়াছ ? তোমাকে আমার কি অদেয় আছে ?

প্রভা । আমি যখন অনাথিনীর আয় ছিলাম, তখনও তোমার যত্নের

ও আদরের ক্রটি ছিল না ; হৃতভাগিনী বলিয়া একটী কথাও উপেক্ষা কর নাই । ভগ্নীকে যেরূপ ভালবাসিতে হয়, ঠিক সেইরূপই ভালবাসিয়াছিলে ? আজ কি বিধাতা আমাকে বিড়ম্বনা করিবেন ?

পূর্ণ । এমন কাতরা, এমন দীনা হইয়া আমার সহিত আলাপ করিতেছ কেন ? আমি তোমার নিকট যে রতিকাশ্রু সেই রতিকাশ্রু ত এখনও আছি ।

প্রভা । দাদা, মা বড় হৃতভাগিনী, পিতার শোকে উন্মাদিনী প্রায়, বিশেষতঃ আমি আবার চলিলাম । এখন তাঁহার হৃৎ সমুদ্রজলের জ্বাৰ উপলিয়া উঠিতেছে । এখন তুমি তাঁহার কণ্ঠের হেতু হইলে, তাঁহার জদয়ে হৃৎথের স্থান হইবে না,—হয়ত সেই শোকে অসময়ে আমাদের নিকট হইতে চিরবিদায় গ্রহণ করিতে পারেন ।

পূর্ণচন্দ্র হাসিয়া বলিলেন,—“প্রভা, আমি সকলই বুঝিয়াছি, তোমার চিন্তার বিষয় কিছুই নাই ।’ আশ্বস্তথের জন্ত যে দেবপ্রতিম পিতা মাতাকে কষ্ট দেয়, তাহার জ্বাৰ নরাধম পশু এ পৃথিবীতে নাই । আমি স্বার্থত্যাগের জন্ত সর্বদাই প্রস্তুত, সেজন্ত তুমি কেন অন্তরোধ করিবে ? আমি সকল বিষয় স্থির চিন্তে না দেখিয়া কোন কাম্য করিব না ।”

প্রভা আশ্বস্ত হইয়া পুনরায় চরণধূলি গ্রহণ করিলেন, পূর্ণচন্দ্র তাঁহার মস্তকোত্তর লইয়া বিদায় দিলেন । তিনি কক্ষশঙ্করকে দৃঢ়রূপে আলিঙ্গন করিয়া কহিলেন,—“ভাই, প্রভা তাহার নিজের বাটীতে আপনায় লোকের নিকট ফিরিয়া যাইতেছে, তাহার বিষয় আর কি বলিব ? তবে আন্তরিক ইচ্ছা—তোমরা উভয়ে যেন চিরসুখী হইয়া দীর্ঘ জীবন লাভ কর ।”

শিবিকা, গজ, অশ্ব, সৈন্য সমভিযাজারে তাঁহার অনতিবিলম্বে

দৃষ্টিপথের বহির্ভূত হইলেন । চারিদিনে নারায়ণগড়ে পৌছিলেন । শঙ্করী আফ্লাদে আটখানা হইয়া যথারীতি পুত্র ও পুত্রবধূকে বরণ করিয়া ক্রোড়ে ধারণ পূর্বক অনবরত মুগ্ধচন্দন করিতে লাগিলেন । প্রভাবতীর রূপ গুণ আজ পূর্ণমাত্রায় তাঁহার চক্ষে পড়িল । সেই নবনীত-কোমল অপূর্বরূপরাশি আজ তাঁহাকে মোহিত করিল । নোভাগ্যগর্ষ হৃদয় হইতে উথলিয়া উঠিল । তাঁহার সুরমা ভয়া বেন আজ অপরূপ শোভা ধারণ করিল : আজ যেন সতীর পদরেণু পড়িয়া কৈলাস পবিত্র হইল ।

কতক্ষণ পরে প্রভা কক্ষাস্তরে গমন করিলে, বিনোদিনী দ্রুত আসিয়া তাঁহাকে হুইহাতে জড়াইয়া ধরিলেন, কাতর কণ্ঠে বলিলেন,—  
 “বোন, আমার জায় হতভাগিনী এ সংসারে কেহ নাই ; আমি না বুঝিয়া তোমাকে কত কষ্ট দিয়াছি, তাহা মনে হইলে আমার হৃদয় ফাটিয়া যায় । ভগিনি, অল্পবয়সে আমি মাতৃপিতৃহীনা হইয়াছি,—পিতামাতার স্নেহ যে কেমন, আমি বুঝিতে পারি নাই । আমার ক্ষম্যদোষে অবশেষে বিধাতা আমার প্রায়শ্চিত্তের জন্ত, আমাকে স্বামীধনে বঞ্চিত করিয়াছেন ।” এই বলিতে বলিতে দুই চক্ষু হইতে জল পড়িতে লাগিল । এই সময় বামা প্রভার পদপ্রান্তে পড়িয়া কহিল,—“এ পাপিনীকে ক্ষমা না করিলে আজ এই দণ্ডে চক্ষের সামনে আত্মহত্যা করিব ।” এই বলিয়া সে ভূমিতে মাথা ঠুকিতে লাগিল । প্রভা তাহার হাত ধরিয়া উঠাইলেন ; মিষ্ট সম্ভাষণ করিয়া কহিলেন,—“বামা, কাহারও উপর আমার অণুমাত্র রাগ নাই—আমি পূর্বকথা সকল ভুলিয়া গিয়াছি, সে সব কথা তুলিবার আর আবশ্যক কি ?” অবশেষে বিনোদিনীকে বলিলেন,—“দিদি, এখন এস আমরা পূর্বকথা ভুলিয়া সকলে একমন ও একপ্রাণ হইয়া সুখে দিনপাত করি ।” বামা এই সময় ভবকে লইয়া পুনরায় উপস্থিত হইলে পর, প্রভা

তাহাকে ক্রোড়ে লইয়া মুখচুম্বন করিলেন । বালক মধুর হাসিয়া বলিল,—  
“মা, এট কি গুই মা—এমে পিসি মা ।”

এই সময় বাহিরে যেন উচ্চ হাসির শব্দ উঠিল । অনতিবিলম্বে কেশবশঙ্কর অন্তঃপুরে প্রবেশ করিলেন । শঙ্করী আক্সাদে উদ্বেলিত হইয়া তাহার মুখচুম্বন করিলেন । কাদ-কাদ মুখে কহিলেন,—“বাবার আনার পূর্বের শ্রী আর নাই, মুখ একেবারে শুকাইয়া গিয়াছে ; হা গাবা, শরীরে কোন অস্ত্রথ হয় নাই ত ?”

কেশ । না মা, আমি বেশ ভাল আছি, আমাকে নরকে বোলাদিন থাকিতে হয় নাই—আপীলে শাপট নুক্ত হইয়াছিলাম ।

শঙ্ক । তবে বাবা, আমাকে জুখিনী ক’রে এতদিন কোথায় ছিলে ?

বিনোদিনীর হৃদয়-সরোবরে তরঙ্গ উঠিতেছিল । এই সময় তিনি বাহির হইয়া বলিলেন,—“এ কি লজ্জার ভয়ে এতদিন এস নাই ?”

কেশ । সে কথা কি আবার জিজ্ঞাসা করিবে !

কেশব নিজ কক্ষে গমন করিয়া বিনোদিনীর হস্তে একটা ক্ষুদ্র বাক্স দিয়া বলিলেন,—“কখন ইহার চাবী, গুলিও না—গুব সাবধানে সিন্দূকের মধ্যে রাখিয়া দিবে ।”

বিনো । বলি এ কিসের বাক্স—খুলিবে না কেন ? তবে আনিবার আবশ্যক কি ?

কেশ । অনেক কৌশলে দুর্দমনীয় পাপকে ইহার ভিতর পুরিয়া রাখিয়াছি,—দেখ, যেন বাক্স ভাঙ্গিয়া কোন প্রকারে বাহির হইয়া না পড়ে, তাহা হইলে আবার তোমার বিপদ উপস্থিত হইবে ।

বিনো । ( হাসিয়া ) আজ আমি নবজীবন পাইলাম । এমন

স্নেহমাথা, এমন সরল, এমন হাসি-হাসি কথা যে কি মিষ্ট, তাহার স্বাদ এতদিন পরে বুঝিতে পারিলাম ।

কেশ । এখন প্রতিদিন এই মিষ্ট খাইয়া শেষে না তোমার ব্যারাম হয়, এই ভয় !

বিনো । এ পোড়া পেটের কি অস্থখ আছে, না স্থানের অভাব আছে ; দেখিব তোমার ভাণ্ডারে কত আছে ।

কেশ । তা আমি জানি, স্থীলোকদিগের পেটই সর্ব্বশ ।

বিনো । যত পার বল, গ্রীষ্মের পর বর্ষা বড় ভাল লাগে ।

এই সময় ভব আসিয়া বিপুল রবে “বাবা বাবা” করিয়া ডাকিতে লাগিল । কেশবশঙ্কর তাহাকে ক্রোড়ে লইয়া অক্লান্ত বিমলানন্দ উপভোগ করিলেন । এদিকে বামা চাঁৎকার করিয়া গৃহিণীকে কহিল,— “মা, বাবার আজ আফ্লাদের শেষ নাই, তিনি বোভাতে লক্ষ টাকা ব্যয় করিতেছেন ; গ্রামের লোকেরা শুনিয়া বলিতেছে, বড় লোকের বাটীতে বোভাতে অল্পক্ষেত্র হয়, কিন্তু এ বোভাতে স্বর্ণক্ষেত্র হইয়াছে । ঠাঁ মা, ক’ কুড়িতে লক্ষ টাকা হয় ?”

শঙ্ক । ( হাস্য করিয়া ) ত্রুড়ি দশ টাকায় এক লাখ হয় ।

বামা । ( চকিত হইয়া ) ও বাবা ! সে যে অনেক টাকা । এত টাকা বাবা একেবারে দান করিতেছেন !

বাস্তবিক নরেন্দ্র বাবুর হৃদয় আজ বিগ্ৰজনীন প্রেমে মুগ্ধ হইয়াছে । তিনি দেখিতেছেন, ভগবানের কৃপায় তাঁহার কোন মনোবাঞ্ছা জীবদ্দশায় অপূর্ণ রহিল না । ‘বাণিজ্যে বসতে লক্ষ্মীঃ’ তাহা তিনি বিলক্ষণ উপলব্ধি করিয়াছেন । হৃদয়বান্ ও শায়বান্ ভূম্যধিকারী বলিয়া প্রত্যেক প্রজা তাঁহাকে আন্তরিক ভক্তি সহকারে পূজা করে । অগ্নির উত্তাপে স্বর্ণ যেমন বিগুহ্ব হয়, কেশবশঙ্করের অবস্থাও চ্ছাদ্শ হইয়াছে । তাঁহার

সহিত বাক্যালাপ করিয়াই তিনি বুঝিতে পারিয়াছেন, যে অভিপ্রায়ে তিনি তাঁহার নাম কেশব রাখিয়াছিলেন, এতদিনের পর সেই অধিতীয় কেশবের রূপায় তাহা সার্থক হইয়াছে । কৃষ্ণশঙ্কর জগতে বীর ও ধার্মিকাগ্রগণ্য বলিয়া পূজিত ও ঘোষিত হইয়াছেন । শেষে করদ-রাজ-শ্রেষ্ঠ মহারাজা শশধর রাওএর গোরবাগিতা রুগ্মা তাঁহার পুত্রবধু হইয়াছেন । ভগবানের দিকে তাঁহার ভালবাসা ও ভক্তির উৎস এমন ছুটিয়াছে যে, বেগধারণে অসমর্থ হইয়া তিনি তাঁহার দেওয়ানকে আহ্বান করিয়া পাঠাইলেন । তিনি উপস্থিত হইলে কহিলেন,— “বসুজ মহাশয়, জীবনের শেষ ভাগে আমি উপস্থিত হইয়াছি, এখন প্রাণ থাকিতে থাকিতে জন্মভূমির উৎকর্ষ সাধনের জন্ত কোন চিরস্থায়ী কার্য্য করিয়া যাইতে পারিলে আপনাকে যথ্য বিবেচনা করিব ।” এই বলিয়া তিনি মুখে মুখে বলিতে লাগিলেন, বসুজ মহাশয় লিখিতে লাগিলেন । লেখা শেষ করিয়া দেওয়ানজী এইরূপ পাঠ করিলেন :—

“আমি সজ্ঞানে ও স্বেচ্ছায় দেশের ন্যতিক্ষিৎ উপকার সাধনের জন্ত ভারত গবর্ণমেন্টের হস্তে বিংশ লক্ষ টাকা গচ্ছিত রাখিলাম । এই টাকার উপস্থত্রে—(১) প্রতিবৎসর ৪ জন বঙ্গীয়বৃক সিভিল সার্বিস ও মেডিকেল সার্বিসপরীক্ষা দিবার জন্ত ইংলণ্ডে প্রেরিত হইবে । কল, কোশল, শিল্প, কৃষিতত্ত্ব, ভূতত্ত্ব প্রভৃতি শিক্ষার জন্ত ৪ জন যুবকে ঐরূপ প্রতিবৎসর ইংলণ্ডে পাঠাইতে হইবে । তাঁহারা পাঠ সমাপন করিয়া দেশে প্রত্যাগত হইলে উপযুক্ত মূলধন দিয়া কার্য্যে নিয়োজিত করিতে হইবে ।

( ২ ) পুষ্করিণী খনন, বস্ত্র-নির্ম্মাণ, বিদ্যা ও আয়ুর্বেদ শিক্ষার জন্ত বিদ্যালয়, বাঙ্গালা ও ইংরাজি চিকিৎসার জন্ত দাতব্য ঔষধালয়ের ব্যবস্থা, ধর্ম্মপ্রচারণা নিঃস্বা স্ত্রী, সদ্গুণবৃক ও স্বধর্ম্মনিরত ব্রাহ্মণ, পণ্ডিত, সন্ন্যাসী, বৈষ্ণব প্রভৃতির, আবশ্যক হইলে, আজীবন ভরণপোষণের ভার ও হুর্ভিক্ষ-

পীড়িত লোকের গ্রাসাচ্ছাদনের সাময়িক ভার বহন করিতে হইবে ।  
 ইতি”—

এই আশাতীত দানের সংবাদ প্রাপ্ত হইয়া জেলার কালেক্টর সাহেব অতিশয় স্তম্ভী হইয়া তৎক্ষণাৎ যথারীতি এই বিষয় তৎকালীন গব-  
 র্ণর জেনারেল মহান্মভব লর্ড হাডিঞ্জ বাহাদুরের গোচর করিলেন ।  
 তিনি অতিশয় সন্তোষ প্রকাশ করিয়া, নরেন্দ্র বাবুকে ধন্যবাদ  
 দিয়া পত্র লিখিলেন এবং সঙ্গে সঙ্গে রাজা বাহাদুর উপাধি দানে  
 উৎসাহিত করিলেন । তিনি উচ্চ উপাধিতে ভূষিত হইলেন সত্য, কিয়ৎ  
 মনের মধ্যে অতিদীনভাবে, কেবল নারায়ণকে স্মরণ করিয়া, কর্তব্যাকর্ম  
 সম্পাদনে অধিকতর যত্নবর্ধিত হইলেন ।



# তৃতীয় প্রণয় ।

—৫৬৫—

শেষ জীবন ।

—৫৬৬—

## পঞ্চত্রিংশ পরিচ্ছেদ ।

—৫৬৭—

সংকল্প ।

প্রাসাদের এক নিজন কক্ষে পূর্ণচন্দ্র উপবেশন করিয়া আছেন ।  
মুহূর্ত্তঃ দীর্ঘ নিশ্বাস পড়িতেছে । শরীর উত্তপ্ত । মন নিতান্ত বিষম :  
যেন অকল সমুদ্রে পড়িয়া হাবুড়ু খাইতেছেন । কোথায় কোন্ দিকে  
যে যাইবেন, কিছুই স্থির করিতে পারিতেছেন না । ভূপসাগরের বিশাল  
বক্ষে দাঁড়াইয়া ভাবনার একটু স্থান পর্যাণ্ড নাই । আজ কুলপুরোহিত  
ভনানীশঙ্কর তাঁহাকে উইলের মন্মানুযায়ী বিবাহ করিতে অনুরোধ করিয়া-  
ছেন । তিনি বলিলেন,—“মহারাজ, যোগেশ্বরীকে বিবাহ করিয়া স্বর্গীয়  
অধীশ্বরের ইচ্ছা সম্পূর্ণ করিতে রাজ্ঞী অক্লমতি করিয়াছেন । এই শুভ-  
কার্য্যে বিলম্ব হইলে, অথবা এককালে না হইলে, ভবিষ্যতে নানা আপত্তি  
উপস্থিত হইতে পারে । বিশেষতঃ রেসিডেন্ট সাহেব কেবল রাজ্ঞীর অমু-



রোধে মহারাজার অভিষেক অনুমোদন করিয়াছিলেন । সমুদায় জানিতে পারিলে হয়ত নানা আপত্তি এখন উত্থাপন করিতে পারেন । এদিকে স্বর্গীয় মহারাজার বাৎসরিক শ্রাদ্ধ সন্নিকট হইয়াছে । যোগেশ্বরীকে বিবাহ না করিলে, আপনি পিণ্ডের অধিকারী হইতে সমর্থ নহেন ।

পূর্ণচন্দ্র ভবানীশঙ্করের কথা শুনিয়া স্তব্ধ হইলেন । পরে কহিলেন,—  
“দেব ! যখন রাজা হইবার পূর্বেই আমি শরৎসুন্দরীকে বিবাহ করিব বলিয়া বাক্য দিয়াছি, তখন বিবাহ হইয়াছে বলিয়াই গণ্য করিতে হইবে । শাস্ত্রানুসারে কেবল পাণিগ্রহণ বাকী আছে । এখন আমি কেমন করিয়া দ্বিতীয় ভাৰ্য্যা গ্রহণ করিব ?”

ভবা । দ্বিতীয় ভাৰ্য্যা গ্রহণ করিতে শাস্ত্রে কোথাও নিষেধ নাই ;  
দেশাচার বা লোকাচার-বিরুদ্ধও নহে ।

পূর্ণ । কেমন করিয়া, দেব ! এখন একজনকে অকারণে হৃদয় হইতে চিরনির্বাসন করিয়া অপরকে গ্রহণ করিব ? পুরুষ ও প্রকৃতি-যোগে জগতের সৃষ্টি হইয়াছে । আমরা সেই পুরুষের ও স্ত্রী সেই প্রকৃতির প্রতিবিম্ব মাত্র । একবার পুরুষ ও প্রকৃতির সংযোগ হইলে, জীবনে ও মরণে তাহার বিয়োগ হয় না । একবার একজনকে স্ত্রী বলিয়া গ্রহণ করিলে আর দ্বিতীয়বার স্ত্রী গ্রহণে স্বামীর অধিকার থাকে না । সেইরূপ স্ত্রীও দ্বিতীয় পতি গ্রহণে অধিকারিণী নহেন । আত্মায় আত্মায় যে মিলন, তাহাই সর্বোৎকৃষ্ট এবং সেই মিলনের নামই বিবাহ । দেব ! আর কি আমার অগ্নি স্ত্রী গ্রহণে অধিকার আছে ?

ভবা । বিবাহের আধ্যাত্মিক ব্যাখ্যা আপনি যেক্রপ করিলেন, তাহাই শাস্ত্রসম্মত,—কিন্তু এদিকে যোগেশ্বরীকে বিবাহ না করিলেও দারুণ অন্ততাপ হওয়ার সম্ভাবনা । এখন কি কর্তব্য, মহারাজ ! স্থির চিত্তে বিবেচনা করিয়া দেখুন ?

পূর্ণ। দেব : চিন্তা করিবার সময় আবশ্যক । আমি বিশেষ বিবেচনা করিয়া পরে বলিব ।

কুলপুরোহিত তাঁহাকে আশীর্বাদ করিয়া মহারাণীর নিকট উপস্থিত হইয়া মথারণ বিবৃত করিলেন ।

এদিকে কণকাল চিন্তা করিয়া, শরৎসুন্দরীর সহিত পরামর্শ করা বৃক্তিসম্বৃত বিবেচনা করিয়া, পুনঃ পুনঃ তাহার আলয়ে চলিয়া গেলেন ।

তখন অস্থিতপ্রায় । সন্ধ্যাগগনে জট একখানি লাল মেঘ মালাকাশে উড়িয়া বেড়াইতেছে । সেই লাল আভা বৃক্ষ, বনরা, নদা, পল্লভূড়া প্রভৃতি যে যে স্থানে পড়িয়াছে, তাহাকেই লাল করিয়াছে । সন্ধ্যার সেই লাল আভা বাতায়নপথে প্রবেশ করিয়া শরৎসুন্দরীর মুখ-খানিকে দ্বিগুণ লাল করিয়াছে । মন বিস্তৃত স্বপ্নে কে রমায়ন দিয়াছে ? যেন দিনান্তে কুমুদিনী প্রসুতিত হইয়াছে । মুখ নত করিয়া গবাক্ষপাশে বসিয়া তিনি কি পড়িতেছেন । হস্তে পুস্তক আছে, কিন্তু মন পুস্তকে নাই । মন নানা দেশের নানা স্থানে ভ্রমণ করিয়া বেড়াইতেছে । মৃত্যুবারহিল্লোলে নদীবক্ষে যেনন ক্ষুদ্র ক্ষুদ্র তরঙ্গ উঠিয়া খেলা করে, সেইরূপ একটি একটি চিন্তার লহরা উঠিয়া শরতের অস্ত-জগতে খেলা করিয়া বেড়াইতেছে । কি যে চিন্তা করিতেছেন, তাহারও একটা শৃঙ্খলা নাই ; কিন্তু যত প্রকারের চিন্তা উঠুক না, সকল চিন্তার শেষে ‘অদৃষ্টে কি আছে’ এই প্রশ্ন স্বভাৱে মনে পড়ে এবং মনে পড়িলেই মন কেমন আকুল হইয়া উঠে ।

এই সময় পূর্ণচন্দ্র শরৎসুন্দরীর সম্মুখীন হইলেন । তিনি উঠিয়া দাঁড়াইলেন । পুণ্যক সন্ধ্যার রোমাঞ্চিত হইয়া উঠিল । শরীর হঠতে যেন অপূর্ণ তেজঃ নির্গত হইতে লাগিল । পূর্ণচন্দ্রের

বোধ হইল যেন অকস্মাৎ শতদল-পদ্ম তাঁহার সম্মুখে বিকসিত হইয়া উঠিল। কুন্দদস্তাবলি অকণোষ্ঠের উপর বাহির হইল। দোবন-বিভক্ত শরীর ঢলঢল করিল। এমন সরলতা, এমন সৌন্দর্য্যপূর্ণ মুখ দেখিয়া তাঁহার মনে হইল স্বর্গ হইতে যেন দেবকণ্ঠা পৃথিবীতে অবতীর্ণ হইয়াছেন। শরৎসুন্দরী কি বলিতে উত্ততা হইয়াছিলেন, কিছু পূর্ণচন্দ্রের গম্ভীর ও স্নান মুখ দেখিয়া তাঁহার অন্তরে ত্রাস জন্মিল। ক্রমশঃ রজনীকে সম্মুখে দেখিয়া যেন সন্ধ্যা সহসা স্নানা হইয়া গেল। তিনি অল্পক্ষণে বলিলেন,—“কাস্ত, আজ কেন স্বভাবের অভাব?” পূর্ণচন্দ্র গম্ভীরভাবে বলিলেন,—“বিশেষ পরামর্শ আছে, তোমাকে জিজ্ঞাসা না করিয়া আমি কোন কার্য্য করিতে সক্ষম নহি।” একটু পরে আশ্চর্য্যত বলিলেন,—“এও আবার জিজ্ঞাসা করিতে হইবে? এখন কি বিবেচনার সময় আছে? আমাকে দিক্, আর আমার পরামর্শকেও দিক্।”

পূর্ণচন্দ্রের অন্তর যেন জ্বলন্ত অনলে ক্রমশঃ পুড়িয়া উঠিল। শেষ চিন্তা স্মরণ করিয়া তিনি কর্তব্যবিমূঢ় হইলেন। ভীতিবিহ্বলা হরিণীর ছায় শরৎ মূঢ়মধুর বচনে বলিলেন,—“কাস্ত, আজ এত অশান্ত কেন? মনে কি উদ্বেগ হইয়াছে, আমাকে বলিলে আমি কি কোন প্রতিকার করিতে পারিব না?” পূর্ণচন্দ্র সুদীর্ঘ নিশ্বাস ফেলিয়া বলিলেন,—“মৃত্যুই এখন প্রতিকার,—কিন্তু তোমাকে দেখিলে আমার সকল কষ্ট সহ্য করিয়াও অমর হইতে ইচ্ছা হয়।”

শর। অন্ধকারে থাকিয়া আমার বড় কষ্ট হইতেছে, আমার শরীর ও মন অবশ হইয়া আসিতেছে, আর আমার যাতনা বৃদ্ধি করিও না। বিষয় যত গুরুতর হউক না, আমাকে বল, দেরি করিও না।

পূর্ণ। পিতার উইলের কথা। তিনি উইলে লিখিয়াছেন যে, আমি যোগেশ্বরীকে বিবাহ না করিলে তাঁহার পুত্র বলিয়া গণ্য হইব না।

হস্ত, পদ ও মুখ-বন্ধ হরিণীর উপর যদি কেহ সহস্র বাণ এক সময়ে নিক্ষেপ করে, তাহা হইলে সে যেমন নীরবে সহ্য করে, শরৎ-সুন্দরীও সেইরূপ নিঃশব্দে এট কঠিন বজ্রাঘাত হৃদয়ে ধারণ করিলেন। দারুণ স্বপ্নের কথা ধূ ধূ করিয়া মনে উঠিল। তিনি চতুর্দিকে আপনার দেখিলেন; বুঝিলেন এ জন্মে আর শাস্তি নাই। কষ্টের জগুই তাঁহার জন্ম হইয়াছিল। তিনি মনে মনে অধৈর্য হইলেন, কিন্তু বাহ্যদৃশ্যে এত স্থির রহিলেন যে, পূর্ণচন্দ্রও তাঁহার হৃদয়ের অশান্তি কিছুমাত্র বুঝিতে পারিলেন না। ক্রমে ক্রমে শরৎ প্রকৃতিস্থ হইলেন; গম্ভীরভাবে বলিলেন,—“কাস্ত, এট জগু তুমি এত বাস্ত হইয়াছ? পুরুষের যাচা কর্তব্য তাহা করিবে।”

পূর্ণ। আমার এখন কি কর্তব্য?

শর। যোগেশ্বরীকে বিবাহ করাই তোমার সর্বপ্রথম কর্তব্য, তাহা হইলে তোমার পিতৃ-আজ্ঞা পালন এবং চিরজুঃখিনী মাতাকে সুখী করা হইবে। তোমার জগু মহারাজ শশধর ভগ্নমনোরথ হইয়া অসময়ে করাল কালের বশীভূত হইয়াছেন। প্রাতঃস্মরণীয়া মহাক্লগী চিরদিন জ্বলন্ত আগুনে দগ্ধ হইয়া আসিতেছেন। তাঁহার মনে কষ্ট দিলে ঈশ্বরের রাজ্যে তোমার স্থান হইবে না। পুত্র হইয়া পুত্রের কার্য করিতে অবদ্ব বা ক্রটি করা পাপাত্ম্য ও কাপুরুষের ধর্ম।

পূর্ণচন্দ্রের স্নানমুখে হাসির রেখা দেখা দিল। তিনি বিশ্বাসের সহিত বলিয়া উঠিলেন,—“তুমি এত যোগের কথা জানিতে, আমি তা পূর্বে বুঝিতে পারি নাই। পুত্রের কর্তব্য দেখাইলে, এখন শরতের উপর আমার কি কর্তব্য, একবার তাহা বল দেখি?”

শর। যোগেশ্বরীকে বিবাহ করিলে শরতের কি ক্ষতি হইবে, তাহা আমি বুঝিতে পারিতেছি না। রসালের সুখ না থাকিলে কি লাতিকা কখনও সুখী হইতে পারে? তুমি স্থির থাকিলেই আমি শান্তিতে থাকিব।

পূর্ণ। আমার সমস্তা বড় গুরুতর হইয়া উঠিয়াছে।

শর। এর আর সমস্তাই বা কি, আর চিন্তার বিষয়ই বা কি? পৃথিবীতে মাতা পুত্রের সাক্ষাৎ দেবী। পিতা মাতার সন্তিত অথ কোন বস্তুর তুলনা করিলে, তাহা অতি অকিঞ্চিৎকর হইবে। তোমার মত জ্ঞানী ব্যক্তির এমন গুরু কোলিয়া কি লঘু দ্রব্যে মন দেওয়া উচিত? তুমিই না একদিন বলিয়াছিলে যে, মেরিদোনের রাজা বীর আলেক্-জাণ্ডার তাঁহার মন্ত্রীকে লিখিয়াছিলেন যে, মাতার এক বিন্দু চক্ষের জলে, তাঁহার শত শত অল্পযোগ-পুত্র ভাসিয়া যাইবে। লোকরঞ্জনর জ্যেষ্ঠ রামচন্দ্র সীতাকে বনে বিসর্জন দিয়াছিলেন। পিতার সত্য পালনের জ্যেষ্ঠ প্রশান্তবদনে বনগমন করিলেন। ঙ্গদান্ত ভান ভ্রাতৃ-অনুরোধেই কেবল কুরুসভায় দ্রোপদীর অবমাননা সহ করিয়া, শেষে দ্বাদশ বৎসর বনবাসক্লেশ স্বীকার করিলেন। এও কি আবার আমায় তোনাকে বুঝাইতে হইবে? তুমি পিতৃ-আজ্ঞা পালন না করিলে, তোনাকে লোকে কাপুরুষ বলিবে, এমন নিম্নল চরিত্রে কত দোষারোপ করিবে, তাহা আমার প্রাণ থাকিতে আমি কেমন করিয়া সহ্য করিব? না কান্ত, তাহা কখনও হইবে না। ঋষি-মহাবির যে পথ দেখাইয়া দিয়াছেন, তুমি তাহাই আশ্রয় কর।

শরৎসুন্দরীর মনে মনে স্থির বিশ্বাস হইয়াছিল যে, তিনি এ সংসারে আর কোন ক্রমে পূর্ণচন্দ্রকে লাভ করিতে সমর্থ হইবেন না সেই জন্ত ভাবিলেন, আমার সুখ ত জন্মের মত কুরাইয়াছে, কিন্তু তাই

বলিয়া কাস্তকে কেন অস্বীকার করিব? এখন তিনি স্থখে থাকিলেই সকল দিক রক্ষা হইবে। এই জুতা শরৎসন্ধ্যার অতি কষ্টে ধৈর্য্য ধারণ পূর্বক মনের বেগ সংযত করিয়াও ব্লাইতেছিলেন। তাঁহার স্বর কম্পিত, ক্ষণে ক্ষণে ভঙ্গ ও ললাটে বস্মবিন্দু উপিত হইতেছিল। নয়ন-প্রাণে জলরাশি উদ্ভিতের অপেক্ষায় মেন বসিয়া ছিল।

নীরবে গম্ভীরভাবে পূর্ণচন্দ্র বসিয়া রহিলেন। মূখে একটাও কথা নাট। শরীর অসাড় ও নিষ্পন্দ। দৃষ্টি স্থির ও নিম্নদিকে। অবস্থা দেহিয়া শরতের হৃদয় কেমন কম্পিত হইল, কিন্তু কোন কথা তাঁহার মুখ হইতে বাহির হইল না। পূর্ণচন্দ্র উদ্দিগ্ধচিত্তে ভাবিতেছিলেন,—“সিধাতঃ, মনুষ্যের সুখ দুঃখ সকলই তোমার ইচ্ছার উপর। তুমি মনে করিলেই, উটলের ঐ পংক্তিদ্বয় তুলিয়া লইয়া আমার জন্ম উভকালে অনন্ত সুখ পরিমিত করিতে পারিতে। কিন্তু তোমার ইচ্ছা স্বতন্ত্র। দাবানলে দগ্ধ করাই তোমার সঙ্গ, তাহাও কেবল আমাকে নহে—অনেক লোককে—এক সময়ে—এক স্থানে। তোমার মাথা ইচ্ছা তুমি কর, কিন্তু আমি এ দোষে প্রাণ থাকিতে আমার প্রতিজ্ঞা কখন ভঙ্গ করিতে পারিব না।” ক্রমে ভাবে তাঁহার হৃদয় পরিপূর্ণ হইয়া উঠিল। তিনি উচ্চকণ্ঠে বলিয়া উঠিলেন,—“আমি রাজ্য ছাড়িয়া প্রকল্পচিত্তে বরং বনে বাস করিব, তথাপি এ হিরণ্যগা প্রতিনা বিসর্জন দিয়া একদণ্ড এ রাজ্যে বাস করিতে পারিব না। শরৎ, তুমি নিশ্চিন্ত থাক; এ হৃদয়ে কোন কাঁট প্রবেশ করিয়া, এই প্রণয়কুসুম নষ্ট করিতে পারিবে না।”

এই সময় আকাশে বিজলী ঝড়ীড়া করিতে লাগিল। দূরে মেঘ-গর্জনের শব্দ শব্দ হইল। শন্ শন্ শব্দে বায়ু বহিতে লাগিল। মাঘের আকাশে অনৈসর্গিক ঘটনা সংঘটিত হইল। পূর্ণচন্দ্র উঠিয়া

দাড়াইলেন । জুই হাতে শরৎকে আলিঙ্গন করিয়া মুখচুম্বন করিলেন । তিনি স্থির পুস্তলাবৎ দাড়াইয়া রহিলেন । কেবল ভাবিলেন, — “এই বুঝি শেষ আলিঙ্গন, ঠহজন্মের সাধ এই শেষ হইল ।” নিশা উত্তরোত্তর ভগঙ্কর মূর্তি ধারণ করিতেছে দেখিয়া গূর্ণচন্দ্র বিদায় হইলেন ।

এতক্ষণ শরতের ধৈর্য্য ছিল । এখন আর স্থির থাকিতে পারিলেন না । চক্ষের জলে বুক ভাসিয়া গেল । বাতাহত কদলৌর শ্রায় শয্যার উপর আছড়াইয়া পড়িলেন । বোধ হইল যেন অসীম সমুদ্রের গভীর জলে ঝাঁপ দিলেন ! আজ আশালতা সমূলে ছিন্ন হইল !!



## ষট্‌ত্রিংশ পরিচ্ছেদ ।



দেবানন্দে ।

বাটার বাজির হঠাৎ পৃথক হইয়া দেখিলেন যে, বায়ু প্রবল বেগে বহিত-  
তেছে । একে শীতকাল, তাহাতে প্রবল বায়ু ; সুতরাং শীতের মাত্রা  
এত অধিক হইয়াছে যে, পাশে আর জনপ্রাণীর সমাগম নাই । তিনি  
ঐত রত্ননাথের মন্দিরাভিমুখে চলিলেন । এক তরুণী, এক দীন-  
হীন ভিক্ষকের মূর্ত্তি দেখিয়া তাহার সহিত নিজের পরিচিত পরিচ্ছদ  
বিনিময় করিলেন । মনের উচ্ছ্বাসে, তিনি ছদ্মবেশে যখন মন্দিরে  
প্রবেশ করিবেন, তখন তাঁহাকে লক্ষ্য করিয়া কেহ তাঁহার মনের  
একাগ্রতা নষ্ট করিতে পারিবে না । যখন মন্দিরদ্বারে উপস্থিত হইলেন,  
তখন রাত্রি দশটা বাজিয়া গিয়াছে । তাঁহার মনে হইল, যেন কোন  
বাক্তি সেই অন্ধকার নিশীথে উল্লসাসে দৌড়িয়া তাঁহাকে ধরিতে  
আসিতেছে । তিনি দ্বারে দণ্ডায়মান হইলেন । পরিচ্ছদে তাহাকে ভক্ত  
লোক বলিয়া মনে হইল ; কিন্তু সে পরিচ্ছদ যে অবয়ব আচ্ছাদিত  
করিয়াছে, তাহা অতি হীন বলিয়া বোধ হইল । আগন্তুক করুণায়  
বলিল,—“মহাশয়, এইরূপে কি আমার সর্বনাশ করিতে হয় ?  
আমি দরিদ্র ভিক্ষুক বটে, কিন্তু আজ অবধি আমাকে কেহ চোর  
বলিয়া কখন অপবাদ দেয় নাই । আপনার আবশ্যক বলিয়া আমি  
আমার ছিন্ন বস্ত্র আপনার মূল্যবান পরিচ্ছদের সহিত বিনিময়ে সম্মত



হইয়াছিলাম, কিন্তু আপনার অর্থ গ্রহণ করিতে আমার কোন অধিকার নাই।” এই বলিয়া জামায় পকেট হইতে স্বর্ণমুদ্রা-সম্বলিত একটা ক্ষুদ্র ব্যাগ বাহির করিয়া তাঁহার হস্তে দিবার উদ্যোগ করিল। পূর্ণচন্দ্র ভিক্ষকের কথা শুনিয়া ও ব্যবহার দেখিয়া চমৎকৃত হইলেন : মনে মনে ভাবিলেন,—“এই জাণ শাণ দেহাভ্যন্তরেও এমন পবিত্র আত্মা বিরাজিত রহিয়াছে !” তিনি প্রকল্পচক্ষে বলিলেন,—“ভাই, তোমার যে অঙ্গে এই জীর্ণ বস্ত্র জড়িত ছিল, যদি এই সামান্য অর্থ তোমার কিঞ্চিৎ উপকার করিতে পারি, তাহা হইলেও আমি আপনাকে ধন্য বিবেচনা করিব। তোমার ইচ্ছা হইলে এই টাকা নিজ কাপো বা কোন সংকল্পের অনুষ্ঠানে ব্যয় করিলে আমি চরিতার্থ হইব।” এই বলিয়া আর অপেক্ষা না করিয়া দ্রুত মন্দির মধ্যে প্রবেশ করিলেন।

রাত্রি অধিক হইয়াছে, বিশেষতঃ ভয়ানক শীত পড়িয়া গিয়াছে, এই জন্য মন্দিরে বা প্রাঙ্গণে লোকজনের সমাগম ছিল না বলিলেও হয়। তিনি মন্দিরাভ্যন্তরে প্রবেশ পূর্বক দ্বার রুদ্ধ করিলেন। বর্ধিকার উজ্জ্বল আলোকে দেখিলেন,—সেই নবদর্শাদলগ্রাম, অখিল বক্ষাণ্ডপতি চারি হস্ত প্রসারিত করিয়া দণ্ডায়মান আছেন। তিনি বিবল বদনে, গলবস্ত্রে, ঘোড়হস্তে, অশ্রু বিসর্জন করিতে করিতে বলিলেন,—“প্রভো ! আজ আমি ছুস্তর বিপদ-সাগরে পতিত হইয়া কঠবাস্তানশূন্য হইয়াছি। আজ তুমি প্রসন্ন হইয়া আমাকে জ্ঞানোপদেশ দাও। দেব ! এ সংসারে আসিয়া অবধি আজন্ম দুঃখ ভিন্ন স্থখ উপলব্ধি করিবার অবসর হয় নাই। আমি কাতরে, করপুটে দণ্ডায়মান হইয়া তোমার আজ্ঞার প্রতীক্ষা করিতেছি।” আজ তিনি কত কাঁদিলেন, বার বার কত সাধনা করিলেন, কিন্তু মূর্তি প্রস্তরবৎ স্থির রহিলেন। নৈরাশের স্রোতে তিনি ভাসিয়া গেলেন, চক্ষু হইতে দর দর জল পড়িতে লাগিল,

চতুর্দিক আজ শূন্য দেখিলেন । একান্ত ভয় হৃদয়ে তিনি মৃদিকা হইতে উঠিলেন । প্রত্যাগমনের উদ্দেশ্য করিয়াছেন, এমন সময় ভগবানের পূর্বকথা তাঁহার মনে পড়িয়া গেল । তিনি বলিয়াছিলেন — “অনন্ত সময়ের ক্ষুদ্র অংশ মাত্র এই সংসারের স্থিতি ।” তখন বিগলিতচক্ষে, উর্দ্ধমুখে, করমোড়ে বলিলেন,— “প্রভো ! তবে কি এ সংসারে আমার আশা অপূর্ণ রহিয়া গেল ? তবে কি আমি এ জীবনে কেবল ছুঃখভোগের জ্বলন্ত জন্মগ্রহণ করিয়াছিলাম ? আমি ক্ষদ্র নলুয়া, তোমার লীলা বৃত্তিতে অক্ষম ।” তিনি আর বলিতে পারিলেন না । ভাবে কণ্ঠ রোপ হইল । নিতান্ত বিষম হৃদয়ে, অধোমুখে দেবালয় পরিত্যাগ করিয়া প্রাসাদাভিমুখে চলিয়া গেলেন । গুপ্ত দ্বার দিয়া তাঁহার প্রকোষ্ঠে প্রবেশ করিলেন ।

তিনিও চলিয়া গিয়াছেন, এমন সময় শিবিকারোহণে রাণী কমলকুমারী মন্দিরে উপস্থিত হইলেন । রত্ননাথকে ভক্তিপূর্বক মাষ্ট্রোঙ্গে প্রণাম করত, চক্ষুঃপূর্ণ পদস্ফূর্জন করিতে করিতে অশ্রু-শব্দে হৃদয়ের দারুণ বেদনা নিবেদন করিতে লাগিলেন । কতক্ষণ এষ্ট ভাবে প্রার্থনা করিয়া তিনি বহির্গত হইলেন । সদানন্দ তাঁহার জ্বলন্ত বাহিরে অপেক্ষা করিতেছিলেন । রাণীকে সঙ্গে লইয়া স্বামীজীর কক্ষ-নন্দো প্রবেশ করিলেন । তিনি আসনে উপবেশন করিয়া তদঙ্গতচিত্তে ভগবানের ধ্যান করিতেছিলেন । রাণী উপস্থিত হইলে, তাঁহাকে বসিতে বলিয়া জিজ্ঞাসিলেন,— “কেন মা, এমন বাঁশ্ব হইয়া এ শীতেরে আজ মন্দিরে উপস্থিত হইয়াছ ?”

রাণী । গুরুদেব ! আপনি ত অন্তর্মামী, সকলই জানিতেছেন— আজ ঘোর বিপদ-সাগরে পতিতা হইয়া দেবতার ও আপনার শরণ লইতে আসিয়াছি । আজ আমাকে রক্ষা করুন ।

শুরু । এক ভগবানই সকলের রক্ষাকর্তা । তিনি সময়ে সময়ে এমন অবস্থার সৃজন করেন যে, মনুষ্য তাহার কোন কারণ আবিষ্কার করিতে পারে না । কেন তিনি ধর্মপরায়ণ বৃষ্টিধরকে মিথ্যা কহিতে প্রলোভন দিলেন ? কেন তিনি দুঃখোদনকে সূচ্যগ্র ভূমি দান করিতে নিষেধ করিলেন ? কেন তিনি দেবোপম রামচন্দ্রকে বনে পাঠাইয়া তাঁহাকে ও মীতাকে অসীম দুঃখে ভাসাইয়া দিলেন ? কেন তিনি রাবণকে দুর্বৃত্ত করিয়া সবংশে নিধন করিলেন ? এই সকল তত্ত্ব তিনিই জানেন । এ সংসারে মনুষ্যকে তিনি এ রহস্য ভেদ করিতে দিবেন না । তবে মনুষ্যকে শান্তি দিবার জন্ত এই সংসারে তিনি নিকাম ধর্ম প্রচার করিয়াছেন । যখন সূখে দুঃখে সমজ্ঞান, ফলে ও নিষ্ফলে সমান তৃপ্তি, জীবনে ও মৃত্যুতে একই ভাব হইবে, তখনই নিকাম ধর্মের সূত্র মনুষ্য অনুভব করিবে । মা, এই দুই দিনের সংসারে সুখই বা কি, আর দুঃখই বা কি ?

রাণী । প্রভো, আমি সমুদায় বুঝিতেছি, কিন্তু আমার দেব-দুর্লভ পুত্রকে কিছুতেই অস্বামী দেখিতে পারিব না । কিছুতেই সে পুত্র বিহনে আমি একদণ্ড জীবন ধারণ করিতে পারিব না । আপনি আমার পূর্ণচন্দ্রকে নিকাম ধর্মের তত্ত্ব বুঝাইয়া দিন, যেন আমাদের জীবিতকাল সূখে ও শান্তিতে চলিয়া যায় ।

শুরু । মা, আমি যে এতকাল ব্রহ্মচর্য্যব্রতাবলম্বন করিয়া ভগবানের পূজা করিবার চেষ্টা পাইলাম, তাহা আমার বৃথা বোধ হইতেছে । যে দিন আমি প্রথমে এই মন্দিরে পূর্ণচন্দ্রকে দেখিলাম, তখনই বুঝিলাম কোন যোগভ্রষ্ট সন্ন্যাসী বা অভিশপ্ত ইন্দ্র সুরলোক হইতে মর্ত্যে আগমন করিয়াছেন । তিনি ব্রহ্মচারী না হইলেও সর্ববিষয়ে উদাসীন, রাজকোষে এত অর্থ সঞ্চিত থাকিতেও

অদ্যাবধি এক কপক্কণ্ড আয়ুস্মখে ব্যয় করেন নাই, সামান্য লোকের  
 ত্রায় পদব্রজেই একাকী ইতস্ততঃ পরিভ্রমণ করিয়া বেড়ান, কোন  
 বিষয়ে আসক্তি দেখি নাই, কর্তব্যাক্ষ-সাধনের জন্ত জীবন সমর্পণে  
 প্রস্তুত : রাজনীতি, ধর্মনীতি, সমাজনীতি তাঁহার করতলগত, ঈশ্বরে  
 তাঁহার প্রগাঢ় বিশ্বাস ও ভক্তি । এই মাত্র তিনি দুই দীন দুই ভিক্ষুকের  
 বেশে এই নিদারুণ শীতে মধুসূদনের পূজা করিয়া চলিয়া গেলেন ।  
 মা ! আমি কি তাঁহাকে শিক্ষা দিবার উপযুক্ত গুরু ? তিনি কখনও  
 এ জীবনে ধন্যভ্রষ্ট হইবেন না ; কখনও আয়ুস্মখের জন্ত ক্ষুদ্র কাঁটকে ও  
 কষ্ট দিবেন না । যাও মা, ভগবানে আয়ুস্মসমর্পণ করিয়া অচরিতঃ  
 তাঁহার চিন্তায় নিমগ্ন থাক । তিনি সকল যজ্ঞের যজ্ঞেশ্বর ; তাঁহার  
 ইচ্ছাই পূর্ণ হইবে ।

রাণী আর কিছুই বলিতে পারিলেন না । নিরানন্দে মন পূর্ণ  
 হইল । বিষম্বদনে ও অপ্রসন্ননে রাজবাটী প্রত্যাগমন করিলেন ।



# সপ্তত্রিংশ পরিচ্ছেদ ।



## ছতামনে আছতি ।

পরদিন প্রাতঃকালে মহারাজা পূর্ণচন্দ্র একাকী কক্ষে উপবেশন করিয়া আছেন, এমন সময় কুলপুত্রোচিত ভবানীশঙ্কর সম্মুখীন হইলেন । মহারাজ তাঁহাকে দেখিয়াই গম্ভীর ও রুক্ষ স্বরে বলিলেন । “দেব, আমি নিবৃত্ত করিব না এইরূপ সঙ্গর করিয়াছি । এক্ষণে যাচা কর্তব্য তাহা করুন । আজ হইতে আমি সিংহাসন শূন্য করিলাম । আজ হইতে সংসারে জলাঞ্জলি দিয়া আমি সমস্ত বনগমন করিব । আপনারা উইলের মৰ্ম্মমতে কার্য্য করুন ।”

কুলপুত্রোচিত তাঁহার বাহ্যকৃতি দেখিয়া বলিলেন যে, মহারাজা সমুদায় রাত্রির মধ্যে একবারও চক্ষু মুদ্রিত করেন নাই । সমস্ত রাত্রি কেবল উপস্থিত বিষয়ের আলোচনা করিয়া, শেষ এই অতৃপ্তিকর, এই অশুভকর সিদ্ধান্তে উপনীত হইয়াছেন । কেমন করিয়া রাণীকে এমন অশুভ সংবাদ প্রদান করিবেন, এই চিন্তায় তিনি অস্থির হইলেন । দুশ্মুখের এক কথায় একদিন অযোধ্যা ছারখার হইয়াছিল । শোকে ও দুঃখে রাম অভিভূত হইয়াছিলেন । সীতা বনবাসিনী হইলেন । অযোধ্যাপুরী চিরদিনের জন্ত অধার হইয়া গেল ।

আজ ভবানীশঙ্কর সেই দুশ্মুখের আয় রাণীর সমীপে উপস্থিত হইয়া এই দুঃখের সমাচার প্রদান করিলেন । রাণী তাঁহার কথার কোন প্রত্যুত্তর করিলেন না । কোন প্রশ্নও তাঁহাকে জিজ্ঞাসা করিলেন না ।

বলিতে কি, তাঁহার বাকশক্তি লোপ পাইয়াছিল। পুকেই তিনি শরৎ ও পূর্ণচন্দ্রের প্রণয় জানিতে পারিয়াছিলেন, এক্ষণে পুত্রের অচল ও অটল ভাব দেখিয়া হতবুদ্ধিপ্রায় হইলেন। চলিতে চলিতে অবসর পথিক অকস্মাৎ অপার মরুভূমি সম্মুখে দর্শন করিয়া যেমন গমন-আশা ত্যাগ করত মাথায় হাত দিয়া বাসিয়া পড়ে, সেইরূপ কমলকুমারী কপোলে হস্তার্পণ করিয়া কতক্ষণ সেই স্থানে বাসিয়া রহিলেন। পরে উঠিয়া, যে কক্ষে শশধর প্রাণত্যাগ করিয়াছিলেন, তাহাতে প্রবেশ পূর্বক দ্বার বন্ধ করিলেন। মৃত্যুসময়ে স্বামী যে স্থানে পদপ্রাপ্ত রক্ষা করিয়াছিলেন, সেই স্থানে উপবেশন করিয়া অতি পবিত্রভাবে গাণী অন্তঃ দিনান্তে একবার তাহাকে স্মরণ করিতেন। আজ সেই পবিত্র ক্ষেত্রে তিনি দণ্ডায়মানা হইয়া অনর্গল রোদন করিতে লাগিলেন, পরে কথঞ্চিৎ রোদন সম্বরণ করিয়া কহিলেন,—“প্রভো, এই উত্তপ্ত মরুভূমে একাকিনী আমাকে পরিত্যাগ করিয়া যখন স্বর্গে গমন করিলে, তখন পুত্রকন্ডার দর্শন-লাভই আমার একমাত্র অবলম্বন ছিল। এখন প্রাপ্ত পুত্রকে কোন্ প্রাণে কান্সালিনী বনবাস দিবে? মহারাজ, আমার নিষেধ সত্ত্বেও কেন তুমি এমন কঠোর আদেশ উইলে লিপিবদ্ধ করিয়া গেলে? যখন তুমি আমার কথা রাখিলে না, তখনই আমার মনে কত কণাই উঠিয়াছিল; তখনই আমি বুঝিয়াছিলাম যে, শেষে সকলনাশ উপস্থিত হইবে। এখন তুমি পৃথিবী ত্যাগ করিয়া সকল দায় হইতে পরিত্রাণ পাইয়াছ। চির-উৎসবনয় রাজপুরীকে তুমি ভাসাইয়া চলিয়া গিয়াছ। আমাকে জীবনে মারিয়া গিয়াছ। মরিয়া ছিলাম তাহা সত্য হইয়াছিল, কিন্তু এখন এমন হৃদয়-বিদারক খেল কেমন করিয়া বক্ষে ধারণ করিব?”

আর তাঁহার বাক্য ক্ষুরিত হইল না। চক্ষু হইতে অনর্গল জল

পড়িয়া মৃত্তিকা প্লাবিত করিল। তিনি উঠিলেন না, দ্বার খুলিলেন না এবং আহ্বারও করিলেন না। একদণ্ডে রাজপুরী বিষাদময়ী হইয়া উঠিল। হাসি-হাসি ফুটন্ত মল্লিকা ফুল যেন শুকাইয়া গেল। উজ্জ্বল গগনে কে যেন কালী ঢালিয়া দিল।

সেই দিন হঠাৎ পূর্ণচন্দ্র রাজকাৰ্য্য পরিত্যাগ করিলেন। মন্থক হঠাৎ উষ্মীষ দূরে নিক্ষেপ করিলেন; রাজদণ্ডকে বিদায় দিলেন; রাজভূষণ, রাজবসন পরিত্যাগ করিলেন। প্রধান মন্ত্রীকে আহ্বান করিয়া রাজ্যের মোহর অর্পণ করিয়া কহিলেন,—“মন্ত্রিবর, আপনি বিচক্ষণ ও সর্বদর্শী, সকল শাস্ত্রে আপনার ঐদিকার আছে, বিশেষতঃ স্বর্গীয় মহারাজার আপনি বিশ্বস্ত সহচর। এই জন্ত এই রাজ্য আপনার উপর অর্পণ করিলাম, ভবিষ্যতে মহারানী বা প্রভাকর্তার হাতে সমর্পণ করিবেন।”

মন্ত্রী। মহারাজ ! এমন সুসময়ে, এমন অমঙ্গলকর আদেশ কেন ?

পূর্ণ। মন্ত্রিবর। পিতৃ-আজ্ঞা পালন করিতে আমি অক্ষম হইয়াছি; সুতরাং আমি অল্পদিনের মধ্যে রাজ্য হইতে চিরবিদায় গ্রহণ করিয়া কোন দূর দেশে গমন করিব, এইরূপ সঙ্কল্প করিয়াছি।”

কেমন ধীরে ধীরে, কেমন প্রশান্ত বদনে, কেমন ধৈর্য্য সহকারে তিনি মন্ত্রী অযোধ্যানাথকে তাঁহার মনোভাব প্রকাশ করিলেন ! যেন তিনি এই সংসারে অচল অটল ও অজেয়। মন্ত্রী একেবারে নিসাঁক্ হইলেন। তিনি দেখিলেন,—পূর্ণচন্দ্র যেন রাহুগ্রস্ত সূর্য্যের আয় নিস্ত্রভ ! যুগলচক্ৰ রক্তবর্ণ, কখন কুঞ্চিত, কখন বিক্ষারিত হইতেছে। তিনি বুঝিলেন,—শরৎসুন্দরীর সেই অনিন্দ্য সৌন্দর্য্য এই হৃদয়রাজ্যে প্রবেশ করিয়া পূর্ণচন্দ্রের চেতন্য হরণ করিয়াছে। সেই

চঞ্চল দামিনী বসন্তের আকর্ষণ জলদজালে অন্ধকার করিয়া ঘোর  
নিম্নাদে রাজপুরে পতিত হইয়া সমুদায় রাজ্য প্রজ্বলিত করিয়াছে ।  
আর রক্ষা নাই । অগোধানাথ বুলিলেন,—আর রক্ষা নাই । তিনি  
সাহস করিয়া কোন কথা কহিতে পারিলেন না । মোহর গ্রহণ ও  
নমস্কার করিয়া চলিয়া গেলেন ।

আর যোগেশ্বরী এ চঃখের পুরোতে কি করিতেছেন ? নিচ  
কক্ষের বাতায়নপথে স্থির প্রদীপের জ্বায় মিটিমিটি জ্বলিতেছেন ।  
রূপের আলোয় সমুদায় রাজপুরী উদ্ভাসিত না শুউক, কিন্তু তাঁহার  
কক্ষটি সমুজ্জ্বল হইয়াছে । হরিংপত্র-পরিবেষ্টিত জৈমং প্রস্ফুটিত  
গোলাপের জ্বায় যেন হেলিয়া চলিয়া পড়িতেছেন । সমুদায় উজ্জানের  
শোভা হয় নাই সত্য, কিন্তু গাছের কি সুন্দর শোভাই হইয়াছে । দূর  
হইতে এ কুসুম দেখিতে পাইবেন না, কিন্তু নিকটে আসিলে সৌন্দর্য্য ও  
সৌরভে বিমোহিত হইবেন । ভাবুক হইলে গলিয়া যাইবে ।  
এ দেবভর্য্য সৌন্দর্য্য কি অশ্রুতময়, তাহা পবিত্র চক্ষে না দেখিলে কেহ  
বুঝিবেন না । শরৎসুন্দরী নীল নভোমণ্ডলের উজ্জ্বল চন্দ্ৰমা । তেজে  
সমুদয় জগৎ প্রকাশিত । সরোবরে প্রস্ফুটিত শতদল-পদ্মের জ্বায় ।  
দর্শকের দৃষ্টি সর্বপ্রথমেই আকর্ষিত হইবে । শরৎসুন্দরী শারদীয়  
আকাশের পূর্ণচন্দ্র । যোগেশ্বরী সন্ধ্যাগগনের উজ্জ্বল তারকা ।

সেই বাতায়নে উপবেশন করিয়া যোগেশ্বরী একগাছি কর্ণমালা  
টিপিতেছেন, আর ভাবিতেছেন । অসম্বন্ধ চিন্তা,—তাহার শৃঙ্খলা নাই ।

বয়ঃক্রম চতুর্দশ বৎসর মাত্র । প্রণয়-বিপণি মধ্যে ক্রয় বিক্রয়  
হয় এ কথা বলিলে বিশ্বাস হয় না, অথচ প্রণয় বস্তুটা কি তাহা  
সম্যক উপলব্ধি করিতে পারেন না । তাঁহার হৃদয়কলি প্রভাত-  
কমলের জ্বায় না প্রস্ফুটিত, না অপ্রস্ফুটিত । প্রণয়ীজনকে দেখিতে



ইচ্ছাও হয়, অথচ দেখিবার সময় লজ্জা কোন মতে সে দিকে চক্ষু উঠা-  
ইতে দেয় না । যে দিন শুনিলেন যে, পূর্ণচন্দ্রকেই তাঁহার বরণ করিতে  
হইতে, সেই দিন হইতে যেন নূতন নূতন করুনা, নব নব ভাব মনে  
উদয় হইতে লাগিল । বিবাহ করিতে ইচ্ছা আছে, অথচ বিবাহ  
করিলে কি সুখ আছে তাহা ঠিক বুঝিতে পারেন না । একপানি  
উজ্জ্বল ছবি সূক্ষ্মবস্ত্রাবৃত করিলে তাহার দৃশ্য যেমন ফুটে-ফুটে ফুটে  
না, এ বালিকাঃদয়ও সেইরূপ—ফুটে-ফুটে, ফুটে না,—বুঝে-বুঝে,  
বুঝে না ।

যোগেশ্বরী বসিয়া আছেন । মুখ ভূতলের দিকে । গগুণগলে  
লাল আভা । সুন্দর চম্পকবর্ণের উপর লাল আভা বড় মনোরম  
দেখাইতেছে । সুন্দর মুখশ্রী । তাহাতে বালিকা-বয়সের সরলতার  
শোভা মৌলিকলার বিরাজিত । নয়ন আকর্ষণ । উজ্জ্বল তারা দুইটি নীল,—  
নীলোৎপলের ত্রায় নিবিড় নীল,—স্বচ্ছ সলিলে যেন হেসে হেসে ভেসে  
ভেসে বেড়াইতেছে । নাসা যেমন পরিষ্কার, তেমনই চিকণ । লাল  
অধরের উপর ষ্ঠেত মুক্তাদন্তের শোভা দেখিয়া মনে হয়, কে যেন  
অশোক পুষ্পের উপর মতির মালা গাথিয়া রাখিয়াছে ।

শরৎসুন্দরীকে পূর্ণচন্দ্র ভাল বাসিতেন, এ সংবাদ তাঁহার কণে  
এখনও উপস্থিত হয় মাই । যোগেশ্বরী সেই বাতায়নপথে বসিয়া সেই  
কণ্ঠমালা টিপিতেছেন, আর ভাবিতেছেন,—মহারাজা আমাকে বিবাহ  
করিবেন না কেন ? আমার ত অনিচ্ছা নাই, অমত নাই,—তবে  
কেন তাঁর অনিচ্ছা হইল ? আমি কি তাঁহার অযোগ্যা ? অযোগ্যা  
বৈ কি ? তিনি রাজরাজেশ্বর, আমি ভিখারিণী । আমার এ  
সংসারে কে আছে ? আহা ! হুঃখিনীকে লোকে ভালবাসে না  
কেন ? দ্বারে দ্বারে, ঘরে ঘরে হুঃখিনী ভিক্ষা করিয়া বেড়াইতেছে,

সকলেই তাহাকে দূর দূর করিতেছে,—আহা ! এত দুঃখ তার কপালে কে লিখিল ?—এইরূপ আবেল তাবোল ভাবিতে ভাবিতে বলিলেন,—“মহারাজ কি আমার ভালবাসেন না—আমি ত তাঁহাকে বড় ভালবাসি ।” একবার সচকিতে চারিদিক দেখিয়া পুনরায় বলিলেন,—“আমি যদি তাঁহাকে প্রাণ ভরিয়া ভালবাসি, তবে কেন তিনি আমাকে ভাল বাসিবেন না ? নাকে আমি বড় ভাল বাসিতাম, তিনিও আমাকে তেননই ভাল বাসিতেন । মল্লিকাকে আমি একদণ্ড না দেখিলে থাকিতে পারি না, সেও আমার নিকট দিনরাত্রি থাকিতে পারিলে বড় সুখী হয় । তবে কেন মহারাজ আমাকে ভাল বাসিবেন না ? তবে কি আমি একেবারে আশা হারাইলাম ? কিন্তু আমার যত্ন কোথায় ? আমি একবারও তাঁর মুখপানে চাহিতে পারি না ; তাঁর নিকট দিয়া হাঁটিতে পারি না ; এমন কি, একদিনও স্নমুখে বাহির হইতে পারিলাম না—আর তা আমি কোনকালেও পারিব না । আমি সকল পারি, কিন্তু প্রেম ভিক্ষা করিতে পারিব না । তিনি ভাল বাসুন বা নাই বাসুন, আমি চিরদিন তাঁহাকে ভাল বাসিব, চিরদিন আমার হৃদয়ে তাঁহাকে ধারণ করিব, চিরদিন তাঁহাকে পূজা করিব । তিনি বিবাহ করুন বা নাই করুন, আমি তাঁহাকে ভিন্ন এ সংসারে আর কাহাকেও বিবাহ করিব না । তিনি ভিন্ন যোগেশ্বরী চিরকুমারী থাকিবে, তাহার এ ব্রত এ জীবনে কেহ কখনও ভঙ্গ করিতে পারিবে না ।”

কতক্ষণ এই রকম চিন্তা করিয়া যোগেশ্বরী কক্ষ হইতে নিজ্জাস্তা হইলেন । যেন একখানি ছোটখাট স্বর্ণপ্রতিমা হেলিতে ছলিতে চলিয়া গেল ।

শীতের নির্মূল নদীশ্রোত বর্ষাসমাগমে যেমন কলুষিত হয়, সেইরূপ রাজধানীর স্রুতশ্রোত্রে বিষাদের কালিমা উখিত হইয়া সকলকে অসুখী

করিল। ক্রমে ক্রমে চারিদিকে এই সংবাদ ছুটিয়া গেল। পূর্ণচন্দ্রের দুর্বল চিত্তের জন্ত কেহ নিন্দা করিল, কেহ বলিল,—“তুমি মহারাজা, তুমি ত অনায়াসে যথেষ্ট বিবাহ করিতে পার। এর জন্ত রাজ্য ত্যাগ বা বনগমনই কেন? কেহ প্রেমের, কেহ যৌবনের, কেহ শরতের রূপের নিন্দা বা প্রশংসা করিতে লাগিল। সকল স্থানেই পূর্ণচন্দ্র সম্মুখে তাঁর সমালোচনা আরম্ভ হইল। মেয়ে-মহলে এই আন্দোলনের তরঙ্গের আধিকাটা বড় অধিক। স্নুমুখীর গর্বে পা উঠিতেছে না; প্রতি কথায় স্বামীকে রূপের গৌরব দেখাইতেছেন। কালিন্দীর কিছুই নাই, কি লইয়া অহঙ্কার করিবে? উঠিতে বসিতে শতমুখে কেবল শরতের রূপের শ্রদ্ধা করিতেছে।

এই তরঙ্গ-কোলাহল রেসিডেন্টের কর্ণ-বিবরে এতদিন প্রতিধাত করে নাই। অকস্মাৎ একদিন শুনিতে পাইয়া মহাব্যস্ত হইয়া, তিনি অযোধ্যানাথকে আহ্বান করিয়া পাঠাইলেন। তিনি উপস্থিত হইলে কাপ্তান লুইস বলিলেন,—“মন্ত্রী মহাশয়, এইরূপে কি আমরা বঞ্চনা করিতে হয়? আপনাদিগকে বিশ্বাস করি বলিয়া কি, মৃত মহারাজার উইলের সমুদায় বৃত্তান্ত গোপন করিতে হয়? যদি আমি বুঝিতাম যে, যোগেশ্বরীকে বিবাহ না করিলে মহারাজ পূর্ণচন্দ্র সিংহাসনে বসিতে পারিবেন না, তাহা হইলে কি আমি অভিষেকে সম্মতি দিতাম? এখন এ বিষয় ভারত গবর্ণমেন্টের কর্ণে পৌঁছিলে মহা অনর্থ উপস্থিত হইবে।

অথো। কাপ্তান সাহেব, আমি কি করিব? আমার দোষই বা কি? মহারাজী আপনার সহিত পরামর্শ করিয়া সকল কণ্ঠ করিয়াছেন। উইলের ইংরাজি অনুবাদ আপনার সেরেস্তায় আছে,—আমাদের অপরাধ?

কাপ্তান তাঁহার কথায় বাধা দিয়া বলিলেন,—“অপরাধ যাহা

হয় একজনের হইয়াছে, সেজন্তু আসে না । এখন যাহাতে এই বিবাহ সম্পন্ন হয়, তাহার আয়োজন করুন । নতুবা শেষে মহা গোলমোগ হইবার সম্ভাবনা । হলস্থল পড়িয়া যাইবে । বর্তমান শাসনকর্তা লর্ড হার্ভিঞ্জ সহজে এই বিষয় ছাড়িয়া দিবেন না । এই প্রবন্ধনার জন্ত হয়ত এই রাজ্য বাজেয়াপ্ত করিয়া লইবেন । এক্ষণে আপনারা সাবধানে কাধ্য করুন ।”

অথো । আমি এখনই মহারানীকে বিশেষ করিয়া বলিব ।

কাপ্তা । শুদ্ধ তাহা নহে, এই ফাল্গুনমাসের মধ্যে বিবাহ না হইলে আমি গবর্ণমেন্টে রিপোর্ট প্রদান করিব ।

অযোধ্যানাথ মহাবাস্ত ও যৎপরোনাস্তি ভীত হইয়া মন্ত্রণাগৃহে প্রবেশ করিলেন । রানী কমলকুমারী উপস্থিত হইলে পর, অযোধ্যানাথ ঘোড়হস্তে, কম্পিতকলেবরে, ভঙ্গস্বরে কাপ্তানের আদেশ, ক্ষম্মরোধ ও কর্তব্য পরিকার করিয়া বুঝিয়া দিলেন । তিনি ভীতিবিহ্বলা হইয়া কহিলেন,—“মন্ত্রী, কোন পরামর্শ কি নাই ?”

অথো । মহারাজ তাঁহার নির্দিষ্ট মহল হইতে আজ একপক্ষ কোথাও বহির্গত হ’ন নাই । কাহারও সহিত সাক্ষাৎ করেন নাই । রাজকাৰ্য্য একেবারে পরিত্যাগ করিয়াছেন । সর্বদা কহিতেছেন যে, সন্ন্যাসী বা বনবাসী হইয়া তীর্থ বা অরণ্য আশ্রয় করিব । তিনি যে সহজে বিবাহ করিবেন, আমি তা বোধ করি না ।

রানী কিছুই প্রত্যুত্তর করিতে পারিলেন না । অযোধ্যানাথ পুনরায় বলিলেন,—“যাহাতে মহারাজা বিবাহ করেন, তাহার ব্যবস্থা আমি করিতেছি । আমি অল্প দিনের মধ্যে তাঁহার মনের আশ্চর্য্য পরিবর্তন করিয়া দিব ।” রানী নিরন্তর রহিলেন । অযোধ্যানাথ তাঁহাকে নমস্কার করিয়া কক্ষ হইতে বাহির হইলেন । যাইবার সময়

ভাবিতে লাগিলেন, রাজ্য রক্ষা করিতে হইলে, নানা প্রকার কল কৌশল প্রকাশ করিতে হয় ;—কিন্তু সে অবলা, তাহার দোষ কি ? বিশেষতঃ বন্ধুর কণ্ঠা ;—যে স্থানে এক জনের বিনাশে শত শত জনের বা রাজ্যের শাস্তি হয়, সে স্থানে অকর্তব্যও কর্তব্য হয় । একটা অনর্থ দ্বারা যদি বহু অনর্থ নিবারণ করা যায়, তাহা হইলে একটা অনর্থ সম্পাদন করা যুক্তিসিদ্ধ ।” দীর্ঘ নিশ্বাস ত্যাগ ও আক্ষেপ করিয়া তিনি বলিলেন, “হায় ! স্বর্ণপ্রতিমা জলে ভাসাইবার ভার কি শেষে আমার সন্ধে পড়িল ?”

রাজ্ঞী নিজ কক্ষে প্রত্যাবৃত্ত হইয়া অর্দ্ধনিশীলিত নেত্রে তাকিয়ায় ঠেস দিয়া শুইয়া পড়িলেন । তাঁহার বাহ্যাকৃতি দেখিয়া জনৈক দাসী ব্যাকুলা হইয়া চীৎকার করিল । দশজন আসিয়া উপস্থিত হইল । মন্তকে ও মুখে শীতল জল বিক্ষেপে তাঁহার চৈতন্ত্য সম্পাদিত হইল । তিনি বিকৃত স্বরে কহিলেন,—“আশা নাই—আশা নাই—দীপ একেবারে নিবিল ! এতদিন ধরিয়া যখন পূর্ণচন্দ্র রাজ্য পরিত্যাগ ও বনবাস স্থির করিয়াছে, তখন আর আশা নাই—আশা নাই । মহারাজ ! আমার জন্ত তোমার পার্শ্বে স্থান রাখিও । নিশ্চয় বলিতেছি, যে দিন পুত্র রাজ্য হইতে বহির্গত হইবে, সেই দিন আমারও প্রাণবায়ু দেহ ছাড়িয়া চলিয়া যাইবে ।”

সেই দিন হইতে কমলকুমারীর বাহ্যাকৃতি এমন জীর্ণশীর্ণ ও মনের এমন পরিবর্তন হইল যে, তাঁহাকে চিনিতে পারা দুক্লহ হইয়া উঠিল ।

এ দিকে মহারাজার একই ভাব ও একই প্রতিজ্ঞা । যে দিন শুনিলেন যে, যোগেশ্বরীকে বিবাহ না করিলে রেসিডেন্ট রিপোর্ট করিবেন, সেই দিন তিনি তীর্থভ্রমণে বহির্গত হইবার আয়োজন

করিলেন। মৃত্তিকা-রঞ্জিত কোপীন, বিভূতি, তুলসীর মালা প্রভৃতি সংগ্রহ করিলেন। মাতাকে বন্দনা করিয়াই তিনি যাত্রা করিবেন। কিয়দ্দিন এই ভাবে যাপন করিয়া, শেষে শরৎস্বন্দরীর পাণিগ্রহণ করত বারাণসীবাসী হইবেন,—এইরূপ সংকল্প করিয়া ক্ষুদ্র একখানি লিপি প্রণয়িনীকে লিখিলেন। তদন্তরে তিনি নিম্নলিখিত দুই পংক্তি-মাত্র উত্তর পাইলেন :—

“সুখে দুঃখে ছায়ার ছায় তোমার সঙ্গিনী হইয়া উইলোকে ও অনন্ত লোকে বাস করিবার জন্ত প্রস্তুত রহিয়াছি ।”

সমুদায় বিষয় মনে মনে স্থির করিয়া, এক দিন প্রাতঃকালে তিনি, মাতার কক্ষে উপস্থিত হইলেন। দেখিলেন,—ভীর্ণা শীর্ণা এক স্ত্রীলোক মৃত্তিকায় পড়িয়া আছেন। চক্ষু প্রায় নিমীলিত। শরীরে বিন্দু বিন্দু অশ্রুজলের চিহ্ন রহিয়াছে। পূর্ণচন্দ্র প্রথমে বৃষ্টিতে পারেন নাই যে, সেই অসীম-লাবণ্যময়ী, সেই সদানন্দপূর্ণা, সেই তেজঃ-সম্পন্ন মহারাণী কমলকুমারী আজ দীনা হীনা, বিকৃতবদনা হইয়া অভাগিনীর ছায় মৃত্তিকায় পড়িয়া আছেন। মাতার অবস্থা দেখিয়া তাঁহার চক্ষে অবিরল ধারায় বারি বিগলিত হইতে লাগিল। এক নিমেষে মনের পরিবর্তন হয়,—এ, কথা সম্পূর্ণ সত্য। পূর্ণচন্দ্রের মন একেবারে পরিবর্তিত হইল। তিনি চীৎকার করিয়া বলিলেন,—“আমার ছায় নরাদম, কাপুরুষ সংসারে আর নাট। আমিই না ঈশ্বরদাসকে সৈন্য ও মাতৃহন্তারক স্থির করিয়া উপদেশ দিতে গিয়াছিলাম? এখন দেখিতেছি, ঈশ্বরদাস হইতে আমি শতগুণে নরাদম। আমি পিতৃ-আজ্ঞা গালনে পরায়ুধ, চিরদুঃখিনী মাতার প্রাণনাশে কৃতসংকল্প, এই বৃহৎ রাজ্য ছিন্নভিন্ন করিতে উত্তম। আমার কর্তব্যজ্ঞান কিছুমাত্র নাই। নিজের সুখের জন্ত,

স্বার্থের জন্ত, অগাধ নরহতাকারীর হৃদয় নিশ্চয় হৃদয়ে স্নেহময়ী মাতার—আমার জীবনস্বরূপিণী, আমার আনন্দদায়িনী মাতার কণ্ঠচ্ছেদ করিতে উঠিয়াছি। আমি অপেক্ষা আর কে অধিকতর নৃশংস, পামর, অপদার্থ জীব এ জগতে আছে? রাম, তুমিই ধন্য। পিতার আজ্ঞা শ্রবণ মাত্রই রাজবেশ, রাজভূষা ছাড়িয়া বনে গমন করিলে! দ্রাতৃবৎসল লক্ষ্মণ, তুমি সর্বাগ্রগণ্য! তুমি অবাচিত হইয়াও আশ্বিন্থেৎসর্গ ও উর্শ্বিলারে উপেক্ষা করিয়া, কেবল দ্রাতার সেবা করিবার জন্ত চতুর্দশ বর্ষ বনের দারুণ ক্লেশ সহ করিলে! পিতৃপরায়ণ ভীষ্ম, তুমি কেবল পিতাকে স্মৃতি করিবার জন্ত চিরজীবন কোমার্যাব্রত অবলম্বন করিয়া রহিলে! তোমার ত্যাগস্বীকার অসামান্য, অলৌকিক ও অভূতপূর্ব! পুণ্ড্রবান্ নলরাজ্য, তুমি ইন্দ্রাদি দেবতার পরিতৃষ্টি সাধনের জন্ত, দময়ন্তীর আশাতে ও জলাঞ্জলি দিয়াছিলে! এ সংসারে যে ত্যাগ স্বীকার করিতে না পারে, সে ঘৃণ্য, সে কিসের মনুষ্য—সে পশু—”

কঙ্কাল-পর্যাবসিত কমলকুমারীকে দেখিয়া পূর্ণচন্দ্রের চিত্তবিকার উপস্থিত হইল। শরৎসুন্দরীর উপদেশ মনে পড়িল। এই প্রথর স্রোতে শরৎসুন্দরী ডুবিলেন না। ডুবিয়াও ডুবিলেন না, আবার ভাসিয়া উঠিলেন। তিনি বিকৃত বুদ্ধিতে ভাবিতে লাগিলেন,—“যোগেশ্বরীকে বিবাহ করিলে কি ক্ষতি হইবে,—শরৎ আমারই,—চিরদিন আমারই হৃদয়ে থাকিবে;—তবে কেন পিতা মাতার আজ্ঞা অবহেলা করি?”

এইরূপ সিদ্ধান্ত করিয়া তিনি যুগ্মহস্তে, দৃঢ়বচনে, সঙ্কল্প-নেত্রে বলিলেন—“মা, তোমার সেবক আজ্ঞা-পালনের জন্ত পাদমূলে দণ্ডায়মান—অহুমতি করুন, কি করিতে হইবে?”

কমলকুমারী চক্ষুঃস্থলন করিলেন । পূর্ণচন্দ্রের কেমন ত্রাস জন্মিল ; মনে হইল, তিনি আর অধিক কাল বাঁচিবেন না । তিনি পুনরায় কহিলেন,—“মা, অনুমতি করুন—আপনার আজ্ঞা শিরোধার্য্য ।” রাণী উঠিয়া বসিলেন । পুত্রকে ক্রোড়ে গ্রহণ করিয়া স্নেহে মুখচুষন করিলেন । তখন দরদর চক্ষুজল পড়িয়া উভয়ের শরীর সিক্ত হইল । কতক্ষণ পরে মাতা কহিলেন,—“বৎস, তুমি চিরজীবী হইয়া সুখে থাক,—আমার অসাড় প্রাণে জীবন সঞ্চার হইল,—আমি যে আবার তোমার মুখচক্ষু দেখিতে দেখিতে ইহসংসার হইতে চলিয়া যাইব, সে আশা আমার ছিল না ।”

বিবাহের সংবাদ মুখে মুখে চারিদিকে ছড়াইয়া পড়িল । দিন স্থির হইল ! অপ্রস্তুতিত যোগেশ্বরী রুদয় তরঙ্গতাড়িত নন্দদাবকের ত্রায় নাচিয়া উঠিল । জলন্ত শেলের ত্রায় এই সংবাদ শরৎসুন্দরীর কর্ণে প্রবেশ করিয়া রুদয়ে হতাশন জালিয়া দিল । সে অগ্নি আর নির্ঝাপিত হইল না । তাঁহার সর্বশরীর কাঁপিয়া উঠিল, মস্তক ঘুরিয়া গেল । চক্ষে আঁধার দেখিলেন । শরীর এমন দুর্বল ও লঘু বোধ হইল, যেন সে দেহ তাঁহার নহে বলিয়া মনে হইল ।

এ বিবাহে কোন আড়ম্বর হইল না । একজনও নিমন্ত্রিত হইলেন না । কোন স্থান হইতে কোন আত্মীয়ের সমাগম হইল না । এমন কি, প্রভাবতীও সংবাদ পাইলেন না । রাজগুরু হৃদীকেশ ও পুরোহিত ভবানীশঙ্কর যথাশাস্ত্র নিরপরাধিনী যোগেশ্বরীকে পূর্ণচন্দ্ররূপ হতাশনে আত্মতা প্রদান করিলেন । অযোধ্যানাথের রাজনৈতিক কৌশল-বিস্তারের পূর্বেই নির্ঝিল্লি বিবাহ সম্পন্ন হইল ।



## অষ্টত্রিংশ পরিচ্ছেদ

নিবিয়া গেল।

অবলা সরলা শরৎসুন্দরীর সকল আশা এ জীবনের তরে চলিয়া গিয়াছে। আর আশা ভরসা নাই। পূর্ণচন্দ্র বিবাহ করিয়াছেন। সেই কুটিল রজনীর কুটিল স্বপ্ন এত দিনের পর সত্য হইল। তিনি স্বপ্নে দেখিয়াছিলেন,—“পূর্ণচন্দ্র এক রমণীর হস্ত ধারণ করিয়া কোথায়, কোন্ অরণ্যে লুকাইয়া গেলেন, তাহা তিনি নদীর অপর পার হইতে স্থির করিতে পারিলেন না। এত উচ্চৈঃস্বরে ডাকিলেন, কিন্তু হতাশ হৃদয়ের কাতরধ্বনি আকাশে মিলাইয়া গেল। পূর্ণচন্দ্র নয়ন প্রত্যাবর্তন করিয়াও দেখিলেন না।” এত দিনের পর তিনি বুঝিতে পারিলেন যে, সেই স্বপ্ন অক্ষরে অক্ষরে মিলিয়া গিয়াছে। এ তুংখ কি তাঁহার রাণিবাব স্থান আছে? সেই কমল-নয়ন এখন অশ্রুপূর্ণ; সেই উজ্জ্বল লোহিতাভ গওদেশ স্বৈতবর্ণ ধারণ করিয়াছে। বসনে যত্ন নাই, পড়িতে মন নাই, নিদ্রায় স্তম্ভ নাই, আহাৰে তৃপ্তি নাই। সেই কুণ্ঠিত কেশদামের অপূৰ্ণ স্ত্রী কোথায় চলিয়া গিয়াছে; সে বেণী আর নাই। শরৎ মুক্তকেশী হইয়াছেন। শরৎসুন্দরী, যে আকর্ষণহৃদয়ে পূর্ণচন্দ্রকে ভাল বাসিয়াছেন, তাহা অভাগিনী জননীর এখন বিলক্ষণ উপলব্ধি হইয়াছে। পিতাও বুঝিতে পারিয়াছেন। শরতের “রাত্রিতে নিদ্রা নাই; নিদ্রাগত হইলেও স্বপ্নে—“কাস্ত, প্রণয়ের এই পরিণাম হইল!” বলিয়া চীৎকার করিয়া উঠিতেন; কাঁদিয়া মাতার ক্রোড়ে মুখ লুকাইতেন।

আজ তিনি আপন শূন্যকক্ষের বাতায়নে উপবেশন করিয়া আকাশে চাহিয়া আছেন। সে বিস্তারিত নেত্রযুগল দেখিলে বোধ হয়, সংসারের কোন বিষয়ে তাঁহার আসক্তি নাই ; যেন পৃথিবী হইতে তাঁহার সম্বন্ধ উঠিয়া গিয়াছে। সংসারে এমন কোন প্রিয়বস্তু নাই, বাহাতে তাঁহার দৃষ্টি আকৃষ্ট হইতে পারে। সত্য,—আকাশের দিকে নয়ন ফিরাইয়া ছিলেন, কিন্তু তিনি অন্ধকারভিন্ন কিছুই দেখিতে-ছিলেন না। তাঁহার পদ হইতে মস্তকের কেশাগ্র পর্য্যন্ত স্থির। বাহু জগতের এই ভাব, কিন্তু অন্তর্জগতের ভাব অধিকতর ভয়ঙ্কর। মন স্থির নয় অথচ অস্থির নয় ; অন্বেষণ করিবার কোন বস্তু নাই ; চিন্তা করিবার কোন বিষয় নাই। যখন সমূলে আশা নিশ্চূল হইয়াছে, তখন আর কল্পনার বিষয় কি আছে ?—কি বা হইতে পারে ? আকাশের চারিদিক ঘনকৃষ্ণ মেঘমালায় পরিপূরিত। দিবাভাগে যেন রাত্রি উপস্থিত। জল পড়ে-পড়ে, কিন্তু পড়িতেছে না। দূরে—অতিদূরে মেঘগর্জনের শ্রায় ক্ষণে ক্ষণে আকাশ গর্জিয়া উঠিতেছে। এক একবার ক্ষণপ্রভা নয়ন বলসিয়া দিতেছে। প্রকৃতির এই অবস্থার সহিত তাঁহার মানসিক ভাবের তুলনা হইতে পারে।

ক্রমে ক্রমে তাঁহার গুণ্ঠদ্বয় অরুণবর্ণ ধারণ করিল। গণ্ডযুগল লোহিত হইয়া আসিল। নয়নতারা নিশ্চল হইল। শ্বাসাবরোধ হইয়া প্রাণবায়ু বহির্গত হইবার উপক্রম করিল। এইরূপ ভাবে দুই তিন মুহূর্ত চলিয়া গেল। গভীর হৃদয়বিদারক দুঃখ তাঁহাকে আলোড়িত করিতে-ছিল, তাহার সন্দেহ ছিল না। সৌভাগ্যক্রমে চক্ষু জলে প্লাবিত হইল। ঝর ঝর করিয়া বারিধারা উন্নত পন্থোধনু পড়িতে লাগিল। ক্ষুণ্ণতোম্বুধ কমল-কোরক যেন ঈষদবনত মস্তকে নিষিক্ত বারিধারা গ্রহণ করিয়া বিশাল উরুদেশে নিক্ষেপ পূর্বক, সমবেদনা প্রকাশ করিতে

লাগিল। এই বারিধারার সহিত হৃৎস্থের গুরুভার যেন কমিয়া আসিল। হৃদয় অনেক শান্ত হইল। কিয়ৎক্ষণ কপোলে হস্তার্ণণ করিয়া মৃত্তিকার দিকে চাহিয়া রহিলেন। বাস্তবিক তিনি কিছুই দেখিতেছিলেন না। বাস্তবিক তাঁহার বাহ্যজ্ঞানই ছিল কি না সন্দেহের স্থল। মানসপটে পূর্ণচন্দ্রের মধুর মূর্তির আবির্ভাব হইয়াছিল, তাহাই মনশ্চক্ষু দিয়া দেখিতেছিলেন। কতক্ষণ নীরবে থাকিয়া গদগদ স্বরে কহিলেন,—“নাথ, অভাগিনীকে কি জন্মের মত ভাসাইয়া দিলে? চির-কাঙ্ক্ষালিনী করিলে? আমি কি করিয়াছি? কি দোষের দোষী? নাথ, বিবাহ করিবার পূর্বে এখানে কতবার আসিয়াছিলাম, কত কথা কহিয়াছিলাম, তাহা কি মনে নাই? আমাকে কি জন্মের মত ভুলিয়া গেলে? আর এখানে আসিবে না? আর দেখা হইবে না? হায়! হায়! একি হ'ল? কেন এমন হ'ল। ঈশ্বর, কি দোষ করিয়াছি? নাথ, আমার কি অপরাধ হ'ল? বিধি, কি পাপে আমায় এমন কঠিন দণ্ডে দণ্ডিত করিলে? জন্মান্তরে কোন সতীর কি পতিহত্যা করিয়াছিলাম, সেই পাপে আমায় এই যাতনা দিলে? উঃ—কি হৃৎথ, এ যে আর সহ্য হয় না মা? বুক ফাটিয়া যে আমার প্রাণ বাহির হয়! ও মা—”

কণ্ঠাবরোধ হইল। আর মুখে বাক্য ক্ষুরিত হইল না। নীল নয়নোৎপল হইতে মুক্তাধারার ত্রায় অবিরল জল পড়িতে লাগিল। অঞ্চলপ্রান্তে দুই চক্ষু মুছিতে লাগিলেন। কিন্তু হায়! প্রবল শ্রোতের গতি কি বস্ত্রখণ্ডে রুদ্ধ হইতে পারে? নয়ন মুছিতে মুছিতে পতিপ্রাণা পুনরায় বলিলেন,—“কান্ধ, তোমার কোন দোষ নাই। আমি পাপের যাতনা ভোগ করিতেছি। তুমি জন্মের মত ত্যাগ করিয়াছ, তাহাতে হৃৎখিত নহি; কিন্তু কেমন করিয়া তুমি সে ভালবাসা একেবারে

ভুলিয়া গেলে ? নির্দয় হইল কেমন করিয়া এতদিন না দেখিয়া রহিলে ? পূর্বে যখনই তুমি আসিতে, তখনই বলিতে,—‘শরৎ, এক মুহূর্ত্ত এক যুগ ।’ এখন যে কত মুহূর্ত্ত, কত দিন অতীত হইল ; কই আর ত একবারও আসিলে না, একবারও দেখিলে না ? তবে আর এ পোড়ার মুখ কাহার নিকটে দেখাইব ? আঃ—মরি ত এখন বাঁচি ! আর সংসারে থাকিতে ইচ্ছা নাই । তুমি যখন পর হইয়াছ, তখন এ সংসারে আর আমার কে আছে ? এ সংসারে আর আমার আবশ্যক কি ? আমার হৃৎকি আর কেহ বিমোচন করিতে পারিবে ? এমন করিয়া আমি কতকাল পৃথিবীতে বাস করিব ?’

পূর্ণেন্দুবদনা থামিলেন । একটু পরে অকস্মাৎ বলিয়া উঠিলেন,—  
“হৃদয়নাথ ! তুমি আমার—এই যে তুমি আমার হৃদয় ও মন অধিকার করিয়া রহিয়াছ ! এই যে তোমার জলন্ত ছবি আমার অন্তরে শোভা পাইতেছে ! তোমার প্রতিমূর্ত্তি যেন আকাশময় বিরাজিত রহিয়াছে । নয়নোন্মীলন করিলেই যেন তোমাকেই দেখি । দেখিতেছি,—তুমি কাঁদিতেছ ; কেন নাথ ! বিবাহ করিয়াছ বলিয়া কি হৃৎখিত হইয়াছ ? পিতার আজ্ঞা পালন করিয়াছ, মাতার চিন্তা বিনোদন করিয়াছ, পুরুষের কর্তব্যকর্ম করিয়াছ । তুমি কাপুরুষ নও—তবে কেন কাঁদ ? কেন বারংবার ক্ষমা চাহিতেছ ? আমি তোমারই,—ইহকালে ও অনন্তকালে আমি তোমারই,—তোমা ভিন্ন আমি কাহাকেও জানি না ; তুমি আমার সর্বস্ব, স্নেহে হৃৎখে চিরদিন আমি তোমারই । কান্দ, কত কাঁদিতেছ,—কত বিলাপ করিতেছ,—যেন কি কুর্কর্ম করিয়াছ মনে করিয়া আপনাকে কত তিরস্কার করিতেছ ! এ আমার দোষ,—আমার অদৃষ্টের দোষ—বিধাতা বিমুখ হইয়াছেন । এ প্রণয়শৃঙ্খল সহজে ছিন্ন হইবে না । মৃত্যু হইলেও এই শৃঙ্খল থাকিবে । সেখানেও

তোমার ধ্যান করিব,—সেখানেও অনন্তমনা হইয়া তোমার নাম করিয়া  
অন্ততঃ দিনান্তে একবিন্দু অশ্রু নিষ্ক্ষেপ করিব—”

এই সময় ব্রজসুন্দরী গৃহে প্রবেশ করিয়া, দুই চক্ষুে কণ্ঠার  
দ্রববস্তা দেখিয়া চুঃখিত হইলেন। শরৎ, মাতাকে দেখিয়া এক পার্শ্বে  
মুখ লুকাইলেন। চুঃখে ও লজ্জায় মুখমণ্ডল আরক্তিম হইয়া মুখের  
চমৎকার শ্রী বিনির্গত করিল। তিনি বলিলেন,—“শরৎ, কেবল এই  
ঘরে বসিয়া কাদিলে কি হইবে? সংসারে কি সকলেই সুখী হয়?   
সকলকারই কি একজন্মে মনের সমুদায় সাধ পূর্ণ হয়? তুমি এমন স্লবোধ  
হইয়া কেন অশান্ত হইবে? সময় প্রতীক্ষা কর। সহ্য করিবার  
জগুই মানুষের জন্ম। চল মা,—চল—আজ দেবালয়ে স্বামীজী,  
কৃষ্ণপ্রেমের ব্যাখ্যা করিবেন, তুমি তাহা শুনিয়া নিজের চিত্তকে বিশুদ্ধ  
করিতে পারিবে; ভগ্নদয়ে অনেক শান্তি লাভ করিবে। সেই  
রাজার রাজা, অখিল ব্রহ্মাণ্ডের পতি, ত্রিভুবনের রক্ষাকর্ত্তা নারায়ণের  
পদতলে আজ তোমার আকাঙ্ক্ষা, তোমার প্রেম, তোমার অভিলাষ  
উৎসর্গ করিবে; যাহা তাঁহাকে ভক্তিভরে দিবে, তাহার দ্বিগুণ বা চতু-  
গুণ ইহজন্মে বা পরজন্মে লাভ করিয়া সকল বাসনা বিবর্জিত হইয়া, সুখ  
ও শান্তির আধারস্বরূপ মুক্তি লাভ করিবে। তুমি ত মা, গীতা পাঠ  
করিয়াছ। আমি আর বেশী কি বুঝাইব?”

শরৎ। মাথা ধরিয়াছে—শরীর কেমন কেমন করিতেছে।

ব্রজ। এ আবার কি হ’ল? মুখ দেখি?

মুখ তুলিবার তাঁহার সাধ্য কি? মাতা স্বয়ং ঘাইয়া তাঁহার মুখো-  
ন্ডোলন করিলেন। তাঁহার স্পর্শে স্নায়িকত্বের প্রবল বেগে চক্ষু হইতে  
জলধারা বহিতে লাগিল। ব্রজসুন্দরী চমকিত হইয়া বলিলেন,—“এই  
যে গা গরম হইয়াছে—কৈঁদে কৈঁদে বাহ্যার জ্বর হইল!” ভবিষ্যৎ

আশঙ্কা করিয়া মা শিহরিয়া উঠিলেন। মনে মনে ভক্তিতরে বিষ্ণুকে স্মরণ করিলেন। জননী স্নেহের আধারস্বরূপিণী। পাগলিনী কণ্ঠকে হাত ধরিয়া উঠাইলেন। ধীরে ধীরে শযায় শয়ন করাইয়া দিলেন। কণ্ঠা কম্পিতস্বরে বলিলেন,—“মা, বড় শীত ক’চ্ছে।”

“তাইত, এ আবার কি হ’ল!” বলিতে বলিতে দুঃখিনী মাতা তাঁহার গাত্র লেপে আবৃত করিলেন। তিনি অনন্তমনা হইয়া নিকটে উপবেশন পূর্বক, কখন তাঁহার মস্তকে, কখন হস্তে, কখন কপালে হস্ত প্রদান করিয়া শীতোষ্ণ পরীক্ষা করিতে লাগিলেন। কখনও বা সাংসারিক কার্যা বিশৃঙ্খল না হইতে পারে, এজ্ঞ দাসীদিগকে উপদেশ দিতে লাগিলেন। রমানাথ জরের সংবাদ পাঠিয়া উদ্বিগ্নচিত্ত হইলেন; তবে এইমাত্র জর আরম্ভ হইয়াছে, চিকিৎসক ডাকিবার আবশ্যক নাই মনে করিয়া সময় প্রতীক্ষা করিয়া রহিলেন।

এদিকে কণ্ঠার চক্ষু মুদ্রিত; কিন্তু তিনি নিদ্রিত ছিলেন না। চক্ষু বুজিয়া দেখিতেছিলেন,—‘পূর্ণচন্দ্র তাঁহার সম্মুখে দণ্ডায়মান হইয়া কাতরে, করপুটে ক্ষমাভিক্ষা করিতেছেন,—চক্ষের জলে তাঁহার বুক ভাসিয়া গিয়াছে; শরৎ যেন অভিমানিনী হইয়া নতবদনে বসিয়া আছেন; কি বলিয়া যে তাঁহাকে আহ্বান করিবেন, কি বলিয়া যে তাঁহাকে বুকাইবেন, ভাষায় যেন একটা অক্ষরও অন্বেষণ করিয়া পাইতেছেন না।’

কুমুদিনীর সহচরী আকাশভ্রমণকারিণী ভরকাসুন্দরী সমভিব্যাহারে ক্ষীণ শশধর বিমানপথে উদ্ভিত হইলেন। রাত্রি দ্বিপ্রহর। প্রদীপ নির্বাণপ্রায়। শশাঙ্কের জ্যোতিঃ গুবাক্ষের ক্ষুদ্র রক্ত দিয়া শরতের মুখে পড়িয়াছে। মাতা তাঁহার পার্শ্বে শয়ন করিয়া আছেন। রমানাথ সেই কক্ষের অপর পার্শ্বে অল্প শয্যায় শয়িত ছিলেন। সকলেই

নিদ্রিত। সমস্ত জগৎ নিস্তব্ধ। এমন সময় শরৎসুন্দরী বিকৃত স্বরে কাঁদিতে কাঁদিতে বলিলেন,—“মা, ঐ কান্থ চলিয়া যান,—ধর মা—তাঁহাকে ধর।” স্নেহের কি অনির্বচনীয় প্রভাব! মাতা কন্ঠার কণ্ঠস্বরে জাগরিত হইয়া মুখের নিকট মুখ রাখিয়া স্নেহে বলিলেন,—“মা, কি হ’য়েচে?” রমানাথ প্লাদীপ উদ্দীপ্ত করিয়া কন্ঠার নিকটে আসিলেন। গাত্রে হস্ত দিয়া বলিলেন,—“তাই ত,—গা যে ভয়ানক গরম—মা, কি হ’য়েচে?”

কন্ঠা যেন বিস্মিতা হইয়া চারিদিকে দেখিতে লাগিলেন। কোথায় সে সমুদ্র—আর কোথায় সে তরলী—কিছুই নাই। তিনি তাঁহার শয়নমন্দিরে গুইয়া আছেন; মাতা কপালে হাত দিয়া তাঁহার নিকটে বসিয়া আছেন; পিতা দাঁড়াইয়া হতাশ হৃদয়ে কি ভাবিতেছেন। তখন বুকিতে পারিলেন যে, স্বপ্ন দেখিয়াছেন; তথাপি বিশ্বাস হইতেছে না। এক এক বার বোধ হইতেছে,—তখনও যেন এক বিশাল বালু-ভূমে তিনি শয়ন করিয়া উচ্চৈঃস্বরে ক্রন্দন করিতেছেন। পূর্ণচন্দ্র তাঁহাকে পরিত্যাগ করিয়া স্বীয় রমণীকে সঙ্গে লইয়া কোন্ অজানিত পথে চলিয়া যাইতেছেন। তরলী অদৃশ্যপ্রায়। সন্দেহ দূর করিবার জন্য জননীকে বলিলেন,—“মা, এ কোন্ দেশে এসেছি?”

ব্রজ। কেন মা, চিন্তে পাচ্চ না?—এ যে তোমার ঘর।

শর। কান্থ কোথায়?

ব্রজ। তিনি বাড়ীতে। তাঁর কথা কেন মা, পুনঃ পুনঃ জিজ্ঞাসা কর?

শর। আমার ঘরে—উঃ—যদি সত্য হইত ত, আমি কি করিতাম?

আঃ—জগদীশ্বর!

ব্রজ। কি মা—কি হ’য়েচে?

শর । না কিছুই নয়—অপ্ন দেখিয়াছি !

পরদিন প্রাতঃকালে প্রধান রাজ্যবৈদ্য নীলকমল দাস নিদানমতে ঔষধ প্রয়োগ করিলেন । দাস মহাশয় সাক্ষাৎ শিব । নিদানে তাঁহার বিশেষ ব্যুৎপত্তি ছিল । রাজধানীর সমুদায় লোক তাঁহাকে ভক্তি ও বিশ্বাস করিত । রোগী তাঁহার হাতে পড়িলে নিশ্চিন্ত হইত । এ দিকে দুই দিন গত হইল ; রোগের শমতা হওয়া দূরে থাকুক, বরং ভয়ানক বৃদ্ধি প্রাপ্ত হইল । তৃতীয় দিবসে পূর্ণ মাত্রায় বিকার আসিয়া স্বর্ণপ্রতিমা শরৎসুন্দরীকে আক্রমণ করিল । বৈদ্য বিমুগ্ধ হইলেন । সার্জন জেনারেল আশুতোষ 'টু লেট' ( Too late ) বলিয়া চলিয়া গেলেন । ক্রন্দনধ্বনি উঠিল । এ কি ! স্বর্ণলতা কি জন্মের মত ধরণী পরিত্যাগ করিতে উত্তত না কি ? মাতঃ বসুন্ধরে ! তাহা হইলে তুমি একটা রত্ন হারাইবে । অনিন্দ্যসুন্দরী কত্যা প্রসব করিয়া আপনার মুখ উজ্জ্বল করিয়া বসিয়া আছে,—আজ সেই উজ্জ্বলতা কি নষ্ট হইবে ? তোমার সেই গর্ভ কি খর্ব হইবে ? তোমার মুখ কি মলিন হইবে ? তোমার কত্যা কে, মা—তুমি রক্ষা কর ।

শরদিন্দুসম শরৎকুমারীর সে আশ্চর্য্য সৌন্দর্য্য নাই । নয়নের সেই স্নিগ্ধ, সুবিমল জ্যোতির হাস হইয়াছে । পঙ্কিল সরোবরে পদ্মিনী প্রস্ফুটিত হইয়াছিল, আজ যম-করীর পদদলনে শ্রীভ্রষ্ট হইয়াছে । পূর্বের রমণীয়তা ও মধুরতা কে যেন মুখমণ্ডল হইতে হরণ করিয়া লইয়াছে ; তবে আকর্ষণী শক্তি এখনও বিলুপ্ত হয় নাই । ভূজ-মৃগাল ছিন্নভিন্ন হইয়াছে, কিন্তু তাহার কোমলতা এখনও নষ্ট হয় নাই । কণ্ঠ শুষ্ক, কিন্তু স্বর এখনও মধুময় । কামিনী শয্যায় শয়ন করিয়া কেবল পাখ পরিবর্তন করিতেছেন ; যাতনায় অস্থির হইয়া কোমলকণ্ঠে 'মা—মা' বলিতেছেন । মা' নিকটে বসিয়া অবিভ্রান্ত নেত্রবারি বিসর্জন



করিতেছেন। কস্তুর শব্দ শুনিয়া ক্রোধ, মুখের নিকট মুখ লইয়া বলিলেন,—“কেন মা—অমন ক’চ্চ কেন?”

“মা, আমি কোথায়?”

“এই যে আমার কাছে—তোমার ঘরের ভিতরে।”

“বাবা কোথায়?”

“ঐ যে দাঁড়াইয়া তোমাকেই দেখিতেছেন।”

দীরেখীয়ে—“মা, কাস্ত কোথায়?”

ব্রজসুন্দরী উত্তর দিলেন না; কেবল স্বামীর প্রতি দৃষ্টি নিক্ষেপ করিলেন। রমানাথ বলিলেন,—“মহারাজ বিবাহ সম্পন্ন করিয়াই ‘শান্তিনিকেতনে’র দ্বার বন্ধ করিয়া দিয়াছেন। অযোথ্যানাথই রাজ কার্য্য সম্পাদন করেন। কেহ তাঁহার নিকট যাইতে পারে না। আজ এক মাস হইল, তিনি শান্তিনিকেতনে আবদ্ধ আছেন। আমাদের এ ক্ষিপ্তদের কথা তিনি কিছুই জ্ঞানিতে পারেন নাই। তাঁহারও প্রাণে স্বাক্ষর আঘাত লাগিয়াছে। এ বিষয় বিপদ যে কোথায় নিবৃত্ত হইবে, তাহা ভগবানই বলিতে পারেন।”

ব্রজসুন্দরী শরতের নিদ্রাকর্ষণ হইল। মাতার গাত্র হইতে তাঁহার হস্ত শয্যার উপর পড়িয়া গেল। চক্ষু না মুদ্রিত, না বিকসিত রহিল। মুখ ক্রমে ক্রমে পাণ্ডুবর্ণ হইয়া আসিল। ক্রমে ক্রমে বদন-মণ্ডল এমন বিকট, এমন ভয়ঙ্কর হইতে লাগিল যে, নিগূঢ়চিত্তে দেখিলে বোধ হইত, ত্রুদান্ত দমকিকরের সহিত জীবাত্মার শেষ সংগ্রাম উপস্থিত হইয়াছে। কামিনী অকস্মাৎ চীৎকার করিয়া বলিয়া উঠিলেন,—“মা, প্রাণ যায়—প্রাণ যায়—প্রাণ কেমন করে—আর যাতনা সহ্য হয় না—বুক যায়—বুক ফাটিয়া গেল—কাস্ত, তুমি কোথায়? এস নাথ, শেষ আশ্বাস দাও—জন্মের শোধ একবার দেখা করি।”

বাঁধা আছি, তাহা কি কখন শান্তি পাবে? পরজন্মে তুমিই পতি হইও। ভগবান, অধিনীর মরণসময়ের এই এক প্রার্থনা সকল করিও। এ জন্ম ত চিরহুঃখে চলিয়া গেল, পরজন্মে যেন সুখী হই। মা—তুমি সে সময় মা হইও,—বাবা, তুমি বাবা হইবে। তোমাদের স্নেহ, আদর, ভালবাসা আমি কখনও ভুলিব না।”—এই বলিয়া দুই হস্তে মাতার কণ্ঠদেশ বেষ্টন করিয়া ধরিলেন। ধীরে ধীরে ভগ্নকণ্ঠে কহিলেন,—“হা নাথ, কি সুখে তোমাকে প্রথম স্বপ্ন-কথা বলিয়াছিলাম ;—যেন এখনও দেখিতেছি,—যেন মালা লইয়া তোমার গলায় দিতে যাউতেছি, তুমি ‘প্রাণাধিকে!’ বলিয়া আলিঙ্গন করিতে উঠিলে—না, আর না,—আর ভাবিব না,—বৃথা চিন্তা করিয়া আর কি হইবে?—”

আর তিনি বলিতে পারিলেন না। তৃষ্ণায় কণ্ঠ তালু শুষ্ক হইয়া গেল। আকণ্ঠ জল পান করিয়া পুনরায় বলিলেন,—“মা, কাস্তকে যে চিঠি লিখিয়াছি, তাহা কি পাঠাইয়াছ? তাহাতে এই নিরাশ প্রাণের কতই উচ্ছ্বাস আছে; তাহার প্রতি ছত্রে আমার চক্ষের জল আছে।” মাতাকে নিস্তব্ধ দেখিয়া নিতান্ত আকুল হইয়া কহিলেন,—“এখনও পাঠাও নাই?—সন্ধ্যা যে উপস্থিত—তবে কি তাঁহার সহিত এক্ষণে আর দেখা হইবে না? আহা! তিনি আমার বড় ভালবাসিতেন, সে ভালবাসা আমি কখনও ভুলিব না।—মা, এখনই চিঠি পাঠাইয়া দাও—একবার তাঁহাকে দেখিব—ইহজন্মের শেষ আলিঙ্গন করিব।—মা, শুনচ না? এখনই চিঠি পাঠাইয়া দাও—”

মা ভাবিতেছেন, চিঠি কাহার নিকট কোথায় পাঠাইবেন; এ রাজধানীতে একমাসের মধ্যে কেহ মহারাজার উদ্দেশ্য পায় নাই। তথাচ তিনি বলিলেন “মা, এখনই পাঠাইয়া দিতেছি।”

“মা, তোমার একতিল সময় আমার এক বৎসর মনে হই-  
তেছে ;—আমি আর কতক্ষণ বাঁচিব ?”

দাসীর হস্তে পত্র দিয়া মা বলিয়া দিলেন—“যেক্ষণে পার বাছা,  
এই পত্রখানি এখনই মহারাজার হস্তে দিয়া আসিবে। তিনি শাস্তি-  
নিকেতনে আছেন ।”

অন্ধঘণ্টা মোহনিদ্রায় অভিভূত থাকিয়া শরৎসুন্দরী পার্শ্ব-  
পরিবর্তন করিলেন। শরীর নিঃস্পন্দপ্রায়। হস্তপদ শীতল। শ্বাস  
ভয়ানক প্রবল। চক্ষু উদ্ধগামী। নাড়ী নাই। পিতা মাথা কণ্ঠার  
পার্শ্বে বসিয়া নেত্রজল বিমোচন করিতে লাগিলেন। ব্রজসুন্দরী  
একবার সেই বিশুদ্ধ কমলের দিকে দৃষ্টিপাত করিয়া অধৈর্য্য হইয়া  
পড়িলেন। চীৎকার করিয়া শয্যার উপর পড়িয়া গেলেন।

শরৎসুন্দরীও একবার বিকৃতস্বরে চীৎকার করিয়া উঠিলেন।  
যেন নির্বাণোন্মুখ প্রদীপ সতেজে জ্বলিয়া উঠিল। তিনি বলিলেন,—  
“মা কাস্তকে ধর—ঐ পলাইয়া যাইতেছেন—লজ্জাতে আসিতে  
পারিতেছেন না ;—কাস্ত, একবার এস—লজ্জা কি ? দেখ—আমি  
কোন মহাদেশে কাহার সঙ্গে যাইতেছি—আমি এ দেশে সে দেশে  
সর্বত্র তোমারই—মা, ধর—ধর—ঐ চলিয়া গেলেন—বাবা—  
মা কান—ত”

স্বর বন্ধ হইল। জন্মের মত শরৎসুন্দরী নিস্তক হইলেন।  
জন্মের মত জীবন-প্রদীপ নিবিয়া গেল। নিশ্বাস আর বহিতেছে না।  
স্বর্ণলতা স্পন্দহীন—জড়বৎ। চক্ষু নিশ্চল, ওষ্ঠ ঈষদ্বিকসিত, মুকুতা-  
দন্তের সে আভা তাহার ভিতর হইতে এখনও নির্গত হইতেছে। তিনি  
যেন ঘোর নিদ্রায় অভিভূত। সৌন্দর্য্য হ্রাস হইয়াছে, কিন্তু এখনও  
একেবারে বিলুপ্ত হয় নাই। বোধ হয় যমরাজ বিশ্বক্সিমােহন রূপে যুদ্ধ

হইয়া বিনষ্ট করিতে অক্ষম হইয়াছেন । অথবা এমন অমূল্য সৌন্দর্য্য  
হরণ করিয়া পৃথিবীকে দুঃখসাগরে তাসাইয়া দিতে দ্রুত নিষ্ঠুর  
যমেরও মমতা হইতেছে ।

শরৎ-জননী চীৎকার করিয়া কাঁদিতে লাগিলেন । বাতাহত  
কদলীর আয় ভূমে পড়িয়া গেলেন । রমানাথ ‘ভাষাকার’ করিতে  
লাগিলেন । এ দুঃখের সময় প্রতিবেশিগণ কোথায় ? সকলে  
গৃহদ্বার বন্ধ করিয়া বাতায়নের নিকট বসিয়া ঠাণ্ডাদের রোদনধ্বনি  
শুনিতোছে । কেহ কেহ যথাগই দুঃখিত হইয়া সমবেদনা প্রকাশ করিতে  
লাগিল । কেহ বা বাজ করিয়া বলিতে লাগিল,—“চিরদিন কেউ  
নয়,—ভবে এসে ভবের খেলা করা—খেলা ফুরালেই চলিয়া যাওয়া ।”  
তিনি এমনই স্বরে ও ভাবে বলিতেছেন যেন, তিনি চিরকালই এই  
ভাবে খুলিখেলা করিবেন । যাহা হউক, দুই চারি জন স্বজাতি  
প্রতিদেখী উপস্থিত হইয়া মৃতদেহ স্বন্ধে করিয়া শ্মশানাভিমুখে চলিলেন ।  
ব্রজসুন্দরা সকলের কথা অগ্রাহ্য করিয়া কাঁদিতে কাঁদিতে ও কেশ  
উৎপাটন করিতে করিতে সঙ্গে চলিলেন ।



# উনচত্বারিংশ পরিচ্ছেদ ।



## অশানে ।

একদণ্ড অবকাশ পাওয়া দাসী প্রথমেই তাহার এক আত্মীয়ের বাটাতে যজ্ঞোপলক্ষে গমন করিল। রাজস্বসচিবের দাসী বাটাতে উপস্থিত, —গৃহস্থামীর গর্বের শেষ নাই। সকল লোকই তাহাকে ঘিরিয়া বসিল এবং শরৎ ও পূর্ণচন্দ্রের বিচিত্র প্রেমের কথা শুনিবার জন্য আগ্রহ প্রকাশ করিল। প্রথমে—সময় নাই, এইজন্য অনিচ্ছায় গল্পের আরম্ভ করিয়া উঠিয়া দাঁড়াইল : কিন্তু শ্রোতাদিগের ব্যগ্রতার বাধ্য হইয়া পুনঃ বসিতে হইল। রাত্রি বখন নয়টা, তখন তাহার চৈতন্য হইল। মহাব্যস্ত হইয়া রাজবাটীর দিকে দৌড়িয়া গেল।

সিংহবার মুক্ত। দুই পার্শ্বে লণ্ঠন জলিতেছে। দারবান্ সশস্ত্রে পাহারায় ব্যস্ত ; তাহাকে দেখিয়া বলিল,—“তোম্ কোন হায় ?” দাসী সংক্ষেপে আত্মপরিচয় প্রদান করিয়া বলিল,—“পাঁড়েজী, আমাকে কি শান্তিনিকেতন দেখাইয়া দিতে পারিবে ?” স্থান পরিত্যাগ করিয়া পাঁড়েজী একপক্ষ অন্তর্য যাইতে পারে না, এই কথা তাহাকে বুঝাইয়া দিয়া, অস্থূলিনির্দেশ করিয়া শান্তিনিকেতনের স্বর্ণচূড়া দেখাইয়া দিল। দাসী চলিতে চলিতে এক দ্বিভল অট্টালিকার সম্মুখে উপস্থিত হইয়া সিঁড়ি-আবরণে ব্যস্ত হইল। দূরে দূরে এক একটা লণ্ঠন জলিতেছিল, জনমানবের সমাগম ছিল না যে, কাহাকেও জিজ্ঞাসা করে।

অতিকষ্টে শেষে সিঁড়ি অবলম্বন করিয়া উপরে উঠিয়া দেখিল,—চারিদিকে কক্ষাশ্রয়ী, লষ্ঠনের আলোতে, মর্ম্মরপ্রস্তরের মেজিয়া চিক্‌চিক্‌ করিতেছে । একে জ্বীলোক, তাহাতে কখনও রাজবাটিতে আসে নাই, সুতরাং তাহার মনের চাকলা উত্তরোত্তর বর্দ্ধিত হইতে লাগিল । শান্তিনিকেতন তাহার পক্ষে মহা অশান্তির কারণ হইয়া উঠিল । কাহাকেও দেখিতে না পাইয়া, একে একে প্রতিকক্ষায় প্রবেশ করিয়া অন্বেষণ করিতে লাগিল । এক একবার প্রত্যাগমনের ইচ্ছা হইতে লাগিল ; কিন্তু ফিরিয়া বাইয়া সেই অনন্তশব্দাশায়িনী শরৎসুন্দরীকে কি উত্তর দিবে, গাছ বৃক্ষিতে পারিল না । আবার কক্ষায় কক্ষায় প্রবেশ করিতে লাগিল । কতক্ষণ পরে দেখিল,—এক গৃহের এক পার্শ্বে এক বালক প্রস্তরের উপর পড়িয়া অকাতরে নিদ্রা বাইতেছে । দাসী তাহাকে স্পর্শ করিবামাত্র সে উঠিয়া নাড়াইল । তখন তাহাকে বলিল,—“মহারাজা কোথায় ?” বালক ভীত ও বিস্মিত হইয়া বলিল,—“কেন, তিনি কি আমায় ডাকিয়াছেন ? তাঁহার যে মাথার ঠিক নাই—তিনি যে মধ্যো মধ্যো বিকৃত রবে চীৎকার করেন !” দাসী বলিল,—“না, তিনি তোমাকে ডাকেন নাই, তাঁহার এক পত্র আমার নিকট আছে—আনি দিতে আসিয়াছি ।” বালক বলিল,—“তবে ঐ ঘরে যাও ।” অঙ্গুলিনির্দেশে তাহাকে বুঝাইয়া দিল ।

নির্জন গৃহ । কোনপ্রকার শব্দ নাই । মেজিয়াতে কার্পেট বিস্তৃত । একদিকে কিংখাপ-সংযুক্ত রোপানির্মিত পর্য্যাক, তাহাতে ক্রেপের চতুর্দী অর্দ্ধমুক্ত রহিয়াছে । স্বর্ণঝালর কোমুদীবসনা নদীর ত্রায় প্রদীপ-আভায় বহুবল্ক করিতেছে । মধ্যস্থলে সুবৃহৎ টেবিল । তদুপরি ক্ষুদ্র ক্ষুদ্র পুতলিকা এমন সুসজ্জিত রহিয়াছে যে, দেখিলেই বোধ হইবে যেন চন্দ্রলিঙ্গে কুণ্ডলন-শোভিত যমুনা-পুলিনে কৃষ্ণ

বংশীবাদন করিতেছেন। সেই সুমধুর স্বর শ্রবণ করিয়া, গোপিকাগণ যেন তাহাদের অস্তিত্ব ভুলিয়া গিয়াছে। যে যে স্থানে আছে, তন্ময় হইয়া যেন তাহারা সেই অবস্থায় কৃষ্ণে আত্মসমর্পণ করিয়াছে। কেহ বা উল্লাসিত প্রাণে, বিস্ফারিত নয়নে সেই সর্বজন-মন-মুগ্ধকর সৌন্দর্য্য দৃষ্টি করিতে করিতে, চৈতন্য হারাইয়াছে। তাহাদের শারীরিক ও মানসিক শক্তি কে যেন হরণ করিয়া লইয়াছে। টেবিলের উপর স্বর্ণ-সামাদানে এক বহুৎ আলো জলিতেছিল। কার্পেটে উপবেশন করিয়া, সতৃষ্ণ-নয়নে, একাগ্রমনে, যুক্তকরে এই দৃশ্য পূর্ণচন্দ্র দেখিতে ছিলেন, আর ভাবিতেছিলেন,—“গোপিকাগণ, তোমরাই ধন্য! স্বামী, পুত্র, আত্মীয়, স্বজন পরিত্যাগ পূর্ব্বক, সংসারের সমুদয় সুখে জলাঞ্জলি দিয়া, তোমরা তোমাদের হৃদয়ের প্রীতি ও ভালবাসা, সেই বিশ্বের অধিপতি কৃষ্ণকে সমর্পণ করিতে আসিয়াছ। আমি এত চেষ্টা, এত যত্ন, এত পরিশ্রম করিয়াও ত, হে কৃষ্ণ! আমার এই সঙ্কীর্ণ হৃদয়ের ক্ষুদ্র প্রেম তোমাকে নিঃস্বার্থভাবে অর্পণ করিতে পারিলাম না। এ প্রাণের দারুণ আকাঙ্ক্ষা ছিল সে, গঙ্গা ও যমুনা যেমন একত্রে মহাসমুদ্রে পড়িয়াছে, সেইরূপ আমি ও শরৎসুন্দরী অভিন্নভাবে মিলিত হইয়া তোমার বিশ্বপ্রেমে জীবন ভাসাইয়া দিব। প্রভো! সে আশা, সে স্বপ্ন ত আমার সফল হইল না। আমার হৃদয়ের ক্ষুদ্র স্রোত যে নিরাশার মরুভূমে শুকাইয়া গেল!” তিনি ভাবিতে লাগিলেন, আর চক্ষের জলে লুক ভাসিয়া যাইতে লাগিল।

এই সময় দ্বারদেশে দাসী উপস্থিত হইয়া অশ্রুচক্ষুরে কহিল,—  
“মহারাজ—”

উত্তর নাই।

দাসী। মহারাজ—মহারাজ—

পূর্ণ। কে মহারাজ—মহারাজ করিয়া চাঁৎকার করে ?—আমি মহারাজ নহি—রাজ্যের সহিত আমার কোন সম্বন্ধ নাই ।

দাসী। মহারাজ—

পূর্ণ। আবার মহারাজ ?—এই সকল অবাধা ভৃত্যেরা আমাকে মহারাজ—মহারাজ করিয়া পাগল করিল,—আমি কি অর্ধপ্রহর মহারাজ—কখন কেউ কান্থ বলিয়া ডাকিবে না ?

তিনি উঠিয়া দাঁড়াইলেন । দাসীর কলেবর কাঁপিয়া উঠিল । হাতের পত্র ভ্রমে পড়িয়া গেল । পূর্ণচন্দ্র বিরক্ত হইয়া বলিলেন,—“কে আবার এই রাত্রিতে স্বীলোকের দ্বারা পত্র পাঠাইয়াছে ? আমার কি একদণ্ড বিশ্রামের সময় নাই ?” ভয়কণ্ঠে ঘোড়হস্তে দাসী কহিল—“মহারাজ ! এ শরৎসুন্দরীর পত্র ।” তিনি বিকৃত স্বরে কহিলেন—‘শ-র-ত ।’ আর যেন দাঁড়াইবার শক্তি রহিল না ; তিনি বসিয়া পড়িলেন ; কতক্ষণ পত্র পড়িতে সাহস হইল না । অকস্মাৎ তাঁহার হৃদয় কেমন চঞ্চল হইয়া উঠিল । একটু শীতল হইয়া পত্রোদ্ঘাটন করিলেন । পত্রে এইরূপ লেখা ছিল :—

“প্রাণেশ্বর !

প্রাণেশ্বর বলিবার আর আমার ক্ষমতা নাই । এখন আমি অতি দীন ; মৃত্যুশয্যা শয়ন করিয়াছি । সেই স্বপ্ন—কান্থ—সেই রজনীর কুটিল স্বপ্ন এত দিনে সফল হইয়াছে । তুমি নদী পার হইয়া চলিয়া গেলে, আমি পর পারে রহিলাম—কান্দালিনীর আশ্রয় কাঁদিতে কাঁদিতে জাগরিত হইয়া দেখি, তুমি পাশে বসিয়া আছ । হায় ! তখন আশার ছলনায় মুগ্ধ হইয়া সকল শোক ভুলিয়া গেলাম । সেই দিন হইতে স্বপ্নের কথা মনে হইলেই প্রাণ চমকিয়া উঠিত । এখনও



কত বিকট, কত ভীষণ স্বপ্ন দেখি। তখন তুমি সাহসনা করিয়াছিলে। এখন আমার কে আছে? আমি ভিখারিণী।

তুমি বিবাহ করিয়াছ, তাহাতে আমার দুঃখ নাষ্ট, কিন্তু কেন তুমি আমায় ভুলিয়া গেলে? সেই দিন হইতে আর আসিলে না,—সেই দিন হইতে এ পোড়ার মুখ 'আর দেখিলে না! এখন আমার বাঁচিবার ফল কি? 'আমার মৃত্যুই প্রার্থনীয়। যাঁহাকে মনের সহিত ভালবাসিতাম, যাঁহাকে চিরদিনের জন্ত বন্ধ বলিয়া জানিতাম, যাঁহার পদতলে ইহকাল ও পরকালের জন্ত প্রাণ সমর্পণ করিয়াছিলাম, যাঁহাকে স্বামী মনে করিয়া সুখী হইতাম, তিনিই যদি আমাকে হত্যাদর করিলেন, তবে আমার এ জীবনে কাজ কি? মরিতাম—উদ্ধক্কে মরিতাম, কিন্তু আমি মরিলে জননীর কি দশা হইবে? আমি তাঁহার একমাত্র কন্যা। পিতা শোকে আচ্ছন্ন হইবেন। কে তাঁহাকে বুঝাইবে? জগতে তাঁহাদিগের আর কেহ নাই।

কিন্তু এত ভাবিয়া, এত বুঝিয়া, নিজের দুঃখ হৃদয়ে 'সম্বরণ করিয়াও তাঁহাদিগকে সুখী করিতে পারিলাম না। আমি তাঁহাদিগকে ভাসাইয়া চিরদিনের জন্ত চলিলাম। আমার উৎকট পীড়া হইয়াছে। আর বাঁচিব বলিয়া বোধ হইতেছে না। কাস্ত, পিতাকে রাখিয়া চলিলাম। তিনি বৃদ্ধ হইয়াছেন,—তাঁহার কেহ নাই। তুমি তাঁহাকে যত্ন করিও,—তুমি তাঁহাকে ভুলাইয়া রাখিও। আমি তাঁহার বড় আদরের ধন ছিলাম। তিনি আমাকে বড় ভালবাসিতেন। এক দণ্ড আমি চক্ষের অন্তরাল হইলে তিনি ব্যস্ত হইয়া পড়িতেন। না জানি, আমা বিহনে, মা কতই না কাঁদিবেন। তুমি 'মা' বলিয়া তাঁহার দুঃখ ঘুচাইও। আমি স্নেহের মন্ত চলিলাম! ইহজন্মে কি আর তোমার মুখ দেখিতে পাইব না? মরিতে এখন আমার দুঃখ হইতেছে।

বাঁচিয়া থাকিলে হয়ত তোমাকে কতবার দেখিতাম ; নিকটেও বসিতাম ; কত কথায় দিন কাটাইতাম । আমার সকল সাধ ফুরাইল । কান্ত ! তুমি দয়া ও ধর্মের অবতার । ধর্মরক্ষা করিতে গিয়া আমাকে ত্যাগ করিয়াছ । আমি বেশ বুঝিতে পারিয়াছি । এখনও তুমি ভালবাস । এখনও সেই ভাব তোমার হৃদয়ে অবিচলিত রহিয়াছে । প্রাণেশ্বর ! আর এক কথা—ভাঙ্গা হইলে আমি চিরদিনের তরে বিদায় হই ।

মরিতে আর আমার ছুঃখ কি ? তবে এ মৃত্যুসময়ে তোমার মুখ দেখিতে পাইলাম না, এই ছুঃখ আমার অন্তরে থাকিয়া যাউবে—এ ছুঃখ আমি মরিলেও ভুলিতে পারিব না । এখনও সময় আছে । শীঘ্র আসিয়া একবার দেখা দাও । আমি তোমার মুখ দেখিতে দেখিতে পিতামাতার কোলে শুইয়া মরিব, এই বাসনা ।—  
উঃ—‘কান্ত’ বলিয়া ডাকা আমার কি বুচিয়া যাউবে ? কি সর্বনাশ ! আমি কোথায় যাউতেছি ? আমি কি অনন্ত পণের পথিক হইয়াছি ? এই যে মৃত্যু আমার সম্মুখে ! কান্ত ! রক্ষা কর—রক্ষা কর—মৃত্যুর অসহ যন্ত্রণা !

আমি মরিলে তুমি দুঃখিত হইবে না । তোমার জীবন বহু মূল্যের । আমার হৃৎক্লান্ত অঙ্গুরী অঙ্গুলিতে দিয়া অভাগিনীকে স্মরণ রাখিবে ; আমার এই শেষ ভিক্ষা । কান্ত ! আর লিখিতে পারি না । চক্ষে আর দেখিতে পাই না,—হস্ত কেমন অবশ হইয়া আসিতেছে, মন অস্থির হইয়া উঠিয়াছে ।—

ইহকালের ও পরকালের তোমারই সঙ্গিনী ।”

পত্র পড়িয়া পূর্ণচন্দ্র স্পন্দহীন হইলেন । চক্ষু পত্রের উপর, কিন্তু দৃষ্টি সে দিকে ছিল না । ক্রমে তাঁহার মোহ হইল । কতক্ষণ তিনি

পড়িয়া রহিলেন। চেতনের উদয় হইলে তিনি ক্ষিপ্তের আয় বলিলেন,  
—“কি—শরৎ আমার জন্ম অকাতরে প্রাণ উৎসর্গ করিবে, আর আমি  
এমনই নরাদম যে, প্রাণসর্বস্ব হৃদয়নিধিকে জন্মের মত বিসর্জন দিতে  
প্রস্তুত! শরৎ, তুমি যত্নামুখে, আর আমি অক্ষতশরীরে বর্তমান  
রহিয়াছি! কি কঠিন প্রাণ! কি পামাণ হৃদয়! আমি এখনই  
তোমার সম্মুখীন হইব। তুমি আমারই,—তুমি আমার জীবনের  
প্রদীপ—তোমা ভিন্ন এ হৃদয় আর কাহারও নয়,—কখনও হইবে  
না। আমি সেই কাস্ত তোমারই—” এই বলিতে বলিতে কণ্ঠস্বর বন্ধ  
হইয়া আসিল। আর কথা কহিতে পারিলেন না। চক্ষুজলে বুক  
ভাসিয়া গেল। কতক্ষণ পরে তিনি উঠিয়া পরিচ্ছদ পরিবর্তন করিলেন,  
হাতে অসি লইলেন, কক্ষের বাহিরে আসিয়া কহিলেন,—“আজ  
সকলকে বিসর্জন দিলাম,—আজ অভিন্ন হৃদয়ে, উভয়ে এক সঙ্গে,  
প্রেমের শোতে ভাসিয়া মহাসাগরের উদ্দেশে চলিব—প্রভো! তুমি  
আমার এই বাসনা পূর্ণ কর।” এই বলিয়া তিনি সোপানে পদ-  
প্রসারণ করিলেন। বালক ভৃত্য মহারাজার অসম্বন্ধ প্রলাপ শুনিয়া  
ভীত হইল, ব্যস্ত হইয়া অন্তঃপুরে প্রবেশ করিল।

যখন পূর্ণচন্দ্র প্রাঙ্গণে উপস্থিত হইলেন, তখন রাত্রি দশটা।  
বায়ু প্রবল বেগে বহিতেছে। আকাশে একটাও নক্ষত্র নাই। ক্ষীণ  
চন্দ্র লুকাইয়া পড়িয়াছে। মেঘ উত্তরোত্তর গভীরতর হইতেছে।  
যামিনী বিভীষিকা মূর্তি ধারণ করিয়াছে। প্রকৃতির অনৈসর্গিক ভাব  
উপস্থিত হইয়াছে। তিনি উদ্গানে প্রবেশ করিলেন। মাধবীলতা,  
মল্লিকা, যুথী, মালতী, গোলাপ, রজনীগন্ধা প্রভৃতি পুষ্পলতাগণ বায়ুভরে  
তাহার পদতলে পড়িয়া যেন সকাতে বলিতেছে,—“রাজেশ্বর!  
আমাদিগকে অনাধিনী করিয়া এ অন্ধকারে, এ বাতাসে আজ তুমি

কোথায় ঘাইতেছ ?” সিংহদ্বারে প্রহরী বন্দুক স্কন্ধে লইয়া দাঁড়াইয়া রহিয়াছে । মহারাজকে দেখিবামাত্র নতশির হইল । বিবাহের পর মহারাজা উদ্ভূত হইয়াছেন, এই সংবাদ রাজধানীতে প্রচারিত হইয়াছিল । তাঁহার বেশভূষা ও অঙ্গকার রাত্রে তাঁহাকে একাকী অসি হস্তে রাজবাটীর বাহির হইতে দেখিয়া তাহার সন্দেশের উদয় হইল । বিগলে হুঁ দিবা মাত্র জমাদার উপস্থিত হইল । তখন তাহাকে সে তাহার সন্দেশের কথা বলিল । কথা শুনিয়া জমাদার উদ্ধম্বাসে দৌড়িয়া গেল ।

যখন তিনি শরৎসুন্দরীর বাটীর সন্নিকট হইয়াছেন, তখন প্রবল ঝটিকা উপস্থিত হইল । নিবিড় নাল কাদম্বিনী যেন আলুলায়িত কেশে উপস্থিত হইয়া, সংসারের শাস্তির সতিত ঘোর যুদ্ধ আরম্ভ করিল । এই সময় চতুর্দিক্ উদ্ভাসিত করিয়া বিজ্ঞানী চমকিয়া উঠিল । মহানির্ঘোষে নিকটস্থ পর্বতোপরি এক বটবৃক্ষে অশনি পতিত হইল । এক নিমেষে যেন সংসার অলিয়া উঠিল । পর নিমেষে গভীর অন্ধকারে মেদিনী নিমগ্ন হইল । সান্ধেতিক শব্দ শুনিয়া যেমন সৈনিকেরা গোলা বা তীর নিক্ষেপ করে, সেইরূপ ভীমা কাদম্বিনী এতক্ষণ স্থির থাকিয়া গভীর শব্দে বারিবর্ষণ করিতে লাগিল । ধরা ভাসিয়া গেল ।

দুই তিন লক্ষ পূর্ণচন্দ্র শরৎসুন্দরীর বাটীর বহির্দ্বারে উপস্থিত হইলেন । দ্বার বন্ধ । প্রথমে আঘাত, পরে চাংকার করিতে লাগিলেন, কিন্তু কেহই উত্তর দিল না । দ্বার ধ্বংস করিয়া দেখিলেন, বহির্দিকে তালা বন্ধ । তখন হৃদয় একান্ত অশান্ত হইয়া উঠিল । মন কিছুতেই প্রবোধ মানিল না । তমোগুণে মন পরিপূর্ণ হইল । বহির্জগতের ভয়ঙ্কর ভাব অপেক্ষা অন্তর্জগতের ভাব চতুর্গুণ ভীষণ হইল । তিনি এক লক্ষ সূদীর্ঘ প্রাচীর উল্লঙ্ঘন করিলেন । বাটীর মধ্যে

প্রবেশ করিয়া চারিদিকে আঁধার দেখিলেন । কেহই দৃষ্টিপথে পতিত হইল না । তিনি অন্ধকারে প্রতিকক্ষায় অন্বেষণ করিতে লাগিলেন ; কিন্তু কাঙ্ক্ষাকেও দেখিতে পাইলেন না । তিনি উন্মাদের ভ্রায় চাঁৎকার করিয়া আকণ্ঠ হৃদয়ে ‘শরৎ—শরৎ’ বলিয়া ডাকিতে লাগিলেন । বৃষ্টির শব্দ ভেদ করিয়া নৈশ গগনে সেই স্বর ছড়াইয়া পড়িল । আকাশে যেন প্রতিধ্বনি উঠিল—‘শেষ’ । হতাশ হইয়া, আকুল কণ্ঠে বলিলেন,—“তবে কি আমার শরৎ নাই ? তবে কি শরৎ চিরদিনের জ্ঞাত ইচ্ছাসংসার ত্যাগ করিয়া চলিয়া গিয়াছে ? তবে কি অভাগা আর দেখিতে পাইবে না ? কি সর্বনাশ ! কি ভয়ঙ্কর চিত্র ! একেবারে আর আসিবে না ? আর ফিরিবে না ? যাহা হইয়াছে, তাহা হইয়াছে—আর ফিরিবে না ? উঃ—সংসারের নিয়ম কি কঠিন ! এ কঠোর নিয়মের কে সৃষ্টি করিল ? কি উদ্দেশ্যে এ সৃষ্টি কে করিল ?” তিনি বিকট হাওয়া করিলেন । ঐশিক নিয়মে যেন তিনি বাঞ্ছ করিলেন । তিনি উন্মাদের ভ্রায় বলিতে লাগিলেন,—“শরৎ—এ স্মৃতির গৃহে তুমি আমার সহিত সাক্ষাৎ করিলে না, কিন্তু কে আমার ইচ্ছার প্রতিরোধ করিতে পারে ? আমি আশানে তোমার সহিত সাক্ষাৎ করিব । দেখিব,—এ সংসার কেমন করিয়া স্মৃতির প্রতিবন্ধক হয় ? দেখিব—কোন যম আমাকে প্রতিরোধ করিতে পারে ? কোন বিধি আমার প্রতিবাদী হয় ?” এই বলিয়া সেই ঝড়ে, সেই বৃষ্টিতে ক্ষিপ্তের ভ্রান্ত আশানাতিমুখে দৌড়িলেন ।

রাজধানীর এক পাশে একটা খণ্ডশৈল আছে । তাহারই শিখরদেশে ক্ষুদ্র স্রোতস্বিনী বৈতরণীর তটে, বটবৃক্ষের নিম্নে, লোহ-নির্মিত চুল্লির উপর চিতা সজ্জিত । সংসারের এই মহাতীর্থ অবলম্বন করিয়া, এই নগরের মনুষ্যগণ পরলোকে যাত্রা করিয়া থাকে । স্বর্ণপ্রভা

শরৎসুন্দরী চিতায় শয়ন করিয়া আছেন। পিতা, মাতা, আত্মীয় বন্ধুগণ এতক্ষণ বৃক্ষমূলে উপবেশন করিয়াছিলেন, কিন্তু অশনিপতনে ও বায়ুর বেগে উত্তরোত্তর বদ্ধিত হওয়াতে ও মূলধারে রুষ্টি আরম্ভ হইল দেখিয়া, অগত্যা, অতি অনিচ্ছায় তাঁহারা নিকটবর্তী শ্মশান-গৃহে আশ্রয় লইতে বাধ্য হইলেন। রমানাথ বুঝিলেন, বিপদ কখন একাকী আইসে না।

ঝড়ে ও অন্ধকারে পূর্ণচন্দ্র পথ হারাইলেন। বনের মধ্যে পড়িয়া দিকবিদিক্জ্ঞানশূন্য হইলেন। কতক্ষণ ঘুরিতে ঘুরিতে শ্মশানের আলো দেখিতে পাইয়া তীরবেগে পর্বতে আরোহণ করিতে লাগিলেন। বন্য বৃক্ষের ঘর্ষণে পরিচ্ছদ ছিন্নভিন্ন হইয়া গেল, শরীর ক্ষতবিক্ষত হইয়া দরদর বেগে রূধির বাহির হইতে লাগিল। কোনক্রমে বটবৃক্ষমূলে উপস্থিত হইয়া দেখিলেন,—ধূম্ করিয়া চিতা জ্বলিতেছে। শরৎসুন্দরী তত্পরি শয়ন করিয়া শান্তভাবে নিদ্রা যাইতেছেন। অগ্নি তাঁহার শরীর স্পর্শ করিতে পারে নাট। যেন প্রকৃতি সন্তুষ্ট হইয়া বায়ু দ্বারা অগ্নিশিখা দূর করিয়া দিতেছেন। মৃণাল-বিচ্ছিন্ন পদ্মের ত্রায় শরৎসুন্দরী শ্মশানে শোভা পাইতেছেন। তিনি দক্ষিণ হস্তে একখানি ক্ষুদ্র গীতা ধারণ করিয়া যেন—‘ন জায়তে ম্রিয়তে বা কদাচিন্নায়ং ভূত্বা ভবিতা বা ন ভুয়ঃ’—পাঠ করিয়া কান্থকে আত্মার অবিনশ্বরত্ব বুঝাইতে চেষ্টা পাইতেছিলেন।

আকর্ণ চক্ষুকে বিক্ষারিত করিয়া পূর্ণচন্দ্র একবার চারিদিকে দেখিলেন। তাঁহার নয়ন হইতে অদ্বৃত্ত তীব্র জ্যোতিঃ নির্গত হইল। মুখ কেমন বিকট হইল। সর্বশরীরে, অস্বাভাবিক তেজ জ্বীড়া করিতে লাগিল। তিনি নিবিষ্টচিত্তে দেখিলেন,—শরতের স্বর্ণ-অঙ্গে অগ্নির ‘আঁচ’ অবধি লাগে নাই। তবে মুখ অত্যন্ত গম্ভীর। জীবন নাই,

তথাচ মৃত মুখ তাঁহার দিকে চাহিয়া রহিয়াছে। তিনি যে দিকে কেন গমন করুন না, তাঁহার বোধ হইতে লাগিল, যেন মৃত মুখ তাঁহার দিকে চাহিয়া রহিয়াছে। চক্ষু অন্ধবিকসিত। গুষ্ঠদ্বয় ঈষৎ বিভিন্ন। শ্বেতদন্তশোভা তাহার ভিতর হইতে তখনও নির্গত হইতেছিল। অগ্নির আভা পতিত হইয়া তাঁহার বর্ণ তপ্তকাঞ্চনের ত্রায় দেখাইতেছিল। তিনি চিতা আলো করিয়াছিলেন।

সেই মূর্ত্তি দেখিয়া পূর্ণচন্দ্রের মনে হইল, তিনি যেন তাঁহাকে কি বলিতে উদ্বৃত্ত হইয়াছেন। তিনি আত্মবিস্মৃত হইলেন; কহিলেন—“শরৎ—স্বর্ণকমল—কাষ্ঠের উপর শয়ন করিয়া কেন অসহ্য যাতনা সহ করিতেছ? তুমি কি নিদ্রিতা? আগার কথা কি শুনিতে পাউতেছ না? কাস্তগতপ্রাণ, একবার উঠ। আমি ভিখারীর ত্রায় দ্বারে দণ্ডায়মান। একবার নয়ন উন্মীলন কর।—আমাকে কি দেখিতে ইচ্ছা হয় না? একবার কথা কও, কথা কহিবার কি সাধ নাই? একবার হাস, হাসিতে কি প্রাণ চায় না? কেবল শুইতে এতই বাসনা? এই কাষ্ঠশয্যায়, এই নির্জ্জন প্রান্তরে, এই ব্যুষ্টিতে, এই ঝড়ে, অনাবৃত হইয়া শুইতে এতই বাসনা? শরৎ! এ কি অভিমান? আমি নরাধম, প্রতিজ্ঞাভঙ্গকারী বলিয়া কি, জীবিতেশ্বর! এতই রাগ—এতই অভিমান যে, ষোড়হাতে ভিক্ষা করিতেছি, তথাপি কথা কহিবে না? তবে কি আর এ পাপাত্মার মুখ দেখিবে না?” হো—হো করিয়া তিনি চীৎকার করিয়া উঠিলেন।

প্রবল বাতাসের বেগে চিতার আগুন গর্জিয়া জলিয়া উঠিল। সেই অগ্নিপ্রভায় শরতের দেহ অধিকতর লাবণ্যযুক্ত হইল। পূর্ণচন্দ্র আত্মবিস্মৃত লাভ করিয়া ক্রীণকণ্ঠে বলিলেন,—“প্রাণেশ্বর, চিরদিনের জন্য গিয়াছ;—আর আসিবে না। ঈশ্বরের কঠোর নিয়মের পরি-

বর্তন নাই । একবার গেলে, কেহই ফিরিয়া আসে না । কি কঠোর নিয়ম !! কিন্তু এ কঠোর নিয়মে আমার কতি বুদ্ধি কি ? এ সংসারে আমার আর আবশ্যক কি ? যে সংসারে শব্দ জলাঞ্জলি দিয়াছে,— সে সংসারে আমার আবশ্যক কি ? চল—আমিও তোমার সঙ্গে যাউতেছি । চল—উভয়ে অনন্ত লোকে অনন্ত কাল একত্রে থাকিব । বিচ্ছেদ কাহাকে বলে তাহা জানিতে হইবে না । চল—যে দেশে মৃত্যু নাই, যে দেশে বিচ্ছেদ নাই, যে দেশে কেবল শান্তি ও সুখ, চল—সেই দেশে—আমরা দুইজনে তথায় বাস করিব । উঃ—বৃক আমার ফাটিয়া যাউতেছে । এ কি মহা ভয় ? একজন আমার দ্রুত অকাতরে প্রাণ বিসর্জন করিল—আর আমি অক্ষত শরীরে তাহার সম্মুখে এখন অবধি দণ্ডায়মান ! এট কি ক্লতজ্ঞতা ! এট কি প্রেম ! এট কি নিঃস্বার্থভাব ! এট কি অনুশোচনা ! কখনই নয়—কখনই নয়—”

ক্রমে তাঁহার বিকৃতবুদ্ধি উপস্থিত হইল । তিনি তর্জনগর্জন করিয়া, বাহু আশ্ফালন করিয়া কহিলেন, “কখনই নয়—কখনই নয়—এই অক্ষত শরীর এখনই ক্ষত হইবে । এই প্রাণ, ঐ প্রাণে এখনই মিশাইবে, এই দেহ তোমার সঙ্গে এক চিতায় ভস্মীভূত হইবে । প্রাণেশ্বর—এস, একবার আলিঙ্গন করি । একবার হৃদয়ে হৃদয় স্পর্শ করিয়া অন্তরের প্রজ্জ্বলিত অগ্নি নির্বাপিত করি । এস, এক শব্দায় দুই জনে শয়ন করিয়া সংসারের খেলা শেষ করি । এস প্রাণেশ্বর—” এই বলিয়া চিতার উপর লম্ব প্রদান করিলেন । দুই হস্তে অতি দৃঢ়রূপে শরতের দেহ বেঁধে রাখিয়া ধরিলেন, কহিলেন,—“চল—এক সঙ্গে, এক শকটে উভয়ে পরলোকের যাত্রী হই ।”

উচ্চ গিরির এক প্রান্তে অশান । চিতার নিকট হইতেই পর্বতের গাত্র নিয়ে লম্বমান হইয়া সূর্য্যরেখা নদীর সহিত মিলিত হইয়াছে ।



লোহার রেলিংএ ঐ সঙ্কটজনক স্থান সুরক্ষিত ছিল। কিছুদিন হইল, রেলিং ভগ্ন হইয়া গিয়াছিল, এখনও প্রস্তুত হইয়া স্বস্থানে রক্ষিত হয় নাই। পূর্ণচন্দ্র শরৎসুন্দরীকে যেমন আলিঙ্গন করিয়াছেন, অমনি চিতা মড়্ মড়্ শব্দে ভাঙ্গিয়া পড়িল। অগ্নি চারিদিকে বিক্ষিপ্ত হইল। তিনি শরতের দেহ ধারণ করিয়া অতি বেগে মুক্ত স্থানে পতিত হইলেন। এমন বিপদসঙ্কুল স্থানে তিনি উপনীত হইলেন যে, আত্মপ্রাণ রক্ষা করিতে হইলে, শরতের দেহ পরিত্যাগ ভিন্ন উপায়ান্তর রহিল না। ঘোর সঙ্কট সমুপস্থিত হইয়াছে বুঝিতে পারিয়া তিনি কেবল ভাবিলেন,—“প্রাণেশ্বর, জীবিত অবস্থায় তুমি ত আমার সঙ্গিনী হইলে না—এখন মৃত শরীর হৃদয়ে ধারণ করিয়া স্নেহ ও শাস্তিতে ইহ-লোক ত্যাগ করিব মনে করিয়াছিলাম, কিন্তু তাহাও আমার অদৃষ্টে হইল না। তুমি কি আমাকে ফেলিয়া একাকিনী চলিয়া যাইবে? একি কখনও হইতে পারে? এ জীবনে সবে মাত্র তোমার আলিঙ্গন সেই একবার প্রথম লাভ করিয়াছিলাম, আর এই মৃত দেহে শেষ আলিঙ্গন, লাভ করিতে গিয়াছিলাম—তাহাতেও কি এত বিড়ম্বনা!”

এক তিল সময়ের জন্ত এই চিন্তা করিতে অবকাশ মাত্র পাইলেন। যখন দেখিলেন যে, শরৎসুন্দরীর দেহ সহিত পর্বতের গাত্র অতিক্রম করিয়া নিরাপদ স্থানে উপস্থিত হইতে পারিলেন না, — যখন বুঝিলেন যে, হয় শরতের দেহ পরিত্যাগ,—না হয় সঙ্গে সঙ্গে স্ববর্ণরেখা-নদীতটে জীবন বিসর্জন করিতে হইবে, তখন তিনি অতি হৃদয়ভেদী স্বরে, কন্ঠ-কণ্ঠে, মনে প্রাণে চীৎকার করিলেন,—“অস্তিত্বে ক্লেশ হে—”

অকস্মাৎ চপলার আলোকে জগদুদ্ভাসিত হইল। তিনি নয়ন বিক্ষা-রিত করিয়া যেন দেখিলেন,—পর্বতের পার্শ্বে, শূন্য প্রদেশে, নবনীল-জলধর-কান্তি-সংযুক্ত, শঙ্খ-চক্র-গদা-পদ্মধারী এক বিরাট মূর্তি সুপ্রসন্ন-

মুখে তাঁহাকে ক্রোড়ে লইবার জন্ত দুই হস্ত প্রসারিত করিয়া রহিয়াছেন । সেই অপরূপ রূপ দেখিয়া পূর্ণচন্দ্রের নয়ন যেন ঝলসিয়া গেল । অন্তরে অমৃতের স্রোত বহিতে লাগিল । ক্ষণেকের মধ্যে চপলার আলো নিবিয়া গেল । ঝড়ে, রুষ্টিতে ও অন্ধকারে দিক্ ভরিয়া গেল । পূর্ণচন্দ্রের কণ্ঠস্বর নীরব হইল ।

কতক্ষণ পরে ঝড় রুষ্টি থামিয়া গেল । রমানাথকে অগ্রসর করিয়া অপর সকলে শ্মশানে উপস্থিত হইলেন । চিতার অবস্থা ও দেহের অন্তর্ধান দৃষ্টি করিয়া, দানব ও পিশাচের আবির্ভাব হইয়াছিল, এই ভয়ে সকলে ঘন ঘন ‘হরি’ধ্বনি দিতে লাগিল । কেবল রমানাথ ও ব্রজমুন্দরী নির্ভীক হৃদয়ে চিতার চারিদিকে দেহাঘ্নেয়ণে ব্যস্ত রহিলেন ।

পূর্ব্বতের নিম্নপ্রদেশে এই সময় ভয়ানক কোলাহল উথিত হইল । যেন সহস্র লোক চাৎকার করিয়া আকাশ বিদীর্ণ করিতে লাগিল । ধ্বনি ও প্রতিধ্বনিতে গগন পরিব্যাপ্ত হইল । একটি, দুইটি, তিনটি করিয়া ক্রমে ক্রমে সহস্র মশাল জলিয়া উঠিল । ক্ষণকাল মধ্যে ‘হুজুর হুজুর’ শব্দে বাহকেরা শিবিকা আনয়ন করিতে লাগিল । সৈনিকেরা মশাল লইয়া অগ্রপশ্চাৎ দৌড়িতে লাগিল । ঘোটকারোহণে এক প্রকাণ্ডদেহবিশিষ্ট অঝোরোহী দ্রুত আসিয়া উপস্থিত হইলেন । আলোকে তাঁহার অসির ফলা প্রতিকলিত হইল । রমানাথ দেখিলেন, সেনাপতি অমরসিংহ উপস্থিত । তিনি আশ্চর্য্য হইয়া বলিলেন,— “সেনাপতি মহাশয়, আপনি শ্মশানে কেন ?”

অমর । মহারাজ শ্মশানে আসিয়াছেন, আপনি কি দেখিয়াছেন ?

রমা । রুষ্টির জন্ত আমরা এতক্ষণ শ্মশানগৃহে অপেক্ষা করিতে ছিলাম,—তাঁহাকে ত দেখি নাই । মহারাজ শ্মশানে আসিলেন কেন ?

অমর । আপনারই কণ্ঠার উদ্দেশে, তিনি একাকী প্রাসাদের বাড়ির হইয়াছেন ।

রমানাথের শরীর রোমাঞ্চিত হইল । তিনি বলিলেন, “তবে কি তিনিই শরৎসুন্দরীর দেহ চিতা হইতে উঠাইয়া লইয়া গিয়াছেন ?”

অমর । সে কি অসম্ভব কথা বলিতেছেন, মহাশয় ?

রমা । আমার একবার মাত্র বোধ হইয়াছিল—কে যেন ককণ-কণ্ঠে ‘অস্তিমে কৃষ্ণ হে’ বলিয়া হৃদয়ের অন্তঃস্থল হইতে চাঁৎকার করিয়া-ছিলেন ।

অমরনাথ তখনই আলো লইয়া সৈন্তদিগকে নিম্ন প্রদেশে পাঠাইয়া দিলেন । শিবিকা নামাষ্টয়া বাহকেরা বটবৃক্ষতলে উপবেশন করিল ।

আলো লইয়া তন্ন তন্ন করিয়া বন অনুসন্ধান করিতে করিতে এক সিপাহী চাঁৎকার করিয়া উঠিল । দশজন একত্র হইয়া দেখে—মহারাজ পূর্ণচন্দ্র বজ্রমুষ্টিতে শরৎসুন্দরীকে ধরিয়া আছেন । রুধিরাক্ত ক্লেবর । ব্রহ্মরন্ধ্র প্রায় চূর্ণ হইয়া গিয়াছে । সৈনিকেরা আর্তনাদ করিতে করিতে উভয় দেহ বটবৃক্ষমূলে আনয়ন করিল । শিবিকার কপাট মুক্ত করিয়া, রাণী কমলকুমারী আলুথালু বেশে বাহির হইলেন । দুই হাতে মৃত পুত্রের দেহ কোলে তুলিয়া লইলেন ।

পূর্ণচন্দ্রের সে চমৎকার সৌন্দর্য্য আর নাই । মস্তকে ক্ষত, শরীরে ক্ষত, সর্বাঙ্গ ক্ষতবিক্ষত । কমলকুমারী পুত্রের অবয়ব দেখিয়া কাঁপিতে লাগিলেন । তাঁহার হৃদয় গুরুগুরু করিয়া উঠিল । চক্ষে অন্ধকার দেখিলেন । মস্তক ঘুরিয়া গেল । পূর্বে হইতেই তাঁহার শরীর রুগ্ন ও ভয় হইয়াছিল । পুত্রের বিবাহ হইয়া গেলে পর যখন বুঝিতে পারিলেন, কেবল তাঁহাকে স্মৃতি করিবার জন্য পুত্র অকাতরে আত্মসুখে জলাঞ্জলি দিয়াছিলেন, তখন তাঁহার দুঃখের পরিসীমা রহিল

না ; স্বাস্থ্য একেবারে নষ্ট হইয়া গেল। শরীর কঙ্কালে পরিণত হইল ।

আজ এই নিশীথে পুত্রকে কোলে লইয়া যখন দেখিলেন,—ঠাঁহার প্রাণ নাট, শ্বাস বন্ধ, দেহ নিষ্ক্রীব জড়পিণ্ডের ছায়, তখন বিকৃত রবে “৩—বাবা—পূর্ণচন্দ্র” বলিয়াই ভ্রমে আছড়াইয়া পড়িলেন। সংজ্ঞা এককালে চলিয়া গেল। পুত্রবৎসলা মাতা পুত্রের সঙ্গে সঙ্গে জীবন বিসর্জন দিলেন ।

এহ হুঃসমনয়ে সেনাপতি অমরনাথ অকুতোভয়ে ও বিপুল ক্ষমতা প্রকাশ করিয়া কার্যক্ষেত্রে অবতীর্ণ হইলেন । অল্প সময়ের মধ্যে মহা-রাজার স্বজাতীয় যুবা ও বৃদ্ধ ও রাজ্যের প্রধান প্রধান অমাত্যবর্গ আসিয়া উপস্থিত হইলেন । দুইটি পর্যাঙ্ক শয্যা প্রস্তুত হইল । একের উপর পূর্ণচন্দ্র ও শরৎসুন্দরীর দেহ স্থাপিত করিয়া, দ্বিতীয়ে রাণীর দেহ সম্বন্ধে রক্ষিত হইল । সৈনিকেরা মশাল হস্তে দুই শ্রেণীতে বিভক্ত হইয়া মণ্ডক হেঁট করিয়া চলিতে লাগিল । তাহাদের পশ্চাতে রাজ্যের সম্ভ্রান্ত ব্যক্তিগণ ও সর্বশেষে উভয় পর্য্যঙ্ক মন্তরগতিতে প্রাসাদাভিমুখে চালিতে লাগিল ।

ইতিমধ্যেই এই দুর্ঘটনা রাজধানীর সর্বত্র প্রচারিত হইয়া পড়িল । নগরবাসী কি ক্ষুদ্র, কি মহৎ, সকলে দলে দলে উর্দ্ধশ্বাসে শ্মশানাভিমুখে ছুটিয়া আসিতে লাগিল । রমণীগণ স্ব স্ব বাটীর সম্মুখে দাঁড়াইয়া রহিল । পর্য্যঙ্ক যেমন নগরের মধ্যে পৌছিল, অমনি জনদের রোল উত্থিত হইল । ক্রতজ্ঞ হৃদয় হইতে অবিরত শোকোচ্ছ্বাস বহিতে লাগিল । কেহ কেহ উচ্চৈঃস্বরে কাঁদিতে কাঁদিতে বলিলেন—“হায় মহারাজ, তুমি অল্পদিন মাত্র রাজ্যভার গ্রহণ করিয়া আমাদের মন প্রাণ হরণ করিয়া লইয়াছিলে । তুমি আত্মমৰ্যাদা ভুলিয়া যে ছদ্মবেশে আমাদের বাটীতে

‘আসিয়া, আমাদের সঙ্গে মিশিয়া, আমাদের সুখদুঃখের কাহিনী শুনিয়া আমাদের সকল দুঃখ ও অভাব মোচন করিতে। হায়! আজ তোমা বিহনে ও রাণীর অবর্তমানে আমরা কোথায় যাইব?’ এই সময় একদল সামাজ্যজাতীয় স্ত্রী ও পুরুষ পর্য্যায়ের সম্মুখে উপস্থিত হইয়া মৃত দেহের সম্মুখে সাষ্টাঙ্গে প্রণিপাত করিল। সজল নয়নে বলিতে লাগিল,— ‘মহারাজ, তোমার কৰুণা, তোমার ভালবাসা আমরা কখনও ভুলিব না। তুমি জাতিনিরীক্শেমে আমাদেরিগকে পালন করিতেছিলে; আজ আমরা যথার্থই অনাথ হইলাম।’ স্ত্রী, পুরুষ, বালক, বৃদ্ধ সকলেই অঞ্জলি ভরিয়া পুষ্প ও পুষ্পের মালা উভয় পর্য্যাকে ভক্তিতরে নিক্ষেপ করিতে লাগিল।

ধীরে ধীরে উভয় খট্টা রাজবাটীর সিংহদ্বারে উপস্থিত হইল। ‘সে সন্ন্যাসী আজীবন কৌমার্য্যব্রত ধারণ করিয়া নির্লিপ্ত ভাবে ও উত্তম সহকারে কার্য্য করিয়া আসিতেছিলেন, আজ সেই ঋষিশ্রেষ্ঠ হ্রস্বীকেশ দণ্ডায়মান হইয়া অনর্গল অশ্রু বিসর্জন করিতেছিলেন। তিনি অতি কষ্টে শয্যার উপর পুষ্প প্রক্ষেপ করিয়া, পবিত্রচিত্তে একবার মহারাজার ও রাণীর মুখাবলোকন করিয়া তপ্তশ্বাস পরিত্যাগ করিলেন। তখন বাহকেরা অস্ত্রঃপুত্র-সংলগ্ন উদ্যানেরে চলিয়া গেল।

সকলে চলিয়া গেলো পর ও অশীতিপর বৃদ্ধ মহর্ষি একাকী সিংহদ্বারে দাঁড়াইয়া কি ভাবিতে লাগিলেন। কতক্ষণ পরে ঘোড়হস্তে, উচ্চমুখে, বিষম্ভ্রটিতে বলিলেন—“বিভো! মোহমুগ্ধ হইয়া আজ যে অপরাধ করিলাম, তাহা মার্জনা কর। এ সংসার তোমার লীলাক্ষেত্র। তুমি যাহা করিতেছ তাহাই সত্য। আমি না বুঝিয়া আজ শোকসমুদ্র হৃদয়ে অশ্রু বিসর্জন করিয়া তোমার কার্য্যে প্রতিবাদ করিলাম। দেহীর পক্ষে আত্মসংযম কি ভয়ঙ্কর!” ভাবগ্রাহী জনাৰ্দ্দন বুঝিতে পারিয়াই

যেন তাঁহার হৃদয়ে আবির্ভূত হইলেন । অমনি তাঁহার মোহ অপনীত হইল । তিনি বুঝিতে পারিলেন,—সত্য, ধর্ম ও নীতি প্রচারের জন্য ভগবানের ইচ্ছায় পৃথিবীতে সাধুর আবির্ভাব হইয়া থাকে । তাঁহারা এই পৃথিবীতে তাঁহার আদেশে সত্য ও ধর্ম প্রতিষ্ঠিত করিতে প্রাণ পর্যাস্ত বিসর্জন করিয়া থাকেন । 'ভগবান্ স্বয়ং ধর্ম প্রতিষ্ঠিত করিবার জন্য নিজের দেহ রচনা করিয়াছিলেন এবং কার্যসমাপনান্তে বাধের বাণঘাতে কলেবর পরিত্যাগ করিলেন । বীর ও ধর্মশ্রেষ্ঠ ভীষ্ম সহিষ্ণুতা শিক্ষা দিবার জন্য অষ্টপঞ্চাশৎ দিবস শরশয্যায় শয়ন করিয়া স্বর্গের উত্তরাংশে জীবন বিসর্জন করিলেন । বীরাগ্রগণা কৃষ্ণসখা অর্জুন হিমালয়-শিখর হইতে ভূতলে পতিত হইয়া পঞ্চস্থ প্রাপ্ত হইলেন । পবিত্র দাম্পত্যপ্রণয় ও প্রজাবাৎসল্য শিক্ষা দিবার জন্য রাম ও সীতা জন্মগ্রহণ করিয়াছিলেন এবং সেই কার্য সম্পন্ন করিতে আজীবন কষ্টভোগ করিলেন । ভগবান্কে কেমন করিয়া ভালবাসিতে হয় তাহা শিক্ষা দিবার জন্য মহাপ্রভু চৈতন্য প্রেমে বিভোর হইয়া, সংসারে জলাঞ্জলি দিয়া, 'হা কৃষ্ণ—হা কৃষ্ণ' বলিতে বলিতে সমুদ্রে ঝাঁপ দিয়াছিলেন । ধর্মের মহিমা ঘোষণা করিতে আসিয়া জিজস্ ক্রাইষ্ট লোহকৌলকে প্রোথিত হইয়াছিলেন এবং প্রসন্নচিত্তে অসহ্য কষ্ট সহ্য করিয়া তিন দিন পরে মৃত্যুকে আলিঙ্গন করিয়াছিলেন । স্ত্রুথ ও দুঃখ কেবল মনের ভাব বা বিকার মাত্র । মহাত্মারা দুঃখে কাতর না হইয়া বরং দুঃখে পতিত হইলে আপনাদিগকে গৌরবান্বিত মনে করেন । দুঃখের মধ্যে দীনব্যক্তি দীনবন্ধুকে যেমন দেখিতে ও বুঝিতে পারেন, সম্পদের সময় তাঁহাকে তেমন ভাবে আজ অবধি কয় জন লোক উপলব্ধি করিতে পারিয়াছেন ?

হৃষীকেশ সংযতহৃদয়ে, প্রসন্নমনে বলিলেন,—“ধর্ম, নীতি, প্রেম,

‘কন্ম ও শাসন শিক্ষা দিবার জন্ত, পূর্ণচন্দ্র—তুমি জগতে জন্ম গ্রহণ করিয়া-  
ছিলে। তোমার কর্তব্য তুমি সমাপন করিয়া তাঁহারই ইচ্ছায় মাজ  
চলিয়া গেলে।’ এইরূপে আত্মপ্রসাদ লাভ করিয়া মহর্ষি ধীর পদ-  
বিক্ষেপে দেবালয়াভিমুখে চলিয়া গেলেন।



## চত্বারিংশ পরিচ্ছেদ

—(\*)—

### মৌনেনে মোগিনী ।

বিবাহের দিন হইতে যোগেশ্বরী এক রাত্রিও স্থখে নিদ্রা পান নাই, এক দিনও তিনি স্বামীর সহিত একটা কথাও কহিতে সময় পান নাই, একদিনও তাঁহার নিকট ঘাইবার জন্ত অবকাশ পান নাই । তিনি একাকিনী শয্যা শয়ন করিয়া কেবল অবিশ্রান্ত ভাবিতেন—“কেন, তিনি আমার ভালবাসেন না ? আমি ত তাঁহাকে প্রাণ ভরিয়া ভালবাসি, তাঁহাকে দেখিলেই যে আমার ভালবাসা উৰ্গলিয়া উঠে, তবে তিনি ভালবাসিবেন না কেন ?” রাণী কমলকুমারীর যত্নে ও বন্দোবস্তে পূর্ণচন্দ্র ও শরৎসুন্দরীর প্রেমের কথা যোগেশ্বরী কিছুমাত্র অবগত হইতে পারেন নাই । যখন শুনিলেন,—পূর্ণচন্দ্র রাজকাণ্ড পরিভাগ করিয়া শান্তিনিকেতনে অবস্থিতি করিতেছেন, তখন ভাবিলেন,—“নিশ্চয়ই তাঁহার অসুখ হইয়াছে—আমি ত তাঁহার দাসী, তবে কেন তিনি সেবার জন্ত আমাকে আহ্বান করিতেছেন না ? আমি আপনা হইতে যাইব । যদি রুগ্ন হন ? আমার ঘোর সন্দেহ । এ সঙ্কটে আমি কি করিব ?”

অল্প রজনীতে তিনি বুঝিয়াছেন, কি কারণে পূর্ণচন্দ্র তাঁহাকে ভালবাসেন নাই । আজ তিনি বুঝিয়াছেন যে, পূর্ণচন্দ্র শরৎসুন্দরীর প্রেমে উন্মত্ত হইয়া, শেষে আত্মোৎসর্গ করিয়াছেন । আজ তিনি বুঝিয়াছেন যে, তাঁহার সঙ্গিত বিবাহ কেবল নাম মাত্র ; পিতার আজ্ঞা-



পালন ও মাতার চিত্তবিনোদের ভ্রাতৃ । এই সকল বুঝিয়া ও তিনি ভাবিতে লাগিলেন,—“শরৎসুন্দরীকে যদি এত ভালবাসিতেন, তবে কেন তিনি তাঁহাকে বিবাহ করিলেন না ? আমার ত কোন আপত্তি ছিল না । তাঁহাকে সুখী দেখিলেই ত আমার সুখ । তাঁহাকে চক্ষে দেখিতে পাইলেই ত আমার আনন্দ । তাঁহার সেবা করিতে পারিলেই ত আমার জীবন সাথক হইত । কেন তবে তিনি বিবাহ করিলেন না ? আমি ছুড়নেরই চরণ পূজা করিতাম । তিনি বাঁহাকে ভালবাসিতেন, আমিও তাঁহাকে ভালবাসিতাম । হায় ! হায় ! আগে যদি জানিতাম, এ কথা শুনাকরে যদি কেউ আমাকে বলিত, তাহা হইলে আমি এটি প্রাণ আগেই বিসজ্জন দিতাম । তাহা হইলে তাঁহার বিবাহে ত প্রতিবন্ধক পড়িত না ! জীবন দিয়া যদি জীবিতেশ্বরের উপকার করিতে পারিতাম, তাহা হইলে ত আমার পরলোকে, অনন্তকালে অনন্ত সুখ হইত ? এখন আমি অক্লান্ত শরীরে বাঁচিয়া আছি । এ জীবনে এখন আর কি করিতে পারিব ? এ জীবনের এখন আর কি মূল্য রহিল ? আমার পাপের প্রায়শ্চিত্ত নাই । আমিই স্বামিঘাতিনী—আমিই স্বামীর সর্বনাশ করিয়াছি—”

এই বলিতে বলিতে তাঁহার দুই চক্ষু জলে ভাসিয়া গেল । সে রাত্রি অবিশ্রান্ত কাঁদিলেন । কেবল ভাবিলেন,—“আমিই স্বামিঘাতিনী—পতির সুখের জগ্গই বনিতা ; সর্বস্ব ত্যাগ, এমন কি জীবন ত্যাগ করিয়া পতির তুষ্টি সাধন করিবে । কেন আমি প্রাণ দিয়া স্বামীর প্রাণরক্ষা করিতে পারিলাম না ?” রাত্রিশেষে তিনি মল্লিকাকে আহ্বান করিলেন । সে এক অবিবাহিতা বালিকা, তাঁহারই সমবয়স্কা ও বালাসহচরী । সে যোগেশ্বরীর বড় অঙ্গুগতা ছিল । সে উপস্থিত হইলে তিনি বলিলেন,—“মল্লিকে,—শুনলাম রাণী মা ও মহারাজাকে উদ্ধানে আনিয়াছে—সকল

লোকেই দেখিতে যাইতেছে। সত্য—তিনি আমাকে ভালবাসিতেন না, কিন্তু তাহা হইলেও ধন্যতঃ তিনি আমার প্রাণবল্লভ ছিলেন ; • আমি কি একবার তাঁহাকে জন্মশোধ দেখিতে পাইব না ? আমি কি একবার তাঁহার চরণ পূজা করিতে পারিব না ? আমার পাপ কি এতই গুরুতর যে, সকলেই সেই মহাদ্বার মৃতশরীর দেখিবে, আর এ অভাগিনী কেবল বঞ্চিত হইবে ?”

মল্লিকা কঁদকঁদ মুখে কহিল,—“সই—সেখানে অনেক লোক। আমি গিয়াছিলাম। রাজ্যের সমুদায় সম্ভ্রান্ত লোক উপস্থিত। কেমন করিয়া সেখানে যাইবে ? যাইতে কি কেউ তোমাকে দিবে ?”

যোগে। আমার আর লজ্জা কি ভাই ? লজ্জাই ত আমার কাল। লজ্জায় আমি কখন মুখ তুলিয়া তাঁহাকে দেখি নাই। দেখা ত আমার বৃচিয়া গেল। কিন্তু আমি একবারও কি সে মৃতমুখ প্রাণ ভরিয়া দেখিতে পাইব না ?

মল্লিকা। সই, তবে ঐকটু বোস,—আমি জানিয়া আসিতেছি।

মল্লিকা চলিয়া গেল। অল্পকাল পরে ফিরিয়া আসিয়া কহিল,—“সই, লোকজন সকলেই চলিয়া যাইতেছে ; পুরোহিত ঠাকুর বলিলেন, এখনই তুমি যাইতে পারিবে।”

অল্প পরে দুইজন দাসী অনাথিনী মহারাণীকে লইতে আসিল। তাহার অগ্রে, মধ্যে যোগেশ্বরী, পশ্চাতে মল্লিকা প্রভৃতি অল্প পুরস্কীর্ণ যাইতে লাগিলেন। পুষ্করিণীর তীরে, সুদীর্ঘ ভাস্কর্য্যের নিম্নে দুইটা চন্দন কাষ্ঠের চিতা সজ্জিত হইয়াছে ; তত্পরি তিনটা আবৃত দেহ লম্বমান রহিয়াছে।

রাজপুরোহিত ভবানীশঙ্কর ভিন্ন তথায় আর কেহ উপস্থিত ছিলেন না। তিনি নব, রাণীকে সম্বোধন করিয়া কহিলেন,—“মা,

মহারাজ শশধর রাও বাহাদুর আজ নির্বংশ হইয়াছেন,—প্রাচীন রাজ-বংশ এত দিনে ধ্বংস হইল। অদৃষ্টই সকলের মূল। আপনি এই বংশের বধু। সংস্কারের ভার আপনার উপর অর্পিত হইয়াছে। আপনি নবোচ্চারণ করিয়া যথাবিধি সংস্কার করুন।”

যোগেশ্বরী দেখিলেন—প্রথমে রাণী, দ্বিতীয়ে পূর্ণচন্দ্র ও শরৎসুন্দরী একত্রে এক চিতায় শয়িত রহিয়াছেন। তিনি স্বামীর আচ্ছাদনবস্ত্র উন্মোচন করিলেন। অনিমেষ লোচনে কতক্ষণ চাহিয়া রহিলেন। পদতলের দিকে দণ্ডায়মান হইয়া, স্বামীর পদদ্বয় বক্ষে ধারণ করিয়া বলিলেন,—“মহারাজ, যদি শরৎসুন্দরীকে বিবাহ করিতে, তাহা হইলে এ রাজপুত্রী অন্ধকার হইত না। কেন তুমি বিবাহ করিলে না? কাহার মুখাপেক্ষা করিলে? আমি কি তোমার অন্তরায় হইয়াছিলাম? আমার জন্তই কি তোমার স্বপ্নে প্রতিবন্ধক পড়িল? তবে আমিই এই সোণার দেহ ছাড়িয়া করিলাম? আমি কি শেষে স্বামিবাতিনা হইলাম? মহারাজ, আমি কাতরে, আমি বিনয়ে, আমাচরণে ধরিয়া তোমার ক্ষমা প্রার্থনা করিতেছি। আমার অপরাধ মার্জনা কর। মহারাজ, যাহা হইয়াছে, তাহা ফিরাইবার সাধ্য কাহারও নাই। তুমি এখন স্বর্গে চলিলে। তথায় তুমি যদি শরৎসুন্দরীর সহিত অনন্তকাল বাস করিবে। কিন্তু আমার একটা ভিক্ষা আছে। আমায় কি তুমি তোমাদের সেবার জন্ত পরকালে নিযুক্ত করিবে? আমি তোমাদের সেবা করিতে পারিলেই আপনাকে স্মৃতি মনে করিব। আমি আর কিছুই চাই না; আমি আর কিছু জানি না।”

যোগেশ্বরী আকাশে মুখ তুলিয়া কহিলেন,—“জগদীশ্বর, অভাগিনীর পিতৃ ও স্বশ্রুতকুল নিধন হইল। এখন তাহার জগতীতলে দাঁড়াইবার স্থান নাই। এ জন্মের জন্ত আমার কোন প্রার্থনা নাই। তবে যদি

মরি—মরিয়া যদি নারীজন্ম গ্রহণ করি, তবে পূর্ণচন্দ্রের সেবা করিয়াই যেন সে জন্ম কাটাইতে পারি।”

তিনি পুনরায় স্বামীর দিকে মূগ্ধ ফিরাইলেন। করুণস্বরে বলিতে লাগিলেন—“আচ্ছা! —তমন সুন্দর দেহ একেবারে শ্রীমুগ্ধ হইয়াছে! ক্ষতে ক্ষতে শরীর পূর্ণ!” অকস্মৎ করিয়া তাঁহার চক্ষে জল পড়িতে লাগিল। অঙ্গ শিহরিয়া উঠিল। ভাবিলেন,—“আচ্ছা! ঐ শরীরে কি দারুণ আঘাতই লাগিয়াছে।”

তিনি রাণীর পদপ্রান্তে পাশ্র্ণ করিয়া ‘মা—মা’ রবে কতক্ষণ রোদন করিলেন। শেষে শরৎচন্দ্রর পদপ্রান্তে দাড়াইয়া কহিলেন,—“দিদি, পণ্ডা তোমার জন্ম, পণ্ডা তোমার প্রেমশিক্ষা, পণ্ডা তোমার পুণ্য-বল—সেই বলে তুমি পূর্ণচন্দ্রকে সঙ্গে লইলে। যে দেশে সপত্নীর ভয় নাই, বিচ্ছেদ নাই, সংসারের জ্বালা-বহুলা নাই—সেই দেশে তুইজনে বাস করিতে চলিলে। তোমার মত ভাগ্যবিতা আর কে আছে? আমার তুংথ নোঁ, তোমার সেবা করিয়া আমাকে সুখী করিতে পারিলাম না।”

বুদ্ধ পুরোহিত কহিলেন,—“মা, তুংথ করিলে কি হইবে? একদিন পুত্রহত্যার পতপুত্র নিধন হইয়াছিল; রাবণের সহস্র সহস্র বংশধর হত হইয়াছিল। জন্মিলেই মৃত্যু আছে।’ নিয়তি কে খণ্ডন করিবে? উঠুন—বেলা হইল—অগ্নিক্রিয়া সমাপন করুন।’

যোগেশ্বরী রোদন সম্বরণ করিলেন। শাস্ত্রবাহিত সমুদায় কায্য সম্পন্ন করিলেন। শাটী দূরে ফেলিয়া দিলেন, সৌমস্তের সিন্দূর পুঁছিয়া ফেলিলেন। অলঙ্কার উন্মোচন করিলেন। শ্বেত পটুবস্ত্র ধারণ করিলেন। এই সময় ভাবিতে লাগিলেন,—“মহারাজ কেন সত্যদাহ রাজ্য হইতে উঠাইয়া দিলেন? তাহা না হইলে আজ কেমন স্থখে স্বামীর বক্ষে শয়ন করিয়া স্বর্গধামে চলিয়া বাইতাম!”

শ্বেত পটবস্ত্রে যোগেশ্বরীকে সন্ন্যাসিনীর ভাষা দেখাইল। আলুলায়িত কেশ-পদতলে লুটাইয়া পড়িল। তাঁহার মুখ গম্ভীর। দৃষ্টি স্থির। গণ্ডযুগল ক্ষণেক লোহিত, ক্ষণেক শ্বেতবর্ণ ধারণ করিতেছিল। তাঁহাকে তৎকালে আশ্রয়ক্ষেত্র নিম্নে দেখিয়া বোধ হইল, যেন সান্বিত মলিন-মুখে উদাস-হৃদয়ে স্থির ও গম্ভীর ভাবে মৃত পতি সত্যবানের মুখ নিরীক্ষণ করিতেছেন।

দ্বাদশ দিন অতীত হইয়াছে। প্রেতোদ্দেশে শ্রাদ্ধাদি যাহা করণীয় ছিল, তাহা সমুদায় সম্পন্ন হইয়াছে। রাজা নরেন্দ্রলাল বড় গাণ্ডিত ছিলেন বলিয়া প্রভাবতী ও কৃষ্ণশঙ্কর এই সময় আসিতে পারেন নাই। আগামী কল্য তাঁহারা রাজধানীতে পৌছিবেন। কাপ্তান লুইস প্রতি কক্ষায় চাবি বন্ধ করিয়া দিয়াছেন। সকল স্থানেই দিবা-রাত্রি সিপাহী পাহারা দিতেছে।

রাত্রিকৃত যোগেশ্বরীর চক্ষে নিদ্রা নাই। ভাবনা চিন্তায় বালিকা জর্জরীভূতা হইলেন। তিনি কোন দোষ করেন নাই, অথচ 'ভাবিত'—সকল দোষই তাঁহার। “আমিই সোণার সংসার ছাড়্‌খাড়্‌ করিলাম”—এই চিন্তা সর্বক্ষণ অহরহঃ তাঁহার মনে উঠিতে লাগিল।

আজ দ্বিপ্রহর নিশীথে তিনি মুক্ত বাতায়নে বসিয়া ভাবিত'—“আমিই সোণার সংসার ছাড়্‌খাড়্‌ করিলাম। কেন আমি জন্মিলাম? জন্মিলাম ত মরিলাম না কেন? জন্মিলাম ত অতৃপ্ত সুখী করিতে পারিলাম না কেন? জন্মিলাম কি তবে পরের অনর্থ সাধনে? জন্মিয়াই ত পিতা, মাতা, ভ্রাতা, ভগ্নী সমুদায়—যে যেখানে ছিল—সকলকেই বিনাশ করিলাম। আসিলাম রাজপুরে। ভাবিলাম এইবার সুখ হইবে। ওহা—সে সুখ কোথায়? মহারাজ শশধরের প্রাণ

ভরণ করিলাম। আমি ভীষিত থাকিয়া কাঠাকেও স্থখ দিব না, এই জন্ম বধি, তিনি উঠিলে আমার নাম লিখিয়া গেলেন।\* তিনি তাঁহার মহৎ জ্ঞানের পরিচয় দিলেন, কিহ্ন আমি কি করিলাম? অভাগিনী শরৎসুন্দরীর বক্ষ বিদীর্ণ করিলাম। পূর্ণচন্দ্রের মৃথ হইতে অমৃতের আধার কাড়িয়া লইলাম। তাহাতেও ক্ষান্ত হইলাম না; শেষে তাঁহাকে অতি ভীষণভাবে হত্যা করিলাম। তাহার পর আনন্দদায়িনী মাতা কমলকুমারীকেও বিসজ্জন দিলাম। আর অধিক দিন এই পুরীতে থাকিলে, রাজপ্রাসাদে আগুন লাগাইয়া ভস্মীভূত করিব। হস্ত প্রভাবতীর বিপদ ঘটাইব। যেখানে এ অভাগিনী যাইবে, সেখানে বিপদ সঙ্গে সঙ্গে যাইবে। তবে আমি কোথায় যাইব? কাহার আশ্রয় লইব? না—না—আশ্রয় লইব না। আশ্রয় লইলেই আশ্রয়-তরু উন্মূলন করিব। আর লোকালয়ে যাইব না। আমি বনচারিণী সন্ন্যাসিনী হইয়া যোগসাধনা করিব। পাপের প্রায়শ্চিত্ত করিব। আমার পাপ গুরুতর”—

তিনি উঠিলেন। অতি শুভ্র পবিত্র পটবস্ত্র পরিধান করিলেন। কেশ মুক্ত করিয়া পৃষ্ঠদেশে ঝুলাইয়া দিলেন। হস্তে ত্রিশূল লইলেন। তিনি যৌবনে যোগিনী সাজিলেন। ধীরে ধীরে দারোদ্ঘাটন করিলেন। নিঃশব্দে বাহির হইলেন। প্রাঙ্গণে নামিয়া ঈশ্বরোদ্দেশে সাষ্টাঙ্গে প্রণিপাত করিলেন। জন্মের মত রাজপুরী পরিত্যাগ করিলেন।

যখন তিনি সিংহদ্বারে উপস্থিত হইলেন, তখন প্রহরী অন্ধকারে মনুষ্যের পদশব্দ ও আকৃতি অনুমান করিয়া উচ্চৈঃস্বরে ‘কোন্ হায়’ বলিয়া চীৎকার করিয়া উঠিল। তিনি উত্তর দিলেন না। নদীর স্রোতের তায় একভাবে চলিতে লাগিলেন। তখন সে লঠন লইয়া

দৌড়িয়া আসিল। তাঁহার পথারোধ করিয়া কহিল,—“তুমি কে ?  
এ অন্ধকারে, এ নিশীথে, তুমি কে ?”

যোগেশ্বরী আকর্ণ চক্ষুযুগলকে বর্ণায়মান করিয়া কহিলেন,—  
“পথ ছাড়—আমার পথে বাধা দিও না—আমি ফিরিয়া গেলে এ  
রাজপুরী পুড়িয়া একেবারে ছারখার হইবে।” সৈনিক পুরুষ চমকিয়া  
উঠিল। তাহার হৃদয় কম্পিত হইল। শঙ্কিনী, ডাকিনী, যোগিনী  
বলিয়া মনে হইল। তথাচ সাহস করিয়া কহিল,—“না—তুমি কে ?”  
তিনি উত্তর দিলেন,—“আমি অলক্ষ্মী ; এ রাজ্য পরিত্যাগ করিয়া  
অত্র রাজ্যে প্রবেশ করিব—পথ ছাড় !” প্রহরী মহাভীত হইয়া সরিয়া  
দাঁড়াইল। যোগেশ্বরী নিব্বিয়ে সিংহদ্বার অতিক্রম করিয়া নগরে  
প্রবেশ করিলেন।

মল্লিকা যোগেশ্বরীর মনের গূঢ় অভিসন্ধি জানিত। সেইজন্ত সখীর  
কক্ষার নিকট এক একবার বেড়াইয়া আসিত। অতি প্রভাতে  
শূন্য কক্ষ দেখিয়া সে কাঁদিয়া উঠিল। শতশত লোক চারিদিকে  
ছুটিয়া গেল। নগরের প্রত্যেক পল্লী, প্রত্যেক রাস্তা অনুসন্ধান  
করিতে লাগিল ; কিন্তু অনাথিনী যোগেশ্বরীকে কেহই দেখিতে পাইল  
না। জন্মের মত তিনি রাজ্য হইতে বিদায় গ্রহণ করিলেন। সেই  
অপ্রস্তুত কুমুমকলি মরুভূমে শুকাইয়া গেল। স্বর্ণলতিকা আশ্রয়-  
হীনা হইয়া ছিন্নভিন্ন হইলেন। মহারাজ শশধরের এক অক্ষরে  
প্রকাণ্ড রাজপুরী মহাঅশ্রুধানে পরিণত হইল।

## একচত্বারিংশ পরিচ্ছেদ ।

### উপসংহার ।

পরদিন প্রভাবতী ও কৃষ্ণশঙ্কর উপস্থিত হইয়া দেখিলেন,—সুখের  
রথনাথগড় গাঢ় তিনিরে আবৃত হইয়াছে ; রাজপ্রাসাদ জনশূন্য  
প্রাস্তরের জায় । তাঁহারা কতক্ষণ নীরবে ক্রন্দন করিলেন ।

উটলের মন্দিরসমূহে প্রভাবতী সিংহাসনানধিকারিণী হইলেন ;  
কিন্তু তিনি গ্রহণ করিতে অস্বীকৃতি হইয়া তাঁহার প্রাপ্য কৃষ্ণশঙ্করকে  
অপণ করিলেন । সুতরাং তিনি রাজা হইলেন ।

বগাসম্মরে ব্রিটিশ গবর্ণমেন্ট হইতে মঞ্জুর আসিল । কৃষ্ণ-  
শঙ্কর স্বয়ং-সিংহাসনে উপবেশন করিলেন । প্রভাবতী তাঁহার বানে  
বসিলেন । ছত্রধর মণিময় ছত্র মস্তকে ধারণ করিল । গম্ভীরভাবে  
অমোঘাঘাত ঘোষণাপত্র পাঠ করিলেন । কাপ্তান লুইস মাত্র উপস্থিত  
হইয়া গবর্ণমেন্টের প্রদত্ত মেডেল রাজার বক্ষে ঝুলাইয়া দিলেন ।  
কৃষ্ণশঙ্কর ও রাণী উভয়ে প্রতিজ্ঞাপত্র পাঠ করিলেন । একটা মাত্র  
বোম গর্জিয়া উঠিল, তাহাতেই লোকে বুঝিতে পারিল যে, রাজ-দরবার  
শেষ হইল । রাজা নরেন্দ্রলাল কি তাঁহার দ্বা কৈহই এ রাজ-দরবারে  
উপস্থিত হন নাই । পুত্রনির্কীর্ণশেষে তাঁহারা পূর্ণচন্দ্রকে ভালবাসি-  
তেন, কি বলিয়া তাঁহারা এই উৎসবে যোগদান করিবেন ? নরেন্দ্রলাল  
পুত্রের এই উন্নতিতে সর্বাঙ্গঃকরণে সুখী হইতে পারিলেন না ।

কৃষ্ণশঙ্কর ভাবিতেছেন আর নেত্রবারি বিসর্জন করিতেছেন ।



ভাবিতেছেন,—“এ রাজ্য ক’হার ছিল ? কাহার মুখের অন্ন আমি গ্রাস করিলাম ? নিয়তি ! তোমার চক্র ভয়ঙ্কর । এই চক্রে তুমি কত রাজ্য কত রাজমন্তক, কত প্রাসাদ চূর্ণ করিতেছ, আবার কত মন্তকে রাজছত্র ধরাইতেছ । তোমার চক্র ভয়ানক ঐক্সজালিক । ভীমসিংহ, আজ তোমার গণনা সত্য হইল । আজ আমি রাজ্য হইলাম । তুমি জীবিত থাকিয়া সংপ্রভুতির বশবর্তী হইয়া চলিতে পারিলে, একজন অদিত্য বীর বলিয়া গৃহীত হইতে ।”

রমানাথ অবসরবৃত্তি গ্রহণ করিয়া রামনারায়ণ ও পদ্মমুখীকে সঙ্গে লইয়া বারাণসী চলিয়া গেলেন । মহারাজ কৃষ্ণশঙ্কর রায় যোগেশ্বরীর উদ্দেশে চারিদিকে লোক পাঠাইয়া দিলেন, কিন্তু সকলেই অকৃতকার্য হইয়া একে একে ফিরিয়া আসিতে লাগিল । তিনি মহাশ্মশানের রাস্তা অতি প্রশস্ত করিয়া দিলেন, লৌহের রেলিং দ্বারা শ্মশানের দুই দিক দৃঢ় করিয়া বাধাইয়া দিলেন । শরৎসুন্দরীর চিতার উপর এক বৃহৎ চুম্বক মন্দিরপ্রস্তরের সুস্ত উত্তোলন করিলেন । স্বর্ণমসী দ্বারা লিখিয়া দিলেন, -

“শরতের পূর্ণচন্দ্র ।”











